

8

0621291.95
11-49









23 JUN 2009

ԸԶԳԵՅԻՆ ՄԸՏԵՆԸՊԸՐԸՆ

ՃԳԶ.

ՊԱՏՄՈՒԹԻՒՆ  
ՀԱՅ ՄՇԱԿՈՒԹԱՅԻՆ  
ԸՆԿԵՐՈՒԹԻՒՆՆԵՐՈՒ  
ՀԱՏՈՐ Բ.

ԳՐԵՑ

Հ. ԵՓՐԵՄ Վ. ՊՕՂՈՍԵԱՆ

Մեծ. Ունե՛ն



ՎԻԵՆՆԱ

ՍԽԻԹԱՐԵԱՆ ՏՊԱՐԱՆ

1963

062(=91.99)

Պ-79





ԱՂԳԱՅԻՆ ՄԱՏԵՆԱԳԱՐԱՆ  
ՀԱՏՈՐ ՃՂԶ.

---

NATIONALBIBLIOTHEK

BAND 196

# GESCHICHTE DER ARMENISCHEN KULTUR- VEREINE

II. BAND

VON  
P. EPHREM POGHOSSIAN  
MECHITHARIST



WIEN  
MECHITHARISTEN-BUCHDRUCKEREI  
1963



062 (= 91.99)

7-79

**ՊԱՏՄՈՒԹԻՒՆ  
ՀԱՅ ՄՇԱԿՈՒԹԱՅԻՆ  
ԸՆԿԵՐՈՒԹԻՒՆՆԵՐՈՒ  
ՀԱՏՈՐ Բ.**

**ԳՐԵՑ**

**Հ. ԵՓՐԵՄ Վ. ՊՕՂՈՍԵԱՆ**

**ՄԽԻԹ. ՈՒԽՏԷՆ**




**Վ Ի Ե Ն Ն Ա**

**Մ Խ Ի Թ Ա Ր Ե Ա Ն Տ Պ Ա Ր Ա Ն**

**1963**

03 FEB 2014



ԱՐՏԱՏՊՈՒՄԸ «ՀԱՆԳԻՍ ԱՐԹՈՐԵԱՅ»ԷՆ

Տարի	Թիւ	Էջ
1958	1— 4	118—143
	5— 9	313—320
	11—12	555—570
1959	1— 4	133—151
	5— 8	295—312
	9—11	443—460
	12	563—572
1960	1— 3	137—154
	4— 6	287—311
	7— 9	445—469
	10—12	611—627
1961	1— 4	160—185
	5— 9	366—376
1962	1— 4	130—148
	5— 8	305—313
	9—12	499—505
1963	1— 3	141—152
	7 —9	421—435





## ԵՐԿՈՒ ԽՕՍԲ

«Հայ Մշակութային Ընկերութիւններու Պատմութեան» ընդարձակածաւալ նիւթին նուիրուած այս *Երկրորդ Հատորը* չկրցաւ պահել իր *սկզբնական* ծրագիրը, որ էր ըլլալ «Հայաստանի եւ Անատոլիոյ Ընկերութիւններու» *միացեալ Հատորը* (Տե՛ս *Պատմութիւն Հայ Մշակութ. Ընկերութիւններու*, Հատոր Ա. Վիեննա 1957, էջ 14) : Հարկ եղաւ շափագանց ընդարձակ նիւթը *երկու մասի* բաժնել. — Նախ լոյս հանել «Հայաստան»ի բաժինը իբրեւ գործիս Բ. Հատոր, յետոյ «Անատոլի» բաժինն ալ առանձին Հատոր մը կազմել՝ իբրեւ գործիս Գ. Հատորը :

Ասիկա լոկ թեթեւացումի եւ «տեխնիկ» աշխատանքներու դիւրացումի համար տեղի ունեցաւ :

Հատորս կը պարունակէ *Թրքա-Հայաստանի քաղաքներու եւ դիւղերու Մշակութային Ընկերութիւնները* այնքան՝ որքան կըրցած ենք տարիներու պրպտումներով հաւաքել : Աշխարհագրական բաժանումը խիստ գիտական չէ, բնականաբար : Ո՞վ կրնայ այսօր գծել «Թրքա-Հայաստան»ի գուտ գիտա-



կան եւ ճշգրիտ սահմանը : Նիւթիս համար անհրաժեշտ ալ չէր , կը կարծենք , այդքան խստապահանջութիւն մը :

Բացի *Նիւթերու Ցանկէ* մը՝ հարկաւոր համարեցանք տալ նաեւ *Տեղանուններու Ցանկ* մը , այսինքն՝ *Քաղաքներու եւ գիւղերու Անուանացանկ* մը , որով կարող կ'ըլլայ ընթերցողը դիւրաւ գտնել որեւէ ուզուած *Քաղաքի* մը եւ *գիւղի* մը Մշակութ . Ընկերութիւնները : Օրինակ . մէկը կ'ուզէ գտնել «*Բիւրակն*» *գիւղի* Մշակ . Ընկերութիւնները . եթէ չի գիտեր թէ ո՞ր *Քաղաքին* գիւղն է՝ դժուարաւ պիտի կարենայ գտնել՝ եթէ *Տեղանուններու Ցանկ* մը գոյութիւն չունենայ :

ՀԵՂԻՆԱԿԸ



## ՆՈՒԹԵՐՈՒ ՑԱՆԿ

	Էջ
Վանի Մշակութային Ընկերութիւնները . . . . .	1
Բաղէշի Մշակ. Ընկեր. . . . .	44
Մուշի Մշակ. Ընկեր. . . . .	59
Պուլամըքի Մշակ. Ընկեր. . . . .	73
Կարնոյ Մշակ. Ընկեր. . . . .	73
Երնզկայի Մշակ. Ընկեր. . . . .	104
Խարբերդի Մշակ. Ընկեր. . . . .	119
Քղիի Մշակ. Ընկեր. . . . .	158
Բալուի Մշակ. Ընկեր. . . . .	167
Զարսաննազ-Բերրիի Մշակ. Ընկեր. . . . .	176
Զմշկածագի Մշակ. Ընկեր. . . . .	178
Արտամէտի Մշակ. Ընկեր. . . . .	201
Խնուսի Մշակ. Ընկեր. . . . .	204
Խոտորջուրի Մշակ. Ընկեր. . . . .	205
Մեծ Արմտանի Մշակ. Ընկեր. . . . .	206
Փոքր Արմտանի Մշակ. Ընկեր. . . . .	209
Մնձուրի Մշակ. Ընկեր. . . . .	210
Դերջանի Մշակ. Ընկեր. . . . .	210
Բաբերդի Մշակ. Ընկեր. . . . .	211
Կամախի (Քեմախի) Մշակ. Ընկեր. . . . .	214
Մալաթիոյ Մշակ. Ընկեր. . . . .	218
Ալայխաթանի Մշակ. Ընկեր. . . . .	233
Շապին Գարաեիսարի Մշակ. Ընկեր. . . . .	233
Տիւրիկի Մշակ. Ընկեր. . . . .	251
Կիւրինի Մշակ. Ընկեր. . . . .	263
Սերաստիոյ Մշակ. Ընկեր. . . . .	273
Եդեսիոյ (Ուրֆա) Մշակ. Ընկեր. . . . .	388
Այնթապի Մշակ. Ընկեր. . . . .	416
Տիարաէքիբի Մշակ. Ընկեր. . . . .	442
Սդերքի Մշակ. Ընկեր. . . . .	457



## ՏԵՂԱՆՈՒՆՆԵՐՈՒ ՑԱՆԿ

	Էջ
Ազիզիէ . . . . .	377
Ալիւր գիւղ . . . . .	38
Ալսիստան . . . . .	233
Աղնցիք գիւղ . . . . .	157
Աղաք (Յաղթ) գիւղ . . . . .	378
Այնթապ . . . . .	416
Աներզի գիւղ . . . . .	250
Աշուշէն գիւղ . . . . .	262
Ասոզնակ գիւղ . . . . .	166
Առդալիս գիւղ . . . . .	250
Արամթաղ գիւղ . . . . .	262
Արարք գիւղ . . . . .	43
Արդօնք գիւղ . . . . .	41
Արթիսան գիւղ . . . . .	175
Արդընի . . . . .	456
Արմճա գիւղ . . . . .	175
Արաամէա . . . . .	201
Աւանց գիւղ . . . . .	41
Բարերդ . . . . .	211
Բաղարոն . . . . .	196
Բաղմաշէն . . . . .	151
Բալսա . . . . .	167
Բաղէշ . . . . .	44
Բաշաղակ գիւղ . . . . .	156
Բարաղակ գիւղ . . . . .	262
Բարջանճ գիւղ . . . . .	148
Բիւրակն գիւղ . . . . .	377
Բրարերդ գիւղ . . . . .	380
Բրդնիք գիւղ . . . . .	381
Գամբշլի գիւղ . . . . .	416



	Էջ
Գոթն գիւղ . . . . .	386
Գոմք գիւղ . . . . .	149
Գոչհիսար գիւղ . . . . .	383
Դատեմ գիւղ . . . . .	152
Դարձան գիւղ . . . . .	167
Դաւրա գիւղ . . . . .	377
Դունիկ գիւղ (Կարին) . . . . .	104
Դունիկ գիւղ (Դերջան) . . . . .	210
Դանաչէն գիւղ . . . . .	39
Եդեօրա . . . . .	388
Երզնիկ գիւղ . . . . .	149
Եդեցի գիւղ . . . . .	153
Երզնկա . . . . .	104
Երից—Ազրակ գիւղ . . . . .	191
Զարա . . . . .	376
Զիարէթ գիւղ . . . . .	72
Զիմասա գիւղ . . . . .	261
Էրէրին գիւղ . . . . .	36
Թաղ գիւղ . . . . .	39
Թամգարա գիւղ . . . . .	245
Թեփէ գիւղ . . . . .	175
Թումայ Մեղիբէ գիւղ . . . . .	200
Իշխանի գոմ գիւղ . . . . .	43
Իջմէ գիւղ . . . . .	155
Խամչու գիւղ . . . . .	175
Խանժառ գիւղ . . . . .	380
Խասգիւղ գիւղ . . . . .	72
Խարասար գիւղ . . . . .	199
Խարբերդ . . . . .	199
Խիզան . . . . .	55
Խնուս . . . . .	204
Խոխ գիւղ . . . . .	154
Խոյլու—Թլիսաին գիւղ . . . . .	150
Խոչմաթ գիւղ . . . . .	174
Խոտարջուր . . . . .	205
Խորոխան գիւղ . . . . .	384
Խորասանա գիւղ . . . . .	382

	Էջ
Խուռնապփիլ գիւղ . . . . .	260
Խուփա գիւղ . . . . .	163
Շատուկ գիւղ . . . . .	155
Շերմակ գիւղ . . . . .	167
Շովք գիւղ . . . . .	156
Կամախ . . . . .	214
Կամիա գիւղ . . . . .	386
Կան գիւղ . . . . .	101
Կասմա գիւղ . . . . .	201
Կարին . . . . .	73
Կարմիր գիւղ . . . . .	155
Կարմունջ գիւղ . . . . .	414
Կարմրի գիւղ . . . . .	188
Կարս գիւղ . . . . .	71
Կեմ գիւղ . . . . .	41
Կէզ գիւղ . . . . .	103
Կիւլլիճէ գիւղ . . . . .	119
Կիւրին . . . . .	263
Կովասուն գիւղ . . . . .	384
Կուրաու գիւղ . . . . .	72
Հազարի գիւղ . . . . .	198
Հազրոյ-Հզու գիւղ . . . . .	463
Հայոց ձոր . . . . .	37
Հապունի գիւղ . . . . .	145
Հաւա գիւղ . . . . .	171
Հէրաիֆ գիւղ . . . . .	166
Հիւսէյնիկ գիւղ . . . . .	141
Հիւսնի Մանսուր . . . . .	231
Հոդէ գիւղ . . . . .	146
Զէթ գիւղ . . . . .	175
Զիթոզ գիւղ . . . . .	104
Ղէյպեան գիւղ . . . . .	72
Ղուլթիկ գիւղ . . . . .	57
Ղուրբզօլ գիւղ . . . . .	210
Մալաթիա . . . . .	218
Մահմուտիէ գիւղ . . . . .	119
Մամա գիւղ . . . . .	193



	էջ
Մանճըլըխ . . . . .	376
Մեղիբէ . . . . .	138
Մեծ Արժաան գիւղ . . . . .	206
Մեղուցիկ գիւղ . . . . .	118
Միատուն գիւղ . . . . .	187
Մնձուք . . . . .	210
Մոկս . . . . .	40
Մորչխոց գիւղ . . . . .	193
Մուշ . . . . .	59
Մուսի գիւղ . . . . .	157
Մուսնայի գիւղ . . . . .	197
Մօրենիկ գիւղ . . . . .	145
Յաղթուկ գիւղ . . . . .	200
Ներխի գիւղ . . . . .	174
Շահպաղ գիւղ . . . . .	40
Շապին Գարահիսար . . . . .	233
Շէյխ Հաճի գիւղ . . . . .	157
Շէնթիւ գիւղ . . . . .	153
Ուլաշ գիւղ . . . . .	379
Չանախճի գիւղ . . . . .	167
Չարսանճաղ . . . . .	176
Չարտախ գիւղ . . . . .	249
Չիֆլիկ գիւղ . . . . .	103
Չժչկածաղ . . . . .	176
Չօր գիւղ . . . . .	157
Պարտիզակ գիւղ . . . . .	201
Պարտիզակ գիւղ (Սերաստիա) . . . . .	325
Պիբենիկ . . . . .	414
Պուլանբջ . . . . .	73
Պրեխի գիւղ . . . . .	201
Ջերմուկ գիւղ . . . . .	454
Ջրիկ գիւղ . . . . .	71
Թնտուան գիւղ . . . . .	58, 462
Սաքրաթ գիւղ . . . . .	173
Սերաստիա . . . . .	273
Սեւերեկ գիւղ . . . . .	412
Սիսնա գիւղ . . . . .	190

	Էջ
Սղամ գիւղ . . . . .	173
Սղերդ . . . . .	457
Սոբսորի գիւղ . . . . .	148
Վարդաթիւ գիւղ . . . . .	154
Վարդենիս գիւղ . . . . .	71
Վարի Բաղասիճ գիւղ . . . . .	214
Տարէնակ . . . . .	375
Տէղղէ գիւղ . . . . .	200
Տէօրթ-Եօլ . . . . .	457
Տիվրիկ . . . . .	251
Փողոսի գիւղ . . . . .	201
Փոքր Արժտան . . . . .	209
Քեօրիկ գիւղ . . . . .	149
Քերց գիւղ . . . . .	37
Քէօրրէ գիւղ . . . . .	154
Քիբասոն գիւղ . . . . .	253
Քղի . . . . .	158
Քնիաթ գիւղ . . . . .	456
Պձ գիւղ . . . . .	198
Պրիսու գիւղ . . . . .	175





## Վ Ա Ն

### 1. ԸՆԹԵՐՅԱՍԻՐԱՅ ԸՆԿԵՐՈՒԹԻՒՆ (1844—1845)

Վանի հնագոյն Ընկերութիւնները Պոլսոյ մէջ հիմնուած են : Ասիկա առաջին Ընկերութիւնը կը թուի ըլլալ : Կազմուած է Պոլիսի բը 1844—1845ին՝ հետեւեալ պարագաներու մէջ . Պոլիս գաղթած Վանեցիներ Խասգիւղի Ս . Ստեփանոս եկեղեցւոյ դաւիթը հաւաքուելով՝ ընթերցումներ կ'ընեն հին հայ պատմագրքերէ եւ հեղինակներէ , զորոնք վարձքով է'առնէին : Ահա այս ընթերցողներէն կը կազմուի Ընթերցասիրաց Ընկերութիւնը : Պատմողն է մին այդ հին ընկերներէն — Տէր Դիոնեսիոս — որ յետագային եղած է արդիւնաշատ ուսուցիչ-մտաւորական մը : Նա կը գրէ « . . . Ագրիպասի ուսման վառ եռանդը օրըստօրէ կ'արծարծուէր . . . Տիրացու Մանուէլը երբ կը սկսի անոր հետ ուսումով պարապիլ՝ օրէօր երկուստեք մտերմութիւնը կ'աւելնայ : Խասգիւղի Ս . Ստեփանոս եկեղեցիին դաւիթը անոնց համար կիրականօրեայ ուսումնարան կը դառնայ ցերէկնապահուն . . . Այդ միջոցին



ձեռքերնիս իբրեւ ընթերցանութեան գիրք  
 ունէինք Ագաթանգեղոս պատմագիրքը . . . ա-  
 ուծ էինք . . . 15 օրուան պայմանաժամով եւ  
 10 դրշ . վարձքով : Եռանդով կը կարդա-  
 յինք . . . պայմանաժամը լրացած էր . . . տէրը  
 խստիւ կը պահանջէր իր գիրքը . . . կ'առնէ  
 կը տանի : Այդ միջոցին Մոմճեան Մկրր-  
 տիչ . . . կ'առնէ գիրքը եւ ընթերցասէրնե-  
 րուն կու տայ խոստանալով (տիրոջ) որ ինչ-  
 քան մնայ՝ օրական մէկ մէկ դրշ . ինքը պիտի  
 վճարէ : Մեծ շնորհք մըն էր ասիկա մեր Ըն-  
 կերուքեան համար, բայց յիշեալ բարձր  
 անձը խոստացաւ վէնետիկի «Բաղմավէտ»  
 ամսաթերթն ալ մեզ գրկել : Ասիկա ալ մեծ  
 ուրախութիւն էր մեր ուսումնասէր Ընկե-  
 րուքեան համար<sup>1</sup> :

Տ . Դիոնեսիոս յետոյ երկու անգամ կը  
 յիշէ ամբողջական անունը Ընթերցասիրաց  
 Ընկերութեան<sup>2</sup> : Նա կը գրէ . «Թօփուղեան  
 Յակոբ վրդ . եւ Շարանեան Շարան՝ Ընթեր-  
 ցասիրաց Ընկերութեան հետ խորհրդակցե-  
 լով՝ Կրօնական Ժողովին ներկայացուցին Լիմ  
 Անտաղատի վանահայր Շիրոյեան Գարրիէլ  
 վրդ . Ը<sup>3</sup>» :

Այս իրողութիւնները տեղի կ'ունենան  
 Մատթէոս Զուհանեան Պատրիարքի (1844—  
 1848) շրջանին՝ 1846էն առաջ :

<sup>1</sup> Աշխատանք, Վան 1914, էջ 1053 :

<sup>2</sup> Անդ, էջ 1683 եւ 1691 :

<sup>3</sup> Անդ, էջ 1691 :



## 2. ԱՐԾՐՈՒՆԵԱՅ ԸՆԿԵՐՈՒԹԻՒՆ (1847)

Պոլսոյ մէջ դանուող վանեցի պանդուխտներ՝ իրենց հայրենի քաղաքին մէջ կանոնաւոր դպրոց մը հիմնելու եւ անոր վարժապետներու թոշակները ապահովելու համար 1847 ամառը Պոլսոյ մէջ կը հիմնեն Արծրունեաց Ընկերութիւնը։ Այս հիմնարկութեան քաջալերող կ'ըլլայ նոյն ժամանակի Պոլսոյ Պատրիարք Մատթէոս Արքեպ. Զուհանեան, որ իր կողմէ 500 դուրուշ կը նուիրէ իբրեւ բաժանորդագին նոյն Ընկերութեան։ Այս առթիւ կը դրէ օրուան հայ թերթը. «Բարձր Սրբազանը իւր անօրական չնաշխարհիկ ազգասիրութեամբը ստորագիր հանդիսացաւ արդէն 500 դուրուշ նուիրելով ազգօգուտ փափաքելի դործոյս յառաջադէմ զարգացմանը համար... Սրբազան հօր այսպիսի ազդու յորդորանօքն ու վեհանձնական ձեռնառուութեամբը վանեցիք... յօժարամիտ սիրով փութացան ժողովելու առ այժմ իրենց մէջ 8000 դահեկանի չափ ի նպաստ ազգօգուտ դովելի Ընկերութեան<sup>4</sup>»։

Զմիւռնիոյ հայաթերթը Ընկերութեան հիմնումը յիշելէ վերջ՝ կու տայ նաեւ նոյնին նպատակը. «...Ընկերութեան կառավարիչները նոյն դրամով եւ այսուհետեւ ազգասէրներէն ժողովելու նպատակը հոգ պիտի տանին վանի մէջ բարեկարգ դպրատուն մը

<sup>4</sup> Հայաստան, Կ. Պ. 1847, Թ. 59, Պրոստ. 9։



հաստատելու, վարժապետաց ամսականները հատուցանելու եւ աղքատ աշակերտաց պիտոյքը նարելու<sup>5</sup>» :

Թէ Ընկերութիւնս Վանի եւ շրջակայքի մէջ ի՛նչ գործունէութիւն ու կրթական արդիւնք ունեցած է՝ կը պատմէ հայ թերթը. «Արժրունեաց Ընկերութիւնը... այս օրերս քաղաքին (Վան) մէջ ընդարձակ Մայր դպրոցի մը շինութեան ձեռք գարնելէն ետեւ՝ յատկապէս Շատախի եւ Մոկաց գաւառն ալ գործակատարներ խաւրելով իւրաքանչիւր գաւառին մէջ մէկ մէկ դպրոց հաստատել է... Ընկերութիւնը Այգեստան կոչուած տեղը, որ Վանէն մէկ ժամու չափ հեռու դուարձալի տեղ մըն է, գիշերով ցերեկով ուսումնարանի մը շինութեան ձեռնամուխ եղեր է որ ասդին անդին գտնուած ծաղկոցներուն մէջէն արդէն հասարակ կարդալ գրել սորվողները հոն ընդունի... Վերջապէս Արժրունեաց Ընկերութիւնը իւր այս ազգային գործերը մշտնջենաւոր յարատեւութեամբ անխափան պահելու եւ տնանկ աղքատները եւ որբերը խնամելու համար սնտուկ մը հաստատել է Վանի մէջ<sup>6</sup>» :

Երկրին մէջ Ընկերութիւնը քաջալերող եղած է Յակոբ վրդ. Թօփուզեան :

1850ին Ընկերութիւնը պաշտպան եւ հո-

<sup>5</sup> Արշալոյս Արարատեան, *Զմիւռնիս* 1847, թ. 292 :

<sup>6</sup> Հայաստան, 1849, թ. 174 :



դարարձու է վանի հինգ դպրոցներու<sup>7</sup>, որոնցմէ մէկն է Յիսուսեան կոչուած դպրոցը, որուն քննութեան առթիւ Մուհամմէտ փաշա 10 ոսկի նուէր կու տայ Ընկերութեան եւ ուսուցիչներու<sup>8</sup> :

Ընկերութիւնը 1851 Փետրուարին կը վերակազմուի եւ այդ առթիւ Պատրիարքը, յատուկ Կոնդակով մը կը քաջալերէ ու կը յանձնարարէ բոլորին Ընկերութեան անդամագրութիւնը : Ընկերութիւնը կ'ունենայ 12 հոգիէ կազմուած Վարչութիւն մը, որուն անդամներն են. Հայրապետ Սապոնճեան (Նախագահ), Յարութիւն Պուռնաղեան, Աբրահամ Եղիազարեան, Յակոբ Թովմասեան, Յակոբ Գասպարեան, Աւետիս Քարաօղլանեան, Մկրտիչ Իսքանտառեան, Կարապետ Մանուկեան, Պօղոս Տէր Յովհաննէսեան, Կարապետ Աստուածատուրեան, Սարգիս Վարդանեան, Աբրահամ Սինանեան :

Պուլսոյ մէջ Ընկերութեան կենդրոնն էր Եաղճի Խանը<sup>9</sup> :

### 3. ԵՐԿՐԱԳՈՐԾԱԿԱՆ ԸՆԿԵՐՈՒԹԻՒՆ (1853)

Վանի մէջ Երկրագործութիւնը ծաղկեցնելու համար Ընկերութիւն մը կազմուած է 1853ի սկիզբները : Նախաձեռնարկ եղողները

<sup>9</sup> Անդ, Թ. 56:

<sup>7</sup> Անդ :

<sup>8</sup> Հայաստան, 1851, Թ. 59:



Արծրունեաց Ընկերութեան անդամներն եղած են: Ընկերութիւնը Պոլսոյ մէջ հիմնուած է: Անդամավճարն էր 250 դրշ.: 1853 Փետր. 14ին արդէն 11 հոգի 120 բաժին գրուած ըլլալով՝ ունէին 30,000 դահեկանի գումար մը <sup>10</sup>:

Մասիս <sup>11</sup> ալ կը յիշէ Ընկերութիւնս. կու տայ առաջին բաժանորդներուն ցանկը, որոնցմէ Շարան Աղա վերատեսուչը, Մարտիրոս Խալֆեան գանձապետն է Ընկերութեան: Կենդրոնն էր Մահմուտ փաշա՝ Երլտղ Խան:

Ո՛չ Նոյեան Աղաւնի եւ ոչ ալ Մասիս յիշած են Ընկերութեան անունը: 11 տարի վերջ, Պոլսոյ Սէր անունով թերթն է որ առաջին անգամ կու տայ Ընկերութեան անունը: Սէր կը գրէ. «Երկրագործական Ընկերութիւն, որ ի Պոլիս գտնուող Վանեցիքն են կազմեր եւ արդէն բաւական դրամադուլիս պատրաստեր, որով Ընկերութեան համար հոգը պիտի դնեն Վանայ մէջ եւ թթենի կամ ուրիշ կերպ օգտակար բոյսեր ու տունկեր մշակեն <sup>12</sup>»:

Մասիսի մէջ Վանեցի մը կը գրէ 1855ին. «Ասկէ իբր երեք տարի յառաջ... Վան քաղաքի բարենախանձ երեւելիներէն ոմանք Ընկերութիւն մը հաստատեցին մետաքսի եւ

<sup>10</sup> Նոյեան Աղաւնի, Կ. Պ. 1853, Թ. 49:

<sup>11</sup> 1853, Թ. 55:

<sup>12</sup> Սէր, Կ. Պ. 1864, Թ. 24:



ափիոնի մշակութիւնը իրենց հայրենի երկրին մէջ ծաղկեցնելու նպատակաւ... Այս ընկերութիւնը փութացաւ անմիջապէս 14 հազար հատ քթենի մատաղատունկ Պրուսայէն Վան փոխադրել ու ընդարձակ այգի մը դնելով՝ դանոնք տնկել... Անոնցմէ ի դատ գրեթէ 40 հազար հատի չափն ալ սերմնացանութեամբ յառաջացան... անցեալ տարի խաշխաշի մշակութիւնը յաջողութեամբ ի ծայր կատարման հասնելով՝ փորձի համար քիչ մը ափիոն մայրաքաղաքս բերուեցաւ, որուն խիստ ընտիր ըլլալը հմուտ տնձինքներէ հաստատուեցաւ... այս անգամ Վանէն լուր առինք թէ 50 տրամ շերամի սերմէն, 50 հոխայ ընտիր ու պարարտ խոզակ առնվեր է... արժան կը համարիմ... շնորհակալութիւն մատուցանել ընկերութեան մեծապատիւ հողարարձուներուն, որոնք գողցես վերին նախախնամութեան ազդեցութենէն շարժեալ՝ այս ամենաօգտակար գործին ձեռք զարկին եւ մեզի առաջնորդ եղան հանգիստ եւ դիւրին նամբով ապրուստ եւ բարեկեցութիւն գտնելու <sup>13</sup>...» :

#### 4. ՅԻՍՈՒՍԵԱՆ ԸՆԿԵՐՈՒԹԻՒՆ (Իրր 1853)

Վանեցի Տէր Դիոնեսիոս, հին ուսուցիչ եւ վարժարաններու տնօրէն՝ իր յուշերը գրի կ'առնէ 1913—1914ին: Այդ յուշերուն

<sup>13</sup> Մասիս, 1855, Թ. 237:



մէջ խօսելով Վանի Յիսուսեան վարժարանի վրայ՝ կը յիշատակէ նաեւ անոր համանուն «Յիսուսեան Ընկերութիւնը»։ Առանց ճշգրելու՝ հիմնումը կը համարի 1855էն շատ առաջ, նախաձեռնութեամբ Հայրապետ Պէյ Սապոնջեանի եղած։ Նպատակն եղած է վարժարանի նիւթականը հոգալ<sup>14</sup>։

Երկար կեանք ունեցած չէ եւ դործունէութիւնը չի յիշուիր։

#### 5. ...ԸՆԿԵՐՈՒԹԻՒՆ (1857)

Մահտեսի Գրիգոր Իսաքճանեան, Վանեցի, նախաձեռնարկ կ'ըլլայ 1857ին նոր Ընկերութիւն հաստատելու, որուն նպատակն է. «...իրենց բարեբեր եւ ընդարձակ երկրին մէջ քթենի մշակելով՝ մետաքսագործութեան բազմաշահ արուեստ աւելի տարածել<sup>15</sup>»։

Ընկերութեանս անունը կը մնայ անձանօթ։

#### 6. ԳԻՆԵՀԱՏԻՅ ԸՆԿԵՐՈՒԹԻՒՆ (1860—1864)

Կը յիշուի 1864 Օգոստոսին եւ կ'ըսուի թէ «մօտ տարիներս հիմնուած է եւ կարծեմք դեռ կը շարունակվի<sup>16</sup>»։

<sup>14</sup> Աշխատանք, Վան 1914, էջ 1767։

<sup>15</sup> Մասիս, 1857, Թ. 302։

<sup>16</sup> Արծուիկ Տարօնյ, Տարօն 1864, Թ. 23, Օգոստ. 1։



7. ՀԱՅՐԵՆԱՍԻՐԱՅ ԸՆԿԵՐՈՒԹԻՒՆ (1860—1864)

Կը յիշուի նախորդին հետ նոյն աղբիւրէն լոկ անուանով :

8. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1860—1864)

Տարօնոյ Արծուիկի վերոյիշեալ տեղիքին մէջ յիշուած է միայն :

9. ՎԱՍՊՈՒՐԱԿԱՆ ԸՆԿԵՐՈՒԹԻՒՆ (1862)

Հաւանօրէն այս Ընկերութիւնն է որ կ'ակնարկուի Սէր Թերթին մէջ 1863ի սկիզբը, ուր կը կարդանք. «կը լսենք թէ Վասպուրական դաւառի յատուկ վարժարան մը բանալու Ընկերութիւն մը կազմուեր է անձնանուէր Վանեցիներէ սա պայմանադրով, Վասպուրական աշխարհի մէջ ուսումնական յառաջադիմութիւնն արծարծելու համար նորահաստատ Ընկերութեանս խնամօցը տակ Վասպուրական դպրոց մը կանգնելու եւ շաբաթական քսան փարա ձեռնտուութիւն հատուցանելու <sup>17</sup>» :

Սէր չի տար Ընկերութեան անունը : Մամուլի <sup>18</sup> կը պարտինք անունի յիշատակութիւնը — Վասպուրական Ընկերութիւն : Ընկերութեանս հիմնումը եղած է 1862ի

<sup>17</sup> Սէր, Կ. Պ. 1863, Թ. 2, Յունուար 8 :

<sup>18</sup> Կ. Պ. 1870, Թ. 85, էջ 677 :



վերջը : Ան սլաշտպանը եղած է Վանի դպրոց-  
ներուն , բայց իւրանուն դպրոց կանգնած  
է , որքան գիտենք :

10. ԱՌԵՒՏՐԱԿԱՆ ԸՆԿԵՐՈՒԹԻՒՆ (1862—1863)

Յիշուած է 1864ին միայն անունով եւ  
կ'ըսուի թէ «մօտ տարիներս» եղած է հիմ-  
նումը <sup>19</sup> : Հայրենիք <sup>20</sup> կը ճշդէ , ըսելով թէ  
1871էն 8 տարի առաջ հիմնուած է : 1871  
Ապրիլին անուանափոխութեամբ «Ընթեր-  
ցասիրաց Ընկերութիւն» կը կոչուէր եւ կը  
հանդիպէր խոչընդոտներու <sup>21</sup> :

11. ԸՆԹԵՐՅԱՍԻՐԱՅ ԸՆԿԵՐՈՒԹԻՒՆ (1863—1864)

Հիմնադրութեան տարին եղած է 1863—  
1864ը : Հիմնադիրն է Սարգիս Գնունի , Վանի  
էրէրին գիւղէն անուանի գրադէտ մը <sup>22</sup> :

1878ին սլաշտպանն է Յիսուսեան եւ Շու-  
շանեան երկսեռ վարժարանին <sup>23</sup> :

12. ՆԱՀԱՊԵՏԱԿԱՆ ԸՆԿԵՐՈՒԹԻՒՆ (1864)

Տարօնոյ Արծուիկի մէջ <sup>24</sup> թղթակից մը  
Վանէն կը գրէ 1864 Յուլիսին . «Նախապե-  
տական Ընկերութիւն , զոր նոր կազմելու կը

<sup>19</sup> Տարօնոյ Արծուիկ , անդ :

<sup>20</sup> Կ. Պ. 1871, Թ. 44 :

<sup>21</sup> Անդ :

<sup>22</sup> Արարատ , Վաղարշապատ 1889, էջ 298 :

<sup>23</sup> Մասիս , 1878, Թ. 2130 :

<sup>24</sup> 1864, Թ. 23 :



ձեռնարկէին եւ այս պիտի լինի ընդհանրա-  
կան պայման. Ամէն ընկեր կը պարտաւորվի  
վանայ մէջէն եղած զգեստեղէնները հագ-  
նիլ, ուրիշ վաճառներ չառնել» :

13. ՌԻՍՈՒՄՆԱՇԱՀ ԸՆԿԵՐՈՒԹԻՒՆ (1865)

Կը յիշուի 1865 Յունիսին : Թղթակից մը  
կը գրէ վանէն. «Քանիմ ուսումնասէր պա-  
տանիներ նոր Ընկերութիւն մի կազմեր են  
տեղս՝ Ուսումնաշահ անունով, որոց գործն  
է տուներու մէջ գտնուած կամ ձեռքէ ծա-  
խուած գրեանք գնել եւ քեքեւ շահով վա-  
ճառել, իսկ պիտանի եւ հազուագիւտ եղած  
գրեանք կը պահեն իբրեւ ի գարդ ազգային  
Թանգարանի... Որոշեալ տեղ մի ունի այս  
Ընկերութիւն, ուր ամէն Կիրակի կը ժողո-  
վին... ուսումնական առարկաներու վրայ  
կ'աշխատին, միմեանց հաղորդելով իրենց  
գիտցածներ <sup>25</sup>» :

14. ԱՆԴՐԱՆԻԿ ԸՆԿԵՐՈՒԹԻՒՆ (1867)

Կազմուած է Յիսուսեանի ուսուցիչ  
Սարգիս Գնունիի նախաձեռնութեամբ Քաղա-  
քամէջ <sup>26</sup> : — 1873ին տակաւին գործօն է <sup>27</sup> :

<sup>25</sup> Տարօնոյ Արծուիկ, 1865, Թ. 43 :

<sup>26</sup> Համբարձում Երամեան, Յուշարձան Ա.  
Աղեքսանդրիա 1929, էջ 44 եւ 88 :

<sup>27</sup> Ասիա, Կ. Պ. 1873, Թ. 38 :



## 15. ԱՐԾՐՈՒՆԵԱՆ ԸՆԿԵՐՈՒԹԻՒՆ (1868)

Յայնկոյսներու թաղի վարժարանին նախկին աշակերտներէն կազմուած է առաջնորդութեամբ վարդան Երամեանի: Նպատակն էր. իրերօգնութեամբ զարգանալ <sup>28</sup>:

## 16. ՔԱԶ-ԱՐԾՐՈՒՆԵԱՆ ԸՆԿԵՐՈՒԹԻՒՆ (1869)

1870 Յունուարին կը յիշուի նախ սաճեւով. «Նորակազմ Արծրունեաց Գաւառական Ընկերութիւն <sup>29</sup>»: Յետոյ 1872ին. «Քաջ-Արծրունեան Ընկերութիւն <sup>30</sup>»: — Հիմնուած է Ս. Յակոբի թաղին մէջ Տիգրան Ամիրեանեանի աջակցութեամբ <sup>31</sup>, նպատակ ունենալով. «Ընթերցանութիւնն ժողովրդեան ուսմիկ մասին մէջ տարածել <sup>32</sup>»: — Աշխատանքի մէջ յիշուած Ընկերութիւնը հաւանօրէն ասիկա կ'աղանարկուի եւ ոչ թէ նախորդ Ընկերութիւնը <sup>33</sup>:

## 17. ՍԱՆԴԵՏԵԱՆ ԸՆԿԵՐՈՒԹԻՒՆ (1870)

Հիմնուած է Պոլիս 1870 Փետրուար 14ին: Նպատակն է. վանի մէջ Սանդխտեան աղջկանց վարժարան մը բանալ: Իր կնիքին վրայ կը կարդացուի. Ընկերութիւն Սան-

<sup>28</sup> Համբարձում Երամեան, անդ, էջ 43—44 եւ 88:

<sup>29</sup> Ծիածան, Կ. Պ. 1870, թ. 73:

<sup>30</sup> Փող, Կ. Պ. 1872, թ. 199:

<sup>31</sup> Համբարձում Երամեան, անդ, էջ 88:

<sup>32</sup> Ասիա, 1873, թ. 38:

<sup>33</sup> Տե՛ս Աշխատանք, Վան 1914, էջ 1775:



դուխտեան վարժարանին վանայ 1870 : Առաջին Տնօրէն Ժողովի անդամներն են . Ղեւոնդ Վ . Բերդալեմեան , Յովսէփ Փէրհեան , Վարդան Պապիկեան , Գէորդ Աճէմեան , Սարգիս Նալպէնտեան , Պետրոս Գափամաճեան : Ընկերութեան եւ վարժարանի «Սանդուխտ» յորջորջումը Մկրտիչ Արքեպ . Խրիմեան Պատրիարքէն է , որ քաջալերողն եղած է թէ՛ Ընկերութեան եւ թէ՛ վարժարանին <sup>34</sup> :

Ընկերութեան անդամավճարն է կէս օսմ . ոսկի եւ արդէն 1870 Փետր . ին դրուած էին 110 ռաժին : Ընդհ . Ժողովի դիւանը կը կազմէին . Մելքոն Պարթեւեան , Զաքար Համբարձումեան , Աստուր Պէյլէրեան , Արարհամ Սօլախեան <sup>35</sup> :

Ընկերութիւնը կ'ունենայ նաեւ Գործադիր Ժողով մը Վանի մէջ , որ Պոլսոյ Հիմնադիրներու նիւթական նպաստով 1870 Յուլիս 25 Ս . Սանդուխտի տօնին օրը հանդիսական բացումը կ'ընէ Սանդխտեան աղջկանց վարժարանին , որ քիչ ժամանակէն կ'ունենայ 150 աշակերտուհի : Թղթակիցը կը գովէ Վանեցիներու մեծ եռանդն ու շահագրգռութիւնը իրենց նորաբաց աղջկանց վարժարանին հանդէպ . կը շեշտէ Վանեցի հայ տիկնոջ

<sup>34</sup> Տե՛ս Ընկերութեանս հիմնումի մասին մանրամասնութիւն՝ Մասիս 1870, Թ. 952: — Ծիածան, 1870, Թ. 92:

<sup>35</sup> Մանգումէի էֆեփար, Կ . Պ . 1870 , Թ . 1173 :



գուրգուրանքը Սանդխտեանի աղջիկներուն վրայ, որոնք, կ'ըսէ, ստէպ այցելութեամբ կը քաջալերեն զանոնք ուսման ու բարեկրթութեան: — Վարժարանի Տնօրէնութիւնը յանձնուած է Տէր Դիոնիսիոս քահանային <sup>36</sup>: — Վարժարանի բացումին համար վարձուած էր Մանողլանց տունը իր սլարտէզով, ուր կը մնայ վարժարանը իր առաջին տարիներուն <sup>37</sup>:

1872ին Սանդխտեան վարժարանի 2000 դահեկան կը նուիրէ Ոստանիկ Տէր Մարգարեան <sup>38</sup>: Այդ տարին Ընկերութիւնը ունէր 18,818 զրշ. դումար մը, որով Վան կը զրկէ գրքեր ու վարժարանի այլ պիտոյքներ <sup>39</sup>:

1875ին աշակերտներու թիւը բարձրացած է 200ի: Տփղիսի Մեղուի խմբադրութիւնը կոչով մը նպաստ խնդրած ըլլալով՝ կը հաւաքուի 341 ուսւրլի: Ընկերութիւնը կը ձգտի սեպհական շէնքի տէր ըլլալ. Ատենայեան է Յովսէփ Փէհրիզեան եւ Ատենադպիրը Խաչատուր Սաֆրաստեան <sup>40</sup>:

1876ին 1000 ուսւրլի կը նուիրէ Մկրտիչ Սանասարեան՝ Սանդխտեան վարժարանին կալուած մը գնելու համար: Յետոյ այդ նուիրատուութիւնը կը բարձրացնէ 2000 ուսւրլիի՝ սեպհական հող գնելու եւ շէնք շի-

<sup>36</sup> Մասիս, 1871, Թ. 1074:

<sup>37</sup> Օրագիր, Կ. Պ. 1870, Թ. 238:

<sup>38</sup> Մասիս, 1872, Թ. 1318:

<sup>39</sup> Անդ, Թ. 1372:

<sup>40</sup> Մասիս, 1875, Թ. 1635:



նեղու համար : Ատկէ զատ 10,000 ուղբլի ալ  
կը նուիրէ՝ իբրեւ անձեռնմխելի զուամար  
մը , որպէս զի տոկոսներով վարժարանը կա-  
ռավարուի <sup>41</sup> :

Սանդխտեան վարժարանը 1881ին Նո-  
րաշէնի մէջ է . ուսման նիւթերն են՝ Հայե-  
րէն , Կրօն , Հայոց Պատմութիւն , Թուարա-  
նութիւն , Ասեղնագործութիւն : Ընկերու-  
թիւնը 1882—1885ին կը դադրի միւս Ընկե-  
րութիւններուն հետ : Վարժարանը կը շա-  
րունակուի Հոգարարձուներով : 1912ին ունի  
223 աշակերտ , 9 դասարանով եւ 13 ուսու-  
ցիչով <sup>42</sup> :

Սանդխտեանի բարերար մ'եղած է նաեւ  
Գրիգոր Սերեպրենիկեան , որ 12,000 ուղբլի  
նուիրած է <sup>43</sup> :

#### 18. ՀԱՅԿԱԶՆԵԱՆ ԸՆԿԵՐՈՒԹԻՒՆ (1871)

Հր . Բաղրունի կը գրէ . «1871 թուին  
Առաջնորդ . Տեղապահ Պօղոս վրդ . Մելի-  
քեանի օրով Նորաշէնի ծխական վարժարան  
աւարտող աշակերտներէն Խաչատուր Սաֆ-  
րաստեան , Գրիգոր Պապիկեան , Սարգիս  
Աճէմխաչոյեան , Յովհ . Նաուկեան եւ ուրիշ-

<sup>41</sup> Անդ , 1876 , Թ . 1906 : — Թէրն . Էփեար ,  
1882 , Թ . 1420 : — Աշխատանք , 1914 , էջ 1775 ,  
1815—1816 :

<sup>42</sup> Մասիս , 1881 , Թ . 2936 : — Աշխատանք ,  
Վան 1912 , Թ . 82 :

<sup>43</sup> Աշխատանք , 1914 , էջ 1840 :



ներ Նորաշէնի վարժարանը բարձրացնելու համար Ընկերութեան մը հիմը կը դնեն, պատրաստելով յատուկ Կանոնադրութիւն եւ արձանադրութիւններ: Քոչող (Յովհաննէս) վարժապետը իր վարկին դէմ նկատելով սյդ ձեռնարկը... բոլոր հաշուետետրները... վառարան նետելով կը վառէ... Երիտասարդաց խումբը... կը ջանայ դուրսէն ընկերներ գտնել Միութիւնը ընդարձակելու համար եւ գեղեցիկ առաջադրութիւններով... կը հիմնեն Հայկազնեան Ընկերութիւնը, որուն նպատակն էր ուրոյն վարժարան մը բանալ, ծխականներու ոչ – նախանձելի վիճակը բարձրացնել եւ միաժամանակ երիտասարդ սերունդին մէջ նախաձեռնութեան ոգին արթնցնել: «Հայկազնեան Ընկերութիւնը» երեք ամիսի չափ գաղտնի կը մնայ: Գործը կանոնաւոր հիմքերու վրայ դնելու համար կ'ընտրեն Վարչական եւ Ուսումնական Մարմիններ: Վարչական Մարմնի անդամներն էին. Փանոս Գափամաճեան, Միսաք Շատուրեան, Կարապետ Սաֆրաստեան, Սարգիս եւ Արրահամ Արարքեաններ: Իսկ Ուսումնական Մարմնի անդամներն էին. Պետրոս Գափամաճեան, Խաչատուր Սաֆրաստեան, Սիմէոն Գիւնէշեան, Սարգիս Աճէմխաչոյեան եւ ուրիշներ: Ընկերութիւնը առաջին առթիւ 30,000 դրշ. պատրաստի դումար մը ձեռք կը բերէ եւ Վարչական Մարմինը Առաջնորդ. Տեղապահին երթալով՝ նոր



դպրոցի մը Մրազիր-կանոնադիրը կը ներկայացնէ եւ վաւերացնել տալով՝ 1872 Վարդանանց տօնի Հիւշաբթի օրը նմանը չտեսնուած հանդէսով մը հիմը կը դրուի Հայկազնեան վարժարանին Պարօնիկեանենց տանը մէջ <sup>44</sup>» :

Ընկերութիւնը Պօլսէն ուսուցիչներ կը բերէ Մարտիրոս Բիւզանդեան եւ Մելքօն Պարթեւեան՝ ամսական 200ական դուրուշով : Վարժարանը կ'ունենայ 150ի չափ աշակերտ, որոնք իրենց ուսերուն ու օձիքներուն վրայ «Հ. Վ.» սկզբնատառերը կը կրէին <sup>45</sup> :

Մասիս <sup>46</sup>, Օրագիր <sup>47</sup> եւ Ասիա <sup>48</sup> յիշած են Ընկերութիւնս :

1877ին կը դադրի Ընկերութիւնը. դպրոցի հոգը կը ստանձնէ իր նախկին աշակերտներու կազմած «Հայրենասէր Սանուց Ընկերութիւնը» : — Թէոդիկի <sup>49</sup> տուած ծանօթութիւնը թերի է :

#### 19. ԲԱՐԵՐԱՐ ԸՆԿԵՐՈՒԹԻՒՆ (1871)

Կազմուած է 1871ի սկիզբները Վանի Այդեաստանի մէջ Ս. Մատթէոսեան դպրոցի հոգն ստանձնելու համար : 5 ուսուցիչ կը

<sup>44</sup> Աշխատանք, Վան, 1914, էջ 1875 :

<sup>45</sup> Անդ :

<sup>46</sup> 1872, Թ. 1223 : — 1873, Թ. 1404 :

<sup>47</sup> 1873, Թ. 932 :

<sup>48</sup> 1874, Թ. 46 :

<sup>49</sup> Ամէնուն Տարեց, 1912, էջ 382 :





վարձէ Գաղղիերէնի, Հայերէնի, Երաժշտութեան եւ Ընթերցանութեան համար: Դպրոցին Տնօրէն կը կարգեն Տէր Դիոնէսիօսը: 12 հոգիէ բաղկացած Հոգաբարձութիւն մը կը կառավարէ բոլոր գործերը: Ընկերութիւնը կ'ունենայ 170 անդամ: Կը հոգայ նաեւ աղքատ եւ որբ աշակերտներու զգեստ եւ գրեւական<sup>50</sup>:

## 20. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1871)

Այգեստանի մէջ եղած նորաշէնի դպրոցի 300 աշակերտներու կըթութիւնը ապահովելու համար 24 հոգի քովէքով դաւով 1871 Դեկտ.ին հիմը կը դնեն Ուսումնասիրաց Ընկերութեան: Նպատակի մասին կը գրէ Թղթակիցը. «... Դպրոցի ո եւ իցէ թերութիւնները լեցնելու եւ նորա տխուր վիճակը բարւոքացնելու» համար<sup>51</sup>: Թղթակիցը ցաւ կը յայտնէ որ Ընկերութիւնը իր հալածիչները կ'ունենայ: Երամեան<sup>52</sup> ալ կ'աւելցնէ որ Քոլոզ Յովհաննէս վարժապետ շատ ալ հաշտ չէր...

## 21. ԻՐԱՒԱՍԷՐ ԸՆԿԵՐՈՒԹԻՒՆ (1872—1873)

1873 Մարտ 17 եւ 20 թուական թղթակցութիւններ վանէն կ'իմացնեն թէ «ժամա-

<sup>50</sup> Հայրենիք, 1871, Թ. 42, Ապրիլ 2:

<sup>51</sup> Մասիս, 1872, Թ. 1214:

<sup>52</sup> Համբարձում Երամեան, Յուշարձան Ա., էջ 88:



նակէ մ'ի վեր յիշեալ քաղաքին մէջ ժողովրդական մեծ շարժում մը կը տեսնուի ազգային Ընկերութիւններ կազմելով՝ Ընթերցանութիւնը ժողովրդեան ռամիկ մասին մէջ տարածելու եւ դպրոցաց օգնելու» *Համար : Թղթակիցը կ'աւելցնէ թէ մինչեւ 1873 Վանի մէջ հիմնուած են եօթը Ընկերութիւններ , որոնցմէ մէկն է «Իրաւասէր» Ընկերութիւնը*<sup>53</sup> :

Նոյնը կը հաստատէ ուրիշ Վանեցի մը միեւնոյն շրջանի *Համար* գրելով . «Միաժամանակ սկիզբ կ'առնէին իւրաքանչիւր եկեղեցւոյ ծոցին մէջ , զարգացողական նպատակաւ Ուսումնասիրաց կամ Ընթերցասիրաց երիտասարդական Միութիւններ»<sup>54</sup> :

Այդ ատեն Վանի մէն մի քաղը իր յատուկ Մշակութ. Ընկերութիւնը ունեցած է , որոնց մասին ոչ թէ մանրամասնութիւն , այլ եւ ոչ իսկ Ընկերութիւններու անունը եւ դո՛ւնէ հակիրճ տեղեկութիւն մը հաղորդուած է :

## 22. ԱՌԱՔԵԼԵԱՆ ԸՆԿԵՐՈՒԹԻՒՆ (1872—1873)

Հաւանօրէն 1872—1873ին հիմնուած է : Կը յիշէ Ասիա<sup>55</sup> : Երկար կեանք եւ դործունէութիւն ունեցած է , զի 1879ին տակաւին թատերական ներկայացումներ կու տայ<sup>56</sup> :

<sup>53</sup> Ասիա, 1873, Թ. 38 :

<sup>54</sup> Երամեան, տնդ, էջ 79 :

<sup>55</sup> 1873, Թ. 38 :

<sup>56</sup> Մասիս, 1879, Թ. 2282 :



Նախատակ ունի Աւանց եւ Շահալաղ գիւղերու  
մէջ դպրոց բանալու <sup>57</sup> :

23. ՄԵՍՐՈՊԵԱՆ ԸՆԿԵՐՈՒԹԻՒՆ (1872—1873)

Լոկ անունով յիշուած է 1873ին <sup>58</sup> :

24. ՈՒՍՈՒՄՆԱՏԱՐԱԾ ԸՆԿԵՐՈՒԹԻՒՆ (1875)

Կազմուած է 1875ի առաջին ամիսնե-  
րուն : Հիմնադիրներն են . Սահակ Գալճեան ,  
Մելքոն Պարթեւեան եւ Նշան Շիրվանեան ,  
որոնք նախատակ ունեցած են Վանի մէջ գի-  
շերօթիկ վարժարան մը բանալ : Վարժարանը  
կը յաջողին բանալ 1875 Յուլ . 21ին , ուր  
կ'ուսուցանէին . Հայերէն , Հայոց Պատմու-  
թիւն , գաղղիերէն , տաճկերէն , թուարանու-  
թիւն , աշխարհագրութիւն , տոմարակալու-  
թիւն , գրահաշիւ , գեղագրութիւն , Սրբա-  
դան Պատմութիւն : Վարժարանը կ'ունենայ  
թէ՛ գիշերօթիկ եւ թէ՛ արտաքին աշակերտ :  
Ընկերութիւնը իր վարժարանին անուն մը  
չի տար . կը խոստանայ անո՛ր անունով յոր-  
ջորջել , որ Ընկերութեան նուիրէ 100 օսմ .  
սակի <sup>59</sup> : Նուիրատուութիւն մ'եղած չէ . վար-  
ժարանը իր Ընկերութեան անունով կո-  
չուած է <sup>60</sup> :

<sup>57</sup> Անդ . Թ . 2407 :

<sup>58</sup> Ասիա , 1873 , Թ . 38 :

<sup>59</sup> Մասիս , 1875 , Թ . 1733 :

<sup>60</sup> Թէրն . էֆեաթ , 1881 , Թ . 1276 :



Շամանականից մը կը պատմէ որ Ս․ Յակոբի եւ Յիսուսեանի բարձրագոյն կարգի աշակերտներ Ուսումնաստարածի մէջ զբաղուած են եւ իրեն հետ հոն դասախօսած են Տիգրան Ամիրճանեան եւ Պաշատուր Դարբինեան : 1876 Դեկտ․ 1ի խորհրդաւոր հրդեհը վերջ տուած է թէ՛ Ընկերութեան եւ թէ՛ վարժարանին <sup>61</sup> :

## 25. ԿՐԹԱՍԷՐ ԸՆԿԵՐՈՒԹԻՒՆ (1875)

Վանէն յօդուածագրի մը համեմատ՝ հիմնուած է բողոքականութեան հոսանքին դէմ մրցելու համար : Բողոքականութեան մուտքը Վանի մէջ եղած է 1872ին <sup>62</sup> : Վերոյիշեալ յօդուածագիրը առանց ճշդելու հիմնումի բուականը՝ կը շարունակէ Ընկերութեանս մասին գրել․ «Նպատակ դրած է Կիրակի օրերը սուրբ պահել, Ս․ Գրոց վրայ հրապարակային դասախօսութիւններ սարքել՝ մրցելու համար «Ժողովարաններու» դէմ <sup>63</sup> : — Ընկերութեանս առաջին յիշատակութիւնը եղած է 1878 Յունիսին, երբ կը համաձայնի դործել միւս Ընկերութիւններու հետ <sup>64</sup> :

<sup>61</sup> Համբարձում Երամեան, Յուշարձան, անդ, էջ 90 :

<sup>62</sup> Անդ, էջ 91—92 :

<sup>63</sup> Մասիս, Կ. Պ. 1882, թ. 3145 :

<sup>64</sup> Մասիս, 1879, թ. 2265 :



Հիմնուած է 1875ին Արարուցի մէջ, նախաձեռնութեամբ Տէր Դիոնեսիոսի<sup>65</sup> : Երամեան հիմնադիրը կը համարի Տէր Դիոնեսիոս, Տէր Թովմաս, Հայրապետ Ճանիկեան եւ Պետրոս Գափամաճեան<sup>66</sup> :

## 26. ԲԱՐԵՍԻՐԱՅ ՄԻՈՒԹԻՒՆ (1876)

Հիմնադիրն է աչաղուրկ Համբարձում Երամեան, որ կը գրէ . «... պատանութիւնը խաղերէ (նարտ, թղթախաղ) եւ զանազան մոլութիւններէ զերծ պահելու եւ անոնց համար բարոյացուցիչ զբաղում մը ստեղծելու գիտումով կազմեցի 1876ին Բարեսիրաց Միութիւնը՝ ինձ յանձնուած իբր 40 հոգինոց դասարանի աշակերտներէն... իբր միջոց ընտրեցինք Գրադարան, կիրականօրեայ լսարան եւ քատրոն : Այս Միութիւնը խանդավառ ընդունելութիւն գտաւ նաեւ ծնողական շրջանակներու մէջ, ուստի կիրականօրեայ լսարանը կը յաճախէին չափահասներ իսկ<sup>67</sup>» :

Միութիւնը երկար ապրեր ու գործեր է . 1879ին թատերական ներկայացում կու տայ<sup>68</sup> : 1912ին գործող «Բարեսիրական Ընկերութիւնը<sup>69</sup>» շարունակութիւնն է նոյնին :

<sup>65</sup> Թէոդիկ, Ամէն. Տ. 1912, էջ 382 :

<sup>66</sup> Երամեան, անդ, էջ 114 :

<sup>67</sup> Անդ, էջ 95 :

<sup>68</sup> Մասիս, 1879, Թ. 2282 :

<sup>69</sup> Տե՛ս Աշխատանք, 1912, էջ 1104 :



## 27. ՀԱՅՐԵՆԱՍԷՐ ՍԱՆՈՒՅ ԸՆԿԵՐՈՒԹԻՒՆ (1876)

Կազմուած է 1876ին Վանի Հայկազնեան վարժարանի աշակերտներէն՝ նպատակ ունենալով. «Ընթերցարան հաստատել, Կիրակի օրերը (ճրի) դաս տալ եւ յատուկ լսարան մը բանալով՝ ատենաբանութիւններ ընել <sup>70</sup>»։ — Մկրտիչ Փորթուզալեանի առաջնորդութեամբ 1876 Նոյ. 1ին կը բանան լսարանը։ 1877ին ունին նաեւ Ընթերցարան-Թանգարան։ Լսարանը բաց է երկու շաբաթը աւելամ մը, իսկ Ընկերութիւնը ստացած է շատ մը գրքերու նուէրներ, ինչպէս կը հաղորդեն Ընկերութեան Վարիչները՝ Յովհաննէս Ա. Թէրլէմէզեան (նախագահ), Մկրտիչ Ա. Թէրլէմէզեան (քարտուղար) եւ Սահակ Մանասեան (գրապահ) <sup>71</sup>։

Ընկերութիւնս «Հայկազնեան Ընկերութեան» գաղարումէն (1877) վերջ կը ստանձնէ պաշտպանութիւնը Հայկազնեան վարժարանի <sup>72</sup>։

## 28. ԵՐԿՐԱԳՈՐԾԱԿԱՆ ԸՆԿԵՐՈՒԹԻՒՆ (1877)

Մկրտիչ Փորթուզալեանի առաջարկով կը հիմնուի 1877 Փետր.ին։ Նպատակը. «Վանէն ուշիմ եւ յարմար պատանիներ ա-

<sup>70</sup> Մասիս, 1877, Թ. 1998։

<sup>71</sup> Անդ, Մանգ. էփֆեար, 1877, Թ. 3413։ —

<sup>72</sup> Թերն. էփֆեար, 1881, Թ. 1276։

Թերն. էփֆեար, 1879, Թ. 55։



ռաքել Եւրոպայի երկրագործական վարժարանները եւ նոցա միջոցով երկրագործութիւնը ծաղկեցնել Վասպուրական աշխարհին մէջ. հողեր դնել եւ Ընկերութեամբ պաշտպանել երկրագործութեան յառաջդիմութիւնը հարստահարիչներու եւ յափշտակիչներու դէմ» : Ընկերութեանս թելթիկունք կանգնած են 1877ին կանգուն եղած վեց Ընկերութիւններ <sup>73</sup> :

29. ՀԱՅԿԱԿԱՆ ԸՆԿԵՐՈՒԹԻՒՆ (1877)

1878 Յունիսին յիշուած է իբրեւ ոչ-նոր Ընկերութիւն, որ պատրաստ է գործակցիլ ուրիշ Ընկերութիւններու <sup>74</sup> : 1879ին կը բանայ լսարան մը <sup>75</sup> :

30. ՄԱՄԻԿՈՆԵԱՆ ԸՆԿԵՐՈՒԹԻՒՆ (1877)

Հաւանօրէն կազմուած է 1877ին, ինչպէս «Հայկականը» : Կը ձգտի դպրոց բանալ Հայոց Ձորի գիւղերէն Իշխանի Գոմ գիւղի մէջ <sup>76</sup> :

31. ՈՒՍՈՒՄՆԱՍԷՐ ԸՆԿԵՐՈՒԹԻՒՆ (1878)

Հիմնուած է 1878 Փետրուարին՝ Նորաշէնի երիտասարդներէն : Հանդիպած է շատ

<sup>73</sup> Մանգ. էփեար, 1877, Թ. 3413 :

<sup>74</sup> Մասիս, 1879, Թ. 2265 :

<sup>75</sup> Թէրն. էփեար, 1879, Թ. 551 :

<sup>76</sup> Մասիս, 1879, Թ. 2407 :



մը խոչընդոտներու<sup>77</sup> : Ա. տարեգարծը կը տօնուի մեծ ոգեւորութեամբ<sup>78</sup> :

### 32. ԱԶԳԱՆՈՒԷՐ ԸՆԿԵՐՈՒԹԻՒՆ (1878)

Կազմուած է 1878 փետրուար 14ին՝ Արարուց թաղի Ս. Մատթէոսեան վարժարանի նախկին սաներէն<sup>79</sup> : Գլխաւոր հիմնադիր կը յիշուին Մարկոս Նաթանեան, Պօղոս Նաթանեան եւ Խաչատուր Մանգակունեան<sup>80</sup> : Նպատակն եղած է. «Հայ ժողովրդեան մէջ աղգային զգածումը արծարծել<sup>81</sup> : Կը հողայ նաեւ աղքատ աշակերտներու դրենականները<sup>82</sup> :

Նպատակին հասնելու համար բացած է 1. Լսարան՝ բանասիրութիւններու, 2. Խօսարան՝ վիճաբանութիւններու, 3. Դասարան՝ ճրի ուսում ջամբելու, 4. Թանգարան-Ընթերցարան՝ ընթերցումի համար<sup>83</sup> :

1878ին Վանի մէջ կային աւելի քան 10 Մշակութ. Ընկերութիւններ : Ազգին մեծագոյն օգուտին համար անոնցմէ տասը իրենցմէ երկ-երկու երեսփոխան կ'ընտրեն եւ Ընկերութիւններու այդ ներկայացուցիչներէն կը կազմուի «Ընկերութեանց երես-

<sup>77</sup> Անդ.՝ 1878, Թ. 2216 :

<sup>78</sup> Թէրն. Էֆեար, 1879, Թ. 568 :

<sup>79</sup> Անդ.՝ 1880, Թ. 839 :

<sup>80</sup> Երամեան, անդ., էջ 114 :

<sup>81</sup> Թէրն. Էֆեար, 1881, Թ. 1096 :

<sup>82</sup> Անդ.՝ 1880, Թ. 838 :

<sup>83</sup> Թէրն. Էֆեար, 1881, Թ. 1096 :



փոխանական ժողով» մը, որուն նախաձեռն  
կ'ըլլայ «Ազգային բարոյական եւ մտաւորա-  
կան օգուտները խորհիլ եւ գործել»։ Այդ  
միութեան մասնակցող Ընկերութիւններն  
են. 1. Անդրանիկ, 2. Առաքելեան, 3. Արծ-  
րունեաց, 4. Կրթասէր, 5. Հայկական,  
6. Հայրենասէր, 7. Մամիկոնեան, 8. Ու-  
սումնասէր, 9. Քաջ-Արծրունեան, 10. Ազ-  
գանուէր <sup>84</sup> :

### 33. ԽՆԱՄԱՏԱՐ ԸՆԿԵՐՈՒԹԻՒՆ (1878)

Հիմնուած է 1878 Յուլիս 13ին։ Գաղա-  
փարողը եւ գլխաւոր հիմնադիրն է աշաղուկ  
Համբարձում Երամեան՝ իրեն օգնական ու-  
նենալով Ս. Յակոբի երիտասարդները։  
Նախաձեռնողը. — Տնանկ ընտանիքներու  
սնունդ, զգեստ եւ գործ հայր-այրել. որք եւ  
աղքատ ուշիմ մանուկներ կրթելով՝ վար-  
ժապետացու եւ քահանայացու պատրաստել <sup>85</sup>։  
Գործադիր ժողովի Ատենապետն էր Համ-  
բարձում Երամեան, Ատենադպիրը՝ Մարտի-  
րոս Կիւլիւմեան։ Անդամավճարն էր 2½ դու-  
րուշ <sup>86</sup>։

Ընկերութիւնը կ'որդեգրէ 15 անօգնա-  
կան եւ կարօտ մանուկներ եւ կը դաստիա-  
րակէ Ս. Յակոբի ծխական դպրոցին մէջ։  
Այդ մանուկները 1878—1879ին կը կո-

<sup>84</sup> Մասիս, 1879, Թ. 2265։

<sup>85</sup> Երամեան, անդ, էջ 116։

<sup>86</sup> Մասիս, 1879, Թ. 2388։



չուէին խնամատարի սաներ եւ ոչ թէ որ-  
բեր, որոնք պարկեշտ ընտանիքներու քով  
տեղաւորուած՝ խնամատարի թոշակներով  
կը հոգացուէին, զի խնամատարը գիշերօ-  
թիկ հաստատութենէ աւելի կը նախըն-  
տրէր ընտանեկան միջավայրը :

Խնամատար Ընկերութեան հիմնումէն  
քիչ վերջ «Քաջ-Արծրունեան» Ընկերու-  
թիւնը իր ամբողջ կազմով կը միանայ Խնա-  
մատարին՝ անոր թողլով իր գոյքերը եւ Ս.  
Յակոբ եկեղեցւոյ ծոցին մէջ կառուցած իր  
հաւաքատեղին :

Խնամատարին առաջին եւ մնայուն բա-  
րերարը կ'ըլլայ Վանի ռուսական Հիւպա-  
տոս՝ Կոստանդ Կամսարական, որ ամսա-  
կան մէկ ոսկի վճարելէ դատ՝ սան մըն ալ  
կ'որդեգրէ <sup>87</sup> :

1880 Սեպտեմբերին խնամատարի 15 սաները  
կը փոխադրուին Կարմրուոր Ս. Աստուա-  
ծածնի վանքը, ուր կը բերուին նաեւ 10 նոր  
որբեր, որով 1880 Սեպտեմբերին բացումը  
կը կատարուի Որբանոցին : 1881 Յունուարին  
Որբանոցը Այգեաստան կը փոխադրուի : Նոյն  
տարւոյ Մայիսին դարձեալ Կարմրուոր, ուր  
կը մնայ մինչեւ 1882ին Սեպտեմբեր, երբ  
Խնամատար Ընկերութիւնը կը լուծուի՝ ըստ  
պետական հրամանի :

Համբարձում Երամեան, որ մինակ մնա-

---

<sup>87</sup> Թէքն. Էփեքար, 1881, Թ. 1187 : — Յու-  
շարձան, անդ, էջ 116—117 :



ցած էր Խնամատարի Որբանոցի Վարչութեան մէջ՝ իրրեւ միակ Վարիչ՝ Որբանոցը դարձեալ Այգեհատան կը փոխադրէ 1882 Հոկտեմբերին։ 1883էն կը սկսի նաեւ քոշակաւոր աշակերտ ընդունիլ, որով աշակերտութեան թիւը կը բարձրանայ հարիւրէ աւելի եւ վարժարանը կ'ըլլայ իննամեայ ծրագրով դաստարանական վարժարան մը։ 1908էն քիչ վերջ աշակերտութեան թիւը հասած էր 400ի․ տարեկան պիւտնէն 1200 ոսկիի բարձրացած էր, իսկ վարժարանի մակարդակը՝ 1886էն սկսեալ՝ վանի բարձրագոյն կրթական հաստատութիւնը։ Մինչեւ 1888 գիշերօթիկ սաներու կէսէն աւելին շրջանաւորտ կ'ըլլայ, մնացածը արհեստաւորներու քով կը տեղաւորուի, որով այդ տարիէն վերջ վարժարանը կը վերածուի ցերեկօթիկ վարժարանի եւ ընդունուած քանի մը գիշերօթիկներն ալ ընտանիքներու քով կը տեղաւորուին։ 1904էն վերջ վարժարանը կոչուած է Երամեան վարժարան<sup>88</sup>։

#### 34. ՅԱՌԱՋԴԻՄԱՍԵՐ ԸՆԿԵՐՈՒԹԻՒՆ (1879)

Հիմնուած է 1879 Փետր․ Տին։ Հիմնադիրները 10 հոգի են, որոնցմէ կը յիշուին․ Մկրտիչ Փորթուղալեան, Տիգրան Ամիրճանեան, Հայրապետ Ճանիկեան, Կարապետ եւ

<sup>88</sup> Տե՛ս Յուշարձան, անդ, էջ 148—172։ — Աշխատանք, 1912, Թ. 86։ — Դաշինք, Իզմիր 1914, Թ. 1503։



Մարկոս Նաթանեան : Ամսական անդամա-  
վճարն է 5 դահեկան : Ընկերութեան նպա-  
տակներէն մին է . Խօսարանի միջոցաւ ժո-  
ղովուրդին կամքը ամփոփել եւ ներկայացնել  
ուր որ անկ է : Կը բանայ Լսարան եւ կը ջա-  
նայ բանակցութիւններով երկրին եւ ժողո-  
վուրդին յառաջագիմութեանը սատարել : Իր  
շուրջ կը դռնէ հետաքրքրութիւն ու համա-  
կրանք : Տօական թուականներու ազդային  
հանդէսներու կազմակերպիչն է : Կ'ունենայ  
աւելի քան 100 բաժանորդ <sup>89</sup> :

### 35. ՍԱՆՈՒՀԵԱՅ ԸՆԿԵՐՈՒԹԻՒՆ (1880)

1880ի սկիզբը կազմած են Սանդխտեան  
վարժարանի սանուհիները <sup>90</sup> : Ուրիշ ծանո-  
թութիւն կը պակսի :

### 36. ԲԱՐԵԴԷՏ ԸՆԿԵՐՈՒԹԻՒՆ (1880)

Հիմնած է Համբարձում Երամեան՝ շա-  
հակցական նպատակով : Բացած է անեւտրա-  
կան խանութ մը, զոր կը վարէ Նշան Գրա-  
սէֆերեան : Ընկերութիւնը երկար կեանք  
չ'ունենար <sup>91</sup> :

### 37. ԸՆԹԵՐՅԱՍԻՐԱՅ ԸՆԿԵՐՈՒԹԻՒՆ (1880)

Մ . Պ . Հայկունի Վանէն կը տեղեկագրէ  
1880 Հոկտ . 23ին . «Վասպուրականի Հայ

<sup>89</sup> Թէրն . Էֆեար, 1879, Թ . 545 : -- Երա-  
մեան, անդ, էջ 118—119 :

<sup>90</sup> Թէրն . Էֆեար, 1880, Թ . 838 :

<sup>91</sup> Երամեան, Յուշարձան, անդ, էջ 98 :



երիտասարդութիւնը . . . գործակցութեամբ մի քանի յառաջգիմասէր երիտասարդութեան անցեալ Կիրակի Այգեստանի մէջ մի Ընթերցարան բացաւ, ուր Հայերէն եւ օտար լեզուաւ լրագիրներ կը գտնուին : Ընկերութիւնը մտադիր է շուտով օգտակար գրեանքաւ հաւաքել ընթերցասիրութիւնը ծաւալելու ժողովրդեան շրջանին մէջ <sup>92</sup>» : — Անունը չի տար սակայն Ընկերութեան, որ շատ հաւանականութեամբ Ընթերցասիրաց Ըլլալու է : Ուրիշ տեղ չէ յիշուած :

38. ԱՐԱՄԵԱՆ ԸՆԿԵՐՈՒԹԻՒՆ (1880—1881)

Կը յիշուի 1882 Մարտին լոկ անունով <sup>93</sup> :

39. ՈՒԽՏԱՊԱՀԱՅ ՄԻՈՒԹԻՒՆ (1882—1883)

Կազմած են Վանի Եպիսկոպոսներն ու վարդապետները՝ պաշտպանելու համար Վանի վանքերն ու անոնց կալուածները ռոմնոցութիւններու դէմ <sup>94</sup> :

40. ՍԱՆՈՒՀԵԱՅ ԿՐԹԱՍԷՐ ՄԻՈՒԹԻՒՆ (1890)

Կազմուած է «Սանդխտեանի» անդրանիկ աշակերտուհիներու նախաձեռնութեամբ՝ երբ Սանդխտեան վարժարանը Յովնանեանեց տանը մէջ էր <sup>95</sup> : Նպատակն էր . «Նիւ-

<sup>92</sup> Մասիս, 1880, Թ. 2799 :

<sup>93</sup> Մասիս, 1882, Թ. 3135 :

<sup>94</sup> Թէքն. էֆեար, 1884, Թ. 2202 :

<sup>95</sup> Տե՛ս այս մասին Աշխատանք, Վան 1914, էջ 1816 :



թապէս բարձրացնել դպրոցը եւ միեւնոյն ժամանակ բարձրագոյն կարգերու աղջկանց մէջ մտցնել կարուձեւի եւ ձեռագործի դասերը» : Միութեան հիմնադիրն ու Առեւտրական է Տիկին Իսկուհի Խրիմեան, որ Եղիսարեթ եւ Մարինէ Աճէմեաններու, Մարգարիտ Պապիկեանի եւ ուրիշներու հետ գորգագործութեան կը ձեռնարկէ : Սանուհաց Միութիւնը 1894ին դպրոցին կը նուիրէ երկու ընկոյզի փայտէ թաւշապատ բազկաթոռ եւ մէկ թիկնաթոռ, նոյնպէս 10 աշակերտուհիի համար գրասեղան ու աթոռ եւ մեծ, սիրուն գորգ մը՝ Վարադի վանքին<sup>96</sup> :

41. ՎԱՆԱՅ ՈՐԲԱԽՆԱՄ ԸՆԿԵՐՈՒԹԻՒՆ (1899)

Հիմնուած է Եգիպտոս 1899 Մայիսին, Վարազայ վանքի Որբանոցին նպաստելու համար<sup>97</sup> :

41ա. ՎԱՆԻ ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1903)

Հիմնուած է Ամերիկա 1903 Մայիս 1ին՝ նպաստելու համար Վանի եւ շրջակայից մէջ ուսման եւ կրթութեան : Իր Կանոնադիրը ունի 16 Յօդուած (Տպ. Բոստոն 1904) :

41բ. ԲԱՐԵՍԻՐԱԿԱՆ ԸՆԿԵՐՈՒԹԻՒՆ (1907?)

1912ին Մանկապարտէզ ունի. կը հրա-

<sup>96</sup> Անդ :

<sup>97</sup> Բիւզանդիոն, 1900, Թ. 983, Յունուար 16 :



տարակէ Լոյս Ամսօրեայ (Տէ՛ս Աշխատանք , էջ 1104) :

42. ՈՐԲԱԽՆԱՄ ԸՆԿԵՐՈՒԹԻՒՆ (1907)

Մանգուսէի էփեար<sup>97</sup> իր «Ազգային» բաժնի մէջ 1908 Յունուար 13ին կը ծանուցանէ . «Վանի մէջ տիկիններու եւ օրհորդներու նախաձեռնութեամբ «Որբախնամ» Ընկերութիւն մը կազմուած է օգնութիւն հասցնելու համար տեղւոյն բաղձաթիւ անտէր ու անօգնական թշուառ որբուկներուն» : — Կը թուի թէ 1907ի վերջերը հիմնուած է :

43. ՎԱՍՊՈՒՐԱԿԱՆ ՄԻՈՒԹԻՒՆ (1908)

Կազմուած է Պոլիս 1908 Յուլիո-Օգոստոսին<sup>98</sup> : Ուրիշ տեղեկութիւն չունինք :

44. «ԾՈՎԱԿ» ԿՈՒՆՏՈՒՐԱԿԱՆ ՄԻՈՒԹԻՒՆ (1908)

Կազմուած է Վանի մէջ հաւանօրէն 1908ի գարնան , զի Պոլսոյ Վանեցիները Վանի «Ծովակ»ին մէկ ճիւղը կը կազմեն 1908ի աշնան<sup>1</sup> : — Ի նպաստ Միութեան վիճակահանութիւն մը կազմակերպուած է 1909ին<sup>2</sup> :

45. ԿԱՆԱՆՅ ԼՍԱՐԱՆԱԿԱՆ ՄԻՈՒԹԻՒՆ (1908)

Կը կոչուի նաեւ «Վասպուրականի Հայ

<sup>98</sup> 1908, Թ. 2318 :

<sup>99</sup> Մանգ. էփեար, 1908, Թ. 2207 :

<sup>1</sup> Աշխատանք, 1912, Թ. 67 :

<sup>2</sup> Ազատամարտ, Կ. Պ. 1909, Թ. 60 :



Կանանց Միութիւն» : Հիմնուած է 1909 Մարտին : Աշխատած է օգտակար ըլլալ մասնաւորապէս հայ կնոջ մտաւոր զարգացման : Կը սարքէ լսարաններ : Նիւթապէս նպաստած է Կիլիկեան աղետեալներուն եւ տեղւոյն Սանդիստեան վարժարանին <sup>3</sup> :

46. ՎԱՐԱԳԱՅ ՍԱՆՈՒՅ ՄԻՈՒԹԻԻՆ (1910)

«Վարադայ Սանույ Միութեան» Գանձապահ՝ Գարեգին Միսիթարեանց կը ծանուցանէ . «Վանայ մէջ կազմակերպուած է «Վարադայ Հայրիկին Սաներու Միութիւն»ը , նպատակ ունենալով . . . վերահաստատել մեր «Արծիւ Հայրիկի» տղարանը , ա՛նոր յիշատակը յաւերժ անմահացնելու համար <sup>4</sup>» :

47. «ՎԱՍՊԻ» ԱՇԱԿԵՐՏԱԿԱՆ ՄԻՈՒԹԻԻՆ (1911—2)

Գրական—գեղարուեստական երեկոյթներ կը սարքէ <sup>5</sup> :

48. ՎԱՍՊՈՒՐԱԿԱՆԻ ԿՈՒՆՏՈՒՐԱԿԱՆ ՄԻՈՒԹԻԻՆ (1912)

Պոլսոյ Վանեցի երիտասարդներ 1912ի սկիզբները հիմնած են այս Միութիւնը՝ նպատակ ունենալով . «Զարկ տալ վասպուրականցիներու մտաւոր , բարոյական եւ

<sup>3</sup> Անդ , 1910, Թ. 235 :

<sup>4</sup> Յառաջ , Կարին 1910, Թ. 49 :

<sup>5</sup> Աշխատակի , 1912, Թ. 80 :



Ֆիզիքական զարգացման, արթնցնելով նո-  
նայ մէջ ինքնազարգացման եւ նախաձեռ-  
նութեան ոգին<sup>6</sup> :

Արտամետի մէջ բացած է «Արծիւ»  
Գրադարանը 200 կտոր դրքերով. հրատա-  
րակ հանած է վառ քաղաքի բաց-քարտը<sup>7</sup> :  
— Միութիւնը ճիւղեր ունի Բաղուի, Ար-  
տամետի եւ Ալիւրի մէջ : Պոլսոյ մէջ ունի  
50 անդամ : Ունեցած է իր Կանոնադիրը :  
Գրադարան հիմնած է նաեւ Նոր գիւղի եւ  
Ալիւրի մէջ<sup>8</sup> :

#### 49. ԱՂԲԱՏԱԽՆԱՄ ՄԱՐՄԻՆ (1912)

Յայնկոյսներու մէջ 1913ին կը յիշուի  
Աղբատախնամ Մարմին մը, որ 2 դորդ  
դործել տուած է եւ վիճակահանութեան  
դրած՝ ի նպատակ Յայնկոյսներու երկուսեւ  
աղքատիկ ուսանողներու<sup>9</sup> :

#### 50. ՍԱՆԳԽՏԵԱՆ ՍԱՆՈՒՀԵԱՅ ԸՆԿԵՐՈՒԹԻՒՆ (1914)

Նախաձեռնող հիմնադիրն է Տիկ. Իս-  
կուհի Խրիմեան, որ կը դրէ 1914 Յունուա-  
րին՝ խօսքը Սանդխտեանի նախկին սա-  
նուհիներուն ուղղելով. «...Իմ սիրելի ըն-  
կերուհիներս. ուրիշներ պատճառ եղան մեր  
ուսման, բայց մենք թերացած ենք մեր

<sup>6</sup> Վանտուր, Վառ 1912, էջ 319 :

<sup>7</sup> Աշխատանք, 1912, Թ. 1029 :

<sup>8</sup> Անդ, 1914, էջ 1830 :

<sup>9</sup> Անդ, 1913, էջ 1732 :



պարտականութեան մէջ... մեր մայր Վարժարանը նխաժառանգ ճնշուած է... մեր պարտքն է հնարաւոր եղած միջոցներով օգնել անոր: Այս պարտականութեան զգացումով խումբ մը նախկին ընկերուհիներով «Սանդխտեան Սանուհեաց Ընկերութիւն» անուանով Միութիւն մը կազմեցինք... ձեռք ձեռքի տալով օղնելու մեր մայր վարժարանին<sup>10</sup>»:

51. ՎԱՆԻ ՀԱՅ ԿԱՆԱՆՑ ԲԱՐԵԳՈՐԾԱԿԱՆ  
ԸՆԿԵՐՈՒԹԻՒՆ (1916)

Կը յիշուի 1916 Սեպտեմբեր-Հոկտեմբերին եւ ունի էջմիածնի մէջ՝ 1000 սուրբի ի պահ դրուած<sup>11</sup>: Պոլսո՞յ մէջ էր իր կենդրոնը:

52. ՎՍՍՊՈՒՐԱԿԱՆ ՀԱՅՐԵՆԱԿՅԱԿԱՆ ՄԻՈՒԹԻՒՆ  
(1918)

Կազմուելու սկսած է 1918 Դեկտ.ին<sup>12</sup>: Կը հրատարակէ. «Յիշատակագիր Վանայ ինֆնապաշտպանութեան դէպքերու<sup>13</sup>»: 1921 Ապրիլին կը վերակազմուի եւ 80 ժողովականներ կ'ընտրեն հետեւեալ Վարչական անդամները. Յովհաննէս Թէրլէմէզեան, Միհրդատ Աւագեան, Արսէն Թէրլէմէզեան, Շաւարշ Յակոբեան, Արշաւիր Սօլաքեան,

<sup>10</sup> Աշխատանք, 1914, էջ 1786, Յուշուար 18:

<sup>11</sup> Արարատ, Վաղարշապատ 1916, էջ 627:

<sup>12</sup> Փամբակ, 1918, Թ. 3406:

<sup>13</sup> Անդ, 1919, Թ. 3574:



Գեղամ Երամեան, Գրիգոր Պէօղիկեան,  
Միհրան Ճիտեճեան, Արշաւիր Հիւսեան:  
Դիւանը կը կազմէն. Պրոֆ. Յովհաննէս  
Յակոբեան (Ատենապետ), Արտակ Դարբը-  
նեան (Բ. Ատենապետ), Օգոսէն Սարաճեան  
(Ա. Ատենապետ), Միհրան Գալիկեան  
(Բ. Ատենապետ)<sup>14</sup> :

Ամերիկացի վանեցիները երկար տան  
միասին կը շարունակէին դործել Միութեան  
չուրջ. վերջին տասնամեակներուն պատակ-  
տուած են, դժբախտաբար. երկու պարբե-  
րական կը հրատարակէն վարագ եւ Արծուի  
վասպուրական<sup>15</sup> :

\*

Ը

## ԳԻՒՂԵՐՈՒ ԸՆԿԵՐՈՒԹԻՒՆՆԵՐ ԷՐԷՐԻՆ ԳԻՒՂ

1. . . . ԸՆԿԵՐՈՒԹԻՒՆ (1855)

Բզնուհեաց ծովուն եզերքը դանուդ  
վանի էրէրին Գիւղը 1855ին 60 տուն հայ  
բնակիչ ունէր եւ զուրկ դպրոցէ : Պսլիս  
պանդխտած էրէրինցիներ 1855ին Ընկե-  
րութիւն մը կը հիմնեն՝ գիւղին մօտ եղող  
Ս. Սահակ Պարթեւ վանքը նորոգելու եւ  
գիւղին մէջ ալ դպրոց մը բանալու հա-  
մար : «Արդարեւ, կը գրէ Արծուի վաս-

<sup>14</sup> Ժողովուրդի Ջայը, Կ. Պ. 1921, Թ. 771 :

<sup>15</sup> ՏԵ՝ Արծուի վասպուրական, 1956, էջ  
261—263 :



պուրական<sup>16</sup>, պիտի դարձանայ ընթերցողը, յիշեալ գիւղացւոյ վրայ, որ մեծ խոհեմութեամբ հաստատեցին իրենց Ընկերութեան հիմն, վեց հազար դուրուշ դրամագլուխ դնելով ապահով տեղ մը Վանեցի Ստեփանեան Հայրապետ Աղային պաշտպանութեան ձեռքով, որուն շահ միայն բաւական է իրենց ազգաւ գոյրոցին ծախքը հոգալու»:

## ՀԱՅՈՑ ՁՈՐ

### 1. ԳՊՐՈՅԱՍԻՐԱՅ ԸՆԿԵՐՈՒԹԻՒՆ (1874)

Պալսոյ մէջ հիմնուած է՝ Հայոց Ձորի գիւղերու գոյրոցներուն նպաստելու համար<sup>17</sup>:

## ՔԵՐՑ ԳԻՒՂ

### 1. ԵՐՈՒԱՆԻՈՒՆԵԱՆՑ ԸՆԿԵՐՈՒԹԻՒՆ (1879)

Հայոց Ձորի (հին Երուանդունեանց) գիւղախումբերուն կը վերաբերի Քերց, որ կը դանուի Ռչտունեայ նահանգին Արտուշերան ստորոտը: 80 տունէ բաղկացած գուտ հայաբնակ այս գիւղին մէջ դպրոց մը բանալու համար Պալիս դանուող նժդէհ Քերցցիներ 1879 Ապրիլ 15ին Երուանդու-

<sup>16</sup> 1855, Թ. 4, էջ 64:

<sup>17</sup> Գաղութահայ Տարեգիրք, Պաշքէշ 1941, էջ 113:



նեանց Ընկերութիւնը *կը հիմնեն* : Անդա-  
մալճարն է՝ շարաթական 1 դահեկան <sup>18</sup> :

## ԱԼԻԻՐ ԳԻԻՂ

### 1. ՍԱՆՈՒՅ ԸՆԿԵՐՈՒԹԻՒՆ (1877)

Պալատ Արարատեան Ընկերութեան *գիւ-*  
*ղիս մէջ բացած դպրոցի աշակերտները*  
1877ի առաջին ամիսներուն Սանուց Ընկե-  
րութիւնը *կը կազմեն առաջնորդութեամբ*  
*իրենց Զաքար վարժապետին եւ «Կիրակի*  
*օրերը գիւղացիները ժողովելով Արարատեան*  
*վարժարանը՝ կը դասախօսեն անցա, ա-*  
*տենաբանութիւններ կը լինին եւ Ազգ. Պատ-*  
*մութենէ կամ ուրիշ գիւրահասակնալի դըր-*  
*քերէ հատուածներ կը կարդացուին հրա-*  
*պարակով* <sup>19</sup>» :

Մասիսի մէջ <sup>20</sup> թղթակից մը *կը գրէ* .  
«Ալիւր . . . մի Միութիւն կազմուած է  
գիւղի երիտասարդներէն, որք առ այժմ  
դպրոցի անմիջական պիտոյքները կը հո-  
գան . . . իրենց Ընկերութիւնը նիւղեր ունի  
շրջակայ գիւղեր» : — 1882ին *կը ջանան*  
*մատենագրան մը կազմել* <sup>21</sup> :

<sup>18</sup> Հայրենիք, Կ. Պ. 1879, թ. 522 : — Մասիս,  
1879, թ. 2320 :

<sup>19</sup> Մանգ. Էփեար, 1877, թ. 3442 :

<sup>20</sup> 1880, թ. 3110 :

<sup>21</sup> Մասիս, 1882, թ. 3198 :



## ԹԱՂ ԳԻՒՂ

## 1. ԸՆԹԵՐՅԱՍԷՐ ԸՆԿԵՐՈՒԹԻՒՆ (1879)

«Սմբատ» վանէն կը գրէ 1879 Ապրիլ 13ին. «Շատախ դաւառի Թաղ Գիւղին մէջ Ընթերցասէր անուն Ընկերութիւն մը կազմուեր էր որ իւր օրինաւոր դործունէութեամբ տեղական կառավարութեան առջեւ այնչափ կարեւորութիւն ստացեր է, մինչեւ զիջերային պահնորդաց պատուիրուած է շնորհակալել ամէն մանք, որ նոյն Ընկերութեան սենեակը դառ առնելէն կը դառնան եւ որք կը ճանչցուին ծոցերնին զիրք ունենալով: Յիշեալ Ընկերութեան նպատակն է ուսանիլ եւ ուսուցանել <sup>22</sup>»:

## ԴՌՆԱՇԷՆ ԳԻՒՂ

## 1. ԱՍՔԱՆԱԶԵԱՆ ԸՆԿԵՐՈՒԹԻՒՆ (1879)

Պոլսոյ Դռնաշէնցիներէն հաստատուած է 1879 Դեկտ. 2ին: Մկրտիչ Յ. Պրնականց իր մէկ ծանուցումին մէջ <sup>23</sup> ասկէ աւելի տեղեկութիւն չի տար Ընկերութեան մասին, որուն նպատակը, անտարակոյս, զիւղի դպրոցին նպաստելն եղած է:

<sup>22</sup> Թերմեմանը էփեհար, 1879, Թ. 568:

<sup>23</sup> Լրագիր, Կ. Պ. 1879, Թ. 1141:

## ՇԱՀՊԱՂ, ԳԻՒՂ

### 1. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1904—1909)

Այս անունով Ընկերութիւններ կազմած են Շահապօղլիներ Բաստանի, Սենտ-Լուիզի, Գրանիտ-Սիտի եւ Մելֆըլի մէջ՝ իրենց զիւղի զարոյցին նիւթապէս օժանդակելու համար <sup>24</sup>, որոնց հիմնաւմի տարին մեզ անձանօթ է :

## ՄՈԿՍ

### 1. ՉԼՈՒՏ ԸՆԿԵՐՈՒԹԻՒՆ (1910?)

1913էն քանի մը տարի առաջ հիմնուած եւ 1913ին դադարած է <sup>25</sup> :

### 2. ԿՈՒՂՏՈՒՐԱԿԱՆ ԸՆԿԵՐՈՒԹԻՒՆ (1910?)

Վերինին պէս 1913էն քանի մը տարի առաջ հիմնուած է Մոկսի գիւղախումբերուն մէջ <sup>26</sup> :

### 3. ԴՊՐՈՅԱՍԻՐԱՅ ԸՆԿԵՐՈՒԹԻՒՆ (1913)

Հիմնուած է 1913 Մարտի սկիզբը : Նշատակը. «Դարոյցը իր կոչման բարձրութեան վրայ պահել, զրեհակուն անհրաժեշտ պիտոյքներ հայթայթել <sup>27</sup>» :

<sup>24</sup> Աշխատանք, 1912, էջ 1838 :

<sup>25</sup> Անդ, 1913, էջ 1405 :

<sup>26</sup> Անդ :

<sup>27</sup> Անդ :



## ԿԵՄ ԳԻՒՂ

### 1. . . . ՄԻՈՒԹԻՒՆ (1911—1912)

Կը յիշուի 1912ի դարձան . ունէր 50 լի-  
րայի դամար մը եւ կ'ուղէր գրադարան  
մը հիմնել<sup>28</sup> :

## ԱԻԱՆՑ ԳԻՒՂ

### 1. ՇՈՒԵՆԱԻԱՅԻՆ ԸՆԿԵՐՈՒԹԻՒՆ (1914)

Վանի Աշխատանքի<sup>29</sup> Թղթակիցը կը  
դրէ . «Գիւղիս նաւաւար դասակարգը  
սկիզբ է դրած Շոգեմաւայիմ Ընկերութեան  
մը հաստատման : Այդ Ընկերութեան նպա-  
տակը պիտի ըլլայ Վանի ծովին վրայ 40—  
50 ձիու ոյժ ունեցող երկու շոգեմաւեր բա-  
նեցնել : Ընկերութեան դրամագլուխը  
15,000 սակի դամարի մը պիտի հասնի , որ-  
պէս զի պաշտօնապէս կոտավարութեան  
կողմէ վաւերացուի» :

## ՅԱԻՆԼՈՒԱԾ

### 1. ՎԱՍՊ. ԴՊՐՈՅԱՍԻՐԱՅ ԸՆԿԵՐՈՒԹԻՒՆ (1906)

Գահիրէաբնակ Վասպուրականցիք 1906  
Յուլ . 1ին հիմնած են «Վասպուրականի  
Դպրոցասիրաց Ընկերութիւն»ը՝ նպատակ

<sup>28</sup> Աշխատանք, 1912, Թ. 70 :

<sup>29</sup> 1914, էջ 1794 :

սենեակով վանի շրջակայ հայաբնակ գիւղերում մէջ դպրոցներ հաստատել : Անդամակցութեան ամսական բաժինն է 2 ղրշ : Ընկերութիւնը 1906 Սեպտեմբեր ամսակցութեան կը մտնէ վանայ Առաջնորդարանի հետ երկու կրթարան հաստատելու համար :

Ընկերութեան Դիւանը .

Ա . Քհնյ . Շաղոյեան	Ատենապետ
Յ . Փէհրիյեան	Ա . Ատենադպիր
Մ . Սասոյեան	Բ . Ատենադպիր

Գործ . Ժողովր .

Ս . Խաչատուրեան	Ատենապետ
Միք . Նաթանեան	Ատենադպիր
Գ . Խաղուբեան	Գանձապահ
Ղ . Ճիղմէճեան	Հաշուապահ
Ա . Այվադեան	Հաւաքիչ
Վ . Մամճեան	Խորհրդական
Ի . Տէր-Արթինեան	Խորհրդական

(Ազատ Բեմ , Գաւիթէ 1906 , Թ . 41) :

## 2. ՊԱՇՏՊԱՆՈՂԱԿԱՆ ԸՆԿԵՐՈՒԹԻՒՆ (1857)

Պոլսոյ մէջ հիմնուած է Մկրտիչ Եպ . Խրիմեանէ՝ վանի մէջ տղարան եւ գիշերօթիկ վարժարան բանալու համար <sup>30</sup> :

## 3. ՕԺԱՆԴԱԿ ԸՆԿԵՐՈՒԹԻՒՆ (1868)

Վարազ վանքի Մամուլը վերահաստատելու եւ դպրոցին ընթացքը կանոնաւորելու համար կը հիմնուի 1868ի սկիզբը <sup>31</sup> :

<sup>30</sup> Մանգ . Էփեհար , 1873 , Թ . 2408 :

<sup>31</sup> Անդ , 1868 , Թ . 756 :



## ԳԻՒՂԵՐՈՒ ԸՆԿԵՐՈՒԹԻՒՆՆԵՐ

ԱՐԱՐՔ ԳԻՒՂ

1. . . . ԸՆԿԵՐՈՒԹԻՒՆ (1797)

Վանի Արարք Գիւղի պանդուխտներ 1797ին Պոլսոյ Եօրկանճիներու շուկային մէջ Ընկերութիւն մը կը հիմնեն 5 կամ 10 դրշ. անդամավճարով. գոյացած պուժարով 2 սենեակ կը գնեն Ալի փաշա եւ Լէպլէպիմի խաներու մէջ. այս սենեակներու եկամուտով իրենց գիւղի եկեղեցւոյն համար զգեստ եւ անօթ կը գնեն եւ 5—6000 դրշ. ալ գրամ կը գրկեն գիւղը՝ զպրոց մը շինելու համար. յետոյ Պոլսոյ մէջ գեռ 2 սենեակ ալ կը գնեն՝ վերջինը ճամլը խանի մէջ: Ընկերութիւնը գիւղի եկեղեցւոյն նորոգութեան համար 15,000 դրշ. կը արամադրէ:

1874ին տակաւին պոյութիւն ունէր այս Ընկերութիւնը, սակայն գիւղի մէջ եղող հակառակորդներ կ'ուզեն յափշտակել Ընկերութեան ինչքը. « . . . կ'ուզեն բանութեամբ մեր ութսուն տարուան նախնեաց ու հաստատած Ընկերութիւննիս ձեռքերնէս յափշտակել <sup>32</sup> . . . » կը գրեն Պոլսոյ Արարք-ցիք:

ԻՇԽԱՆԻ ԳՈՄ ԳԻՒՂ

1. ԴՊՐՈՅԱՍԻՐԱՅ ԸՆԿԵՐՈՒԹԻՒՆ (1875)

Նախաձեռնարկ կ'ըլլան Իշխանի Գոմցի Յովհաննէս Սահակեան եւ Մանուկ Կիւլե-

<sup>32</sup> Նոր Գար, Կ. Պ. 1877, Թ. 2092:



մէրեան, որոնք Պոլսոյ մէջ 6000 դրշ. կը  
հանդանակեն եւ դիւղի մէջ դպրոց մը կը  
բանան, յետոյ Պոլիս վերադառնալով՝  
Վանեցիներու օժանդակութեամբ Ընկերու-  
թիւնը կը հիմնեն՝ դպրոցին ղեկավարն  
արհապանելու համար: Տնօրէն ժողովք կը  
կազմեն Մ. Գասպար, Մ. Մանուկ, Մ.  
Յովհաննէս, Մխիթար, Զաքար Տէր Սաշա-  
տուրեան, Մանուկ Մուսոյեան եւ Մկրտիչ  
Դաւոյեան <sup>33</sup>:

## ԲԱՂԵՇ

1. ՀԱՅՐԵՆԱՍԻՐԱՅ ԸՆԿԵՐՈՒԹԻՒՆ (1863)

1869 Սպրիլ 28ին Ընկերութեան ան-  
դամները Բաղէշէն կը գրեն. «Ընկերու-  
թեանց անդրանիկն է Հայրենասիրաց խո-  
նարհ եւ աղքատ Ընկերութիւնս, որ վեց  
տարի յառաջ սկսած եւ փոքրիկ գրամա-  
դրութի մը ձեռք բերածին պէս երկու տարի  
յառաջ Թաղի-գլուխ ըստած թաղն իր ծախ-  
քով եւ իր խնամակալութեան ներքեւ տկար  
սեռին դպրոց մը բանալով, յորում կ'ուսա-  
նին այժմ յիսուն հասնող զոյնք. աղքատ  
ու անկարող աղջկանց համար ալ հանդերձ,  
դասագիրք նմանապէս Ընկերութեան սըն-  
տուկէն կը հոգացուի: Այս տարի քննու-  
թեան հանգէս կատարելով երբօր զարմա-  
նալի յառաջադիմութեան մէջ տեսանք, տա-

<sup>33</sup> Հայրենիք, Կ. Պ. 1876, Թ. 293:



ըօրինակ ուրախութեամբ մեր սրտեր լեցուեցան եւ խնդակցութիւնն իսկ հանդերձ շնորհակարութեամբ յայանեցինք վարժապետ շնորհապարդ Տէր Պօղոս քահանային <sup>1</sup>» :

1867 Մարտ 30 թուականով թղթակից մը, Կարնէն, ըսելէ յետոյ թէ «Բաղէշ քաղաքը քանի տարիէ ի վեր . . . կը կեղեքուի իր շրջապատ բնաւոր քիւրտերէն»՝ դարձանք կը յայտնէ որ Բաղէշցիք Հայրենասիրաց Ընկերութեան «ծախիւք Թանգարան (Ընթերցարան) մը բացեր են <sup>2</sup>» : — Ընկերութեան վարչական անդամն է Յովհաննէս Յարութիւնեան Խէնչէլեան <sup>3</sup> :

## 2. ՂԵՒՈՆԴԵԱՆՑ ԸՆԿԵՐՈՒԹԻՒՆ (1863—1864)

Հետեւեալ կարգով երկրորդը կը համարուի եւ կազմուած է Բաղէշ քաղաքի Էվվէլ Մէյտան թաղին մէջ : Ունեցեր է մեծերու համար կիրակնօրեայ եւ երեկոյեան դպրոց մը <sup>4</sup> : Այդ դաստաստութիւնները անձամբ կ'ընեն Ընկերութեան վարիչ երկու եղբայրներ՝ Մարտիրոս եւ Գրիգոր Մ. վարդանեան Յովսէփեանց <sup>5</sup> :

<sup>1</sup> Մասիս, Կ. Պ. 1869, թ. 381 :

<sup>2</sup> Մասիս Փոքր, Կ. Պ. 1867, թ. 28 :

<sup>3</sup> Անդ, թ. 102 :

<sup>4</sup> Մասիս Փոքր, 1869, թ. 381 :

<sup>5</sup> Մասիս, 1867, թ. 821 :



### 3. ԼՈՒՍԱՒՈՐՁԵԱՆ ԸՆԿԵՐՈՒԹԻՒՆ (1867)

Հիմնուած է Բաղէշի Մապրկորու թաղին մէջ, 1869 Սպրիլէն երկու տարի առաջ : Բացած է մանչերու դպրոց մը, ուր 80 աշակերտ կար 1869ին եւ «այս օրուան օր տեղւոյս հինգ եկեղեցեաց դպրոցներէն եւս յատաջադիմութեան մէջ կը դերադանցէ <sup>6</sup>» :

### 4. ՀՈՒՓՍԻՄԵԱՆ ՕՐԻՈՐԴԱՅ ԸՆԿԵՐՈՒԹԻՒՆ (1867)

Կազմուած է 1867ին ամառը : Հիմնադիրներն են «ազգասէր արհեստաւորներ», որոնք «թաղին առհասարակ սրբ, ազքատիկ եւ հարուստ աղջկանց դաստիարակութեան համար վարժարան մ'ի վարձու բռնած եւ Սահրաղեան Տէր Մովսէս ուսեալ քահանայն եւս դաստիարակ կարդած է անոնց, որք հասարակ ընթերցանութեան եւ դրեւութարժութեան մէջ արդէն իսկ մանչ տղաքներէն աւելի աշխոյժ եւ յաջողակութիւն կը ցուցնեն : Ընկերութիւնս աղփատիկ ու որբ աղջկանց ձրի դասագրքեր եւ հանդերձներ եւս կը շնորհէ <sup>7</sup>» : — Ընկերութիւնը մտադիր է Բաղէշի մէջ 1868ին աղջկանց վարժարան մը շինել <sup>8</sup> : 1869ի սկիզբը ունէր աղջկանց դպրոց մը, ուր կը յաճախէին 60էն աւելի աղջիկներ : ուսուցիչն է Տէր Մովսէս <sup>9</sup> :

<sup>6</sup> Մասիս փոքր, 1869, Թ. 381 :

<sup>7</sup> Մասիս, 1867, Թ. 821 :

<sup>8</sup> Անդ :

<sup>9</sup> Մասիս փոքր, 1869, Թ. 381 :



5. ՎԱՐՔԱՆԱՆՅ ԸՆԿԵՐՈՒԹԻՒՆ (1867)

Հաստատուած է փոսիկ — աղբիւր թաղին մէջ: Հիմնադիրներն են՝ Խաչմանուկ Վարդանեան եւ Յովհաննէս Գրիգորեան, որոնք Ընքերցարան մը բացած են <sup>10</sup>: 1867/ի վերջերը եամ 1868/ի սկիզբը կը բանայ նաեւ աղջկանց դպրոց մը <sup>11</sup>:

6. ԱՐՇԱԿՈՒՆԵԱՆ ԸՆԿԵՐՈՒԹԻՒՆ (1867)

Կազմուած է քաղաքին Թարանջի կազմուած թաղամասին մէջ եւ բացած է մանչերու դպրոց մը <sup>12</sup>:

7. ԴՊՐՈՑԱՍԻՐԱԿԱՆ ԸՆԿԵՐՈՒԹԻՒՆ (1867)

Թղթակից մը 1867 Հոկտ. 5ին Բաղէչէն կը գրէ. «...Դպրոցասիրական Ընկերութեան հաստատութիւնն առհասարակ արժանի պատիւ կ'ընծայէ մեր Սալնոյ Զորոյ բարենախանձ հասարակութեան, որոյ արդեամբք քաղաքիս չորս թաղից Ս. Եկեղեցեաց եւ Ամբրդւոյ վանից ծայեր գտնուած արական հինգ դպրոցաց ամբողջ ծախսերը կը մատակարարին ու կը հոգացուին <sup>13</sup>»:

8. ԲԶՆՈՒՆԵԱՅ ԸՆԿԵՐՈՒԹԻՒՆ (1867—1868)

Հիմնուած է քաղաքին Ամլորդւոյ թաղին մէջ: 1869/ին կիրակնօրեայ ընքերցարան մ'ունէր <sup>14</sup>:

<sup>10</sup> Մասիս, 1867, Թ. 821:

<sup>11</sup> Մասիս ֆոֆր, աճդ:

<sup>12</sup> Մասիս ֆոֆր, աճդ:

<sup>13</sup> Մասիս, 1867, Թ. 821:

<sup>14</sup> Մասիս ֆոֆր, աճդ:



9. ԳՈՄԱՅ Ս. ԱՍՏՈՒԱԾԱԾՆԱՅ ՎԱՆՈՒՅ ԸՆԿԵՐՈՒԹԻՒՆ (1867—1868)

«Հայրենասիրաց Ընկերութեան» ճիւղն է : Ս. Աստուածածնայ վանքը քաղաքին եւ Գոմա գիւղին մէջտեղն ըլլալով՝ Ընկերութիւնը ուղեր է գիշերօթիկ վարժարան մը բանալ վանքին մէջ : Սակայն վանքի վանահայր վարդան վարդապետը ընդգիմացած ըլլալով՝ Ընկերութիւնը ջանացած է դռնէ նոյն թաղի եւ գիւղի տղոց համար ցերեկեայ դպրոց մը բանալ <sup>15</sup> :

✓ 10. ՀԱՅՐԵՆԱՍԻՐԱՅ ԸՆԿԵՐՈՒԹԻՒՆ (1868)

Հիմնուած է Բաղէշի Գոմաց Սալամձոր գաւառի մէջ : Հիմնադիրները 40 հոգի են : Նպատակն եղած է երկսեռ աշակերտաց համար դպրոց մը բանալ : Ընկերութիւնը կը յաջողի դպրոցը բանալ եւ կը կոչէ զայն Ս. Աստուածածնի անունով : Նպատակ եւ օգնութիւն ձեռք բերելու համար կը տալարէ 1, 2 եւ 5 դուրուշնոց տոմսակներ, որոնցմէ կ'ուղարկէ նաեւ Պոլիս : Ընկերութեան Գործադիր Յանձնաժողովի անդամն է Խաչատուր Մամիկոնեան, որուն մէկ թղթակցութենէն կը ստանանք այս տեղեկութիւնները :

11. ՀԱՅԿԱԶԵԱՆՅ ԸՆԿԵՐՈՒԹԻՒՆ (1868—1869)

Կը յիշուի 1874ին, երբ արդէն լուծուած է <sup>17</sup> :

<sup>15</sup> Մասիս Փոքր, անդ :

<sup>16</sup> Արարատ, Կ. Պ. 1869, Թ. 13 :

<sup>17</sup> Մասիս, 1874, Թ. 1584 :



12. ԱՆՁՆՈՒՆԵՐ ԸՆԿՆԵՐՈՒԹԻՒՆ (1869)

Թղթակցութիւն մը Բաղէչէն 1869  
Դեկտ. 12 թուականով՝ կ'իմացնէ թէ Ընկե-  
րութիւններ միացած են. թէ որո՞նք՝  
չ'ըսեր : Այդ առթիւ կը տեղեկացնէ թէ կադ-  
մուած է ճիշդ մը Պոլսոյ «Անճնուէր Ընկե-  
րութեան <sup>18</sup>» : — Բաղէչցի Բարսեղ Հայկունի  
Վարդեան մեծ վշտով կը տուէ 1874ին .  
«Ասկից իբր 4—5 տարի յառաջ իմ հայրե-  
նեացս՝ Բաղիշոյ մէջ՝ Ընկերութիւնք, Թան-  
գարանք, Խաղական դպրոցք, ազգասիրական  
եւ հայրենասիրական շարժումներ, յառաջդի-  
մական գեղեցիկ տեսարան մը կը ներկայացը-  
նէին . ամեն անհատ զողջեա ելեքարական  
մղում մի ունէր առ լոյս եւ յառաջագիմու-  
թիւն : Կիրականօրեայ Ընթերցարանք լեցուն  
էին ամեն կարգի անձերով, երիտասարդու-  
թիւնը ջերմ զգացմամբ կը դորժէր . . . Ամեն  
թաղերու անկիւնները բարոյականութեան  
դասեր կ'աւանդուէին . . . Մերոց մեծունջներ՝  
փառք եւ գոհութիւն կ'երգէին որ այսպիսի  
դարու մի հասան . . . իմ հայրենակցացս առա-  
ջին եռանդուն եւ դործունեայ ջանքն եւ անձ-  
նասիրութիւնն . . . երբ այսօրեայ անտարբեր,  
քոյլ եւ մեղկ վիճակի հետ բաղդատեմ, ոչ  
միայն ինձ, այլ եւ ամեն զգայուն հայ ան-  
հատին վիշտ կը պատճառէ . . . կը թողում  
յիշել Արշակունեանց, Վարդանանց, Ղեւոն-  
դեանց, Հայկազեանց եւ Անճնուէր Ընկե-

<sup>18</sup> Մասիս, 1870, Թ. 953 :



րութիւնք, յորոց ոմանք 2 եւ ոմանք 4 տարի շարունակելէն ետքը կործանեցան . . . <sup>19</sup>» :

### 13. ԺՈՂՈՎՐԴԱԿԱՆ ԸՆԿԵՐՈՒԹԻՒՆ (1878)

1878 Նոյ. 23ին «նորոգ հաստատեալ» է եւ միակ յոյսն է Բաղէշի, «եթէ յարատեւութիւն գտնէ այսպիսի աղակալից ժամանակի մը մէջ . . . <sup>20</sup>» : 1879ին կը բանոց կիրակնօրեայ դպրոց մը «ամեն կարգի արհեստաւոր աղջայնոց գրել եւ կարդալ նաեւ ուսում սորվեցնելու համար» <sup>21</sup> :

### 14. ԿՐԾՆԱՍԻՐԱԿԱՆ ԸՆԿԵՐՈՒԹԻՒՆ (1878—1879)

Կը յիշուի 1879 Յուլիսին <sup>22</sup> : Թղթակիցը կը շեշտէ . «Քաղաքիս մէջ Ժողովրդական եւ Կրօնասիրական անուամբ երկու Ընկերութիւնք կան, որոց նպատակը գովելի է, ապայն ասոնց դէմ արգելք յարուցանողները անպակաս են» <sup>23</sup> :

### 15. ՎԱՐԴԱՆԱՆՅ ԸՆԿԵՐՈՒԹԻՒՆ (1879)

Թղթակիցը կը գրէ Բաղէշէն . «. . . Աղաթօն էֆ քաղաքս եկաւ, վարժարանաց վիճակը քննելով՝ հարուստներն յորդորեց որ կեդրոնական դպրոց մը բանան, որով նախաւորօրինակ բաղձանքի գալով՝ «Վարդա-

<sup>19</sup> Մասիս, 1874, Թ. 1584 :

<sup>20</sup> Լրագիր, Կ. Պ. 1878, Թ. 872 :

<sup>21</sup> Հայրենիք, Կ. Պ. 1879, Թ. 566 :

<sup>22</sup> Հայրենիք, 1879, Թ. 543 :

<sup>23</sup> Անդ :



նանց» անուն Ընկերութիւն մը հիմնեցին բաժանորդագրութիւնը 25 դրուշ ողջ դրամ լինելով. ամեն կարգի աղգայինք սիրով մասնակցեցան. բաժանորդաց թիւը 400ի հասաւ. զպրոցական մանկան այս շարժումէն ողբւորեալ բերկրեցաւ: Եւ ահա քանի մը շահութանդիր երեւան ելլելով, այս ազնիւ գործը խափանեցաւ...»<sup>24</sup>:

16. ԳՊՐՈՑԱՍԻՐԱՅ-ԱՐԵՒԵԼԵԱՆ ԸՆԿԵՐՈՒԹԻՒՆ  
(1879)

Պոլսոյ համանուն Ընկերութեան նիւղ մը կը հիմնեն Բաղէշի մէջ 1879 աշնան՝ քաջալերուելով Պոլսոյ Ընկերութեան Բաղէշի մէջ բացած «կեդրոնական դպրոց» ի տրոյիւնքէն<sup>25</sup>: — Հաւանօրէն այս Ընկերութիւնը կ'ակնարկէ «Մկօ» կոչելով «Դպրոցասիրաց Ընկերութիւն», որուն նպատակն եղած է «զպրոցների ծախսը հալալ»<sup>26</sup>:

17. ՀԱՍԱՐԱԿԱՅ ԸՆԿԵՐՈՒԹԻՒՆ (1879)

Մեկքոն Վ. Քաջբերունի կը դրէ Բաղէշէն. «...քաղաքիս արհեստաւոր աղգայինք...ընդ նախադասութեամբ Սողոմոնեան սերճիմասա Գրիգոր պատուելոյ Հասարակաց անուն Ընկերութիւն մը կազմեցին, որոյ նպատակն է Աղբատին օգնել ի նեղ ժամա-

<sup>24</sup> Անդ:

<sup>25</sup> Հայրենիք, 1879, Թ. 573:

<sup>26</sup> Արձագանք, Թիֆլիս 1882, էջ 545:



նակիս... ամսական չորս արծաթ մէնիս  
բաշխել ազատաց... քաղաքական եւ կրօ-  
նական եղծմանց դէմ բողոքել <sup>27</sup>».

Կը բանայ զպրոց մը Կարմիրակ եկեղեց-  
ւոյ քով ազատ տղաքներու համար <sup>28</sup> :

#### 18. ԸՆԹԵՐՅԱՍԻՐԱՅ ԸՆԿԵՐՈՒԹԻՒՆ (1895)

Թղթակից մը 1895 Հոկտ. 1 թուականով  
կը գրէ. «Բազէշի նոր սերունդին մէջ կապ-  
մունք Ընթերցասիրաց Ընկերութիւնը ջան-  
քեր կ'ընէ որպէս զի իր կազմակերպելիք  
Ընթերցարանը ու կիրակնօրեայ դասախօսու-  
թիւնները յաճախելի ըլլան նաեւ բողոքա-  
կաններու» <sup>29</sup> : Հաւանօրէն 1895ի առաջին  
ամիսներուն հիմնուած է :

#### 19. ՀԱՅՈՒՆԵԱՅ ԸՆԿԵՐՈՒԹԻՒՆ (1895)

Պաշտոյ Հայրենիքին կը գրեն Բազէշէն.  
«Հինգ խորան եկեղեցիին քահանայ Տէր  
Գէորգ Մարտիրոսեանի յորդորանքով  
կիները կազմեցին կրթական «Հայուհեաց Ըն-  
կերութիւն» մը, որուն Ատենապետ ըն-  
տրուեցաւ Տիկ. Իսկուհի Իւթիւնեան, քա-  
ղաքիս թաղապետութեան կողմէ կարգուած  
մանկարարձուհին : Մուշէն վարժուհի մը  
ուղած են, որուն հասնելուն պիտի բացուի

<sup>27</sup> Հայրենիք, 1880, թ. 595 :

<sup>28</sup> Ինք, թ. 597 :

<sup>29</sup> Հայրենիք, 1895, թ. 1313 :



աղջկանց վարժարան մը <sup>30</sup>» : Ընկերութեան շարաթական բաժնեվճարն էր 10 փարա <sup>31</sup> :

20. ԿՐԹԱՍԻՐԱՅ ՄԻՈՒԹԻՒՆ (1910)

Կազմուած է 1910 Փետրուար 12ին 22 բաղէչցիներէ : Նպատակն է, «Քաղաքիս դպրոցական անկերպարան եւ արդահատելի վիճակը բարելաւել» : Կ'ընտրուի 9 անձէ կազմուած առժամեայ վարիչ Մարմին մը : Պաշտարանի Բաղէչցիներ խոստացած էին որ եթէ Բաղէչի մէջ Ընկերութիւնը կազմուի՝ իրենք տարեկան 30 լիրա պիտի տրամադրեն Ընկերութեան <sup>32</sup> :

21. ՈՐԲԱԽՆԱՄ ԸՆԿԵՐՈՒԹԻՒՆ (1910)

Կը յիշուի 1910ին լուկ անուանով <sup>33</sup> :

22. ԱՇԱԿԵՐՏԱԿԱՆ ՄԻՈՒԹԻՒՆ (1910)

Կազմուած է Բաղէչի Կեդրոնական Պալոցի բարձրագոյն աշակերտներէն՝ նըպատակ ունենալով. «Զարկ տալ աշակերտներու ինքնադարդացման, արծարծել ընթերցասիրութեան ոգին եւ դպրոցի չքաւոր աշակերտներուն նիւթական օժանդակութիւն հասցնել : Կը բաժանորդադրուին Հասկերին. կ'ապաստեն մանկական — պատանեկան դրքեր. 50 զուրուշ հաւաքած են հայ բանտարկեալներուն համար <sup>34</sup> :

<sup>30</sup> Անդ, Թ. 1309 :

<sup>31</sup> Անդ, Թ. 1313 :

<sup>32</sup> Յառաջ, Կարին 1910, Թ. 15 :

<sup>33</sup> Ազատամարտ, Կ. Պ. 1910, Թ. 447 :

<sup>34</sup> Անդ, 1911, Թ. 513 :



## 23. ՈՐԲԱԽՆԱՄ ԸՆԿԵՐՈՒԹԻՒՆ ( . . . 1910)

Կազմուած է ֆրէզնոյի մէջ, տարին  
անծանօթ մեղ, կը յիշուի 1910ին <sup>35</sup> :

## 24. ՈՐԲԱԽՆԱՄ ԸՆԿԵՐՈՒԹԻՒՆ ( . . . 1913)

Այս ալ Նիւ Եորկի մէջ կազմուած է,  
դուցէ մէկ եւ միեւնոյն Ընկերութեան ճիւ-  
ղերն են : Սարքած է հանդէս եւ սնեցած 155  
դոլար հասոյթ <sup>36</sup> :

## 25. ՏԱՐՕՆ-ՍԱԼՆՈՅ ԶՈՐ ՄԻՈՒԹԻՒՆ (1918)

Բազէչցի եւ Մշեցի Հայերը իրենց զիւ-  
ղացիներով Պուսոյ մէջ 1918 Դեկտ.ին կը  
կազմեն միացեալ Ընկերութիւն մը՝ «Տարօն-  
Սալնոյ Զոր Միութիւն» անուամբ՝ նպատակ  
ունենալով որքերն ու ախորեպները պաշտ-  
պանել <sup>37</sup> : Միութեան առաջին Ընդհ. Ժողո-  
ւրդ տեղի կ'ունենայ 1918 Դեկտ. 29ին <sup>38</sup> : Իր  
Գիւտնը կը կազմէին .

Հ . Անտոն Վ . Զնաոյեան	Նախագահ
Տօքթ . Բ . Մանուէլեան	Ա . Ատենապետ
Կ . Քիւրքճեան	Բ . Ատենապետ
Հր . Երմոյեան	Ա . Ատենադպիր
Պ . Ճանեան	Բ . Ատենադպիր

<sup>35</sup> Ազատամարտ, Կ . Պ . 1910, Թ . 447 :

<sup>36</sup> Անդ, 1913, Թ . 5334 :

<sup>37</sup> Ժամանակ, 1918, Թ . 3383 :

<sup>38</sup> Անդ, Թ . 3398 :



## Գործ . Ժողով

Կ . Վրդ . Պատուհասեան	Ա . Ատենապետ
Մանուկ Ասլանեան	Բ . Ատենապետ
Պօղոս Հաճեան	Ա . Ատենադպիր
Վարդան Պետրեան	Բ . Ատենադպիր
Սարգիս Պաէճեան	Հաշուակալ
Պ . Բենիամին Պետրոսեան	Անդամ
Հ . Արսէն Վրդ . Ջնտրեան	Անդամ
Տիկին Աղաւնի Աղամեան	Անդամ <sup>39</sup> :

ԳԻՒՂԵՐՈՒ ԸՆԿԵՐՈՒԹԻՒՆՆԵՐ  
ԽԻԶԱՆ ԳԱԽԱՌ

## 1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1877)

Հիմնուած է Պոլիս , Գասըմ փաշա , 1877 Մարտ 1ին : Նպատակն է . « Խիզան գաւառի մէջ երկսեռ վարժարան մը բանալ եւ եթէ նիւթական վիճակը ներէ , Խիզանի գիւղերուն մէջ ալ նախակրթարաններ հաստատել » : Ընկերութիւնը ունի իր Կանոնադիրը բաղկացած 20 Յօդուածներէ , Հրատարակուած Հայրենիքի մէջ <sup>40</sup> : Ընկերութեան բաժնեգիրն է շաբաթական 20 փարա (Յօդ . 3) : Ընկերութիւնը ունի Ընդհ . եւ Գործադիր Ժողով (Յօդ . 10) . առաջինը կը կազմեն բոլոր անդամները , իսկ երկրորդը 15 անձեր (Յօդ . 11 եւ 12) :

<sup>39</sup> Տեղեկացիր Հայրենակցական Միութեանց , Կ . Պ . 1921 , էջ 15 :

<sup>40</sup> 1877 , Թ . 328 :



Ընկերութիւնը ժիր գործունէութիւն ունեցած է իր սկզբնաւորութեան մէջ. արդէն 1878ին հայրենիք կը գրկէ Պաշտասար Երէջեան եւ 1878 Դեկտ. 1ին կը բանայ իր առաջին դպրոցը Խակել գիւղին մէջ, որ կ'ունենայ 55 աշակերտ՝ Խակելէն, Խարխոցէն եւ Պոռէնցէն, ինչպէս նաեւ քանի մը դիշերօթիկ Սպարկերտէն <sup>41</sup>։ Ընկերութիւնը կը ջանայ նաեւ իր դպրոցի աշակերտներուն մէկմէկ հազուաւ շինել <sup>42</sup>։ Այդ առաջին ծախքերն ընելէ վերջ՝ Ընկերութիւնը 1878ին ունէր 3178 դրշ. պատրաստ դրամ <sup>43</sup>։ Իր նպատակին հասնելու համար Ընկերութիւնը թատերական ներկայացումներ կը սարքէ <sup>44</sup>։ Ընդհ. Ժողովի Ատենապետն էր Խ. Յ. Խարաճ, իսկ Գործ. Ժողովի Ատենապետը՝ Ա. Թրնկըրեան, Ատենադպիրը՝ Վ. Յ. Մարդարեան։

Ընկերութիւնը իր երկրորդ դպրոցը կը բանայ Խիզան գաւառի Եղեգիս գիւղին մէջ 1879ին, որ 1880ին վերջը ունէր 150 աշակերտ <sup>45</sup>։ Վանի մէջ Ընկերութիւնը ունէր օժանդակ ճիւղ մը <sup>46</sup>։ 1882 Յունիս 1ին կը քանայ երրորդ դպրոցը Հայոց Չորի Անգղ գիւղին մէջ, որ Վանէն 4 ժամ հեռու է <sup>47</sup>։

<sup>41</sup> Մասիս, 1879, Թ. 2454։

<sup>42</sup> Անդ, Թ. 2498։

<sup>43</sup> Մասիս, 1878, Թ. 2194։

<sup>44</sup> Անդ՝ 1879, Թ. 2260։

<sup>45</sup> Թերնէմանը Էֆէնար, Կ. Պ. 1881, Թ. 1023։

<sup>46</sup> Մասիս, 1882, Թ. 3220։

<sup>47</sup> Անդ, Թ. 3235։



Ըստ Մասիսի տեղեկատուին<sup>48</sup> Ընկերութիւնը չորսորդ դպրոց մ'ալ բացած է Խարխոց գիւղին մէջ : — 1883էն վերջ Ընկերութիւնը կը կորսնցնէ իր աշխոյժը :

## 2. ՀԱՅՐԵՆԱՍԻՐԱՅ ԸՆԿԵՐՈՒԹԻՒՆ (...1916)

Կազմած են Նիւ Եորկաքնակ Խիզանցի-  
ներ<sup>49</sup> :

### ՂՈՒԼԹԻԿ (ԽՈՒԼԹԻԿ) ԳԻՒՂ

#### 1. ԵՂԲԱՅՐԱՍԷՐ ԸՆԿԵՐՈՒԹԻՒՆ (1884)

Կազմուած է 1884ի առաջին տիւնե-  
րուն Պոլսոյ մէջ : Իր Կանոնադիրը Հաստա-  
տել կու տայ 1884 Ապրիլին : Նպատակն եղած  
է հայրենի գիւղին մէջ դպրոց մը բանալ<sup>50</sup> :

#### 2. «ԱՆԳՐԱՆԻԿ» ԸՆԿԵՐՈՒԹԻՒՆ (1908)

Հիմնուած է 1908 Օգոստ. 3ին Պոլիս :  
Իրենց նպատակն է . «Թէ՛ նիւթապէս եւ թէ՛  
քարոյտապէս զարգացնել գիւղի մէջ դանուած  
վարժարանները եւ եկեղեցիները<sup>51</sup> :

#### 3. ԿՐԹԱՍԻՐԱՅ ԸՆԿԵՐՈՒԹԻՒՆ (1909)

Կազմուած կ'երեւայ 1909ի սկիզբները :

<sup>48</sup> Մասիս, 1883, թ. 2442 :

<sup>49</sup> Արարատ, էջմիածին 1916, էջ 181 :

<sup>50</sup> Փոսնջ, Կ. Պ. 1884, թ. 1886 :

<sup>51</sup> Մանգուսէի էֆէնք, 1908, թ. 2195 :

Ազատամարտ<sup>52</sup> 1909 Նոյեմբերին կը գրէ . «Պսիս բնակող Խուլթիկ դիւղացիք իրենց մէջ Կրքասիրական Միութիւն մը կազմելով եւ փառքիկ ամսավճարներ տալով՝ տարեկան կարեւոր դումար մը կը գրկեն իրենց տեղի դպրոցին» : — Ընկերութեան անունն է «Կրքասիրաց Ընկերութիւն», որ 1918ին կը վերակազմուի այս անունով , կ'ունենայ 50 անդամ , Գործ . Մարմինը կը կազմեն՝ Միսաք Պաղտատարեան , Գրիգոր Երէցեան եւ Պետրոս Ճանիկեան<sup>53</sup> :

#### 4. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1909)

Հաստատուած է Նիւ Եորկի մէջ : Դիւանին անդամ էր , 1955ին , Լեւոն Սէֆէրեան : Կը ջանար պատրաստել Յիշատակարան Գիրք մը Խուլթիկի մասին :

### ՌՆՏՈՒԱՆ

#### 1. ԿՐԹԱԿԱՆ ԸՆԿԵՐՈՒԹԻՒՆ (1885)

Հիմնուած է 1885 Հոկտ . ին : Հիմնադիրն է Կարապետ վրդ . Մալխոսեան : Կը նպատակ վարժարանին<sup>54</sup> :

<sup>52</sup> 1909, Թ. 125 :

<sup>53</sup> Ժողովուրդի Զայնը , 1920, Թ. 628 :

<sup>54</sup> Մասիս , 1886, էջ 951 :



## ՄՈՒՇ (Տարօն-Տարուբերան)

### 1. ԸՆԿԵՐՈՒԹԻՒՆ ԱՐԲՈՅ ԹԱՐԳՄԱՆՁԱՅ

(1853—1854)

*Պաշտոյ Մասիս 1857 Յունուար 3 թուականով կը գրէ . «Մշու Ս . Կարապետի վանփին մէջ չորս տարի ձրի վարժապետութիւն ընող արժանապատիւ Տ . Մամբրէ վարդապետը . . . Մուշ եղած ժամանակը . . . քաղաքին մէջ յանուն Սրբոց քարգմանչաց Ընկերութիւն մը կազմեր էր եւ դպրոց մը բացէր . ուր կանոնաւոր հայկաւրանութեան դաստառութիւն կ'ըլլայ մինչեւ հիմայ» (Մասիս , Կ . Պ . 1857 , Թ . 258) , այսինքն՝ 1857 Յունուար :*

*Ընկերութեան հիմնումի թուականը կը թուի թէ 1853—1854 ըլլալու է : — Յաջորդ նայնանուն Ընկերութիւնը կապ չունի սաւոր հետ :*

### 2. ԱՐԲՈՅ ԹԱՐԳՄԱՆՁԱՅ ԸՆԿԵՐՈՒԹԻՒՆ (1856)

*Մուշի այս Ընկերութիւնը հիմնուած է 1856 Յունիս-Յուլիսին : Հիմնադիրն է վարդան Մամիկոնեան՝ «Մուշ դաւառի ազգ . դարձակատար» , որ Երկոտասան Առաքելոց վանփին վարժարանը բարեկարգելու եւ տնոր նիւթական եկամուտ մը ապահովելու համար կը հիմնէ «Սրբոց քարգմանչաց Ընկերութիւնը» , որուն կը գրուին անմիջապէս 65 անդամ : Քսանի չափ աշակերտ կ'ընարէ*



վերայիշեալ անձը՝ վարժարանին մէջ կըրթուելու համար (Մասիս, 1856, Թ. 237) :

3. ԽՈՐԵՆԵԱՆ ԸՆԿԵՐՈՒԹԻՒՆ (...1863)

Հիմնումի տարին անծանօթ է : Կը յիշուի աստիճին անդամ 1863 Մայիսին «Տարօնոյ Արժուիկ»-ի մէջ (Արժուիկ Տարօնոյ, Մուշ 1863, Թ. 4, էջ 15) եւ կը թուի թէ շատ եին չէ, զի Սրուանձտեանոյ (թերթին խմբագիրը) կը շեշտէ թէ «Այսօր Մշոյ մէջ... Ընկերութիւններ կան՝ Խորէնեան Ընկերութիւն...» :

Ընկերութիւնս իր «յատուկ դպրոցն» — հաւանօրէն «Խօրենեան» — ունեցած է, զոր իր միջոցներով կը «խնամակալէր» (Արժուիկ Տարօնոյ, անդ. 1865, էջ 54) :

4. ՀԱՅՐԵՆԱՍԵՐԱՅ ԸՆԿԵՐՈՒԹԻՒՆ (...1863)

«Արժուիկ Տարօնոյ» (1863, էջ 15) կը յիշէ Ընկերութիւնս լոկ անուանով :

5. ՄՈՒՇԵՂԵԱՆ ԸՆԿԵՐՈՒԹԻՒՆ (...1863)

Հաւանօրէն վերին քաղի «Մուշեղեան» վարժարանի սաները հիմնած են Ընկերութիւնս. այդ պարագային շատ հին ըլլալու է վարժարանի բացումին թուականը : Կը յիշուի 1863ին (Արժուիկ Տարօնոյ, անդ.) :

6. ԹԱՐԳՄԱՆՁԱՅ ԸՆԿԵՐՈՒԹԻՒՆ (1863)

Հաւանօրէն դադրած էին հին «Մուրր թարգմանչոյ Ընկերութիւնները» 1863ին,



երբ կը հիմնուի «Թարգմանչաց Ընկերութիւն»ը (Արծուիկ Տարօնոյ, անդ) :

Այս վերջին երեք Ընկերութիւնները պաշտպանն էին Մուշ քաղաքի գանազան քաղերու դպրոցներուն (Արծուիկ Տարօնոյ, 1863, էջ 16) :

#### 7. ԲԱՐԵՍԻՐԱՅ. ԸՆԿԵՐՈՒԹԻՒՆ (1864)

Հիմնուած է 1864 Յունուար 9ին (Մասիս, 1872, Թ. 1204) : Հիմնադիրներն են Մուշի վերին քաղի երիտասարդները : Ընկերութեան մասին խօսած է «Արծուիկ Տարօնոյ» իր 1865 տարւոյ թիւ 37ին մէջ (Հմմտ. Արծուիկ Տարօնոյ, 1865, էջ 54), որ վիճանայի հաւաքածոյին մէջ կը պակսի : Թերթը կը գրէ որ «Բարեսիրաց Ընկերութիւն» . այս անդրանիկ կամ մայր Ընկերութիւնն է Մշոյ : Սա եղած է առիթ եւ բարեմախտանձ օրինակ Մշոյ հայ հասարակութեան» (Արծուիկ Տարօնոյ, 1865, էջ 54) : «Անդրանիկ» կամ «մայր» Ընկերութիւն կոչուելուն պատճառն է իր ժամանակին առաջնորդող դեր խաղալուն, զի իրմէ առաջ այնքան Ընկերութիւններ դոյութիւն ունեցած են :

1872ին իր Տամեակը կը տօնէ անհախճեթաց հանդիսութեամբ (Մասիս 1872, Թիւ 1204) : 1879ին կը վերակազմուի : Կը մտադրէ բանալ փորժարան մը : Գեղամ Տէր Կարապետեան կը խնդակցի Ընկերութեան աշ-



խուժացումին վրայ եւ կը մտաւթէ որ ուրիշ  
Ընկերութիւններ ալ վերակազմուին (Հայրե-  
նիք, Կ. Պ. 1879, Թ. 549) : Ընդհ. Ժողովի  
Գիւտնը կը կազմէին :

Քաղէսս Ատալմեան, Ատենապետ  
Բենիամին Ա. Սէրուհի, Ատենաղալիք

Ընկերութեան բարերարներէն կը յիշուին՝ Յակոբ Տիրացուեան եւ Յակոբ Ծե-  
րունեան : 1879ին Սեմալ Գիւղին մէջ դպրոց  
մը կը բանայ (Մասիս, 1879, Թ. 2498, 1880,  
Թ. 2555) :

1880 Գեղտ. 25ին կը միանայ Խորենեան  
եւ Ուսումնասիրաց Ընկերութիւններու հետ՝  
կազմելով նոր Ընկերութիւն մը, ինչպէս  
պիտի տեսնենք վարը :

Տ. ԽՈՐԵՆԵԱՆ ԸՆԿԵՐՈՒԹԻՒՆ (1864—1865)

Հիմնուած է Մուշի Զորոյ քաղի մէջ եւ  
տարրեր է նախորդ «Խորենեան»էն (Տե՛ս  
Արծուիկ Տարօնոյ, 1865, էջ 54) : — Կը ջա-  
նային կազմել նաեւ «Խորենեան Ընթերցա-  
րան» մը (Արծուիկ Տարօնոյ, անդ, էջ 56) :  
— Տրապիզոնցի Ստեփան Յակոբեան Հայ-  
րենիքի մշտական բաժանորդութիւնը կը  
նսւիրէ Ընկերութեան (Հայրենիք, 1871,  
Թիւ 49) :

Ընկերութիւնը 1872ին ունի իւրանուն  
դպրոց մը (Մասիս, 1872, Թ. 1204) :



## 9. ԹԱՐԳՄԱՆՁԱՅ ԸՆԿԵՐՈՒԹԻՒՆ (1864—1865)

*Հիմնադիրներն են Մուշի Զիկրաշինու քաղեցիները եւ տարրեր է նախորդէն (Արծուիկ Տարօնոյ, 1865, էջ 54) :*

## 10. ՄԱՄԻԿՈՆԵԱՆ ԸՆԿԵՐՈՒԹԻՒՆ (1864—1865)

*Հիմնուած է Մուշ քաղաքի վերին քաղի մէջ : Իր «գլխաւոր անդամ, յորդորիչ եւ կանոնագիրն» է Տէր Յակոբ Բահ. Քէշիշեան (Արծուիկ Տ., անդ, էջ 54—55) :*

*Այս վերջին 3 Ընկերութիւններու մասին կը գրէ օրուան թերթը. «Այս ամէն Ընկերութիւններ յատուկ յատուկ սենեակ ունին, ուր կը ժողովին, նիստ կ'ընեն, յատուկ տօմար, տօմարակալ, արկղ, գանձապետ, ժողով, ատենապետ ունին որոշած : Տուրքեր շաբաթական են, բաժին բաժին որոշած, շաբաթ մինչեւ 10 փարա տուօղն ալ կրնայ ընկեր գրուիլ : Նպատակնին է՝ ազդի օգտին մատակարարել որ՝ դպրոցին գիրք եւ ուրիշ պէտքեր գնել, որ՝ աղփառներ հագցնել, անհար պարտապաններ ազատել . . . իւրաքանչիւր Ընկերութեան 40, 70, 90 եւ աւելի բաժանորդներ ունի . . .» (Արծուիկ Տարօնոյ, 1865, էջ 54) :*

## 11. ՀԱՅՐԵՆԱՍԻՐԱՅ ԸՆԿԵՐՈՒԹԻՒՆ (1865)

*Մուշէն կը գրեն. «Մուշ Աւանի» Սուրբ Մարիամէի թաղեցի ազգատէր երիտասարդներն ալ Հայրենասիրաց Ընկերութիւն մը*



կազմած են՝ հոգ տանիլ նոյն քաղի դպրատան, դարմանել աղքատ ու անապաւէն տղաքներ եւ ձրի գրքեր շնորհել աղքատ մանկանց» (Արծուիկ Տարօնոյ, 1865, էջ 56) :

12. ՆԱՀԱՊԵՏԱԿԱՆ ԸՆԿԵՐՈՒԹԻՒՆ ( . . . 1869)

Հիմնադրութեան տարին անձանօթ է . կը յիշուի 1869 Հոկտ.ին : Հիմնադիրն է Մուշ գաղթած Ահնգի Միսաք Թիմուրեանց (Մասիս, 1873, Թ. 1403) :

13. ՄԱՄԻԿՈՆԵԱՆ ԸՆԿԵՐՈՒԹԻՒՆ (1870)

Պոլսոյ պանդուխտ Մշեցիները հիմնած են 1870ին : 1875ին կը շինէ բնակարութեամբ խալիս Աղայի խան մը : 10% շահը կը նուիրէ վարժարանի մը : Ամէն տարի խնջոյք մը կու տայ իր անդամներուն : 1882ին գեռ կանգուն էր (Հայրենիք, 1874, Թ. 223 : — Լոյս, Կ. Պոլիս 1882, Թ. 254) :

14. ԹԱՐԳՄԱՆԶԱՅ ԴՊՐՈՅԱԿԱՆ ԸՆԿԵՐՈՒԹԻՒՆ (1873)

Կազմուած է 1873ի դարնան վերջերը : Տնօրէն Ժողովը կը կազմէին .

Պետրոս Առաքելեան

Գասպար Տէր Դաւիթեան

Յովհաննէս Ամատունի

Կարապետ Փոթիկեան

Ընկերութեան նպատակն է . Ս . Թարգ-



մանչաց Կեդրոնական Ուսումնարան մը հիմնել, որպէս զի Մուշի եւ զիւղերու ուսումնասեան տղաց բարձրագոյն կրթութիւն մը տայ (Մանգոսմէի Էփեփար, Կ. Պ. 1873, թիւ 2266) :

15. «ՏԱՐԹՆ» ԸՆԿԵՐՈՒԹԻՒՆ (1879)

Հիմնուած է Պոլիս նժդէ՛ Մշեցիներէ՛ նպատակ ունենալով «Տարօնոյ դաստիարակութիւնն բնդիւսնրացնել՝ դարձակցութեամբ Դպրոցատիրաց — Արեւելեանի» (Թերնեմանր Էփեփար, Կ. Պ. 1880, թ. 792) : Հիմնաւթ թուականը հաւանօրէն 1879 Նոյեմբեր-Դեկտեմբերն է, զի կը յիշուի 1880 Յունուար 10ին եւ արդէն ունի իր Կանոնագիրը : Վարչական Մարմինը կը կազմեն .

Ասեճապետ՝ Անտոն Ռ. Խաչաւեանց

Ասեճադպիր՝ Նիկողայոս Միլէթպաշեան (Մասիս, 1880, թ. 2527 : — Տե՛ս նաեւ թ. 2582) : Ընկերութիւնը ունեցած է դրօսարան մը (Լոյս, 1882, թ. 224) :

16. ՆՈՐ-ՀԱՅ ԸՆԿԵՐՈՒԹԻՒՆ (1879)

Հիմնադիրն է Աստուածատուր (Հայրենիք, 1879, թ. 585 : — Մասիս, 1880, թիւ 2555) :

17. ՀԱՅԿԱԿԱՆ ԸՆԿԵՐՈՒԹԻՒՆ (1879)

Հիմնուած էր արդէն 1879 Նոյեմբերին (Հայրենիք, 1880, թ. 585) :



18. ՈՒՍՈՒՄՆԱՍԷՐ ԸՆԿԵՐՈՒԹԻՒՆ (1879)

*Հիմնադիրներն են՝ Յովհաննէս, Մկրտիչ եւ Յակոբ (Մասիս, 1880, Թ. 2555) :*

19. ՀԱՅՐԵՆԱՍԷՐ ԸՆԿԵՐՈՒԹԻՒՆ (1879)

*Կը յիշուին միայն հիմնադիրները. — Ղազար եւ Պօղոս (Մասիս, անդ) :*

20. ԻՐԱԽԱՍԷՐ ԸՆԿԵՐՈՒԹԻՒՆ (1879)

*Կը յիշուի լոկ հիմնադիրը՝ Յարութիւն (Մասիս, անդ) :*

21. ՏԱՐՕՆՈՅ ՀԱՅՈՅ ՄԻԱՅԵԱԼ ԸՆԿԵՐՈՒԹԻՒՆԻ (1880)

1880 Դեկտ. 25ին Մուշի Բարեւիրաց, Խորենեան եւ Ուսումնասիրաց Ընկերութիւնները միանալով՝ կը կազմեն «Տարօնոյ Հայոց Միացեալ Ընկերութիւնք»ը, որուն Տնօրէն ժողովը կը կազմեն.

*Մ. Յ. Սարրեան, Ատենապետ*

*Կարապետ Պ. Թերզեան, Ատենադպիր (Մասիս, 1881, Թ. 2862, 2874) :*

22. ...ԸՆԿԵՐՈՒԹԻՒՆ (1908)

*Մուշի Առաջնորդ Ներսէս Խարախանեանի յորդորներով զաղթական Մշեցիներ Մանիսայի մէջ 1908ին կը հիմնեն Ընկերութիւն մը՝ ի նպատակ Ս. Կարապետի վանքի Որբանոցին : Դժբախտաբար Ընկերութեան*



անուր չի յիշուիր (Ազատամարտ, Կ. Պ.,  
թիւ 213) :

23. ՏԱՐՕՆՈՅ ԹԱՏԵՐԱՍԻՐԱՅ ՄԻՈՒԹԻՒՆ (1908)

Հիմնուած է Սահմանադրութեան  
հաշակումէն քիչ յետոյ, իբր 1908 Գեղամ-  
բերին : 1909 Փետր. 5ին կրնայ իր առաջին  
ներկայացումը տալ Գուրեանի « Արտաշէս  
Ա. » ըր բեմ հանելով : Հետզհետէ կու տայ կա-  
նոնաւոր ներկայացումներ՝ դժուարին թա-  
տերախաղերով ալ : Էաւ կազմակերպուած  
Վարչութիւն ունեցած է (Յառնջ, Կարին  
1910, թ. 94) :

24. ՏԱՐՕՆ-ՏՈՒՐՈՒԹԵՐԱՆ ՅԱՌԱՋԻՄԱՍԻՐԱՅ  
ՄԻՈՒԹԻՒՆ (1908)

Հիմնուած է Ամերիկա՝ իստ Պրովի-  
դենս քաղաքի մէջ՝ հոգատակ ունենալով Մա-  
մուլ մը Էիմնել Տարօնի մէջ (Կ. Սասունի,  
Պատմութիւն Տարօն Աշխարհի. Պէյրութ  
1957, էջ 1082, 1085) :

25. ՏԱՐՕՆ-ՍԱԼՆՈԶՈՐԻ ՀԱՅՐԵՆԱԿՅԱԿԱՆ  
ՄԻՈՒԹԻՒՆ (1909)

Կազմուած է Պոլիս 1909ի գարնան : Հիմ-  
նադիրներն են. Գեղամ Տէր Կարապետեան,  
Միսիթար Շեխիկեան, Արտաշէս Ֆերահեան  
եւ Կարօ Սասունի : Կանոնադիրը կազմած է  
Գեղամ Տէր Կարապետեան, զոր չենք տե-  
սած : Միութիւնը օգնած է երկրի կարիքնե-



րուն եւ ունեցած ճիւղեր (Կ. Սասունի, անդ, էջ 1084—1085) :

Ինչպէս կը տեսնուի՝ Միութեանն հիմնադիրները Մշեցի-Տարօնցիներ են, հետեւորար Միութիւնն սրեւէ կապ չունի նոյնա-նուն Միութեան հետ, որ կը կազմուի 1918ին Մշեցիներէ եւ Բաղէշցիներէ՝ բազմաթիւ տարրեր նախատախով :

Միութիւնն տեւած է մինչեւ 1914 :

#### 26. ԵՐԵՏԱՍԱՐԳԱԿԱՆ ՄԻՈՒԹԻԻՆ (1910)

Կազմած են 25—30 երիտասարդներ Մուշի մէջ : Ունեցած են Ծրագիր-Կանոնագիր մ'ալ, զոր առիթ չենք ունեցած տեսնելու (Տե՛ս Ազատամարտ, 1910, Թ. 221) :

#### 27. ՏԱՐՕՆԻ ԿՐԹԱՍԻՐԱՅ ԸՆԿԵՐՈՒԹԻՒՆ (1910)

Ֆրէզնոյի մէջ Մշեցի գաղթականներ հիմնած են 1910ին «Տարօնի Կրթասիրաց» Ընկերութիւնը՝ նախառակ ունենալով Մուշի մէջ բարձրագոյն վարժարան մը րանալ (Ժամանակ, Կ. Պ. 1913, Թ. 1615) :

#### 28. ՍԱՀԱԿ-ՄԵՍՐՈՊ ԿՐԹ. ԳԻՒՂ. ՄԻՈՒԹԻՒՆ (1913—1914)

Հաւանօրէն 1913ի վերջը կամ 1914ի սկիզբը կազմուած է Տուրուբերանի «Սահակ-Մեսրոպեան Կրթական Գիւղատնտեսական Միութիւնը», որ 1914 Մարտին կը ջանար իր



Կանոնագիրը հաստատել տալ (Ժամանակ , 1914 , թ . 1744) :

29. ՏԱՐԾՆ-ՏՈՒՐՈՒԲԵՐԱՆ ՄԻՈՒԹԻԻՆ (...1917)

Կազմուած է Տփղիսի մէջ պանդուխտ Մշակիներէ եւ օգտակար եղած է Թրքահայ փախստականներուն (Հայաստան , Թիֆլիս 1917 , թ . 61) :

30. «ՍԱՍՈՒՆ» ԿԱՆԱՆՅ ՄԻՈՒԹԻԻՆ (...1917)

Տփղիսի մէջ կազմուած է «Տարօն-Տարուերան»ի կից : 1917ին իր Վարչական կազմն էր .

Շ . Ամիրեան , Նախագահուհի

Ս . Մելիք-Սարգսեան , Քարտուղարուհի  
( Հայաստան , անդ ) :

31. «ՏԱՐԾՆ-ՏՈՒՐՈՒԲԵՐԱՆ» ԿԱՆԱՆՅ ՄԻՈՒԹԻԻՆ  
(1917)

Հիմնուած է Բաքուի «ի նպատակ Թրքահայ փախստական ժողովրդի Ֆիդիքական դոյութեան» ( Հայաստան , անդ ) :

32. ՏԱՐԾՆ-ՍԱՆՈՅ ԶՈՐ ՀԱՅՐԵՆԱԿՅԱԿԱՆ  
ՄԻՈՒԹԻԻՆ (1918)

Հիմնուած է 1918ի գինադագարէն անմիջապէս վերջ Պալսոյ մէջ Մուշի եւ Բաղէշի շրջաններու վերադարձներու միջեւ կապ հաստատելու , անմիջական պահանջներ դռ-



հայնելու, իրար օգնելու եւ հայրենիքի վերաշինութեան համար: Կ'ուսնենայ շուտով Ծրագիր-Կանոնագիր մը 19 Յօդուածներէ բաղկացած եւ 1919ին Պոլիս տպուած:

### 33. ՏԱՐՕՆ-ՏՈՒՐՈՒԲԵՐԱՆ ՀԱՅՐԵՆԱԿՅԱԿԱՆ ՄԻՈՒԹԻՒՆ (1918—1919)

Պոլսոյ մէջ կազմուած է Մշեցիներէ՝ մեծ կազմակերպութեամբ բոլոր Մշեցիները իրար ղօղելու, ամէն կերպով իրար օգնելու համար: Միութիւնը տուած է իր անդամներուն «ինքնութեան վկայագիր» մը, ինչպէս կը ցուցնէ 1922ին տպուած տետր մը: Այս Միութիւնը ունեցած է ամէն կողմը իր ճիւղերը: Պարիսի մէջ եղածը կազմուած է 1925ին՝ ունենալով Ծրագիր-Կանոնագիր եւ ուրիշ քաղաքներու մէջ իր ճիւղերը (Տե՛ս Յառաջ, Փարիզ 1952, Թ. 2253):

Այս անունով Ամերիկայի մէջ կազմուածը 1917էն է Մոնտանա նահանգի Գրանիտ Սիւի քաղաքի մէջ սկիզբ տուած: Հիմնադիրներն են Արիս Տէր Իսրայէլեան, Հայկ Մալոյեան, Հրանդ Փարիզեան: Միութիւնը հետզհետէ կ'ուռճանայ, կ'աճի ու կը դարդանայ եւ շատ մը ճիւղեր կ'արձակէ: Իր դործունէութեան պատկը կ'ըլլայ լոյս ընծայելով հայակապ Հատոր մը. — Պատմութիւն Տարօնի Աշխարհի, Պէյրութ 1957, ուր (էջ 1081—1125) ընդարձակ խօսուած է Միութեան մասին:



## ԳԻՒՂԵՐՈՒ ԸՆԿԵՐՈՒԹԻՒՆՆԵՐ

### ՋՐԻԿ ԳԻՒՂ

#### 1. ՆԵՐՍԻՍԵԱՆ ԸՆԿԵՐՈՒԹԻՒՆ (1863)

1863 Մայիսին «*հոր կազմվեր*» է *Ընկերութիւնս՝ իր «ջանքն ու նպատակն»* ըլլալով «*Վարժարանն հաստատել զխւղին մէջ*» (Արժուիկ Տարօնոյ, Մուշ, 1863, Թ. 4) :

*Ընկերութիւնը կրցեր է շուտով բանալ իր դպրոցը* (Անդ, 1865, Թ. 38) :

### ԿԱՐՍ ԳԻՒՂ

#### 1. ՂԵՒՈՆԴԵԱՆ ԸՆԿԵՐՈՒԹԻՒՆ (1869)

*Ճիւղ մըն է Բաղէշի մէջ եղած համահուն Ընկերութեան* (Մանգ. Էֆֆեար, 1870, Թ. 1452) :

### ՎԱՐԴԵՆԻՍ ԳԻՒՂ

#### 1. ՂԵՒՈՆԴԵԱՆ ԸՆԿԵՐՈՒԹԻՒՆ (1869)

*Կազմուած է նպատակ ունենալով դպրոց մը բանալ* (Մանգ. Էֆ. 1870, Թ. 1452) :

### ԱՐԳՕՆԻՔ ԳԻՒՂ

#### 1. ՂԵՒՈՆԴԵԱՆ ԸՆԿԵՐՈՒԹԻՒՆ (1869)

*Հիմնուած է քաջալերութեամբ Բաղէշի համահուն Ընկերութեան* : *Նպատակն եղած է դպրոց մը բանալ Գիւղին մէջ* (Անդ) :

## ԶԻԱՐԷԹ ԳԻՒՂ

1. ՎԱՀԱՆԵԱՆ ԸՆԿԵՐՈՒԹԻՒՆ (1879)

Հիմնաւած է 1879 Փետրուարին : Հիմնադիրն է Պետրոս Սիւտնեան, որ աւարցի էր և քարձէ գործողին համար Զաքար Տ. Ղաղարեան եւ տեսուչ՝ Գառար Տ. Դաւիթեան (Հայրենիք, 1879, թ. 509, 1880, թ. 585) :

## ՂԵՅՊԵԱՆ ԳԻՒՂ

1. ՄՈՒՇԵՂԵԱՆ ԸՆԿԵՐՈՒԹԻՒՆ (1879)

Կը յիշուի 1879 Նոյեմբերին (Հայրենիք, 1880, թ. 585) :

## ԿՈՒՐԱԽՈՒ ԳԻՒՂ

1. ՆԵՐՍԻՍԵԱՆ ԸՆԿԵՐՈՒԹԻՒՆ (1879)

Կը յիշուի 1879 Նոյեմբերին եւ արդէն բացած է գործող մը (Հայրենիք, տնդ) :

## ԽԱՍԳԻՒՂ ԳԻՒՂ

1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1900)

Հիմնած են Ամերիկաբնակ Խաղիւղցիներ եւ 12 տարի հոյացած են իրենց Գիւղի գործողին ծախքերը, ուր կ'աւանին 200 աշակերտներ : 1911ին աւելը 200 անդլիական՝ գործողի նոր շէնք մը շինելու համար (Ազատամարտ, 1911, թ. 678) :



## ՊՈՒԼԱՆԸՔ-ՀԱՐՔ ԳԱԽԱՌ

1. ՀԱՅՐԵՆԱՍԷՐ ԸՆԿԵՐՈՒԹԻՒՆ (1879)

Կը յիշուի 1879 Նոյ. 16ին : Դպրոցներ  
բացած է զանազան Գիւղերու մէջ (Հայրե-  
նիք, 1880, թ. 585) :

## ԿԱՐԻՆ

1. ԱՐՇՆԵԱՆ ԸՆԿԵՐՈՒԹԻՒՆ ԴՊՐԱՏԱՆ ԿԱՐՆՈՅ  
(1851)

Մեղի ծանօթ Կարնոյ Հնադոյն եւ Հա-  
ւանօրէն տառջին մշակութային Ընկերու-  
թիւնն է ասիկա, որ յորջորջուած է Բարձր  
Հայքի հին Արծն քաղաքի տնտէնով : Ընկե-  
րութեան հիմնադիրն է Կարնոյ Առաջնորդ՝  
Գրիգորիս վրդ. Զօրաբաբելեան (վախճա-  
նած՝ 1859ին), որ զայն հիմնած է 1851ի  
վերջերը : Այս մասին թղթակից մը 1852  
Յունուար 1ին Կարնէն կը տեղեկագրէ Իզ-  
միրի «Արշալոյս Արարատեան»ի, գրելով թէ  
Գրիգորիս վրդ.ը հազիւ Կարին հասած՝  
ձեռք զարկաւ տեղւոյս դպրոցի բարեկար-  
գութեան, «բայց զխանալով որ առանց Ըն-  
կերութեան այսպիսի ազգասիրական եւ ամե-  
նահարկաւոր դործ մը կա՛մ դուրս չկրնար  
երթալ, կա՛մ երթայ ալ նէ չկրնար մշտնջե-  
նաւորիլ, ուստի դպրատան հոգաբարձուներ  
որոշեց յարգի տնձինքներէն, իսկ Ընկերու-  
թեանը տնտէնը գրաւ Արծնեան Ընկերութիւն



Գալրատան Կարնոյ : Եւ խեղոյն մէկ շարթուան  
մէջ 400 բաժին զբուեցան շատ անձինք .  
խորաքանջիւր բաժինն է վաթսուներան փա-  
րա ամսական» (Արշալոյս Արարատեան ,  
Զմիւռնիա 1852 թ . 408 : — Հմմտ . Մասիս ,  
Կ . Պ . 1852 թ . 2 : — Նոյեան Աղաւնի , Կ . Պ .  
1853 թ . 68) :

Քօսեան ( Հ . Յակոբ Թ . Վ . Քօսեան , Բարձր  
Հայք , Ա . Վիեննա 1925 , էջ 245 ) սխալ-  
մամբ Ընկերութեանս ծաղուժը 1856ին դնե-  
լով՝ կ'ըսէ որ երեք տարի (1856—1859) մի-  
այն կեանք ունեցած է : Մինչդեռ Ընկերու-  
թիւնը 1851էն սկսած՝ երկար տարիներու  
դորձունէութեամբ Կարնոյ կրթական դորձին  
մեծապէս սատարած է : Արծնեան Ընկերու-  
թիւնը ամենաերկարատեւ Ընկերութիւնն է  
Կարնոյ Ընկերութեանց մէջ :

1858ին Հայ թերթ մը կը վկայէ թէ «Արծ-  
նեան Ընկերութեան» «մեծաջան արդիւնքն»  
է Կարնոյ Հնագոյն վարժարանի (Արծնեան)  
յոռաջգիմութիւնը (Արծուի վասպուրական ,  
Վան 1858 , էջ 155) : Արծուի վասպուրակա-  
նի (անդ , 1864 , էջ 128) համեմատ «Արծնեան  
Ընկերութիւնը» ունեցած է Ընթերցասիրաց  
Թանգարան մը , որուն վերատեսուչն էր Պետ-  
րոս Օճնեցի : Չենք գիտեր թէ ե՞րբ բացած  
է Ընկերութիւնը իր «Ընթերցասիրաց Թան-  
գարան»ը : «Թանգարան»՝ հոս Գրադարան-  
Ընթերցարան հասկնալու է :

1868ի տետները Ընկերութիւնը եւ իր Ըն-



թերցարանը քոյլցած ըլլալով՝ հարկ կը տես-  
նուի վերակազմութեան մը: 1868ի ամբան  
«խումբ մը ազգայինք իրարու աջակցելով»  
Ընկերութիւնը կը վերակազմեն նոր Տնօրէն  
վարչութեամբ, որ հետեւեալն է.

Համադասալ քահ. Կարնոյ      Նախագահ

Համադասալ Պալլարեան      Ատենապետ

Մկրտիչ Խաչիկեան      Ատենադպիր

Նորակազմ Ընկերութիւնը մեծ հանդէսով  
ու ճառախօսութիւններով 1868 Հոկտեմ-  
բեր 20ին բացումը կը կատարէ նաեւ իր  
Ընթերցարանին եւ կը ջանայ օրուան բոլոր  
հայերէն քերքերը ձեռք բերել Պոլսոյ իր  
գործակատար Տրդատ Ներկիզեանի միջոցաւ  
(Մասիս, Կ. Պ. 1868 թ. 874, 897: Ման-  
գումէի էփեար, Կ. Պ. 1868 թ. 826): Մա-  
սիսի այս մասին 1869 Յունիս 9ին թղթակ-  
ցութեան մը մէջ յայտնի կերպով կը շեշտուի.  
«Բարձր Հայոց Կարին քաղաքը մէկ քանի  
տարիէ ի վեր սկսած է բաւական խլրախլ յա-  
ռաջագիմութեան շուղին մէջ... այս կենդա-  
նութիւնը Տ ամիսէ մը վեր Կարնոյ մէջ Արծ-  
նեան անուն Ընթերցարան մը եւ համանուն  
Ընկերութիւն մը յարուցանելու առիթ  
եղաւ...» (Մասիս, 1869 թ. 926):

1869ի դարնան Ընկերութիւնը կը բանայ  
կիրակնօրեայ դասընթացք մըն ալ որուն կը  
յաճախեն 30—40 հոգի (Անդ):



Ընկերութիւնը իր Ընթերցարանի կապակցութեամբ կոչուած է նաեւ «Արծնեան Ընթերցարանի Ընկերութիւն» (Մանգումէի էֆէնար, 1891 թ. 997) :

1869ին՝ Ընկերութեան օժանդակութեամբ Կարնոյ մէջ դպրոց մը կը բանայ Տէր Գրիգոր քահանայ (Մամուլ, Կ. Պ. 1889 էջ 173) :

## 2. ԱՐՇԱՐՈՒՆԻ ԸՆԿԵՐՈՒԹԻՒՆ (1861)

Պալայ Արեւելի թերթին մէջ «Սկսնակ Բանասէր» կը դրէ որ Կարնոյ մէջ 1861ին կազմուած է Ընկերութիւն մը՝ «քաղքին մէջ Ընթերցարան բանալու եւ սեման ճաշակը տարածելու» նպատակով (Արեւելի, Կ. Պալիս 1898 թ. 3854) : Արեւելի յօդուածադրին անձանօթ կղած է սակայն 1861ին հիմնուած Ընկերութեան անունը : Անձանօթ մնացած է նաեւ Հ. Յ. Քօսեանի (Բարձր Հայք, անդ, էջ 245) : Ընկերութեան անունը աւանդած է սակայն Մուշի մէջ լոյս տեսնող Ժամանակակից Հայ թերթը — Արծուիկ Տարօնոյ, որ Կարնէն ստացած թղթակցութեան մը մէջ, 1883ին, կ'իմացնէ թէ «Կարնոյ մէջ աղաւաք երիտասարդաց շնորհիւ Վարդանանց տօնախմբութեան օրը, 1863 Փետր. 7ին, աղօղուած Ընթերցարան բացուեցաւ Արշարունի Ընկերութեան անուամբ . . .» (Արծուիկ Տարօնոյ, 1863 թ. 7, էջ 26) :



Ժամանակակից ուրիշ թերթ մը — Սէր — Կարնէն 1864 Վեար . 27ին դրուած թշխակ-  
յութիւն մը կը հրատարակէ , ուր կ'ըսուի .  
«Կարնոյ Գաւառական ժողովի ազգասէր ան-  
դամները , գլխաւորութեամբ Յակոբ Յովա-  
սափեանի՝ սկզբնապատճառ եւ հիմնադիր  
եղած են Արշարունի Ընկերութեան Ընթեր-  
ցարանին» (Սէր , Կ . Պ . 1864 , էջ 24) : Սէրի  
համեմատ Ընկերութեան նպատակն է . «Գի-  
տութիւնը եւ ընթերցասիրութիւնը ծաւալել  
հասարակութեան մէջ ի ձեռն ձրի վերծա-  
նութեան ազգային պատմագրոց եւ ազգագուտ  
սարքերակաւաց» (Անդ) :

Ընկերութեան բացած Ընթերցարանը ու-  
նի 12 Յօդուածներէ բաղկացած Կանոնագրու-  
թիւն մը , որ հրատարակուած է Արծուիկ  
Տարօնոյի մէջ (1863 , էջ 28—29) ուր Յօ-  
դուած 2 . կ'ըսէ . «Ընկերութեան նպատակն  
ըլլալով ընթերցասիրութեան միջոցաւ Կար-  
նոյ Ազգայնոց առաջնորդել դէպ ի յառաջա-  
դիմութիւն , ամէն Հայու համար բաց պիտի  
ըլլայ միշտ Ընթերցարանը . . . :

Ընկերութիւնն կը յիշուի նաեւ «Արշարու-  
նեաց» (Խասին , 1863 թ . 580) : — Արծուիկ  
Տարօնոյ , 1863 թ . 7) եւ «Արշարունեան»  
(Արծուիկ Տարօնոյ , տեղ) ձեւով : — Իր դո-  
յութիւնը կը պահէր տակաւին 1878ին «Արշա-  
րունեան Ընկերութիւն» յորդորջուծով (Լոյս .  
Կ . Պ . 1878 թ . 769 : — 1864 Սեպտեմբերին  
Պոլսէն Կարին այցելող մը՝ Արշարունի Ըն-



կերութեան Ընթերցարանին մէջ կը դանէ 14 հայերէն քերք, ինչպէս նաեւ Մէմֆուայք փինուսի եւ Courier եւ կը դրէ որ «Այս Թանգարանը (Ընթերցարան) գրեթէ ընդհանրութեան իբրեւ դպրոց կը ծառայէ. բոլոր Կարնեցոց բերնէն գովուրիւն եւ շնորհակալութիւն լսեցի այս մասին» (Պեգասեան Թռչնիկ, Կ. Պ. 1864, էջ 175) :

### 3. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1862)

«Սկանալ Բանասէր», որ հին հայ Ընկերութիւններու համառօտ ցանկ մը տուած է՝ 1898ին կը դրէ որ Կարնոյ մէջ դոյութիւն ունեցող Գայիանեան աղջկանց վարժարանին նիւթապէս նպաստելու համար 1862ին Կարնոյ մէջ կը հիմնուի Ուսումնասիրաց Ընկերութիւնը, որ իր դոյութիւնը մինչեւ 1880 տրահած է (Արեւելք, 1889 թ. 3854) :

Հարցաւորն կը մնայ սակայն «Գայիանեան վարժարանի» մը դոյութիւնը Կարնոյ մէջ 1862էն առաջ, զի զխտենք թէ, 1864ին ցաւ կը յայտնուի որ Կարին աղջկանց վարժարան բնաւ չէ ունեցած (Տե՛ս Արծուի վասպուրական, Վան 1864, էջ 135) : Մասիս (1864 թ. 637) կը դրէ որ Կարնոյ մէջ աղջկանց վարժարան չկայ եւ կ'ուզեն հիմնել :

### 4. ...ԸՆԿԵՐՈՒԹԻՒՆ (1864)

1864 Ապրիլ 5ին Կարնոյ մէջ 1000 հոգիի ներկայութեան դպրոցական հանդէս մը տե-



դի կ'ունենայ, քննութեան ենթարկելով Արծ-  
 նեան ժառանգաւորաց վարժարանի սաները,  
 որմէ վերջ կը ճառախօսէ վաստակաւոր ու-  
 սուցիչ Կարապետ Մ. Չաքարեանց՝ իրեն  
 նիւթ տոնելով աղջկանց վարժարանի մը  
 պէտքը: Ճառախօսը սրտառուէ բառերով կը  
 պարզէ աղջկանց կրթութեան անհրաժեշտու-  
 թիւնը ընտանեկան, ամուսնական եւ անտե-  
 սական կեանքի մէջ: Կը դափէ Կարնեցիները,  
 որ հոյ տարած են ունենալու արական սե-  
 րունդի կրթութեան համար դպրոցներ: Բայց,  
 կ'աւելցնէ, մեծ քերի մը եղած է աղջ-  
 կանց կրթութեան մասին անփութութիւնը:  
 Կ'առաջարկէ անմիջապէս հիմնել յատուկ  
 Ընկերութիւն մը, որուն միակ նպատակն ըլ-  
 լայ աղջկանց վարժարան մը բանալ: Ճառա-  
 խօսը կ'առաջարկէ նաեւ որ բացուելիք վար-  
 ժարանը Հռիփսիմեանց վարժարան կոչուի:  
 Ընկերութեան տարեկան բաժանորդագրինը  
 կ'որոշուի 5 դրուշ: Կ'առաջարկուի որ Ընկե-  
 րութիւնը երեք տարիի չափ շարունակուի,  
 «որպէս զի աղջային սնտուկը իւր ուժը ունե-  
 նայ կամ Ընկերութեան տուրքէն դրամա-  
 դլուիս մը պատրաստուի»: Հասարակութիւնը  
 ծափահարութեամբ կ'ընդունի այս առաջար-  
 կը եւ անմիջապէս բաղձաթիւ անձեր կ'ար-  
 ձանագրուին Ընկերութեան բաժանորդ: Քա-  
 ղաքին Առաջնորդ Յարութիւն Արքեպ. Վե-  
 հապետեան 20 բաժին կը դրուի՝ օրինակ  
 հանդիսանալով իր ժողովուրդին:



Այս եղելութիւնը աւանդած են Արծուի վասպուրական (1884, էջ 127—137), Սէր (1864, էջ 38) եւ Մասիս (1864 թ. 637), ժամանակակից թերթերը՝ Կարնէն եղած թղթակցութիւններով, սակայն մոռցուած կամ անտես առնուած է յիշել կողմուած Ընկերութեան անուր որ ուրիշ կողմէ ալ անձանօթ է :

#### 5. ԱՆՁՆՈՒՆԵՐ ԸՆԿԵՐՈՒԹԻՒՆ (1869)

Կարնոյ մէջ ալ սկսեցած է իր ճիւղը Պոլսոյ «Անճնուէր»ը, հիմնուած 1860ին : 1869 զարնան կողմուած է Կարնոյ մէջ : 1869 Յուլիսին Պոլսոյ Մամուլ թերթը կը դրէ որ Կարնոյ մէջ ալ իր հալածողներն ունի «Անճնուէր Ընկերութիւն»ը, ակնարկելով նոյն Ընկերութեան Եւդոկիայի ճիւղին կրած հալածանքներուն (Մամուլ, Կ. Պ. 1869, էջ 248) :

«Արծնեան Ընկերութեան» Տնօրէն Ժողովը նախաձեռնող եղած է Կարնոյ մէջ «Անճնուէր Ընկերութեան» ճիւղ մը բանալու (Հմմտ. Մասիս, 1869, թ. 926) :

#### 6. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1869)

Պոլսոյ փոքր Մասիսին թղթակիցը՝ Զարմայր Մկրտիչ Յ. Աղապաղեանց կը դրէ 1869 Յուլիս 17ին. «... քաղաքիս մէջ քանի մը տղառէր երիտասարդ արհեստաւորներ «Ոստաֆնասիրաց» Ընկերութիւն մը հաստատած են, որոյ նպատակն է՝ ազգաւ եւ ան-



կարող ուսանողաց ձրիապէս գիրք, քուղք եւ պիտոյք մատակարարել» (Մասիս Օրաքերք, Կ. Պ. 1869, թ. 400) :

Հաւանորէն 1869ի առաջին տմիսներուն հիմնուած է :

#### 7. ԱՐՀԵՍՏԱՒՈՐԱՅ ԸՆԿԵՐՈՒԹԻՒՆ (1870)

Հիմնուած է 1870ի սկիզբը : Հիմնադիր նախաձեռնողն է Մկրտիչ Աղապալեան : Նպատակն է «փաքրիկ խնայողութիւններով արհեստաւորաց օգնական վարպետներուն (խալֆա) դրամադուլիս ցրտարատակել» (Արեւելք, Կ. Պ. 1899, թ. 4165) : Առաջին տմիսներուն արդէն ունեցած է 6—700 անդամ : Շարաթական րաժնեգիրն է 20 փարա : Ունեցած է իր Կանոնները : Գործադիր Մարմինը կազմած են 12 հոգի : Շուտով բացած է 2 իմանութիւն : Բաւական օգտակար եղած է ժողովուրդին (Մանգուսէի էփեար, 1870, թիւ 1233) : Ընկերութիւնս հին «կոռպերասիւ» մըն է :

#### 8. ՎԱՐԳԱՆԱՆՅ ԸՆԿԵՐՈՒԹԻՒՆ (?)

Կարնոյ մէջ 1880էն առաջ գոյութիւն ունեցած է Վարդանանց Ընկերութիւն մը, որուն ծաղումը, հիմնադիրը եւ նպատակը անծանօթ են : Միայն Պոլսոյ Մասիսն է որ կը յիշատակէ Ընկերութիւնս, ըսելով թէ 1880ին «Վարդանանց Ընկերութիւնը» միանալով սերիշ երեք Ընկերութիւններու հետ՝



կը կազմեն միացեալ Ընկերութիւն մը՝  
«Բարձր Հայոց Միութիւն» սնունով (Մաս-  
սիս, 1880, Թ. 2758) :

#### 9. ԴՊՐԱՅ ԸՆԿԵՐՈՒԹԻՒՆ (?)

Տակաւին մինչեւ 1880 դպութիւն ունե-  
ցած է Կարնոյ «Դպրաց Ընկերութիւնը»,  
որուն ծագումի մասին ոչ մէկ տղբիւր գտած  
ենք : Կը յիշուի 1880ին, երբ կը միանայ ու-  
րիշ Ընկերութիւններու հետ (Մասսիս, սնդ) :

#### 10. ԸՆԹԵՐՅԱՍԻՐԱՅ ԸՆԿԵՐՈՒԹԻՒՆ (?)

Կը յիշուի 1880ին իբրեւ նախկին, հին  
Ընկերութիւն մը, որ կը միանայ ուրիշ երեք  
Ընկերութիւններու հետ : 1880ին զեռ. դպու-  
թիւն ունէր (Տե՛ս Մասսիս, 1880, Թ. 2758) :

#### 11. ԸՆԿԵՐԱԿԱՆ ՎԱՐՃԱՐԱՆԻ ԸՆԿԵՐՈՒԹԻՒՆ (1873)

Հիմնուած է 1873ի դարնան : Իր վարչու-  
թիւնը կը կազմէին 1879ին .

Աղեքսանդր Տ. Ներսէսեան	Ատենապետ
Գրիգոր Մըսրեան	Ատենադպիր

Այս վարչութիւնը Կարնէն կը գրէ 1879  
Ապրիլ 9 թուականով . «Մեր Ընկերութիւնը,  
որ վեց տարիներէ ի վեր կազմուած է այս  
քաղաքիս մէջ, իւր գաւակաց դաստիարակու-  
թեան գեղեցիկ նպատակէն եւ քաղաքիս մէջ  
բարի օրինակ մը եւ դպրոցաց համար մըրց-  
ման ապարէզ մը բանալէ զատ ուրիշ որ եւ  
իցէ նպատակի ծառայած չէ» (Մասսիս,  
1879, Թ. 2310) :



Ընկերութիւնը իւր «Ընկերական վարժարանը» բացած է 40 աշակերտով . 1879ին վարժարանը ունէր 70—80 աշակերտ (Անդ) : 1878ին այդ վարժարանը ուրբ դասարան ունէր — անշուշտ աշակերտներու մեծ թիւով մը — եւ Կարնոյ բարձրագոյն վարժարանը կը համարուէր , որուն «խնամքը եւ պահպանողութիւնը գտնվում է մի առանձին Ընկերութեան վրայ» (Մշակ , Թիֆլիս 1878 Օգոստ . 24) :

#### 12. . . . ԸՆԿԵՐՈՒԹԻՒՆ (1874)

1874ի դարձան Կարնոյ մէջ Ընկերութիւն մը կազմուած է՝ նպատակ ունենալով նորագոյն մեքոսով դպրոց մը բանալ եւ բարձր ուսում ու կրթութիւն աւանդել : Ընկերութեան հիմնումի մասին թղթակից մը Կարնէն հետեւեալը կը գրէ . « . . . փոքրաթիւ լուսամիտ խումբ մը իրենց զաւակաց ապագան շարաններու համար Ընկերութիւն մը կը կազմեն եւ անկախ դպրոցի մը հաստատութեան կը ձեռնարկեն» (Արեւելեան Մամուլ , Զմիւռնիա 1874 , էջ 242) : «Հայկունի» ստորագրող ուրիշ թղթակից մ'ալ 1874 Օգոստոսի սկիզբը կը գրէ . «Ասկէ իբր 3—4 տմիս յառաջ . . . Կարնոյ լուսաւորեալ մասն տեսնելով որ ազգային եին դպրոց միայն բաւական չէ . . . խորհեցաւ եւ 40 անձերէ բաղկացեալ Ընկերութիւն մի կազմեց եւ ազատ ընդարձակ սենեակներ պարունակող տուն մի



մարձեց ուսումնարանի համար, որոյ ի դարձադրութիւն եւ իւրաքանչիւր ոք աշակերտի 6 օսմանեան լիրաց կը մճարէ . . . Յուսեալ դասառութեամբ է Պոլիսէն . . . Սոյն նորակազմ Ընկերութիւն ունի 6 անձերէ բաղկացեալ Տնօրէն խորհուրդ մը, որ աշակըջութեամբ եւ ազգասիրական ոգեով դպրոցի յառաջդիմելուն եւ ուսանող մանկուոցն դարդացման համար երկեր եւ ջանքեր կը դնէ եւ բարեկարգութեան կը հսկէ . . .» (Օրագիր, Կ. Պ. 1874, Թ. 1321) :

Գծրախտաբար երկու թղթակիցներն ալ անյիշատակ թողած են Ընկերութեան անունը :

#### 13. ՍԻՍԱԿԱՆ ԸՆԿԵՐՈՒԹԻՒՆ (1874—1878)

Հ. Յ. Քօսեանի համեմատ (Բարձր Հայֆ, Ա. , էջ 212), Կարնոյ մէջ 1874—1878 շրջանին հաստատուած է «Սիսակաֆ Ընկերութիւն»ը՝ «արհեստավարաց ուսում աւանդելու նպատակաւ» : Ուրիշ տեղ չենք գտած յիշատակութիւն մը :

#### 14. ԹԱՏԵՐԱԿԱՆ ԸՆԿԵՐՈՒԹԻՒՆ (1878)

Հիմնուած 1878 Ապրիլի սկիզբը՝ Կ'ուսենոյ իր թատերախումբը եւ կու տայ ներկայացումներ՝ 1878 Ապրիլ 23ին եւ յետոյ : Փափաքելով ունենալ սեղհական թատերանրահ՝ 1878 Մայիս-Յունիսին կը ձեռնարկէ յառուկ թատրոնի շէնքի մը շինու-



թեան : Շինութեան վայր կ'ընտրուի Կարնոյ  
Մաքսի ետեւի բաղձահայ թաղը : Շինու-  
թիւնը կ'աւարտի Յուլիսին վերջը : Շինու-  
թեան ծախք կ'ըլլայ 1000 ռուբլի (Փունջ,  
Կ. Պ. 1878, թ. 1285, 1300, 1305 : — Մշակ,  
Թիֆլիս 1878, թ. 144 : — Մասիս, 1878,  
թ. 2171, 2350) :

#### 15. ԿՐԹԱԿԱՆ ԸՆԿԵՐՈՒԹԻՒՆ (1878)

Ընկերութեան հիմնումի մասին կը տե-  
ղեկադրէ 1878 Հոկտ. 7ին Կարնէն գրուած  
համակ մը, որ կ'իմացնէ թէ Կարնոյ մէջ  
ջանք կ'ըլլայ «Կրթական» տնտեսով Ընկերու-  
թիւն մը հիմնել, որուն նպատակն է . «Նա-  
խապրքական դպրոց մը հաստատել քաղաքիս  
մէջ, Ընթերցարան բանալ եւ Պոլսէն Մամուլ  
մը բերել տալով՝ ազգային լրագիր մը հրա-  
տարակել» (Փունջ, 1878, թ. 1321) : Ընկե-  
րութեան բաժնեկիներն էր մէկ քառորդ ար-  
ծաթ մէճիւր :

#### 16. ԱԶԳԱՆՈՒԷՐ ՀԱՅՈՒՒՆԱՅ ԸՆԿԵՐՈՒԹԻՒՆ (1880)

Պոլսոյ մէջ 1879ին հիմնուած «Ազգա-  
նուէր Հայուհեաց Ընկերութեան» մէկ ճիւղը  
կը կազմուի Կարնոյ մէջ 1880 Յունիս-Յու-  
լիսին : 1880 Յուլիս 26ին Կարնէն կը տեղե-  
կադրեն . «Կարնոյ մէջ Ազգանուէր Հայուհեաց  
Ընկերութեան մէկ նիւղը բացուեր է շնորհիւ  
Գեր. Առաջնորդին» (Փունջ, 1880, թ. 1493) :



Ընկերութեանս գործունէութիւնը մինչեւ 1908 անծանօթ է : 1908ին կը վերակազմուի «Ազգանուէր Հայուհեաց Միութիւն» անունով եւ կ'ունենայ օգտաշատ գործունէութիւն (Տե՛ս Յառաջ, Կարին 1909, Թ. 3, 1911, Թ. 30) : 1910ին իր ծախքով Պոլսոյ Կայսերանի մէջ կը տեղաւորէ Օր. Երանուհի Մամնեանը սա՛յ պայմանաւ որ վերադարձին Կարնոյ մէջ սւսուցչութեան պաշտօն վարէ (Անդ, 1910, Թ. 59) : Միութիւնը Կարնոյ Հռիփաթեան Վարժարանի մէջ լրացուցիչ դասընթացք մը կը բանայ իրր վարժուիկնց (Յառաջ, 1910, Թ. 72) : Այդ ատեն Միութեան Վարչութիւնը կը կազմէին .

Ե. Տիգրանեան

Ատենապետ

Ա. Դարբինեան

Ատենադպիր

#### 17. ԵՐԿՐԱԳՈՐԾԱԿԱՆ ԸՆԿԵՐՈՒԹԻՒՆ (1880)

Կազմուած է 1880ի ամբան : Հիմնադիր անդամ է Նշկեան բնտանիքը : Տեղեկատու թղթակիցը կը դրէ 1880 Սեպտ. 27ին . «Ասայժմ այս գաղթական Ընկերութիւնը 10 տունէ պիտի բաղկանայ եւ 10 բաժնի վրայ պիտի գործէ ամեն բաժին 1000 օսմ. լիւրայով, որով խիստ պարզ, գեղեցիկ շէնքեր պիտի ունենան եւ պիտի տպրին հոն կէս հաւ հապետական եւ կէս ընկերական կենօք եւ օրինօք . . . Եւրոպայէն եւ Ամերիկայէն պիտի տպուորեն հերկող, ցանող եւ դափն մեքենաներ . . . Բառեանի կողմերը անցեալ շարժու-



Ընկերութեան հիմնադիրներն զացին այցելել  
 և. տեսնել, յարմար եւ օգտւէտ երկու գե-  
 դեր տեսած են, զորս գնելու կ'աշխատին . . .»  
 (Թերնեմանը Էֆեհար, Կ. Պ. 1880, թիւ  
 939, 945) :

18. ԲԱՐՁ ՀԱՅՈՅ ՄԻՈՒԹԻՒՆ (1880)

1880 Հոկտ. 18ին Կարնէն կը գրեն Պոլ-  
 տոյ Մասիս թերթին. «Քաղաքիս «Վարդա-  
 նանց», «Ուսումնասիրաց», «Դպրաց» և  
 «Ընթերցասիրաց» նախկին չորս Ընկերու-  
 թիւները քաջ համոզուած լինելով այն ճշ-  
 մարտութեան թէ «միութիւնը զօրութիւն է»,  
 բաւական ժամանակէ ի վեր մտադիր էին  
 միութիւն մը կազմել իւրեանց մէջ, սակայն  
 իրաց պարագաները չէին ներեր այդ : Վեր-  
 ջին տեսնելոյ առաջարկութեամբ և յարդա-  
 րանօք քաղաքիս նորրեմտիւր Առաջնորդ Գեր-  
 Օրմանեան Ս. Հօր, չորս Ընկերութիւնք յա-  
 ջուկեցան իւրեանց մտադրութեան մէջ և  
 կազմեցին Ընկերութիւն մի «Բարձր Հայոց  
 Միութիւն» անուամբ, որոյ Կանոնները կը  
 խոստանամք յառաջիկայ տարի ձեռ յղել ի  
 տպագրութիւն» (Մասիս, 1880, թ. 2758) :  
 — Մասիսի յաջորդ թիւերուն մէջ չգտանք  
 Միութեան Կանոնները :

Միութեանս զործունէութեան մասին  
 կը գրեն 1881ին. «Եթէ կայ քաղքիս մէջ  
 միութարիչ և յուսատու կէտ մը, այն ալ  
 «Բարձր Հայոց Միութիւնն» է, որ յարատեւ



դարձունէս թեամբ զօտեպինդ. կ'աշխատի ի  
բարոյական եւ նիւթական դարդացումն հան-  
րութեան : Ընթերցարան մը հաստատած է ,  
ուր կը գտնուին հայերէն , թրքերէն եւ զադ-  
դիերէն լրագիրք : Կիրակնօրեայ դպրոց հաս-  
տատած է ի դիւրութիւն ուսմանսիրաց ,  
յորում հայերէն , թրքերէն , զադդիերէն ,  
թաւարանութիւն , եւ այլն , կը դասախօսեն  
փափաքոյ ուղղացնոյ , մանաւանդ արհեստա-  
ւորաց : Որոշուած եւ ձեռնարկուած է արդէն  
հասարակացին Մատենադարանի մը հաստա-  
տութեան ալ» (Փունջ , 1881 , թ . 1544) :

1881ին Կարին հանդիպող ուղեւոր մը կը  
պատմէ որ «Բարձր Հայոց Միութիւնը» իր  
Ընթերցարանին ճակատը մեծ տուերով «Ըն-  
թերցարան Միութեան Բարձր Հայոց» գրած  
ըլլալուն՝ Կարնոյ կուսակալը զայն թակղեր եւ  
«Բարձր Հայոց» բառերը ջնջել տուեր է»  
(Մասիս , 1881 , թ . 2832) :

#### 19. ԱՂՔԱՏԱՍԻՐԱՅ ԸՆԿԵՐՈՒԹԻՒՆ (1891—1892)

Կարնոյ Հայ Կաթողիկէ տղքատ մանուկ-  
ներու դասախարակութիւնը ապահովելու  
համար վաւեան Փ . Շապանեան՝ հաւանու-  
թեամբ Կարապետ Եղս . Քչուրեանի 1891—  
1892ին կը հիմնէ Աղճատասիրաց Ընկերու-  
թիւնը , որուն մասին կը գրէ նա . « . . պարտ  
անձին համարեցինք Աղքատասիրաց Ընկե-  
րութիւն մը կազմել , որոյ նպատակն է նա-  
խադրարան մը բանալ եւ նախնական ու-



սումներն մայրենի լեզուով դաս տալ . . . իսկ արագութեան եւ յանուն մարդկութեան արատու ճայնով հրաւիրեցինք բոլոր ազգը եւ խնդրեցինք որ մէյ մը դարձնեն ոչերնին այն խեղճ արարածներուն վրայ» (Մէնամուսյը Ախպար, Կ. Պ. 1892, Թ. 2275) : Ընկերութիւնը առաջին ասիիւ հանդանակութիւն մ'ընելով՝ 2078 դուրուշ կը հաւաքէ (Անդ) :

#### 20. ԸՆԹԵՐՅԱՍԻՐԱՅ ԸՆԿԵՐՈՒԹԻՒՆ (1895)

Ըստ Հ. Յ. Քօսեանի (Բարձր Հայք, Անդ, էջ 246) Կարնոյ մէջ 1895ին հաստատուած է Ընթերցասիրաց Ընկերութիւն մը, «որ առանձին տեղ մը վարձելով եւ հաստորւոր դրքեր հարելով ժողովրդեան ընթերցանութեան նիւթ կը մատակարարէր : Այս Ընկերութիւնը տակաւին գոյութիւն ունէր մինչեւ 1914» :

#### 21. ԱՂՔԱՏԱԽՆԱՄ ԸՆԿԵՐՈՒԹԻՒՆ (. . . 1900)

Հիմնումի թուականը անծանօթ է մեզ : 1900ին աղքատ աշակերտներու զգեստ կը չինէ եւ անօգնական ընտանիքներու կը նպաստէ վարձադնի եւ հացադնի համար (Արարատ, Վաղարշապատ 1900, էջ 248) :

#### 22. ԱՂՔԱՏԱԽՆԱՄ ԵՂՔԱՅՐՈՒԹԻՒՆ (1904)

Կազմած են Հայ Կաթողիկէներ 1904 Յուլիս 4ին՝ «ընտիր կանոններով» (Քօսեան,



անդ, էջ 458 ծանօթ.) , որոնք մեզ անծանօթ են :

### 23. ՀԱՅ ԵՐԻՏԱՍԱՐԴԱԿԱՆ ՄԻՈՒԹԻՒՆ (1908)

1908 Յուլ. 11ի Սահմանադրութեան յաջորդ օրերուն հաղմուած է «Հայ Երիտասարդական Միութիւնը (Հմմտ. Գործ, Թիֆլիս 1908, Թ. 2) : Գործելու անսպառ տենչով փառուած այս Միութեան ստաջին դործը (Գործ, անդ, Թ. 24) կ'ըլլայ Կարնայ մէջ Ընթերցարան մը բանալ եւ նիւթ հայթայթել ժողովուրդի յաւաւորութեան համար : Ընթերցարանին կը յաջորդէ յատուկ Լսարանը՝ բացուած արդէն 1908 Օգոստոսին : Ասանցմէ ոչ նուազ կարեւոր ազդակ մը — Հայ Բեմը — չի վրիպիր Միութեան ուշադրութենէն : Կը հաղմուի թատերախումբ մը իր ուրոյն ու մնայուն վարչութեամբը, որ կը հաղմակերպէ յաճախակի ներկայացումներ 1908էն սկսած : Միութիւնը կը ջանայ մինչեւ իսկ դոյութիւն տալ Կարնայ մէջ սեփական թատրոնի շէնքի մը (Յառաջ, Կարին 1911, Թ. 24) :

Սակայն Միութեան այրող փափաղն էր մանաւանդ Մամուլ մը հիմնել իր դադափարներու տարածման եւ տեղական ու դաւանի հայ ժողովուրդին հետ գիւրաւ շփման ու հաղորդակցութեան մէջ մտնելու համար : «Յառաջ» կ'ըլլայ Միութեան «օրկանը», որուն ստաջին թիւը լոյս կը տեսնէ 1909



Մայիս 31ին Միութեան սեպհական տաղարանին մէջ : Շրջապատի հազար ու մէկ զփուլութիւնները նկատի առնելով՝ հասկնալի կ'ըլլայ թէ ս'ըքան մեծ յաջողութիւն մ'էր առիկա : Ու արժանի զնահատանք մըն է Միութեան սքանչելի կազմակերպութեան համար շեշտել թէ 1909—1914 անընդհատ կրցած է Միութիւնը լոյս հանել իր թերթը՝ երկու անգամ խափանումի ենթարկուելով հանդերձ եւ ստիպուած ըլլալով անուն ու խորագիր փոխելու :

Միութեան Մրտալիրը կ'ընդգծէ . «Հայ Երիտասարդական Միութիւնը ըլլալով զուտ կուլտուրական ընկերակցութիւն մը՝ իր ուժերը ոչ իսի ամփոփէ միայն կուլտուրական չրջանակի մէջ» : «Կարնոյ Հայ Երիտ . Միութիւնը իրրեւ ոչ-կուսակցական Ընկերակցութիւն՝ չէզոք կը մնայ քաղաքական հարցերու նկատմամբ, սակայն իր անդամներն ազատ են համոզումի համաձայն սեւէ աշխարհահայեացք ընդգրկելու» (Յառաջ, 1910, թ. 50) :

Միութիւնը կը զործէ, ուրեմն, Մամուլով, Գրադարանով, Ընթերցարանով, Թատրոնով, Երեկոյեան Վարժարանով եւ Կարանով (Անդ, թ. 51) : Իր Կանոնագիրը՝ բաղկացած 45 Յօդուածէ՝ հրատարակուած է Յառաջի մէջ (անդ, թ. 73), սրմէ կը տեսնենք թէ Միութեան կրնայ անդամակցիլ ամէն հայ՝ 18 տարեկանէ վեր (Յօդ. 1) . ան-



դամավճարն է 40 փարա (Յօդ. 2) . Միսթիւնը ունի Ընդհ. ժողով, Ներկայացուցչական ժողով, Վարիչ Մարմին եւ Մասնախումբեր (Յառաջ, տնդ) :

24. ՍԱՆԱՍԱՐԵԱՆ ԱՇԱԿԵՐՏԱԿԱՆ ՄԻՈՒԹԻՒՆ (1908)

1908ին նախ «Սանասարեան Ակումբ» տնունով կը հիմնուի (Գործ, 1908, Թ. 2), քիչ վերջ կը ստանայ «Սանասարեան Աշակերտական Միութիւն» տիտղոսը (Արարատ, Վարչապատ 1909, էջ 534) : 1909ին կը փորձէ հրատարակել խմորատիպ թերթ մը՝ «Սիրտ» տնունով : 1911ին տպագրութեամբ լոյս կը հանէ զայն 60 փարա հատավաճառով (Յառաջ, 1911, Թ. 21) : 1911ին վերջերք կը լուծուի Միսթիւնը (Անդ, Թ. 105) : Կերեւոյ թէ յետոյ դարձեալ վերակազմուած է որ 1914ին կ'ըսուի թէ լոյս կը հանէ իր թերթը՝ «Սիրտ» (Տե՛ս Ժամանակ, Կ. Պ. 1914, թիւ 1775) : Տեսած ենք փոքրագիր սիրուն «Սիրտ»ը :

25. ԿԱՐՆՈՅ ՌԵՍՈՒՄՆԱՍԻՐԱՅ ՄԻՈՒԹԻՒՆ (1908)

Հիմնած են Կարնեցի պանդուխտներ Բոստոնի (Ամերիկա) մէջ 1908ին : Հիմնադիրներն են . Սեդրակ Թաքաճեան, Մկրտիչ Շամլեան, Գրիգոր Աղուճաճեան, Մարտիրոս Ճիւլանեան, Արամ Յակոբճաճեան, Արտաշէս Սահակեան, Սեդրակ Պօղոսեան, Տիգրան Նարդանեան, Վահրամ Ֆէլէկեան, Վահ-



բամ Ալլադէրաեան : Իր նպատակն էր . «Օգնել եւ դարկ տալ հայրենիքում մշակոյթի բար-  
դաւաճման , ուսման եւ գիտութեանց դար-  
դացման» : Իր առանձին գուրգարանքին ու  
խնամքին աւարկաց բրած է Կարնոյ Հռիփսի-  
մեանց Վարժարանը (Հայրենիք , Օրաթերթ  
1958 , թ . 14 . 171) : 1915ին Միութիւնը  
460 . 30 սուրբ նպատա կը դրկէ հայ գաղթա-  
կաններուն (Արարատ , 1915 , էջ 426) :

1916էն վերջ Միութիւնը իր յորջոր-  
ջումը փոխելով՝ կը կոչուի «Կարնոյ Հայրե-  
նակցական Միութիւն» եւ կը շարունակէ  
եռանդով իր դարձունէութիւնը՝ մօէն կողմ  
օգնութեան ձեռք երկարելով : 1958 Դեկտ .  
7ին Միութիւնը կը աօնէ իր 50ամեակը (Հայ-  
րենիք , անդ) :

Ընկերութիւնը մերթ կոչուած է նաեւ  
Կրքասիրաց Ընկերութիւն (Յառաջ , Կարին  
1913 , թ . 4) :

## 26. ՀՌԻՓՍԻՄԵԱՆ ՕՐԻՈՐԳԱՅ ՄԻՈՒԹԻՒՆ (1909)

Կարնոյ Հռիփսիմեան վարժարանը 1871ին  
բացուած է (Մանգ . էֆֆեար , 1871 , թիւ  
1586) : Առկէ մինչեւ 1908 մօտ 40 տարուան  
չրջան մըն է . չենք գիտեր թէ որեւէ Սանու-  
հեաց Ընկերութիւն մը կաղմուած է : 1908ի  
ամսուր կը հիմնուի «Հռիփսիմեան Օրիորդաց  
Միութիւնը» (Գործ , Թիֆլիս 1908 , թ . 24) :  
Դժբախտաբար քանի մը զպրոցական հան-  
դէսէ զատ կարեւոր դարձունէութիւն մը



շենք գտներ իր մասին : 1911ին կը լուծուի իր գրամը «Տասը փարանոց» Ընկերութեան յանձնելով (Յառաջ , 1911 , Թ . 1) :

27. ԿՐԹԱՍԷՐ ՀԱՅՈՒՀԵԱՅ ՄԻՈՒԹԻԻՆ (1909)

Հիմնուած կ'երեւոյ 1909ի սկիզբը (Յառաջ , 1911 , Թ . 3) : Կը յիշուի արդէն 1909 Յունիսին , բայց իր գործերն անձանօթ են :

28. ԱՂՔԱՏԱՆԵՆԱՄ ԿԱՆԱՆՅ ՄԻՈՒԹԻԻՆ (1909)

Կազմուած է հաւանօրէն 1909ի սկիզբը : Յունիսին միայն անուանով կը յիշուի (Յառաջ , 1909 , Թ . 3) :

29. ԶԱՆԱՍԷՐ ՀԱՅՈՒՀԵԱՅ ՄԻՈՒԹԻԻՆ (1909)

Կարնոյ խաւան Ընկերութիւններու միացումին համար 1909 Յունիս 18ին ժողով տեղի կ'ունենայ Արծնեան վարժարանի սրահին մէջ , ուր 500 անձեր ներկայ կ'ըլլան : Երուանդ հակիրճ հառով մը կը պարզէ կիներու համերաշխօրէն գործելու անհրաժեշտութիւնը եւ կը յորդորէ որ բոլոր Ընկերութիւնները միանան : Կը քննուի նոր Կանոնադիր մը եւ անոր համեմատ տեղի կ'ունենայ վարչութեան ընտրութիւնը : Քուէարկութեան կը մասնակցին 200 Տիկիւններ եւ Օրիորդներ : Կ'ընտրուին հետեւեալ վարչական անձերը . Տիկիւններ՝ Շ . Տէր Սարգսեան , Ն . Ումիկեան , Ա . Պալայեան , Ա . Կիրակոսեան , Ս . Փնջոյեան , Տ . Արուեան :



Օրիորդներ՝ Ա. Դարբինեան, Ա. Այվազեան,  
Ե. Մամճեան, Հ. Հաղարապետեան, Ֆ.  
Եղիայեան :

Միացեալ՝ այս Ընկերութեան անունը կը  
դրուի «Ջանասէր հայուհեաց Միութիւն»  
(Յանաջ, 1909, Թ. 7) : Միութեան առաջին  
արդիւնքը կ'ըլլայ կարուձեւի արհեստանոց-  
դպրոց մը բանալ, որուն 1909 Հոկտ.ի  
սկիզբը կ'աշակերտին 40 աղջիկներ, որոնցմէ  
15ը ձրի, իսկ 25ը թռչակաւոր (Անդ, Թ. 37) :  
Միութիւնը կ'ունենայ նաեւ կանանց յատուկ  
Ընթերցարան մը : 1909 Նոյեմբերին կը հաս-  
տատէ նաեւ «լուացքի տուն» մը՝ դռնացու-  
ցիչ պայմաններով լուացք լուալու, օսլայե-  
լու, արդուկեւլու, եւ այլն (Անդ, Թ. 53) :

### 30. «ՋԱՆԲ» ՍՊԱՌՈՂԱԿԱՆ ՄԻՈՒԹԻՒՆ (1909)

Բաժանորդական Ընկերութիւն մ'է  
«Ջանք»ը, կազմուած 1909 Սեպտ.ին : Բաժ-  
նեցիկնէ մէկ մէճիտ : Կը յիշուի լսի իր Կա-  
նանադիրը եւ կ'ըսուի թէ մեծ ծրագիրներ ու-  
նեցած ըլլայ (Անդ, , Թ. 32) : Ահա իր առա-  
ջին Դիւանը .

Անդրանիկ Բլբեան	Ատենապետ
Մ. Ստպոնճեան	Ատենադպիր
Դերենիկ Դարպասեան	Գանձապահ

### 31. ԿԱԹՈՂԻԿԷ ՀԱՅ ԵՐԵՏԱՍԱՐԴԱԿԱՆ ՄԻՈՒԹԻՒՆ (1909)

Կարնոյ Հայ կաթողիկէ Երիտասարդու-  
թիւնը կազմած է 1909ին այս Ընկերութիւնը



(Յառաջ , տնդ , թ . 42) , սրուն զործունէութեան մասին բնու. տախթ չենք ունեցած կարգադրու :

### 32. ՀԱԿԱԼՔԱԿԱՆ ԸՆԿԵՐՈՒԹԻՒՆ (1910)

Կը հիմնուի 1910 Յունուարի սկիզբը եւ կ'ունենայ առժամեայ Կանոնադիր մը 11 Յօդուածով : Ընկերութեան կրնան տնդամակցիլ անոնք , որ կը հրաժարին պելից բժուկիքներէ (Յօդ . 1—2) . Ընկերութեան տնդամբ պարտի կրել իր վրայ Ընկերութեան յատուկ նշանը (Յօդ . 4) . Անդամ կ'ըլլան 15 տարեկանէն վեր եղողները , որոնք պարտին 2 դրուչ կանխավճար բնել եւ ամսական 20 փարա վճարել (Յօդ . 5—7) . Ընկերութիւնը առանձին բաժանում մը ունի , սրուն տնդամակցողները կը պարտին ձեռ գլանիկն ու խաղը (Յառաջ , 1910 , թ . 6 , 7 , 14) :

### 33. «ՀԵՇՏ-ԱՄՈՒՄՆԱԿԱՆ» ԸՆԿԵՐՈՒԹԻՒՆ (1910)

Յառաջ (1910 , թ . 36) կը դրէ 1910 Մայիսին . «Քանի մը երիտասարդներու նախաձեռնութեամբ կազմուած է տեղս «Հեշտ-Ամուսնական» Ընկերութիւն մը , որու տնօրէնական նպատակն է դիւրացնել հարսանիքները՝ շատյլ ու անպէտք ծախսերէ ազատելով : Ընկերութիւնը ընդունելով նաեւ Հակաքոյական Ընկերութեան սեղգութիւնը՝ աշխատելու է մեղմացնել օգիլի պատճառած



անմխիթար հետեւանքները : Ընկերութեան  
անդամներու թիւը հասած է մօտ 100ի» :

34. «10 ՓԱՐԱՆՈՅ» ԸՆԿԵՐՈՒԹԻՒՆ (1910)

Հիմնուած է 1910 Սեպտ. 1ին : 1910  
Սեպտ. 24ին կը դրէ տեղական թերթը . «Ազ-  
գային վարժարաններու չքաւոր աշակերտնե-  
րուն օգնելու համար կազմուած է «10 փա-  
րանոց Ընկերութիւն մը, որու անդամա-  
վճարն է ամսական անուագն 10 փարա (Յա-  
ռաջ, 1911, Թ. 7) :

35. ԳՐԱԿԱՆ-ԳԵՂԱՐՈՒԵՍՏԱԿԱՆ ՄԻՈՒԹԻՒՆ (1911)

Կազմուած է 1911 Յունուարին : Առաջին  
Ժողովը Հոխախմեան վարժարանին մէջ  
տեղի կ'ունենայ Յունուար 30ին, ուր կը կար-  
դացուի Նախագիծ-Կանոնադիրը (Յառաջ,  
1911, Թ. 8) : Միութեան նպատակի մասին  
կը դրէ Մկրտիչ Պարսամեան . «...գրադիվ  
գուտ գրական եւ գեղարուեստական նիւթե-  
րով, ազատել միաքը քաղաքական մտահո-  
ղութիւններէ ու միջոց տալ նուիրուելու բո-  
լոր այն ուղղութիւններուն, որոնք կ'օգտեն  
ունին բաւարարելու հոգեկան ու մտաւորա-  
կան պահանջները» (Շանթ, Կ. Պ. 1911, էջ  
80 : — Հմմտ. Յառաջ, 1911, Թ. 128) :

36. ԳՊՐՈՅԱՍԻՐԱՅ ԸՆԿԵՐՈՒԹԻՒՆ (1911)

Հիմը կը դրուի 1911 Հոկտ.ի սկիզբը՝  
նպատակ ունենալով . «Աջակցիլ կրթական



մարմիններուն, ազգային վարժարաններն աւելի ու աւելի բարձրացնելու համար» (Յառաջ, 1911, թ. 91) : Քաղաքական ժողովը կը հաստատէ ընկերութեան կանոնագիրը (Յառաջ, 1912, թ. 180), որ չէ հրատարակուած : Տնօրէն ժողով կը կազմէին. Արսէն Աւետիքեան, Բարսեղ Տ. Աղաբեան, Դոկա. Եղիշէ Տ. Մկրտիչեան, Դոկա. Հրանդ Միսաքեան, Միսաք Աղասլալեան, Մուշեղ Մեարիկեան, Միսաք Սոսանեան, Յարութիւն Ալճուխեան, Ռուբէն Լեփեան, Օննիկ Բամպուղճեան (Անդ, 1911, թ. 103) :

### 37. ԿՐԹԱՍԻՐԱՅ ՄԻՈՒԹԻՒՆ (1911)

Կը հիմնուի 1911 Հոկտեմբերին : Նպատակն է. «Նպաստել Կարնոյ Ազգ. վարժարաններուն» (Յառաջ, 1911, թ. 101) : Ունեցած է կանոնագիր, զոր չենք կրցած տեսնել :

### 38. ՄԱՐՄՆԱՄԱՐԶԱԿԱՆ ՄԻՈՒԹԻՒՆ (1912)

Կազմուած է 1912 Յունիսին : Յուլիսին ունէր արդէն 100 անդամ եւ ցոյց կու տար ակնդատ դործունէութիւն (Յառաջ, 1912, թ. 79) : Որքան կ'երեւայ՝ նոյն Միութիւնը նախ կոչուած է «Կարինի Երիտասարդներու Մարմնամարզական Ակումբ» (Մարմնամարզ, Կ. Պ. 1912, էջ 237) :

### 39. «ԳԱՐԾ» ՇԱՀԱԿՑԱԿԱՆ ԸՆԿԵՐՈՒԹԻՒՆ (1913)

Կը կազմուի 1913 Յունուարի սկիզբը : Իր բաժիններու թիւն էր 100 : Վարչութեան



Ատենապետն էր՝ Խ. Փատարմանեան (Յա-  
ռաջ, 1913, Թ. 8) : 1913ի վերջը Ընկերու-  
թիւնը լաւ դործի վրայ է . ունի Վարչ. Մար-  
միկներ . կ'ընէ նոր ձեռնարկներ, Ընդհ. Ժո-  
ղովքէն երեք անգամ բացակայողը կը տուգա-  
նուի 5 դուրուշի . իր Դիւանը կը կազմէին . Ա.  
Թաթայեան (Ատենապետ), Մ. Մարանճեան  
(Ատենադպիր) (Յառաջ, 1914, Թ. 4) :

40. ԲԱՐՁՐ ՀԱՅԻՒ ՀԱՅՐԵՆԱԿՑԱԿԱՆ ՄԻՈՒԹԻՒՆ  
(1919)

Ա. Համաշխարհային պատերազմէ վերջ  
Պոլսոյ մէջ գտնուող Կարնոյ եւ շրջակայքի  
Հայերը 1919 Յունուարին գումարումներ  
կ'ունենան՝ Միութիւն մը կազմելու համար :  
Գ. գումարումին մասնակից են ներկայացու-  
ցիչներ՝ Կարնէն, Բաբերդէն, Երզնկայէն,  
Խնուսէն, Տայֆէն եւ Քդիէն : Ժողովքը  
կ'ընտրէ առժամեայ Վարչութիւն մը հետե-  
ւեալ անձերէն .

Կարնի

Արամ Վաարանդի

Արշ. Երկանեան

Միք. Ինճիճեան

Բաբերդ

Ս. Սիմոնեան

Վրթ. Մարտիկեան



## Երգնկա

Ն . Տ . Ստեփանեան  
Շարամ Գաղանձեան

## Խնու

Ս . Ջաքարեան

## Տայֆ

Հ . Քերովրէ վ . Յովնանեան

## Քղի

Երկու ներկայացուցիչներ

Ընդհ . Ժողովի Դիւանը կը կազմուի հետեւեալներէ .

Հմայեակ Խօսորովեան	Ա . Ատենապետ
Սողոմոն Տ . Ազարեան	Բ . Ատենապետ
Տիգրան Ամսեան	Ա . Ատենադպիր
Օր . Երանուհի Մամձեան	Բ . Ատենադպիր

(Ճակատամարտ , Կ . Պ . 1919 , Թ . 55) :

Միութիւնը կ'ունենայ զանազան Յանձնախումբեր , օրինակ՝ Ելեւմտական Յանձնախումբ (Ժամանակ , 1919 , Թ . 3471) :

Առժամանակեայ Վարչութիւնը գործերը կը վարէ մինչեւ 1920 եւ կը հրաժարի : «Օգոստ . 15ին գումարուած Ընդհ . Ժողովը կ'ընտրէ նոր Վարչութիւն մը յաջորդ անձերէն . Հայկ Սերենկիւլեան , Միքայէլ Ինճի-



ճեան , Թաղէս Զիլինկիրեան , Աղաբիկ Գողմաղեան , Արամ Աղամեան , Հայկ Մանկատարեան , Հրանդ Գարագաւեան , Կամսարաւեան Զաքարեան , Վահան Տաղաղեան (Ժողովուրդի Զայնը , Կ . Պ . 1920 , Թ . 561) :

1921ին Ընդհ . Ժողովի Դիւանը կ'ընտրուի .

Գարեգին Խոսրովեան	Ատենապետ
Խոսրով Պապայեան	Ատենադպիր

Միութիւնը յետոյ կ'աւնենայ ճիւղեր Ֆրանսայի , Լիբանանի եւ Ամերիկայի մէջ :

(Անդ , 1921 , Թ . 896) :

\*

## ԳԻՒՂԵՐՈՒ ԸՆԿԵՐՈՒԹԻՒՆՆԵՐ

### ԿԱՆ ԳԻՒՂ

#### 1. . . . ԸՆԿԵՐՈՒԹԻՒՆ ( . . . 1879)

Կարնոյ Կան Գիւղը 1879ին 350 ընտանիքէ բաղկացած զուտ Հայութիւն մը կար՝ ունենալով նաեւ քանի մը Թուրք ընտանիքներ : Գիւղը ունեցած է Մշակութ . Ընկերութիւն մը , որուն հիմնումի տարին եւ այլ պարագաները անծանօթ են : 1879ին խռովութիւններ պատահած եւ մասնութիւններ եղած են , որոնց մէկ արձագանդը կը կար-



դանք. «...մատնութիւն մի եղաւ թէ Հայ է  
Ընկերութիւն կազմած եմ... Կանայ վարժա-  
պետը երէկ ձերբակալուելով բանտարկուե-  
ցաւ եւ Ընկերութեան սնտուկը կառավարու-  
թենէն կնքուելով՝ Կարին բերուեցաւ» (Մա-  
սիս, 1879, թ. 2441) :

## 2. ՍԻՍԱԿԱՆ ԸՆԿԵՐՈՒԹԻՒՆ (1911)

1911 Փետրուարին կը տեղեկագրուի  
Կանէն. «Վերջերս գիւղիս երիտասարդներու  
միահամուռ ջանքերով հիմնուեցաւ գիւղա-  
ցիական Միութիւն մը, որ իրեն նպատակ է  
դրեր նպաստել գիւղացիներու անտեսական  
եւ կուլտուրական դարդացմանը : Ընտրուած  
է 12 հոգինոց Մասնախումբ մը» (Յառաջ,  
1911, թ. 14) :

Ընկերութեան անունն է Սիսական Ընկե-  
րութիւն, որ 1913 Դեկտ. 22ին գիւղի աղջ-  
կանց վարժարանի բացումի հանդէսին առթիւ  
թէյառեղան մը կու աղյ (Անդ, 1913, թ.  
140) :

## 3. ԴՊՐՈՅԱՍԻՐԱՑ ԸՆԿԵՐՈՒԹԻՒՆ (1913)

Հիմնումի մասին լուսարանութեան մը  
չենք հանդիպիր : Կը յիշատակուի 1913 Դեկ-  
տեմբերին (Յառաջ, 1913, թ. 140) : Հաւա-  
նորէն 1913ին հիմնուած է :



## ԶԻՖԼԻԿ ԳԻՒՂ

1. . . . ՄԻՈՒԹԻՒՆ (1910)

Կարնոյ Յառաջ Կը դրէ 1910 Մարտ 23ին .  
«Կը լսենք թէ Զիֆլիք Գիւղի բնակիչները  
Պր . Վատարանդիի դատախօսութեան վրայ  
կողմած են Միութիւն մը , որ մինչեւ յառա-  
ջիկայ Սեպտ . պիտի կառուցանէ համայնա-  
կան աշխատանքով վարժարանի յատուկ նոր  
շէնք մը երկու բաժանումով . . . նոյնպէս  
գիւղական համայնքը յանձն առած է համայ-  
նական ջանքերով մշակել եկեղեցւոյ պատկա-  
նող երկուք ու կէս սոմարնոց արտերը եւ ար-  
դիւնքը յատկացնել դպրոցիս» (Յառաջ ,  
1910 , Թ . 22) :

## ԿԷԶ ԳԻՒՂ

1. ԵՐԻՏԱՍԱՐԴԱԿԱՆ ՄԻՈՒԹԻՒՆ (1910)

Կողմուած է հաւանօրէն 1910ին սկիզբ-  
ները : Ապրիլ 25ին կու տայ թատերական  
ներկայացում մը : Կը ներկայացուի Ա . Ահա-  
րոնեանի «Ռաշիա» ողբերգութիւնը : Ներ-  
կայացումը կը թողու խոր տպաւորութիւն :

Միութիւնը կրցեր է ունենալ Գրադա-  
րան-Ընթերցարան մը դպրոցին մէջ , ուր  
Կիրակի օրերը ընթերցումի դիւրութիւն  
կ'ընծայուէր , իսկ անդրադէտներուն միջոց  
ուսանելու : Միութեան ջանքերով արաի մը  
եկամուար կը յատկացուի դպրոցին (Անդ .  
Թ . 32) :



## ՋԻԹՈՂ ԳԻՒՂ

### 1. ԵՐԻՏԱՍԱՐԳԱԿԱՆ ՄԻՈՒԹԻՒՆ (1910)

Կազմուած էր թուի 1910ի սկիզբները : 1910 Մայիս Գին կը ներկայացնէ Ահարոնեանի «Ուխտաւորը», «Միհրդատ» սղբերգութիւնը եւ դաւեշտ մը : Ներկայացումին փութացած են մօտաւոր դիւղերէն ալ : Տեղի ունեցած են նաեւ մեներգ եւ խմբերգներ : Հասոյթը — 5 եւ մէկ քառորդ սակի — յաւակացուած է Գիւղի Գրադարան-Ընթերցարանին : Մօտակայ դիւղացիներ խնդրած են որ թատերախումբը իրենց Գիւղերուն մէջ ալ ներկայացում տայ (Յառաջ, 1910, Թ. 37) :

## ԳՈՒՆԻԿ ԳԻՒՂ

### 1. ԵՐԻՏԱՍԱՐԳԱՅ ՄԻՈՒԹԻՒՆ (1913)

Կը յիշուի 1914 Յունուարին, երբ արդէն իր Գրադարանը ունի, որուն ի նպաստ, հարսնաւեսի մ'առթիւ, տասուկէս զուրուշ կը հաւաքեն Միութեան անդամները (Յառաջ, 1914, Թ. 6) :

\*

## ԵՐԶՆԿԱ

### 1. ՍՈՒՐԲ ՆԵՐՍԻՍԵԱՆ ԸՆԿԵՐՈՒԹԻՒՆ (1848)

Երզնկայի հնագոյն մշակութային Ընկերութիւնը հիմնուած է 1848ին, քաղաքին



մէջ, ինչպէս կը պատմէ ժամանակակից հայ  
թերթը. «Այնուամենայն Ազգասէր անձ մը  
անցեալները Երզնկայի գանուկով, նոյն քա-  
ղաքին մէջ խիստ աղքատ քարեկարգու-  
թիւններ հաստատել տուեր է իւր քարե-  
պաշտ եւ ուսումնասիրական յորդորանօքը  
եւ գրամական նուիրաց քաջալերութեամբը :  
Նախ եւ առաջ Սուրբ Ներսիսեան անուամբ  
Ընկերութիւն մը կարգադրեր է եւ անոր  
մշտնջենաւոր եկամուտ տնօրիններ է, որուն  
արդեամբը մանկանց եւ աղջկանց դպրա-  
տունները պիտի կառավարուին : Ասոնց մէջ  
լստ կարի արժանաւոր դասատուներ եւս  
կարգեր է եւ դպրատանց հոգաբարձութիւնը  
յիշեալ Ընկերութեանը յանձններ է, որ նոյն  
բազմաթիւ մէջ գտնուած հայազգի ուսումնա-  
սէրներէն եւ երեսելիներէն բաղկացեալ է . . .  
այս պատուական անձը Միսաքեան յորդա-  
մենար Գեորգ աղան է» (Արշալոյս Արարա-  
տեան, Զմիւռնիա 1849, Թ. 330, Փետր. 4) :

Ուրիշ ծանօթութեան չենք հանդիպած :  
Մինչեւ 1856 որեւէ նոր Ընկերութիւն չի  
յիշուիր :

## 2. . . ԸՆԿԵՐՈՒԹԻՒՆ (1856)

Այս Ընկերութիւնը Պոլսոյ մէջ հիմ-  
նուած է, հաւանօրէն 1856ի սկիզբները :  
Յիշատակութիւնը կ'ըլլայ 1856 Մեարտ. 28ին,  
Երզնկացի Թադէոս Ս. Բագրատունիի կող-  
մէ, որ կը գրէ. « . . . Երզնկայու վիճակն ալ



Գերապ . Տէր Գրիգորիա Սրբ . Արքեպ . ին ար-  
թուն հակադութեանն յանձնուիլը՝ նոյն երկ-  
րին ժողովրդեանը մեծ ուրախութեան առիթ  
եղաւ . . . Արդէն դեռ նոյն վիճակը չզարցած ,  
Նորին Ս . Հայրութեան խրախուսանօքը եւ  
իւր բարեխնամ հովանաւորութեանը ներքեւ  
Կ . Պալիս բնակեալ Երզնկացի ժողովուրդը  
իրենց երկրին վիճակը լաւցնելու եւ իրենց  
զաւակունքը բարոյականութեան ու գիտու-  
թեան մէջ կրթելու համար՝ Ընկերութիւն  
մը կազմեցին՝ ամեն մէկ բաժինը 50 դու-  
րուշի եւ քանի մը աւուր մէջ 200 բաժինէն  
աւելի հաւաքուեցաւ ջանիւք Երզնկացի Տ .  
Ստեփաննոս բարեջան քահանային : . . . Այս  
Ընկերութեան գլխաւոր եւ առաջին նպա-  
տակն է . . . քաղաքին մօտը գտնուած Շոդա-  
կաքի Ս . Աստուածածնայ վանքին մէջ ագ-  
գային վարժարան մը հիմնել եւ անոր մէջ  
քէ՛ քաղաքէն եւ քէ՛ շրջակայ գիւղերէն  
տղաք հաւաքելով կրթել եւ գիտութեան  
քաղցր նաշակը անոնց հաղորդել . նմանա-  
պէս քաղաքին դպրոցներուն վիճակն ալ  
լաւցընել ու բարեկարգել . . . » (Մասիս ,  
Կ . Պ . 1856 , Թ . 245) :

Դժբախտաբար չէ յիշած Ընկերութեան  
անունը :

### 3. ԼՈՒՍԱԽՈՐԶԵԱՆ ԸՆԿԵՐՈՒԹԻՒՆ (1856—1859)

1859 Յունիս 2 թուականով Երզնկայէն  
կը դրեն . « . . ընդհանուր երգնկայեցւոց



խնդրանօքն հաստատուած Լուսաւորչեան սիրայօղ Ընկերութիւնը իր յանձն առած ազգային պարտաւորութիւնը մօենայն սիրով կատարելով՝ կարողացաւ մեր երկրին մէջ զարքուցանել ընթերցասիրութիւնը, որով հիմայ եւ ոչ մէկ ազգային մը կը գտնուի քաղաքիս մէջ որ այս Ընկերութեան տարեկան բաժանորդագրուած չըլլայ . . .» (Մասիս, 1859, Թ. 388) :

Ընկերութիւնը պաշտպանն է Երզնկայի Լուսաւորչեան դպրոցին, որուն աւագ ուսուցիչն է, 1859ին, Թադէոս Մ. Ս. Բագրատունի (Անդ) :

#### 4. ԸՆԹԵՐՅԱՍԻՐԱՅ ԸՆԿԵՐՈՒԹԻՒՆ (1862)

Մասիս թերթի բաժանորդներու ցանկին մէջ Երզնկան ալ կը գտնուի հինէն ի վեր, մերթ այս եւ մերթ այն անհատին անունով : 1862 Ապրիլ 21էն սկսած Երզնկայի բաժանորդն է «Ընթերցասիրաց Թանգարան»ը, որ ուրիշ բան չէ, եթէ ոչ «Ընթերցասիրաց Ընկերութեան» Թանգարան — Ընթերցարանը (Հմմտ. Պեգասեան Թռչնիկ, 1864, էջ 106) :

#### 5. ՎԱՐԴԱՆԱՆՅ ԸՆԿԵՐՈՒԹԻՒՆ (1863—1864)

Կը յիշուի 1864 Մայիս 24ին, երբ Ազգ. Սահմանադրութեան տարեգարձը կը ասօնախմբէ մեծ հանդիսութեամբ, Եփրատի սփին, 20 վրաններու տակ ու 500է աւելի հանդիսականներու ներկայութեամբ (Տե՛ս Արծուիկ Տարօնոյ, 1864, Թ. 23, էջ 91) :



Բարեկարգ վիճակի մէջ է Ընկերութիւնը եւ կը գոյութի 1864ին (Պեգասեան Թռչնիկ, 1864, էջ 141) :

1866ին Վարչութիւնը կը կազմէին .  
 Յարութիւն Պատմաճեան Ատենապետ  
 Սիմէոն Մ . Խաչատուրեան Ատենադպիր  
 (Մասիս փոքր, 1866, Թ. 67) :

6. ՌՈՒԲԷՆԵԱՆՅ ԸՆԹԵՐՅԱՍԻՐԱՅ ԸՆԿԵՐՈՒԹԻՒՆ  
 (1864)

Կը կազմուի 1864ի Յունիս-Յուլիսին (Պեգասեան Թռչնիկ, 1864, էջ 141) :

7. ԱՂՔԱՏԱՅ ԸՆԿԵՐՈՒԹԻՒՆ (... 1868)

1868ին կը յիշուի եւ կ'ըսուի թէ «ի վաղուց անտի շարունակութիւնը արժանի է գովութեան» (Մասիս փոքր, 1868, Թ. 192) :

8. ԸՆԿԵՐՈՒԹԻՒՆ ԸՆԿԵՐԱԿԱՆ ՎԱՐԺԱՐԱՆԻ (1870)

«Սկսնակ Բանասէր» միայն կը յիշէ (Արեւելք, 1898, Թ. 3854) :

9. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1870)

Իսկ տնունով կը յիշէ «Սկսնակ Բանասէր» (Արեւելք, տնդ) :

10. ԱՆՁՆՈՒՅՐ ԸՆԿԵՐՈՒԹԻՒՆ (1871)

Ընկերութեան Ատենապետ՝ Յարութիւն Ս . Ղազարեանի 1871 Մայիս 27ին կ'աւետէ



Պոլսոյ Փռննջին Երզնկայէն . «Անշափապէս  
 ուրախ եմ եւ ի սրտէ զգածեալ՝ զի բարե-  
 բախտութիւն կ'ունենամ աւետել Ձեր Ազգա-  
 սիրութեան Անճնուէր Ընկերութեան ճիւղի  
 մը քաղաքիս մէջ կազմութիւնը , որոյ նպա-  
 տակը արդէն ազգին ծանօթ է եւ բաղձալի :  
 Քաղաքիս զգայուն երիտասարդութիւնը բա-  
 ւական ժամանակէ ի վեր Անճնուէր Ընկերու-  
 թեան պատուական անունը եւ օգտաշատ  
 դործունէութիւնը լսելով ի հետուստ՝ յան-  
 հնարիս կը տռչորէր չկրնալով որ եւ է կեր-  
 պիւ նորա մասնակցելու յաջողութիւնը դրա-  
 նել . բայց այսօր , փա՛ռք Երկնից , հնչեց այն  
 բարեգէտ վայրկեանը , յորում ազգասիրու-  
 թեան իղձը եւ ուսման ծարաւը վերջապէս  
 ծնան այն սերտ միութիւնը , որ թմբբեալ  
 միաքերն իսկ ի խորոց զարթուցանելով միա-  
 ցուց քաղաքիս երիտասարդական խումբը  
 անճնութեան փառաւոր դրօշին ներքեւ ,  
 ջանադրութիւն ուխտելով այն մեծ դործին ,  
 զոր ստանձնած է քանի մը տարիէն ի վեր  
 Անճնուէր բազմարդիւն Ընկերութիւնը . . . »  
 (Փռննջ , 1871 , Թ . 674) :

Ընկերութեան Վարչութիւնը կը կազմեն  
 1871 Դեկտ . ին .

Յարութիւն Ղազանճեան	Ատենապետ
Մ . Յակոբ Բենիրճեան	Ատենադպիր
Յակոբ Մ . Մ . Փափաղեան	Տեսուչ
Մ . Համբարձում Սիւրմենեան	Համարակալ
Մ . Շաւարշ	Համարակալ



(Փռւնջ, 1872, թ. 707) :

Ընկերութիւնը 1000 դրշ.ի դէրք եւ դրե-  
նական կ'ապսպրէ Պոլսէն (Փռւնջ, 1871,  
թ. 687) :

Լաւ սկսած այս Ընկերութիւնը՝ չ'ու-  
նենար յարատեւութիւն (Տե՛ս Փռւնջ, 1872,  
թ. 755, 769. 1874, թ. 914 : — Հայրենիք,  
1872, թ. 131, 139) :

#### 11. ԵԿԵՂԵԱՅ ՄԻՈՒԹԻՒՆ (1877—1878)

Կը յիշուի իբր միակ Ընկերութիւն  
Երիզայի, 1878ին, Պատրիարքական կոնդա-  
կին մէջ (Լոյս, Կ. Պ. 1878 թ. 76) : Ե՞րբ հիմ-  
նուած է՝ չ'ըսուիր : Հաւանական կը թուի որ  
դոնէ 1877ին սկիզբ առած ըլլայ : 1881ին  
դադրած է եւ Յ. Շաւարշ կ'առաջարկէ  
«Վերահաստատել Եկեղեաց Միութիւն ա-  
նուն Ընկերութիւնն եւ արդիւնքը միմիայն  
Քրիստինեանի (աղջկանց վարժարան) յատ-  
կացնել» (Մասիս, 1881 թ. 3079) : Երզնկա-  
յի Առաջնորդ՝ Դիմաքոեան Սրբազան կը  
զովէ Շաւարշի առաջարկը եւ անմիջապէս  
բաժանորդութիւն մը բանալով՝ 60 հոգի  
կ'անդամակցին՝ մէկ բաժինն ըլլալով 40  
փարա : Գործ. ժողովը կ'ընտրուի .

Յ. Շաւարշ

Ա. Քաջբերունի

Հ. Սիւրմէնեան

Ս. Ամատունի

(Մասիս, Անդ.) :



## 12. ԱՐԱՄԵԱՆ ԸՆԿԵՐՈՒԹԻՒՆ (1878)

Հիմնուած է Պոլիս : Հիմնադիրն է Կ. Ս. Ղազանինեան (Մանգուլեի էփեար, 1878 թ. 3760) : Հիմնումի թուականն է 1878 Փետրուար—Մարտ (Փունջ, 1878 թ. 1265) : Յունիսին արդէն ունի իր Կանոնագիրը եւ Գործադիր Ժողովը, զոր կը կազմեն .

Վ. Ալթունեան	Ատենապետ
Գ. Սէյիսեան	Ատենադպիր
Ա. Եփրանեան	Գանձապետ
Մ. Դնալեան	Անդամ
Յ. Մարկոսեան	Անդամ

## 13. ՔՐԻՍՏԻՆԵԱՆ ՍԱՆՈՒՀԵԱՅ ՄԻՈՒԹԻՒՆ (1879)

Կազմուած է 1879 Յունիս 1ին : Հիմնադիրներն են Երիզայի Քրիստինեան վարժարանի Սանուհիները, նախառակ ունենալով . «Աղբատիկ աշակերտուհեաց դպրոցական պիտոյքներն հոգալէ զկնի, տարին մի անգամ անպաշտպան մնացող աշակերտուհիքը զգեստաւորել եւ Թանգարան մի հաստատել Քրիստինեան վարժարանին մէջ» (Հայրենիք, 1881 թ. 730) :

Միութեան Տնօրէն Ժողովը կը կազմեն 1881ին .

Օր. Նեվրիկ Մ. Միքայելեան	Ա. Ատենապետ
Օր. Նոյեմի Վ. Քաջեան	Բ. Ատենապետ
Օր. Թադուհի Աշըգեան	Ա. Ատենադպիր
Օր. Շահանդուխտ Գունտախեան	Բ. Ատենադպիր



Օր . Գալիանէ Ղազանճեան Ա . Հաշուակալ  
 Օր . Սրբուհի փափաղեան Բ . Հաշուակալ  
 Օր . Արտաշատա Շ . Գանիէլեան Գանձապահ

Անդամավճարն է տարեկան մէկ դահեկան : Անդամուհիներու թիւը բարձրացած էր 1881ին՝ 102ի : 13 բարերարուհիներ Միութեան կը նուիրեն մանուսա , պամա , խասա , մախարա , ամեյիֆ եւ այլն : Միութիւնը 20 սղքատ աշակերտուհիներու դպրոցական պիտոյքը կը հսկայ եւ դպեալները կը շինէ ( Հայրենիք , Անդ ) :

#### 14. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1879)

1879 Յունիս 23ին «Նորոգ կազմեալ» է եւ ունի Գործ . Ժողով . Կիրակի օրերը եփրեմեան մասնաւոր դպրոցը հաւաքուելով՝ դասախօսութիւն կ'ընեն . կը ջանան «Թատրոն մը կառուցանել» , որուն համար ատաղձներ կը գնեն . ունին 200 սսկի (Մասիս , 1879 թ . 2372) :

Մ . Փորթուղալեան այցելելով Երզնկա՝ 1879 Նոյեմբերին կը գրէ որ «Թատերական Ընկերութիւն կազմուած եւ մի թատրոն կառուցուած է» (Մասիս , 1879 թ . 2482) : Սխալ է այդ տեղեկութիւնը : Թատերական Ընկերութիւն չունի Երզնկա 1879ին : Թատրոն կառուցանողն է Ուսումնասիրաց Ընկերութիւնը . ինչպէս կը գրէ «Պարոյր» 1879 Սեպտ . 29ին . «Ուսումնասիրաց Ընկերութիւնը կը ջանայ մինչեւ մէկ ամիս Թատրոնի շինու-



քիւնը աւարտել, որպէսզի սկսի Ազգ. ներկայացումներ տալ» (Մասիս, 1879 թ. 2483) :  
Ընկերութեան անդամները քար եւ օղիւս կը  
կրեն՝ օր առաջ աւարտելու համար թատ-  
րոնի շինութիւնը (Հայրենիք, 1879 թ. 562) :

Ընկերութիւնը կը բանայ կիրակնօրեայ  
վարժարան եւ հարան (Մասիս, Անդ) :

Յիշատակութիւն չկայ թէ Ուսումնասի-  
րաց Ընկերութիւնը նաեւ թատերական Ընկե-  
րութիւն կոչուի :

#### 15. ՄԻՈՒԹԻՒՆ ԲԱՐՁՐ ՀԱՅՈՅ ԵԿԵՂԵԱՅ (1880)

Կը հիմնուի 1880 Օգոստոս 30ին : Շարա-  
թական բաժանորդագրութիւնն է 40 փարա :  
Մինչեւ Սեպտ. 26 ունեցած է 250 անդամ  
(Թերնէմանը էֆեար, 1880 թ. 951, 1015) :  
1881ի սկիզբը ունէր 1000 բաժանորդ (Մա-  
սիս, 1881 թ. 2828) : Ընկերութեան գաղա-  
փարը Առաջնորդ Հմայեակ Սրբ. Դի-  
մաքսեանինն է. Պոլսոյ Պատրիարքը քաջա-  
լերութեան կոնդակ կը դրէ, իսկ Միութիւնը  
1880 Նոյեմբերին «սկսած է կանգնել իւր դա-  
ւառական թանգարանն, որ պիտի հաւաքէ  
Ազգ. ամէն տեսակ հնուքիւնք եւ գրեանք . .»  
(Թերն. էֆ. 1880 թ. 985) :

#### 16. ԱԶԳԱՆՈՒԷՐ ՀԱՅՈՒՀԵԱՅ. ԸՆԿԵՐՈՒԹԻՒՆ (1880)

Պոլսոյ համանուն Ընկերութեան մէկ ճիւ-  
ղը կը կազմուի Երզնկայի մէջ 1880 Դեկտեմ-  
բերին : Ժամանակակից թերթի մը թղթակի-



ցը կը պատմէ . «Երեքշաբթի օր Քրիստինեան Վարժարանի մէջ 80էն աւելի պատուաւոր դերդաստաններէ Հայ կանայք եւ օրիորդք ներկայ եղած էին , նաեւ երկու խաւացի տիկիններ . . . . . ներկայ եղողները բաժանորդագրութեան ցանկ մը բանալով՝ ամենքն ալ իրենց անունն նշանակեր են . . . » (Թրմ . ԷՓԲ . 1880 թ . 1015 : — Մասիս , 1881 թ . 2835) :

#### 17. ՍԱՆՈՒՅ ՄԻՈՒԹԻՒՆ (1880)

Երզնկայի մէջ 1879ին հիմը դրուած է փայլուն ապագայ մ'ունեցող վարժարանի մը , որուն անունն է «Ընկերական վարժարան» (Տե՛ս իր մասին Մասիս , 1881 թ . 2870 եւ Հոգդար , Սերաստիա 1914 թ . 7) : Այդ վարժարանի Սաները 1880ին կը կազմեն Սանուց Միութիւն անունով Ընկերութիւն մը , նախապէս ունենալով «կարեւոր գրեանց Թանգարան (Գրադարան) հաստատել , Կիրակի օրեր դաժարութիւլ եւ ուսումնական նիւթոց վրայ յիշարանել» (Մասիս , 1881 թ . 2872) :

Միութեան դրամագլուխն է 25 սսկի (Անդ) :

#### 18. ՄԱՆԿԱՎԱՐԺԱԿԱՆ ՄԻՈՒԹԻՒՆ (1880)

Կազմած են Ընկերական վարժարանի Սաներն ու ուսուցիչները : Իրենց նպատակն է . 1 . Սաներու եւ Պաշտօնէից մէջ փոխադարձ ճշմարիտ մտերմութիւն , անկեղծութիւն եւ յարգութիւն հաստատել , ծառայա-



կան երկիւղն ու հնազանդութիւնը բառնալով .  
 2 . Աշակերտք ազատութեան ու համարձա-  
 կութեան վարժեցնել . 3 . Աշակերտաց վարուց  
 եւ բարուց ուղղութեան համար հարկ եղած  
 միջոցներն խորհիլ ու դործադրել» (Մասիս ,  
 1881 թ . 2872) :

#### 19. ԱՂՔԱՏԱԽՆԱՄ ՅԱՆՁՆԱԺՈՂՈՎ (1891)

Կազմուած է 1896էն 5 տարի առաջ եւ  
 ունեցած է հոգը «կարօտ աղքատիկներու հա-  
 մար նպաստ հաւաքելու եւ բաշխելու» (Արե-  
 վիեան Մամուլ . Զմիւռնիա 1896 , էջ 329) :  
 Աղփատախնամը այդ իր ստանձնած պաշտօ-  
 նը «կատարած է անսղիւտ պարտաճանաչու-  
 թեամբ ու յաջողութեամբ» , ունենալով դոր-  
 ծող անդամներ . Հայրապետ Գալփայեան եւ  
 Խաչիկ Սահակեան (Անդ . 329—32) :

#### 20. ԿՐԹԱՍԻՐԱՅ ՄԻՈՒԹԻՒՆ (1900—1907)

Կազմութեան թուականը մեզ անձանօթ  
 է : Սիւրմէնեան (Երզնկա , Գահիրէ 1947 էջ  
 231) եւս չի կրնար ճշդել : Նա կը գրէ , «Կըր-  
 թասիրացը կազմուած է Սահմանադրութե-  
 նէն առաջ , Եզնիկեան վարժարանի Սաներու  
 կողմէ : Ունէր իրեն յատուկ Գրադարանը ,  
 գրքերը ձրիարար կը տրամադրէր Երիտա-  
 սարդութեան ընթերցումի համար : Անոնց  
 մէջ կը յիշուին Սեպուհ Խանճեան , Ռուբէն  
 Անդիկեան» :



21. ԵԿԵՂԵԱՅ ՄԻՈՒԹԻՒՆ (1908)

Կազմուած է 1908ի Սահմանադրութեանէն աճիւնացէս յետոյ (Սիւրմէնեան, Անդ) :

22. ԵՐԻՏԱՍԱՐԴԱԿԱՆ ՄԻՈՒԹԻՒՆ (1908)

230 երիտասարդներու կազմէ հիմնուած է 1908ին : Նախատակն է . Զարկ տալ կրթական դործին՝ բանալով Գրադարան—Ընթերցարան (Գործ, Թիֆլիս 1908 Թ. 17) :

23. ԵԿԵՂԵԱՅ ԿԹԱՍԷՐ ՄԻՈՒԹԻՒՆ (1909)

1909ին «Կրթասիրաց» եւ «Եկեղեաց» Միութիւնները միանալով՝ կը կազմեն «Եկեղեաց Կրթասէր Միութիւն»ը, որ կ'ունենայ 400—500 անդամներ, որոնցմէ կը յիշուին . Գուրգէն Լաղեան, Դերենիկ Ճիզմէճեան, Գեղամ Սահակեան : Միութիւնը ունէր Գրադարան—Ընթերցարան, Լսարան եւ Թատրոն՝ առանձին Յանձնաժողովներով (Բիւզանդիոն, 1910 Թ. 4103) : —Սիւրմէնեան, (Անդ) :

Թղթակից մը, 1910ին — Թիւրիմացութեամբ — կը գրէ որ «Եկեղեաց» եւ Թատերասիրաց» Միութիւններու միաւորումով կը կազմուի Եկեղեաց-Թատերասէր Միութիւն»ը (Յառաջ, Կարին 1910 Թ. 80, 89) :

1914ին Երզնկայի գլխաւոր Մշակ. Ընկերութիւնն է (Տե՛ս Հոդդար, Սերաստիա 1914 Թ. 79) :



24. Հ. Բ. Ը. Մ. Ի ՄԱՍՆԱՃԻԻՂ (1910)

Կազմուած է 1910 Մարտին սկիզբը :  
Մարտ 25ին կ'ունենայ իր անդրանիկ նիստը  
եւ կ'ընտրէ հետեւեալ վարչ. ժողովը .

Երուանդ Վրդ. Փերտահճեան , Յարու-  
թիւն Լեփեան , Տօքթ. Տիգրան Փափաղեան ,  
Գրիգոր Լեփեան , Ղազար Մոմճեան , Միսաք  
Սիւրմէնեան , Խաչիկ Ալթունեան (Բիւզան-  
դիոն , 1910 թ. 4103) :

25. ԵՐԶՆԿԱՅԻ ԱՇԽԱՏԱՆՔԻ ՏՈՒՆԸ (1910)

1910 Մարտի սկիզբները կազմուած է՝  
նպատակ ունենալով . Աղքատներուն նիւթա-  
թաւան եւ բարոյական վիճակը բարձրացնել՝  
աշխատութեան միջոցաւ (Յառաջ , Կարին  
1910 թ. 37) : Ընկերութեան մուտքի վճարքն  
է 10 դուրուշ , իսկ տմոսական անդամավճարը  
2 դուրուշ : Գործ . Մարմինը կը կազմեն .

Տօքթ. Խ . Պարթեւ	Ատենապետ
Ռ . Տըմպրեան	Ատենադպիր

(Յառաջ , Անդ.) :

26. ԿՐԾՆԱՍԻՐԱՅ ԸՆԿԵՐՈՒԹԻՒՆ (1910)

Կը , յիշուի 1910 Հոկտ. 9ին (Յառաջ  
1910 թ. 80) : Ունի Լսարան , (Անդ. թ. 89) :

27. ՀԱՅ ՊԱՏԱՆԵԿԱԿԱՆ ՄԻՈՒԹԻՒՆ (1911)

Կազմուած է 1911 Մարտի սկիզբը , «որ  
ինքնագարգացման զանազան նիւղերու հետ  
մղում պիտի ապայ նաեւ մարմնամարզի , ա-



առղջապահութեան եւ կաղգուրիչ դրօսանքներու (Մարմնամարզ, Կ. Պ. 1911, էջ 160 : -Ազատամարտ, 1911 թ. 542) :

#### 28. ՍԱՆՈՒՅ ՄԻՈՒԹԻՒՆ (...1914)

Երիզայի Կեդրոնական Վարժարանի Սաները կազմած են «Սանուց Միութիւն» մը, որ 1914ին ունէր իր Գրադարանը՝ «Ս. Սահակեան» անունով եւ ունեցած դրքերուն թիւը՝ 200 (Հոգդար, 1914, թ. 7) :

#### 29. ԵԿԵՂԵԱՅ ՀԱՅՐԵՆԱԿՑԱԿԱՆ ՄԻՈՒԹԻՒՆ (1919)

Կը կոչուի նաեւ «Եկեղեաց Վերաշինութեան Միութիւն» : Հիմը կը դրուի 1919 Օգոստոսին Պոլսոյ մէջ (Ժամանակ, 1919 թ. 3588) : 1921ին Ատենապետն է Հայկ Արամ Տ. Խաչատուրեան եւ Ատենադպիր՝ Տ. Դանիէլեան (Թեոդիկ, Ամէն. Տարեցոյցը 1921, էջ 306 : -Հմմտ. Ժողովուրդի Ձայնը, 1921 թ. 893) :

\*

### ԳԻՒՂԵՐՈՒ ԸՆԿԵՐՈՒԹԻՒՆՆԵՐ

#### ՄԵՂՈՒՑԻԿ ԳԻՒՂ

##### 1. ԱՏՈՎՄԵԱՆՅ ԸՆԿԵՐՈՒԹԻՒՆ (...1868)

Կը յիշուի 1868 Ապրիլ 18ին իբրեւ «Բարեկարգ Ընկերութիւն» (Երիզա, Կ. Պ. 1868, էջ 78) :



## ՄԱՀՄՈՒՏԻՆԻ ԳԻՒՂ

### 1. ԿՐԹԱՍԻՐԱՅ ՄԻՈՒԹԻՒՆ (...1912)

Կը յիշուի 1912ին : Հիմնած են Դիտրոյտի (Ամերիկա) դադթական Մահմուտիեցիները, որոնք Գիւղի դպրոցի վերաշինութեան համար 77 տալեր կը հանդանակեն (Ազատամարտ, 1912 թ. 865) :

## ԿԻԻԼԼԻՃԷ ԳԻՒՂ

### 1. ԿՐԹԱՍԻՐԱՅ ՄԻՈՒԹԻՒՆ (1910)

Կազմած են Ամերիկա դադթած Կիւլլիճէցիներ, 1910ին : 1914ին ունէր 40 անդամ՝ 800 տալեր դրամագլուխով : Ամէն տարի Գիւղի դպրոցին համար դումար մը կը ղրկէ : Գիւղին մէջ ալ ունի մասնաճիւղ մը, որ բացած է սպառազական խանութ մը, որմէ տարեկան կը դոյանայ 20—25 ոսկի (Յառաջերկիր, Կարին 1914 թ. 8) :

\*

## ԽԱՐԲԵՐԴ

### 1. ԱՐԱՄԵԱՆ ԸՆԿԵՐՈՒԹԻՒՆ (1847)

Խարբերդի հնադոյն մշակութային Ընկերութիւնն է այս, հիմնուած 1847ի վերջերը, այն է՝ 1848 Յունուարէն «փանի մը ամիս առաջ» (Արշալոյս Արարատեան, Զմիւռնիա 1848 թ. 303) : Հիմնումը եղած է Պոլսոյ Պատ-



բիւարքի յորդորներով եւ Խարբերդի Առաջ-  
նորդ Գէորգ Վարդապետին ջանքերով, իւր  
նպատակն ըլլալով. «Խարբերդ քաղաքի Խու-  
լէի Ս. Գէորգ վանքին մէջ բարեկարգ դպրոց  
մը հաստատել. նմանապէս Զմշկաձագի եւ  
Կապան — Մատենի եւ այլ գեղօրէից դպրա-  
տուները . . . բարեկարգել» (Անդ) : Բացուե-  
լիք դպրոցին ուսուցիչ կը կարգուի Ամասիա-  
ցի Յովհաննէս, իսկ Գէորգ Վրդ. 10,000  
դուրուշի դիւրք կը դնէ : Ընկերութեան Պոլ-  
սոյ ներկայացուցիչն է ծանօթ պատմադէտ  
Աւետիս Պէրպէրեան, իսկ Ընկերութեան տա-  
րեկան բաժնեգիրն՝ 50 դուրուշ (Անդ) :

## 2. ԵՂԱՅՐԱՍԷՐ ԸՆԿԵՐՈՒԹԻՒՆ (1860—1865)

Ծաղումը անծանօթ : Կը յիշուի 1866ի  
սկիզբը՝ Աղդ. Սահմանադրութեան եւ Առաջ-  
նորդի կապակցութեամբ (Մասիս, Կ. Պոլիս,  
1866 թ. 733) :

## 3. ՀԱՅԿԵԱՆ ԸՆԿԵՐՈՒԹԻՒՆ (1860—1865)

Կը յիշուի վերինին հետ, 1866ին (Մա-  
սիս, անդ) : 1872ին կը դործէ (Մանգ. Էֆ-  
փար, Կ. Պ. 1872 թ. 1837) : 1879ին պաշտ-  
պանութեան տակ ունի դպրոց մը, որուն յա-  
ռաջդիմութեան համար միջոցներ կը խորհի  
(Մասիս, 1879 թ. 2372 եւ 2402) :

## 4. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1860—1865)

Այս երեք հայ Ընկերութիւնները միասին  
4 հայ թերթերու մէջ բողոքագիր նամակ մը



կը հրատարակեն՝ փափաք յայտնելով որ խարրերդցի եւ առաջնորդական փոխանորդ Պետրոս Վարդապետ խարրերդի Առաջնորդ տրուի (Մասիս, անդ) :

##### 5. ՍՄԲԱՏԵԱՆ ԸՆԿԵՐՈՒԹՅՈՒՆ (1865)

Հիմնուած է 1865 Հոկտ. 1ին : Իր երկրորդ տարելիցի հանդէսը կը տօնէ 1867 Հոկ. 1 ին պատարագով, ճառախօսութեամբ, երգով եւ թատերական ներկայացումով, «խարրերդի մէջը առաջին լինելով՝ անհրաժեշտ պարտք կը դնամ իմ ջերմագին շնորհակալիքներս հրապարակաւ յայտնելու նոյն Ընկերութեան», կը գրէ Արիստակէս Վրդ. Տ. Սարգսեան խարրերդէն 1867 Նոյ. 12ին (Մասիս, 1867 թ. 826) :

Ընկերութիւնը կը յաջողի շուտով բանալ իր համանուն վարժարանը՝ տալով անոր բարձրագոյն կրթական յարկի մը նկարագիրը, ինչպէս կը տեսնուի իր երկրորդ տարելիցի հանդէսէն (Տես Մասիս, 1867 թ. 826) :

Ընկերութիւնը կազմողներն եղած են «200-300ի չափ աղքատ անձինքներ, որոնցմէ բան չէր յուսացուեր եւ կարգ մը նախապաշարեալ անձանց ծաղու նիւթ եղաւ ի սկըգբան, ծաղրը յետոյ նախանձու եւ ատելութեան փոխուեցաւ, զի այս աննշան մարդիկներն եղան ազգի յառաջդիմութեան համար դիւցազնական նիգեր բախող... Այս Ընկերութեան նպատակն ըլլալով ազգին յառաջ-



դիմութիւնն ու լուսաւորութիւնը . . . առաջին  
անգամ բաւականացաւ փոքրիկ սենեակներու  
մէջ ոսումն եւ կրթութիւն մատակարարել  
հայ աղջկանց եւ տղայոց . . . Այս տարի . . .  
զգաց երկսեռ վարժարանաց նորոգ շինուե-  
լու կարեւորութիւնը . . . ձեռք ձեռքի տուին  
Սմբատեանք եւ . . . մեծ աշխատութեամբ  
բարձրացուցին սոյն ուսման տաճարը» (Ման-  
գումէի էֆֆեար, Կ. Պ. 1868 թ. 817) :

Թէեւ վարժարանը «երկսեռ» կ'ըսուի՝ սա-  
կայն միեւնոյն շէնքին վերի յարկը մանչերու  
եւ վարիներ աղջկանց յատկացուած է՝ դատ  
դատ մուտքի եւ ելքի դռներով . 1868ին վար-  
ժարանը ունէր 150 աշակերտ-աշակերտուհի  
(Մանգումէ, անդ.) :

1869 Հոկտ. 5ին Ընկերութեան շորքորդ  
տարեդարձը կը տօնեն 2000 հանդիսականնե-  
րով, Սմբատ Թագաւորի ոսկեղօծ պատկե-  
րով եւ հայ ազգային դրօշակով : Տեղի կ'ու-  
նենան ճառեր, երգեր, ներկայացում (Սմբատ  
Առաջին, 5 արարով) եւ տրամախօսութիւն  
(Մանգ. էֆֆեար, 1869 թ. 1075) :

Հնադոյն թերթերու ժամանակակից այս  
աղբիւրները ձեռքի տակ չունենալով՝ «Խար-  
բերդ եւ անոր ոսկեղէն դաշտը»ի հեղինակը  
Պր. Վահէ Հայկ Ընկերութեան հիմնումի  
տարին կը կռահէ «1865ին կամ տարի մը  
վերջը» (Խարբերդ եւ անոր ոսկեղէն դաշտը,  
Նիւ Եօրք 1959, էջ 403) : Ընկերութեան ա-  
նուան («Սմբատեան») ծագումն ալ մութի մէջ



կը մնայ», *Կ'ըսէ (Անդ)*, *մինչդեռ ինչպէս տե-  
սանք (Մանգ. Էֆֆեար, 1869 թ. 1075)* Բագ-  
րատունեանց «Սմբատ» քաղաւորին *անուշով  
հիմնուած է Ընկերութիւնս* :

1874ին Ընկերութեան վարժարանի ման-  
չերու բաժինը կու տայ 2 շրջանաւարտներ  
բարձրագոյն կարգէն : Նոյն 1874ի Հոկտեմ-  
բերին կը բանայ Ընկերութիւնը Արհեստա-  
ւորներու վարժարան մը՝ 40—45 աշակերտ-  
ներով (Հայրենիք, Կ. Պ. 1875 թ. 231) :

Յաջորդ 1875—76 տարիներուն Ընկերու-  
թիւնը կը բանայ բարձրագոյն վարժարան մը,  
որ 1878ին «Ուսումնարան» եւ «Ճեմարան»  
կը կոչուի : Ահա ատոր նկարագրութիւնը  
Պօղոս Վրդ. Նաթանեանէն, որ 1878ին այցե-  
լած Խարբերդ՝ անձամբ տեսած է. «Քաղա-  
քին մէջ կայ մի փառաւոր Ճեմարան գեանա-  
յարկ (երկյարկանի) բարձր դիրքով, բայց  
գեղեգիկ զարդարեալ գրասեղաններով եւ  
Հայաստանի պատկերներով : Ճեմարանի վեր-  
նայարկը փոքրիկ սենեակ մ'ալ ունի, իգական  
սեռի յատկացեալ . . . Այս Ճեմարանի մէջ  
հասարակ ընթերցանութիւն բնաւ չ'աւան-  
դուիր, որովհետեւ քաղաքի միւս նախակըր-  
թական դպրոցներէն քննութեամբ հոն Ու-  
սումնարան կ'առնուին : Աշակերտուհիք յի-  
սունի չափ են . . . Օրիորդաց վարժուհին Պու-  
սեցի Խասգիւղի Որբանոցէն է . . . Սոյն երկսեռ  
Ուսումնարանին նիւթական եւ բարոյական  
մատակարարութիւնք երկու հարիւր յիսուն



անդամներէ բաղկացեալ Սմբատեան Ընկերութենէն կախում ունին : Արդարեւ այս Ընկերութիւն իր անուան արժանի է իւր գործքով . ունի քսան անդամէ բաղկացեալ վարչական մի ժողով : Իր եկամուտն է իւրաքանչիւր քաժանորդաց ոմանց հինգ , ոմանց երեք եւ ոմանց երկու Օսմ . ոսկիներուն տոկոսեաց շահը . . . Ամէն կիւրակէ Ճեմարանի մէջ դաստիարակութեան վրայօք ատենախօսութիւնք կը լինեն եւ ազգային սրտառուչ երգեր կ'երգուին նուագարաններով . . . » (Պօղոս Ծ . Վ . Նաթանեան , Արտօր Հայաստանի . Կ . Պ . 1879 , էջ 123—125) :

Ընկերութիւնը կը շարունակէ իր կրթական գործը : 1879ին Մասիսի թղթակիցը կը գրէ Խարբերդէն , «Սմբատեան Ընկերութեան դպրոցէն գատ դպրոց չկայ գովութեան արժանի» (Մասիս , 1879 թ . 2263) : Իր դպրոցներուն համար տարեկան 10,000 դրչ . ծախք կ'ընէ :

1880էն սկսած կը տկարանայ Ընկերութիւնը . կազմալուծուելու վտանգին կ'ենթարկուի : 1883ին քայքայուած է Ընկերութիւնը , ինչպէս կը տեղեկագրէ թղթակից մը՝ 1883 Փետրուար 20 թուականով . «Խարբերդու հայ երիտասարդութիւնը գրեթէ մեռեալ է . . . աստ ոչինչ կայ քաջալերական բայց ի Խարբերդու երբեմն պարծանքն եղող եւ այժմ կազմալուծեալ վիմակի մէջ եղող Ընկերութիւն մը , որ Սմբատեան անուամբ ծանօթ է :



Այս Ընկերութիւնն . . . երբեմն Ճեմարան տնտեսան արժանի վարժարան մը հաստատելու եւ բաւական ժամանակ դայն կանգուն պահելու կարող եղած է . . .» (Մասիս, 1883 թ. 3420) :

1887ին թղթակից մը կը գրէ որ « . . . Միութիւնը ցրուած լինելով . . . շատ հալածանք, շատ թշնամիներ ունեցաւ Սմբատեան Ընկերութիւնը չորպանի դասու մը կողմէ, ամէնէ վերջ ինկաւ ալ . . .» (Արեւելք, Կ. Պ. 1887 թ. 1016) :

Սակայն Ընկերութիւնը սիրող «նոր ուժեր եւ նախկին գործիչք մէկտեղ գալով՝ ամեն բան ի լաւն շրջեցին . . . կազմեցին նոր խորհուրդ ու ժողով հիմնագրի մը համաձայն, որով սովորաբար կը վարէին յառաջ . . . բացին աղջկանց վարժարան մը, ունեցան . . . իրր քառասուն աղջիկ վարժուհւոյ մը խնամովն» (անդ) :

Ասկէ կը տեսնուի թէ Սմբատեան Ընկերութիւնը ունեցած է Հիմնագիր մը, այսինքն՝ Կանոնագիր, որ կը գծէր Ընկերութեան վարչական եւ տնտեսական պայմանները : Դժբախտաբար հրատարակութեան չէ տուած Ընկերութիւնը իր այդ «Հիմնագիր»ը, որ մեղի անծանօթ կը մնայ :

1887էն վերջ մերթընդմերթ կը յիշուի «Սմբատեան Ընկերութիւն»ը (Հմմտ. Արաքս, Ս. Պետերբուրգ 1888, էջ 42 : -Հայրենիք, Կ.



Պ. 1888 թ. 2398) Տինչեւ 1890ական թուականները եւ ի վերջոյ կը դադրի :

6. ԽԱՐՔԵՐԴԻ ՄԻՈՒԹԻՒՆ (1867)

Կազմած են Խարբերդի Բողոքականները կրօնա-բարոյական եւ կրթական նպատակով (Մասիս, 1881 թ. 2837) :

7. ԱՆՁՆՈՒԷՐ ԸՆԿԵՐՈՒԹԻՒՆ (1868)

Պոլսոյ Մամուլ (1869, էջ 399) 1869 Դեկտեմբեր 6 թուականով կը տեղեկացնէ. «Տարի մը կայ որ Խարբերդի մէջ ալ Անճնուէր Ընկերութեան ճիւղ մը բացուեր էր... ազդասէր անձի մը կազմանէ 1000 ղրշ. նուիրուեր է :

8. ՄԻՈՒԹԻՒՆ (1871)

1871ին Խարբերդի եւ Գիւղերու Ընկերութիւնները կը կազմեն «Միութիւն» անունով Ընկերութիւն մը : Ահա ժամանակակից թերթին հաղորդած տեղեկութիւնը այս մասին. «Խարբերդի ազգայինք, գիւղացի, քաղաքացի եւ թէ բոլոր ազգային Ընկերութիւններն ամենայն սիրով միանալով ... հանրազիր ղրկեր են Պատրիարքարան ... Միութիւն անունով նորակազմ Ընկերութեան նկատմամբ» (Հայրենիք, 1871 թ. 49 : - Հմմտ. Հայրենիք, 1872 թ. 83) : Նախադասն է Գէորգ Ճափարեան (Անդ) :



## 9. ՓԱՆՈՍԵԱՆ ԸՆԿԵՐՈՒԹԻՒՆ (1871)

Ծանօթ է թէ Պոլսոյ մէջ շատ մը Ընկերութիւններ կազմուած են Հայաստանի կըրթական գործին օժանդակելու համար: Հայաստանի մէջ միայն մէկ հատ Ընկերութիւն կազմուած է որ նպատակ ունեցած է Պոլսահայ վաժարանի մը նպաստել: Այդ Ընկերութիւնն է «Փանոսեան Ընկերութիւն»ը, որ Խարրերդի մէջ Յովհաննէս Գ. Եազընեանի նախաձեռնութեամբ 1871 Սեպտեմբերին հիմնուած է, նպատակ ունենալով Կարապետ Փանոսեանի բացած Ագապեան աղջկանց վարժարանին օժանդակելու, ինչպէս կը գրէ ինքը՝ Եազընեան. «Երկու շաբաթէ հետէ նուաստիս տնօրէնութեանը ներքեւ Փանոսեան Ընկերութիւն մի կազմուած է քանի մի ուսումնաստենչ երիտասարդներէ բաղկացեալ, որոյ նպատակն է ի նպատակ Ագապեան դանձանակին ստակ եւ հնազոյն մագաղաթեայ գրեանք հաւաքել» (Հայրենիք, 1871 թ. 70: Հմմտ. Արարատ, Կ. Պ. 1871 թ. 23):

✓ 10. ՀԱՅԱՍՏԱՆԻ ԿԱՆԱՆՅ ԸՆԿԵՐՈՒԹԻՒՆ  
(1872—1879)

1879ին Խարրերդի մէջ կան «Տիկնայց Ընկերութիւններ» (Մասիս, 1879 թ. 2289), որոնց անունները չեն յիշուիր: Ատոնցմէ մէկը հաւանօրէն «Հայաստանի Կանանց Ընկերութիւն»ն է, զոր հիմնած են Բողոքականները եւ որ կը յիշուի 1881ին (Մասիս, 1881 թ. 2837) իրրեւ ոչ նոր Ընկերութիւն մը:



Անատորայի թղթակիցը կը գրէ որ 1879ին հիմ ու նոր Ընկերութիւնները կը ջանան վարժարան մը բանալ (Մասիս, 1879 թ. 2289) : Զ'ըսուի որ սակայն թէ որո՞նք են այդ հիմ ու նոր Ընկերութիւնները : Ուրիշ տեղիքներէ կ'իմանանք թէ շատ մը Ընկերութիւններ կազմուած են Խարբերդի եւ Գիւղերու մէջ, որոնք անյիշատակ մնացած են :

#### 11. ԱՐԱՄԵԱՆ ԸՆԿԵՐՈՒԹԻՒՆ (1875—1878)

1847ի «Արամեան»ը շատոնց դադրած էր տնչուշտ, քանի որ ոչ մէկ յիշատակութիւն կ'ըլլայ յաջորդ տարիներուն մէջ մինչեւ 1878, այն է՝ 31 տարի վերջ : 1878ին Պօղոս վ. Նաթանեան Խարբերդի Ս. Յակոբ թաղին մէջ կը դանէ «Արամեան Ընկերութիւն» մը, 100 անդամէ բաղկացած, որ թաղին վարժարանին հոգն ստանձնած է (Պօղոս Ծ. վ. Նաթանեան, Արտօսը Հայաստանի, Կ. Պ. 1879, էջ 123) : Թէ ե՞րբ եւ որմէ՞ հիմնուած է — չունինք ծանօթութիւն : Չենք կարծեր թէ որեւէ կապ ունենայ այս Ընկերութիւնը 1847ի «Արամեան»ին հետ եւ հաւանօրէն հիմնուած է 1875—1878 միջոցին :

#### 12. ԱՆԱՆՈՒՆ ԸՆԿԵՐՈՒԹԻՒՆ (1879)

Մասիսի (1879 թ. 2289) թղթակիցին համեմատ 1879ին հիմնուած են նոր Ընկերութիւններ, ինչպէս տեսանք : Այդ Ընկերութիւններէն մին կը համարինք «Անանուն»



Ընկերութիւնը, զոր կը յիշէ Տօքթ. Կ. Յ. Փաշայեան իր 1888ին Խարբերդ այցելութեան առթիւ: Նա կը գրէ. «Անանուն» Ընկերութիւն մը կայ, որ Կեդրոնական Վարժարանին կը նպաստէ, որուն գլխաւոր դործիչն է Թորոս Էֆ. Տէմիրբեան, ազգասէր վաճառականը (Հայրենիք, 1888, էջ 324):

### 13. ԵՐԻՏԱՍԱՐԴԱՅ ԸՆԿԵՐՈՒԹԻՒՆ (1879—1880)

Հիմնած են Լուսաւորչական, Բողոքական եւ Ասորի երիտասարդներ: «Դոքա ունին, կը գրէ Յարութիւն Գ. Տօն—Աթոսեան (Բիւրակն, Կ. Պ. 1883, էջ 250), մի նպատակ եւ մի խորհուրդ ի զարգացումն յառաջդիմութեան ազգի մարդկան: 1883ին Ընկերութեան նոր նախագահն է Աւագեան (Անդ):

Իսկ ուրիշ թղթակից մը 1883 Փետր. 20 թուականաւ կը տեղեկագրէ Խարբերդէն. «Այս Ընկերութեան անդամները կը կազմեն Լուսաւորչական եւ Բողոքական Հայ երիտասարդներ. նպատակն է պատանեաց եւ երիտասարդաց լաւ դաստիարակութիւնը» (Մասիս, 1883 թ. 3420):

### 14. ԿՐԹԱՍԷՐ ԸՆԿԵՐՈՒԹԻՒՆ (1880)

Հիմնուած է 1880ի վերջը, ինչպէս կը տեղեկացնէ թղթակից մը՝ 1885 Յունուար 12 թուական նամակով. «Բողոքական երիտասարդաց Ընկերութիւն մը՝ Կրթասէր անուամբ, որ չորս տարի առաջ սկիզբ առած է



փանի մը երիտասարդներու նախաձեռնութեամբ, *անցեալ շաբաթ...* մեծ բազմութեամբ իւր չորրորդ տարեդարձի հանդէսը կատարեց... Առ այժմ երիտասարդները նպատակ կը ճանչնան իրենց... աղքատ դպրոցականաց թոշակ եւ դասական պիտոյք մատակարարել...» (Արեւելիք, Կ. Պ. 1885 թ. 325) :

15. ՀՈԳԵՍԵՐ ԸՆԿԵՐՈՒԹԻՒՆ (1880—1886)

Հիմնումի ճիշդ տարին յիշուած չէ : Հիմնած են Ս. Ստեփանոս քաղեցիք (Արեւելիք, Կ. Պ. 1887 թ. 1016) : Նպատակն է. «Լուսաւորչական կրօնի պայծառութեան նըպաստել, սակայն մեծ արդիւնք մ'ունեցած չէ» կը գրէ Տօքթ. Փաշայեան (Հայրենիք, 1888, էջ 324) : Կը ջանար փարոգիչ եկեղեցական ունենալ (Արեւելիք, 1887 թ. 1016) :

16. ԽՆԱՄԱԿԱԼ ԸՆԿԵՐՈՒԹԻՒՆ (1880—1886)

Ընկերութեանս անունը որոշ յիշուած չէ. կ'ըսուի. «Խնամակալ Ընկերութիւն Սինամուտ Թաղին մէջ» (Արեւելիք, 1887 թ. 1016) : Ընկերութեանս ձգտումն էր «Վարժոց մը պահել» (Անդ) :

17. «ԿԱՃԱՌ ՀԱՅԿԱԿԱՆ» (1888)

Միութիւն մըն է՝ հիմնուած Ուստրի (Ամերիկա) մէջ : Իր անդրանիկ Վարչութիւնը կը կազմեն.



Սարգիս Ռատիկեան	Ատենապետ
Տօնապետ Պետիկեան	Ատենադպիր
Յակոբ Ռատիկեան	Գանձապահ
Կարապետ Թոգաթեան	Խորհրդական
Կարապետ Թաչճեան	Խորհրդական

«Կաճառ Հայկական»ը թէեւ իր մէջ ոչ խարբերոյցիներ ալ ունէր, սակայն հիմնադիրներն եւ մանաւանդ առաջին Վարչութիւնը զուտ խարբերոյցիներէ կը բաղկանար (տե՛ս Վահէ Հայկ, Խարբերոյ եւ անոր սկեզէն դաշտը, Նիւ Եորք 1959, էջ 987) :

Սխալ է սակայն Պր. Վահէ Հայկի կարծիքը թէ «Կաճառ Հայկական»ը զուտ ազդային նկարագրով կազմուած առաջին միութիւնն էր որ երեւանի եկաւ հայ գաղթականութեան կեանքին մէջ» (Անդ) : «Կաճառ Հայկական»էն ԱՌԱՋ ԱՄԵՐԻԿԱՅԻ ՄԷՋ ՀԻՄՆՈՒԱԾ ԷԻՆ առ նուազն ՀԻՆԳ ԸՆԿԵՐՈՒԹԻՒՆՆԵՐ (Տե՛ս մեր յօդուածը՝ Հայրենիք, Բոստոն 1954 թ. 12, 818—819) :

Միութիւնս ունեցած է իր կանոնագիրը, զոր առիթ չենք ունեցած տեսնելու : Կանոնադրին Ա. յօդուածը կ'ըսէ . «Կաճառ Հայկական Ուսուցիչ անուն Ընկերութիւն մը կազմուած է, որուն նպատակն է լոկ բարեգործական ի նպատակաւ Հոլանտորիական Հայոց» (Արեւելիք, Կ. Պ. 1888 թ. 1481) : Ընկերութեան անդամները կը գրեն որ «ամեն ջանք ի գործ կը դնեմք որ ժողովուրդն պահէ իւր



աղղութիւն, իւր կրօն եւ իւր (թրքական)  
հալատակութիւն» (Անդ) :

18. ԿՐԹԱՍԻՐԱՅ ԸՆԿԵՐՈՒԹԻՒՆ (1891)

Կազմուած է Ուսարի մէջ 1891 Օգոստոս  
16ին եւ ուրիշ քաղաքներու մէջ ունեցած է  
ճիւղեր : Առժամանակեայ Գործ . Մարմինը  
կազմած են .

Գէորգ Կիրակոսեան	Գանձապահ
Խաչ . Մանուկեան	Ատենապետ
Մինաս Գ. Արոյեան	Ատենադպիր
Կարպ . Տ . Մկրտիչեան	} Խորհրդականներ
Խաչեր Տիւլիէրեան	
Մկրտիչ Թեմբրիդեան	
Յարութիւն Տինճեան	
Կարապետ Պապայեան	
Յակոբ Սողիկեան	
Կարապետ Թաշճեան	
Պաղ . Թաշճեան	

(Վահէ Հայկ, Խարբերդ, անդ, էջ  
1014) :

1892 Դեկտեմբեր 17ին Ուսարի մէջ դու-  
մարուած Ընդհանուր անդամական ժողովը  
կը քննէ Ընկերութեան սկզբնական նախա-  
կը . կը կազմէ նոր Ծրագիր-Կանոնադիր մը .  
կ'ընտրուի Գործադիր Մարմին 15 անձերէ .  
անդամատուրքը կ'որոշուի ամսական 10  
սենտ :

1895ի Ջարդէն վերջ Ամերիկայի Խար-  
բերդի Գիւղերու Ընկերութիւնները միանա-



լով այս «Կրթասիրացին»՝ կը կազմեն «Խարբերդի Կրթասիրաց Միացեալ Ընկերութիւն»ը: 1926ին ծնունդ կ'առնէ համամիութենական ուրիշ գեղեցիկ գաղափար մը՝ բոլոր Ընկերութիւններու միացումով կազմել Համախարբերդցիական Միութիւնը: Բաղկացուցիչ բոլոր Ընկերութիւնները պահելով հանդերձ իրենց անջատ գոյութիւնը՝ կը միանան մեծ մասով եւ կը կազմեն Համախարբերդցիական Միութիւնը, որ 1929ին Հայաստանի մէջ հիմք կը դնէ Նոր—Խարբերդ քաղաքին, որուն մէջ կ'ունենան գիւղեր իրենց անունով թաղամաս կամ փողոց եւ կամ որեւէ յիշատակութիւն (Տե՛ս այս մասին Վահէ Հայկ, Խարբերդ եւ անոր սակեղէն դաշտը. Նիւ Եորք 1959, էջ 1014—72):

#### 19. Ե. Ք. ԸՆԿԵՐՈՒԹԻՒՆ (1891)

Հիմնուած է Խարբերդի «Եփրատ Գուլէճ»ի շրջանակին մէջ եւ «այլ եւ այլ տարիներու մէջ 30—80 ուսանողներ անդամակցած են» (Եփրատ, Խարբերդ 1911, էջ 94): Տեւած է 1911էն վերջ ալ: Հաւանօրէն նոյն է ասոր հետ «Երիտասարդաց Քրիստոնէական Ջանից Ընկերակցութիւն»ը (Տե՛ս Վահէ Հայկ, Խարբերդ, անդ, էջ 356):

#### 20. ՈՐԲԱԽՆԱՄ ՄԻՈՒԹԻՒՆ (1897)

Կազմուած է Ուսարի մէջ եւ 1897—98ին նպաստ կը դրկէ Խարբերդի Խուլէվանի Ագ-



գային Որբանոցին (Արեւելք, 1899 թ. 3917) :  
 Ստոյգ չենք թէ Խարբերդցիներո՞ւ Ընկերու-  
 թիւն է (Տե՛ս Սերոբ Եղիսկոպոս Ամերիկա-  
 հայ Տարեցոյց. Պոստոն 1913, էջ 41) :

21. ՏԻԿՆԱՆՅ ԳՐԱԴԱՐԱՆԻ ՄԻՈՒԹԻՒՆ (1897—1898)

Խարբերդի Ազգ. Որբանոցին մէջ Միու-  
 թիւնս երկու որբեր որդեգրած ըլլալով՝  
 «Որբախնամ Միութեան» հետ իբր տարեթո-  
 շակ կը նուիրէ, 1897—Տին, 1926 ղուերուչ եւ  
 այդ առթիւ կ'ըսուի թէ Ուստրի մէջ հիմ-  
 նուած է (Արեւելք, տնդ) :

22. «ԱՐԱՔՍ» ՀԱՅՈՒՀԵԱՅ ԸՆԿԵՐՈՒԹԻՒՆ (1908)

Հիմնուած է 1908ին, նպատակ ունենա-  
 լով իզական սեռի Փիղիքական, իմացական  
 ու բարոյական կրթութեան զարկ տալ : Ու-  
 նի 7 Յանձնախումբեր : Անդամներու թիւը՝  
 100 : Ընկերութեան շնորհիւ շատ մը կիներ ու  
 աղջիկներ կարգաւ, դրել, ձեւել, արդուկել  
 ու ձեռագործել սորված են, աղքատներ նը-  
 պաստաւորուած ու մանուկներ ձրի դաս-  
 տիարակուած են (Եփրատ, Խարբերդ 1913,  
 էջ 315) : Ընկերութիւնը 1911ին իր Մանկա-  
 պարտէզն ունէր (Անդ. էջ 298) :

23. «ԱՐՇԱԼՈՅՍ» ՀԱՅՈՒՀԵԱՅ ԸՆԿԵՐՈՒԹԻՒՆ (1908)

Հաւանօրէն «Արաքս»ի պէս 1908ի վեր-  
 ջերը հիմնուած՝ 1911ին ունէր իր Մանկա-  
 պարտէզը Խարբերդի մէջ (Եփրատ, 1911 էջ



298) : 1910 Դեկտեմբեր 18ին կը մասնակցի Մատթէոս Իզմիրլեան Կաթողիկոսի համար սարքուած սղահանդէսին (Եփրատ, 1910, էջ 387) :

24. ՆՈՐ ՍՄԲԱՏԵԱՆ ԸՆԿԵՐՈՒԹԻՒՆ (1909)

Կազմուած է 1909ի սկիզբները : Իր Կանոնագիրը հաստատել կը ջանայ 1909 Սեպտեմբերին (Ժամանակ, Կ. Պ. 1909 թ. 263) : Ընկերութեան Ընդհանուր Ժողովը 1910 Յունուարին կ'ընտրէ հետեւեալ Վարչ. Ժողովը. Գ. Վարդիկեան, Ս. Թէվրիդեան, Մեսրոպ Ժամկոչեան, Սարգիս Գէորգեան, Գար. Կոստանեան, Մելքոն Լիւլէճեան, Տ. Գարաճեան, Յ. Իսրայէլեան (Ժամանակ, 1910 թ. 371) :

Նորակազմ Ընկերութեան առաջին կըրթական դործը կ'ըլլայ բանալ Ճեմարան մը աղջկանց համար, որուն վարժուհիները կ'ընծայէ «Եփրատ Գուլէճ»ը (Ժամանակ, 1909 թ. 361) : Քիչ ետք կը բանայ Ժատերական բեմ մը եւ կու տայ ներկայացումներ՝ նպատակով վարժարաններուն (Եփրատ, 1909, էջ 140) : Տնօրէն Խորհուրդը 1911ին կը վկայէ որ Ընկերութիւնը բացած ու կազմած է Գրադարան, Ընթերցարան, Լսարան, Թատրոն, Խօսարան, Գիշերադպրոց եւ համանուն բարձրագոյն վարժարան (Ազատամարտ, Կ. Պ. 1911 թ. 716) :



## 25. ՆԵՐՍԷՍԵԱՆ ՄԻՈՒԹԻՒՆ (1909)

Կազմուած է 1909ին, թէեւ կը յիշուի 1910 Փետրուարին (Ժամանակ, 1910 թ. 392) : Մանրամասնութիւնք անծանօթ են :

## 26. «ԵՓՐԱՏ»Ի ԸՆԹԱՑԱԽԱՐՏՈՒՀԻՆԵՐՈՒ ՄԻՈՒԹԻՒՆ (1909—1910)

Հիմնուած կը թուի 1909ի վերջերը կամ 1910ի սկիզբը. դի կը յիշուի 1910 Մայիսին (Եփրատ, 1910 էջ 233) :

## 27. ԱՂՔԱՏԱԽՆԱՄ ԸՆԿԵՐՈՒԹԻՒՆ (1911)

Գ. Զուլումեան կը գրէ 1911 Մայիսին սկիզբը. «Վերջերս ձեռնարկ մը եղաւ, որուն կոչումն է սահմանին մէջ ծառայել դժբախտ դատակարգի մը բարելաւութեան... բարեացակամ անձեր... դրապէս զնահատեցին... բարերարական այս նորակազմ Ընկերութեան իրաւունքը... Աղբատախնամ Ընկերութիւնը միայն, որ կրնայ առողջ ու փրկարար ուղղութիւն մը տալ աղքատը սիրելու ընկերական վեհ գործին...» (Եփրատ, 1911, էջ 139—40)

## 28. ՈՐԲԵՐՈՒ ԿՐԹԱՍԻՐԱՅ ԸՆԿԵՐՈՒԹԻՒՆ (1912)

Հիմնուած է 1912ի սկիզբը Խարբերդի Որբանոցին որբերէն, որոնք ստանձնած են որբի մը ամբողջ տարեկան ծախքը հողալ (Եփրատ, 1912, էջ 63) :



## 29. ՃԵՄԱՐԱՆ ՄԻՈՒԹԻՒՆ (1912—1913)

Հայ գրի գիւտի Յորեղեանի տօնախմբութեան առթիւ, 1913ին, Խարբերդի Հայութիւնը «ի պատիւ եւ յաւերժացում մեծ Տօնին Հայկական Ճեմարան անուն «Գուէճ» մը կը բանայ եւ «մեծահանգէս շքով ու խանդավառութեամբ» տօնող մարմիններու շարքին մէջ կը նշմարենք նաեւ «Ճեմարան Միութիւն»ը, որ դուցէ 1912—13ին կազմուած է (Ժամանակ, 1913 թ. 1606) :

## 30. ԿԱՆԱՆՅ ԱՂՔԱՏԱԽՆԱՄ ՄԱՐՄԻՆ (1914—1915)

1915 Յունուար թուական նամակով Խարբերդի Առաջնորդ Պատկ Ծ. Վ. կը հաղորդէ Պատրիարքարան. «Աննեցուկ ընտանեաց օգնելու համար կազմուած է Կանանց Աղփատախնամ Մարմին մը, որ լաւագոյն օժանդակութիւն մը կ'ընծայէ եւ զնահատելի ծառայութիւն մը» (Ժամանակ, 1915 թ. 2064) :

## 31. «ԵՓՐԱՏ» ՀԱՅՐԵՆԱԿՑԱԿԱՆ ՄԻՈՒԹԻՒՆ (1918)

Խարբերդ նահանգի վերապրողները Պոլսոյ մէջ 1918 Դեկտեմբերին կը կազմեն «Եփրատ» Հայրենակցական Միութիւնը, (Ժամանակ, 1919 թ. 3390) : Միութեան նպատակն է. «իւր շուրջը հաւաքել Պոլիս եւ շրջակաները գտնուող բոլոր հայրենակիցները. ներկայ պարագաներու ստիպողականութեան տակ միասիրտ համագործակցութիւն մը ստեղծելու ջանադրութեամբ» (Ժամանակ, 1919 թ. 3404) :



Միութիւնը իր Ծրագիր – Կանոնագիրը  
 կը հրատարակէ 1919ին (Տե՛ս Ժամանակ,  
 անդ եւ ամանձին հատորիկով մը՝ Կ. Պ.  
 1919), որ ունի 9 Յօդուած, որոնցմէ առաջի-  
 նը տուինք վերը: Միութեան անդրանիկ  
 վարչութիւնը կը կազմէին՝ Ն. Քիւրճեան  
 (Ատենապետ) եւ Վ. Երէցեան (Ատենադպիր)  
 (Ժամանակ, անդ): Միութիւնը շուտով կ'ու-  
 նենայ ձիւղեր եւ Մասնաճիւղեր (Ժամանակ,  
 1919 թ. 3556, 3634, եւ այլն):

## ԳԻՒԴԵՐՈՒ ԸՆԿԵՐՈՒԹԻՒՆՆԵՐ

### ՄԵԶԻՐԷ (ԲՈՒՐԱՍՏԱՆ)

Խարբերդի դաշտին մէջ շինուած այս քա-  
 ղաքը, որ Խարբերդէն մէկ ժամ հեռու կը  
 դանուի եւ կուսակալանիստ է՝ Խարբերդի  
 կը վերաբերի եւ իբրեւ իր մէկ մասը կը հա-  
 մարուէր: Իր հայկական յորջորջումն է  
 «Բուրաստան» (Մասիս, Կ. Պ. 1879 թ.  
 2259):

#### 1. ԱՆՁՆՈՒԷՐ ԸՆԿԵՐՈՒԹԻՒՆ (1868)

Կազմուած է 1868 Սեպտեմբերին: Զոր-  
 քորդ տարեդարձը կը տօնէ 1872 Սեպտեմբե-  
 րին. «Ուր արմօնիքով երգեր երգուեր, ճա-  
 ոեր կարդացուեր են... հայերէն ու տաճկե-  
 րէն ատենաբանութեամբ» (Հայրենիք, Կ. Պ.  
 1872 թ. 123): Կը յիշուի նաեւ 1871ին (Հայ-  
 րենիք, 1872 թ. 83):



2. ՀԱՅՐԵՆԱՆՈՒԷՐ ԸՆԿԵՐՈՒԹԻՒՆ (1869)

Հիմնադ. է 1869ի Վերջերը, որուն բարե-  
սէր անձ մը 500 դրշ. կը նուիրէ (Մամուլ,  
Կ. Պ. 1869, էջ 399) :

3. ԱՐԱՄԵԱՆ ԸՆԿԵՐՈՒԹԻՒՆ (...1878)

Պողոս Վ. Նաթանեան 1878ին Մեղիբէի  
մէջ կը գտնէ «Արամեան Ընկերութիւն» մը,  
որ բացած էր Ընթերցարան մը : Անշուշտ  
1878էն առաջ հիմնադ. էր : Իր մասին ուրիշ  
տեղեկութիւն չենք գտներ :

4. ԱՐԱՐԱՏԵԱՆ ԸՆԿԵՐՈՒԹԻՒՆ (1879)

Թղթակից մը 1879 Փետրուար 3 թուա-  
կանով կը գրէ . «Մեզրէ . . . երկու Ընկերու-  
թիւններ միանալով՝ նոր Ընկերութիւն մը  
կազմեցին Արարատեան անուամբ եւ ամեն  
կերպ լրագիրներ բերելու որոշում ըրին»  
(Մասիս, 1879 թ. 2263) :

Հին Ընկերութիւնները անունով չեն  
յիշուիր : Ուրիշ Թղթակից մը մասամբ լու-  
սաբանելով՝ կ'ըսէ որ «Անճնուէր Ընկերու-  
թեան անունը փոխուելով՝ այժմ Արարա-  
տեան անունը կը կրէ» (Մասիս, 1879 թ.  
2334) : Նոյն Թղթակիցը - Կիրակոս Ս. Ղա-  
զարեան - քիչ ետք կը տեղեկացրէ . «Մեզրէի  
Արարատեան Ընկերութիւնը խիստ լաւ կ'աշ-  
խատի : Տեառնընդառաջի օրը մեծ հանգէ-  
սով մը բացաւ աղջկանց վարժարանը, որ  
այժմ 60էն աւելի աղջիկ կը յաճախեն՝ երկու



մասնաւոր վարժուհեաց եւ մէկ քահանայի  
դասատուութեամբ...» (Մասիս, 1879 թ.  
2283 եւ թ. 2289) :

Արարատեանի վարիչներն են .  
Նշան Յ . Արփիարեան Ատենապետ  
Շիրին Մ . Գուլյումճեան Ատենադպիր  
(Մասիս, անդ) :

#### 5. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1884)

Թղթակիցի մը խօսքերէն դատելով՝  
հիմնուած կ'երեւայ 1884ի Յուլիսէն առաջ  
(Արեւելի Կ . Պ . 1885 թ . 430) :

#### 6. ԱԶԳԱՍԻՐԱՅ ԸՆԿԵՐՈՒԹԻՒՆ (1884—1885)

Կը յիշուի 1888ի դարնան եւ հաւանական  
է որ հիմնուած ըլլայ 1884—5ին, զի կը յի-  
շուի «Ուսումնասիրաց»ի հետ, որոնք երկու-  
քըն ալ տկարացած են 1888էն առաջ եւ Տ .  
Ղեւոնդ Սրբ . Շիշմանեան Առաջնորդին ձե-  
ռօք կը միանան, «ի մի կը ձուլուին» : Այս  
միացեալ ընկերութիւնը — չ'ըսուիր թէ ի՛նչ  
անուն կը կրէ — կը բանայ մանչերու Կեդրո-  
նական վարժարանը՝ «Քաջահմուտ եւ բարո-  
յականի տէր դասատուաց խնամոց ներքեւ»  
(Հայրենիք, 1888, էջ 323 : — Հմմտ . Արաքս,  
Ս . Պետերսբուրգ . 1888, էջ 42) :

#### 7. «ՍԱՆԴԻՏԵԱՆ» ԸՆԿԵՐՈՒԹԻՒՆ (1885—1886)

Հիմնումի տարին կը համարինք իբր  
1885 — 6 : 1888ի դարնան կը տեղեկագրուի .



«Մեզրաի հայերը ունին նաեւ իդաւան սեռէ բաղկացեալ մի «Սանդիստեան» Ընկերութիւն , որ բացած է աղջկանց համար մի վարժարան , վկայեալ վարժուհեաց խնամոց ներքեւ եւ ունի 80 աշակերտուհի» (Հայրենիք , 1888 էջ 323) :

Տ. ՇՐՋԱՆԱԽԱՐՏԱԿԱՆ ՄԻՈՒԹԻՒՆ (1908—1909)

Կազմուած կ'երեւայ 1908-9 : 1909 Հոկտեմբեր 1ին ունի իր Ծրագիրը՝ 10 Յօդուածէ բաղկացած : Միութիւնը կազմողներն են Մեղիրէի «Կեդրոնական—Երկսեռ վարժարաններու Շրջանաւարտները» : Ծրագիրը հրատարակած է Ազատամարտ (1909 թ. 106) , ուր ոչ մէկ ծանօթութիւն հիմնուածի մասին : Միութեան Գործ . Մարմնի Դիւանը կը կազմեն .

Լ . Հէքիմեան

Ատենասպետ

Տիգ . Սարգիսեան

Ատենադպիր

Յ . Պօյաճեան

Գանձապետ

## ՀԻՒՍԷՅՆԻԿ ԳԻՒՂ

1. ՀԱՅԿԵԱՆ ԸՆԿԵՐՈՒԹԻՒՆ (1865)

Կը յիշուի առաջին անգամ 1871ին , երբ կը մասնակցի Հիւսէյնիկի մէջ «Սմբատեան Ընկերութեան» վեցամեայ տօնախմբութեան եւ ունի իր դպրոցը (Հայրենիք , 1871 թ. 77) : Նոյն տարին միանալով 9 Ընկերութիւններու՝ կը կազմեն «Միութիւն» անունով Ընկերութիւն մը (Հայրենիք , 1872 թ. 83) :



Հիւսէյնիկի «Հայկեան»ը հիմնուած է 1865 Մարտին : 1872 Մարտի 5ին կը տօնախմբէ իր եօթներորդ տարեդարձը՝ ներկայացնելով Իզմիրի Հաշտենից վասպուրական Ընկերութեան անդամ Միրզա վանանդեցիի «Մեծն Ներսէս Հայաստանի Բարերար» Ողբերգութիւնը, զոր դպրոցի տնօրէն Սարգիս Ալիսայեան համառօտած էր : Հանդէսին ներկայ են 5000 հոգի : Տեղի կ'ունենայ երգ, արտասանութիւն, ճառ, ատենարանութիւն եւ ներկայացում : Շինուած է յատուկ ծաղկադարձ կամար մը : Ընկերութեան համար հանդանակութիւն ընելով՝ կը հաւաքուի 2000 դուրուշ (Հայրենիք, 1872 թ. 97) :

Ընկերութիւնը 1879ի սկիզբը վերակազմուելէ վերջ (Մասիս, 1879 թ. 2263, 2283) դպրոցը կանգուն կը պահէ երկար ատեն : Կը ջանայ նաեւ Գիւղին մէջ աղջկանց վարժարան մը բանալ (Մասիս, 1879 թ. 2334) :

Գրիգոր Յ. Նաճարեան կը համարի թէ Ընկերութեան նախնական անունը «Անձնուէր» Ընկերութիւն եղած ըլլայ եւ յետոյ փոխուած «Հայկեան»ի (Տե՛ս Պայքար, 1952 Մայիս 12-28) : Հնութեան մէջ յիշատակութիւն մը դատած չենք «Անձնուէր» յորջորջումին եւ հաւանական չենք համարիր այդ կարծիքը : Ինչպէս տեսանք՝ արդէն 1871ին կը յիշուի միայն «Հայկեան», յետոյ 1872ին դարձեալ «Հայկեան», ատանց որեւէ յիշատակութեան «Անձնուէր»ի կամ փոփոխութիւն մը :



2. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1870)

Հիմնուած է 1870 Յունուարին՝ տեղւոյն Բողոքականներէն, որոնք 1883 Յունուար 5ին Ընկերութեան 13րդ տարեգարձը կը խմբեն հանդէսով մը (Բիւրակն, Կ. Պ. 1883, էջ 249-50) :

3. ԿԱՆԱՆՑ ԸՆԿԵՐՈՒԹԻՒՆ (1870—1875)

Կազմած են Հիւսէյնիկի Բողոքական կիները՝ իբրեւ օժանդակ Ընկերութիւն «Ուսումնասիրացին» (Բիւրակն, անդ) : Չի ճըշդուիր հիմնումի տարին :

4. ԱՆՁՆՈՒԷՐ ԸՆԿԵՐՈՒԹԻՒՆ (1879)

Հիմնուած է թելադրութեամբ Մկրտիչ Փորթուղալեանի եւ նախագահութեամբ Գըրիգոր Թերզեանի : Նպատակն է. «Հիմնել Լուսաւորչական աղջկանց դպրոց մը Հիւսէյնիկի մէջ» (Վահէ Հայկ, Խարբերդ եւ անոր ոսկեղէն դաշտը. անդ՝ էջ 744-5) :

1888ին կը յիշուի իբրեւ «գլխաւոր Ընկերութիւն Հիւսէյնիկի» (Արաքս, Ս. Պետերսբուրգ 1888, էջ 42) :

5. ՈՒՍՈՒՄՆԱՍԻՐԱՅ ԼՈՒՍԱՒՈՐՉԱԿԱՆ ՄԻՈՒԹԻՒՆ (1882)

Հիմնած են Ուստրի (Ամերիկա) դաղթական Հիւսէյնիկցիք՝ նպատակ ունենալով «տարեկան 200 տոլարով աջակցել Գիւղին դպրոցներուն» (Տե՛ս Վահէ Հայկ, Խարբերդ,



անդ՝ էջ 752) : 1895էն վերջ Ընկերութեան անունը կը փոխուի «Կրթասիրաց»ի եւ կ'ունենայ մասնաճիւղեր (Տե՛ս նաեւ Մանուկ Գ. Ճիզմէճեան, Խարբերդ եւ իր զաւակները. Փրէզնոյ 1955, էջ 276, ուր Ընկերութեան անունը սկիզբէն ի վեր ծանօթ է «Կրթասիրաց» տիտղոսով) :

1919ին Ընկերութեան անունը կը վերածուի «Վերաշինաց»ի, որ կը նպաստէ հայ գաղթականներու. 1929ին կը դործակցի Համախարբերդցիական Միութեան 3400 դուլարով՝ շինելու համար Նոր — Խարբերդը (Վահէ Հայկ, անդ) :

#### 6. . . . ԸՆԿԵՐՈՒԹԻՒՆ (1888)

Կազմած են Հիւսէյնիկցի քանի մը դըրամատէրներ «Հազար ոսկի դրամագլխով յատկապէս Քարբերդցի հայեր Ամերիկա դըրուելու նպատակաւ. . . » (Արեւելք, Կ. Պ. 1888 թ. 1421) : Ընկերութիւնը ունի իր դործակատարները Ամերիկայի մէջ (անդ) :

#### 7. ԳՐԱՍԷՐ ՄԱՆԿԱՆՅ ԸՆԿԵՐՈՒԹԻՒՆ (1893—1894)

Կը կազմուի գալրոցի Տնօրէն Համբարձում Երամեանի առաջնորդութեամբ եւ նորահաս պատանիներու մասնակցութեամբ : Նպատակն է. «պահել Գրադարան մը. . . հողալ կարօտ աշակերտներու թոշակները եւ գալրոցական պէտքերը» (Վահէ Հայկ, անդ, էջ 745) :



Յետոյ կոչուած է «Գրասէր Խնամա-  
կալութիւն» եւ 1905ին կը վճարէ 45 մանչ  
եւ 20 աղջիկ աշակերտներու դպրոցական թո-  
շակն ու գրեհականները (Մանգուսէի էֆ-  
եար, Կ. Պ. 1905 թ. 1208) :

Անշուշտ սխալագորութիւն է Ճիզմէճեա-  
նի քով (անդ՝ էջ 72) Ընկերութեանս անունը  
գրուած «Գթասէր» Ընկերութիւն եւ «Գթա-  
սէր» Խնամակալութիւն :

### ՄՕՐԵՆԻԿ ԳԻՒՂ

1. ԼՈՒՍԱՒՈՐԶԱԿԱՆ ԸՆԿԵՐՈՒԹԻՒՆ (1865—1866)

Կը յիշուի 1871ին (Հայրենիք, 1872 թ. 83), բայց հնադոյն է, ինչպէս իրեն հետ յի-  
շուած (անդ) միւս 9 Ընկերութիւնները :

2. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1888)

Հիմնուած է Ամերիկայի մէջ : Նպատակն  
եղած է օգնել Գիւղի կրթական գործին  
(Տե՛ս այս մասին Ճիզմէճեան, Խարբերդ,  
անդ, էջ 288—9) : Ընկերութեանս հիմ-  
նումը 1890ին դրած է Մուշեղ եպիսկոպոս  
(Ամերիկահայ Տարեցոյցը, Պոստոն 1912, էջ  
177) :

### ՀԱՊՈՒՍԻ ԳԻՒՂ

1. ՍՄԲԱՏԵԱՆ ԸՆԿԵՐՈՒԹԻՒՆ (1865—1866)

Խարբերդ քաղաքի մէջ 1865ին հիմ-  
նուած «Ամբատեան Ընկերութիւն»ը օրինակ  
Պատմ. Հայ Մշակ.



առնելով՝ Հապուսի Գիւղի հայերն ալ նոյնա-  
նուն Ընկերութիւն մը կը հիմնեն, որ 1871ին  
կը յիշուի (Տե՛ս Հայրենիք, 1872 թ. 83),  
բայց չենք կրցած ճշդել հիմնումի տարին :

2. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1879?)

Հիմնումը կրնայ 1879ին ըլլալ, երբ  
Խարրերդի Գիւղերը իրարու հետ կը մրցին  
նոր Ընկերութիւններ կազմելու եւ դպրոց-  
ներ բանալու (Մասիս, 1879 թ. 2283) : Ասի-  
կա հիմնողներն են Գիւղի Լուսաւորչախան  
հայերը :

3. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1879—1890)

Հիմնած են Հասպուսի Բոգոփականները  
(Տե՛ս Վահէ Հայկ, անդ, էջ 941) :

4. ՀԱՅՐԵՆԱՍԻՐԱՅ ՄԻՈՒԹԻՒՆ (1890—1900)

Ասիկա միացումն է երեք նոյնանալա-  
տակ Միութիւններու, որոնք տարբեր շրջան-  
ներու մէջ կազմակերպուած էին երեք «տար-  
բեր անուններու տակ» (Վահէ Հայկ, անդ, էջ  
941) : Ներկայիս ունի 7 Մասնաճիւղ :

5. ՎԵՐԱՇԻՆԱՅ ՄԻՈՒԹԻՒՆ (1917)

Կազմուած է Ամերիկա 1917 Մարտ 14ին  
(Անդ) :

## ՀՈՂԷ ԳԻՒՂ

1. ՍՄԲԱՏԵԱՆ ԸՆԿԵՐՈՒԹԻՒՆ (1865—1866)

Կը յիշուի 1871ին ուրիշ 9 Ընկերութիւն-  
ներու հետ, որոնց հնութիւնը կը բարձրանայ



մինչեւ 1865—6 (Հայրենիք, 1872 թ. 83) :  
Ուրիշ ծանոթութիւն չունինք :

## 2. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1891)

Ամերիկայի մէջ 1891 Դեկտեմբեր 25ին  
Հիմնած են Հողեցիք : Հիմնադիրներն են Պո-  
ղոս Սիմոնեան, Գէորգ Թերզեան, Յակոբ  
Մաթոյեան, Պետրոս Արսլանեան, Կարապետ  
Տէրտէրեան : Իրենց նպատակն է . «Հաստա-  
տել տղայոց եւ աղջկանց վարժարաններ»  
(Վահէ Հայկ, անդ, էջ 877) : 1921ին կը կո-  
չուի «Հողէի Միացեալ Ընկերութիւն» եւ կը  
հասնի ամէն կողմ ցրուած հայրենակիցներու  
օգնութեան : Այս նպաստներու դումարը կ'ըլ-  
լայ 15,000 դոլար (Անդ) :

## 3. ԿՐԹԱՍԻՐԱՅ ՄԻՈՒԹԻՒՆ (1892)

Հիմնած են Բողոքական Հողեցիները Ա-  
մերիկայի մէջ (Մուշեղ եպիսկոպոս, Ամերի-  
կահայ Տարեցոյցը, էջ 179) :

## 4. ԵՐԻՏԱՍԱՐԴԱՅ ՄԻՈՒԹԻՒՆ (1924)

Կազմած են Մարսէյի մէջ ապրող Հո-  
ղեցիներ՝ նպաստելու համար համադիւղացի  
կարօտեալներու (Յառաջ, Փարիզ, 1927 թ.  
501) :

## 5. ԱՂՔԱՏԱԽՆԱՄ ՄԻՈՒԹԻՒՆ (1927)

Մարսէյլաբնակ Հողեցիները կազմած են  
(Յառաջ, Փարիզ 1927 թ. 376) :



## ԲԱՐՋԱՆՃ (ՓԵՐՋԵՆՃ) ԳԻՒՂ

1. ԼՈՒՍԱՒՈՐԶԱԿԱՆ ԸՆԿԵՐՈՒԹԻՒՆ (1865—1866)

Ծանօթ է հիմնումի ճշգրիտ տարին .  
կը յիշուի 1871ին (Տե՛ս Հայրենիք, 1872 թ. 83) :

2. ԼՈՒՍ. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1891)

Հիմնում է Ֆէլս (Ամերիկա) 1891  
Սեպտեմբեր 19ին եւ ունեցած է ձիւղեր : Իր  
մէկ կարեւոր գործն եղած է հրատարակու-  
թիւնը Մանուկ Ծերունի գիրքը . — Բարջանի,  
գոր տեսնելու առիթ չենք ունեցած (Հմմտ .  
Ճիղմէճեան, անդ՝ էջ 286 եւ Վահէ Հայկ,  
անդ՝ էջ 897) :

Մերթ կը կոչուի նաեւ «Դպրոցասիրաց»  
Ընկերութիւն :

3. ԲՈՂՈՔ. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1894)

Հիմնած են ամերիկաբնակ Բողոքական  
Բարջանճցիներ (Ճիղմէճեան, անդ՝ էջ 269) :

## ՍՈՐՍՈՐԻ (ՍԻՐՍԻՐԻ) ԳԻՒՂ

1. ԲԱՐԵՍԻՐԱՅ ԸՆԿԵՐՈՒԹԻՒՆ (1865—1866)

Հաւանօրէն 1865—6 եղած է իր հիմնու-  
մը, քանի որ 1871ին կը յիշուի եւ իրեն հետ  
յիշուած 9 Ընկերութիւններէն սմանց հնու-  
թիւնը կը բարձրանայ մինչեւ 1865 (Տե՛ս  
Հայրենիք, 1872 թ. 83) :



2. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1891)

Կազմուած է Ամերիկայի մէջ եւ բացած Գիւղին մէջ դպրոց մը (Ջայն Հայրենեաց, Նիւ Եորք 1899 թ. 3) : Ընկերութիւնը Գիւղին մէջ 20 անդամով ճիւղ մը կ'ունենայ (անդ, թ. 6) :

### ԵԴՄՆԻԿ ԳԻՒՂ

1. ԼՌԻՍԱՒՈՐՁԵԱՆ ԸՆԿԵՐՈՒԹԻՒՆ (1865—1866)

Կը յիշուի 1871ին միայն (Հայրենիք, 1872 թ. 83) :

2. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (...1912)

Ամերիկայի մէջ հիմնուած է ի նպատակ Գիւղի դպրոցին (Ազատամարտ, 1912 թ. 958 : — Հմմտ. Արարատ, Վաղարշապատ, 1915, էջ 932) :

### ԳՈՄՔ ԳԻՒՂ

1. ՍՄԲԱՏԵԱՆ ԸՆԿԵՐՈՒԹԻՒՆ (1865—1866)

Դժբախտաբար միայն մէկ անդամ եւ լոկ անունով յիշուած է (Տե՛ս Հայրենիք, 1872 թ. 83) :

### ՔԵՍԻՐԻԿ ԳԻՒՂ

1. ԹՈՐԳՈՄԵԱՆ ԸՆԿԵՐՈՒԹԻՒՆ (1865—1870)

1872ին այս Ընկերութեան անդամները կը մասնակցին Մեղիբէի «Անճնուէր Ընկե-



բութեան» հանդէսին (Տե՛ս Հայրենիք, 1872 թ. 123) : Ծաղումքը հնադոյն ըլլալու է :

«Թորդոմեան»էն վերջ, մինչեւ 1888 ուրիշ քանի մը Ընկերութիւններ կազմուած են, կ'ըսուի (Հմմտ. Ծաղիկ, Կ. Պ. 1893 թ. 7), բայց իրենց անունները յիշուած չեն :

## 2. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1888)

Նախատակն եղած է «արդի պահանջմանց համեմատ դպրոց բանալ եւ բարձր դաստատուններ բերել տալ» (Ծաղիկ, Կ. Պ. 1893 թ. 7) : Հիմնուած է 1888 Օգոստոս 24ին Ուստրի մէջ : Մեծապէս օգտակար եղած է Գիւղի կրթական վերելքին : Իր նպաստներով Միգիրէի մէջ փուռ եւ յարակից երեք խանութ կը դնեն, որոնց հասոյթով դպրոցը կը պահէ իր գոյութիւնը (Վահէ Հայկ, անդ՝ էջ 882) : — 1915էն վերջ Ընկերութեան անունը կը վերածուի «Քեսիրիկի Ընդհ. Ընկերութեան» (Տե՛ս նաեւ Ճիզմէճեան, անդ, էջ 292) :

## ԽՈՅԼՈՒ – ԹԼԿԱՏԻՆ ԳԻՒՂ

### 1. ՀԱՅ ԲՈՂՈՔ. ԵՐԻՏ. ԴԱՍՏ. ԸՆԿԵՐՈՒԹԻՒՆ (1878)

Այսինքն՝ «խոյլուի Հայ Բողոքական Երիտասարդաց Դաստիարակիչ Ընկերութիւն», զոր կազմած են 1878 Մայիս 30ին : Ատոր մէկ ճիւղը կը հիմնեն յետոյ Ամերի-



կայի մէջ նպատակն ըլլալով. «Հաստատել Խոյլուի մէջ քրիստոնէական երկսեռ դպրոց մը, ապահովեալ դրամադրութիւնով ու նպատակ ապագայ սերնդեան բարոյական ու մտաւոր դարգացման» (Ճիզմէճեան, անդ, էջ 298-9) : Իր կանոնադրին համեմատ ամէն անդամ պարտաւոր է վճարել մուտքի դրամ՝ 1 դոլար եւ ամսավճար՝ 5 սենտ (Անդ) :

2. ԼՈՒՍԱՒՈՐՁԱԿԱՆ ԿՐԹԱՍԻՐԱՅ ԸՆԿԵՐՈՒԹԻՒՆ (1891)

Կազմուած է Պրաւիտենա 1891 Հոկտ. 18ին եւ մինչեւ 1914 դրկած է Գիւղի դպրոցին 5000 դոլար (Անդ, էջ 298) :

3. ԲՈՂՈՔ. ԿՐԹԱՍԻՐԱՅ ԸՆԿԵՐՈՒԹԻՒՆ (1898)

Կազմած են Լինի (Ամերիկա) մէջ : 1912-ին կը ջանան միանալ այս երկու Ընկերութիւնները (Ազատամարտ, 1912 թ. 958) : 1926 Սեպտեմբեր 4ին կը միանան այս երկու Ընկերութիւնները եւ կը կոչուի «Խոյլութիւնատինի Վերաշինաց Միութիւն» (Ճիզմէճեան, անդ, էջ 299 : — Տե՛ս նաեւ Հայրենիք, Բոստոն 1956 թ. 13,477) :

## ԲԱԶՄԱՇԷՆ ԳԻՒՂ

1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1888)

Հիմնուած է Գիւղին մէջ 1888ին (Վահէ Հայկ, անդ, էջ 839) :



2. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1892)

Կազմուած է 1892 Սեպտեմբեր 12ին Ամերիկա (Ապտալ Գոլէճ Պօղոսեան, Բազմաշէնի ընդարձակ պատմութիւնը. Պոստոն, էջ 172) : Ընկերութիւնը շինած է աղջկանց վարժարան մը Գիւլին մէջ (Անդ, էջ 187) :

3. ՎԵՐԱՇԻՆԱՅ ԸՆԿԵՐՈՒԹԻՒՆ (1916)

Ամերիկացի Բազմաշէնցիները հիմնած են օգնելու համար կարօտ վերապրողներուն (Ճիզմէճեան, անդ, էջ 272) :

## ԴԱՏԵՄ ԳԻՒՂ

1. ՀԱՅ ԼՈՒՍ. ԵՐԻՏ. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1891)

Հիմնուած է Ամերիկա 1891 Յունիս 17ին : Հիմնադիրներն եղած են. Մանուկ Ղադարոսեան, Մկրտիչ Քէլէճեան, Կարապետ, Յակոբ եւ Պօղոս Հերոյեան, Սարգիս Հայթայեան, Յակոբ Իսրայէլեան, Մարտուպ Հըջայեան (Տէ'ս Հայրենիք, Պոստոն 1942 Թ. 9116) : Նպատակն եղած է. «Դպրոցի միջոցով օգնել Դատեմի երկսեռ պատանիներուն եւ ժողովուրդին մտաւոր զարգացման, ինչպէս նաեւ հոգեկան արթնութեան եւ սրտի ազնուացման սատար կանգնիլ» (Գ. Մխիթարեան, Մեր Գիւղը Դատեմ. Պոստոն 1958, էջ 59) :



Ընկերութեան շօշափելի եւ շատ կարեւոր մէկ դործը կ'ըլլայ հրատարակութիւնը Դատեմ Գիւղի Պատմութեան .— Մեր Գիւղը՝ Դատեմ 1958, խմբագրութեամբ Պ. Գուրդէն Մխիթարեանի :

## ԵՂԵԳԻ ԳԻՒՂ

### 1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1892)

Հաստատուած է Ուսարի մէջ 1892ին՝ ստատրելու համար Գիւղի մշակութային կեանքին, մանաւանդ դպրոցին : 1915էն վերջ կոչուած է «Վերաշինաց» Միութիւն եւ սիրայօժար տրամադրած է իր միջոցները թէ՛ Նոր-Խարրերդի եւ թէ՛ ներգաղթի (Վահէ Հայկ, անդ, էջ 957) :

### 2. ՊԱՏԱՆԵԿԱՆ ՄԻՈՒԹԻՒՆ (1929)

Կազմած են Մարտէյլի եղեգիցիները՝ առաջադրելով «գարկ տալ մեր երիտասարդներու ինֆնագարգացման, վառ պահել ազգային աւանդութիւնները, հետեւելով նահատակներու շաւղին» (Յառաջ, Փարիզ 1929 թ. 1024) :

## ՇԷՆԹԻԼ ԳԻՒՂ

### 1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1891)

Հիմնած են ամերիկացի դաղթականները Ուսար քաղաքին մէջ 1891 Յունուար 1ին՝



ունենալով իրենց Կանոնագիրը : Կը նախա-  
տեն Գիւղի դպոցին մինչեւ 1915, որմէ վերջ  
նաեւ վերապրողներու կարիքներուն (Ճիւղ-  
մէճեան, անդ, էջ 291—2) :

### ՎԱՐԴԱԹԻԼ ԳԻՒՂ

#### 1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1892)

Կազմած են ամերիկաբնակ դաղթական-  
ները՝ օժանդակ հանդիսանալով Գիւղի կըր-  
թական դործին : 1905ին կը վերակազմուի  
(Վահէ Հայկ, անդ, էջ 974—5) :

### ՔԵՕՐԲԷ ԳԻՒՂ

#### 1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1893)

Լովելի (Ամերիկա) մէջ հիմնուած է .  
1904ին վերակազմուած եւ 1908էն վերջ բա-  
ցած է աղջկանց դպրոց մը Գիւղին մէջ (Վահէ  
Հայկ, անդ, էջ 945) :

#### 2. ՎԵՐԱՇԻՆԱՅ ԸՆԿԵՐՈՒԹԻՒՆ (1916)

Կը կազմուի Ամերիկա : 1924էն վերջ կը  
միանան երկու անջատ ընկերութիւնները  
(Ճիւղմէճեան, անդ, էջ 274—5) :

### ԽՈՒ ԳԻՒՂ

#### 1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1894)

Կազմուած է Ամերիկա դաղթած Խոխե-  
ցիներէ՝ ամէն կարելի օգնութիւն հասցնելով  
հայրենի Գիւղին (Վահէ Հայկ, անդ, էջ 230) :



## ԿԱՐՄԻՐ ԳԻՒՂ

1. ԼՈՒՍ. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ  
(1891—1895)

Հիմնուած է Ամերիկա . 1916ին 885 ուսուրի կը ղրկէ հայ գաղթականներուն համար (Արարատ, Վաղարշապատ 1919 էջ 11) :

2. ԲՈՂՈՔ. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ  
(1891—1895)

Հիմնուածի տարիները չենք կրցած ճշդել ասոր եւ նախորդինը : 1916ին 237 ուսուրի ղրկած է հայ գաղթականներու ի նպատակ (Արարատ, անդ, էջ 175) :

## ՄԱՏՈՒԿ ԳԻՒՂ

1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1891—1895)

Հիմնած են Ամերիկայի մէջ եւ 1917ին 416 ուսուրի ղրկած հայ գաղթականներուն (Արարատ, 1917, էջ 424) :

## ԻՋՄԷ ԳԻՒՂ

1. ԿՐԹԱՍԻՐԱՅ ԸՆԿԵՐՈՒԹԻՒՆ (1891—1895)

Հիմնուած է Պրաւիդենսի (Ամերիկա) մէջ (Ճիզմէճեան, անդ, էջ 279) :

2. ԼՈՒՍ. ԵՒ ԲՈՂՈՔ. ՄԻԱՅԵԱԼ ՈՒՍՈՒՄՆ. ԸՆԿԵՐՈՒԹԻՒՆ (ԻԲՐ 1903)

Կազմած են ամերիկաբնակ իջմէցիները եւ ունեցած են իրենց Կանոնագիրը (Տե՛ս Ճիզմէճեան, անդ, էջ 279) :



## ԾՈՎՔ ԳԻՒՂ

## 1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1898)

Հիմնած են 20 Ծովեցիներ Ամերիկայի մէջ ,որոնց ղրկած դրամով կը շինուի Գիւղի դպրոցը (Ճիզմէճեան , անդ , էջ 290) :

## 2. «ԾՈՎՔ» ԵՐԻՏԱՍԱՐԴԱՅ ՄԻՈՒԹԻՒՆ (1925)

Հիմնած են Մարտէյի մէջ 1925 Մայիս 10ին՝ ջանալով «ամփոփել դժբախտացած եւ վշտահար հայրենակիցները եւ . . . օգնել անոնց» (Յառաջ , 1927 Թ . 338) :

## ԲԱՇԱՂԱԿ ԳԻՒՂ

## 1. ԿՐԹԱՍԻՐԱՅ ԸՆԿԵՐՈՒԹԻՒՆ (1893)

Հիմնուած է Նիւ Եորկի մէջ 1893 Նոյ . 2ին : Նախաձեռնողներն են Ա . Թֆէնկճեան , Ա . Պօյաճեան , Կ . Արապեան (Ճիզմէճեան , անդ , էջ 278) :

## 2. ՈՒՍՈՒՄՆԱՍԻՐԱԿԱՆ ԸՆԿԵՐՈՒԹԻՒՆ (1893)

Միեւնոյն Գիւղի դաղթականներէն կը հիմնուի եւ կը տեւէ մինչեւ 1924 (Ամերիկահայ Տարեցոյց , անդ , էջ 180) :

## 3. ԲԱՇԱՂԱԿԻ ՀԱՅՈՑ ԿՐԹԱՍԻՐԱՅ ԸՆԿԵՐՈՒԹԻՒՆ (1904)

Նախորդ երկուքին միացումն է (Ամերիկահայ Տարեցոյց , անդ , էջ 180) :



## ՇԵՅԽ ՀԱՃԻ ԳԻՒՂ

1. ԵՐԻՏԱՍԱՐԴԱՅ ՄԻՈՒԹԻՒՆ (1926)

Կազմած են Մարտէյլի պանդուխտները՝ շատ օգտակար ըլլալով իրենց վերապրող եղբարց (Վահէ Հայկ, անդ, էջ 966) :

## ԱՂՆՅԻՔ ԳԻՒՂ

1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1896)

Հիմնած են Ամերիկայի մէջ՝ իրենց Գիւղի կրթական մակարդակը բարձրացնելու համար : Ընկերութիւնը «Դպրոցասիրաց Ընկերութեան» Բէնսի (Ֆրանսա) վարժարանին կը յատկացնէ 300 դոլար (Ճիզմէճեան, անդ, էջ 280) :

## ՄՈՒՌԻ ԳԻՒՂ

1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1909)

Կազմուած է Ամերիկա 1909 Նոյ. 1ին : Ունեցած է Կանոնադիր : Նպատակն է Գիւղի դպրոցին օգնել (Ամերիկահայ Տարեցոյց, անդ, էջ 183) :

## ԶՈՐ ԳԻՒՂ

1. ԿՐԹԱՍԻՐԱՅ ԸՆԿԵՐՈՒԹԻՒՆ (1909)

Կազմուած է 1909 Յունուար 1ին : Նպատակն է՝ Գիւղի մէջ Մուշեղեան անունով



դպրոց մը շինել (Ամերիկահայ Տարեցոյց ,  
տնդ , էջ 183) :

\*

## Ք Ղ Ի

### 1. ...ԸՆԿԵՐՈՒԹԻՒՆ (1859)

Կեղի — Քղի քաղաքի հնադոյն Կրթական  
Ընկերութիւնը կազմուած է 1859ին Մամբրէ  
Վ. Մամիկոնեանի այցելութեան առթիւ եւ  
անոր ջանքերով : Դժբախտաբար տեղեկա-  
տուն — Մելքոն վարժապետ Ճանթէմիրեան  
— մոռցած է յիշել Ընկերութեան անունը ,  
գոհանալով «դպրատան Ընկերութիւն» բա-  
ղաարութեամբ :

Ընկերութեան հիմնումի եւ նպատակի  
մասին կը գրէ նոյն թղթակիցը , պատմելով  
Մամբրէ Վ.ի գործունէութիւնը . «Մամբրէ  
Վարդապետը . . . սկսաւ . . . ժողովրդոց խա-  
ւարասիրութիւնը յանդիմանել . . . ազգու-  
փաստերով շարժեց բոլոր երկրացւոցս սիր-  
տը . շուտով մը սկսաւ յարժանաւոր տեղիս  
դպրատան պատրաստութիւններ տեսնուիլ :  
Քղիի Խասապայի ժողովուրդն անմիջապէս  
դպրատան Ընկերութիւն մը գրուելու ձեռ-  
նարկութիւն ըրին եւ յաջողեցաւ որ հարիւր  
յիսունի չափ աղքատ տնուոր խասապան  
մինչեւ քսան հազար դուրուշ գրուեցան դըպ-  
րատան ծախքը եւ վարժապետի ամսականը  
վնարելու համար , դպրոցն ալ սկսան շինել»  
(Մասիս , 1859 թ . 403) :

Ուրիշ տեղեկութիւն գտած չենք :



## 2. ԱՐՏԱՒԱԶԴԵԱՆ ԸՆԿԵՐՈՒԹԻՒՆ (1879)

Հիմնուած է Պոլսոյ մէջ 1879ի սկիզբը : Ժամանակակից թերթերէն թերնէմանը էփեար , Օրագիր , եւ Փունջ կը հրատարակեն 1879 Մայիսին միեւնոյն ծանուցումը , ուր կ'ըսուի թէ Ընկերութիւնը նորահաստատ է : Ահա Օրագիրի տեղեկութիւնը . « Հրաւեր առ Քղեցի ազգայինս . Քղիի նորահաստատ Արտաւագդեան Ընկերութիւնը , որոյ առժամանակեայ Գործադիր Ժողովը կողմուած է , իր առաջին նիստը պիտի ընէ յառաջիկայ Կիւրակէ Մայիս 20 , ի ժամ 7 , Ղալաթիոյ վարժարանը : Կը հրաւիրուին համայն Քղիի ազգայինք ազգասիրարար ներկայ դռնուիլ Ընկերութեան առաջին նիստին , որոյ նպատակն է Քղիի ազգային մանկտւոյն գիտութեան կարնջամբել : Օրակարգ . Ա . Ընթերցումն եւ վաւերացումն Կանոնագրութեան : Բ . Ընտրութիւն Դիւանի : Գ . Որոշումն Ընկերութեան տարեկան թաժանորդագնի : Ի դիմաց Գործ . Ժողովոյ՝ Յով . Սրապեան » (Օրագիր Կ . Պ . 1979 , Մայիս 17) :

Օրագիրի խմբագրութիւնը իր կողմէ կ'աւելցնէ . « Մեք եւս հարկ կը համարիմք Քղեցի ազգայնոց հետ , նաեւ մեր հասարակութեանը յանձնարարել սոյն նորակազմ Ընկերութիւնը , դիտնալով որ Քղի՝ Հայաստանի ամէնէն կեղեքեալ դաւառաց մէկն է , ուստի եւ ամէնէն աւելի ուսման , օգնութեան ու ձեռնտութեան կարօտ » (Օրագիր , 1879



թ. 973: — Հմմտ. Թերմէմանը էֆֆ. 1879  
թ. 562: — Փռւնջ, 1879 թ. 1375):

### 3. ԻՐԵՐԱՎԱՐԺ ԸՆԿԵՐՈՒԹԻՒՆ (1881)

Հիմնուած կ'երեւայ 1881 Յունուարին: Հիմնադիրն է Տիգրան Փափագեան, Պոլսոյ «Միացեալ Ընկերութեան» կողմէ դատախօս Քղիի մէջ: Ընկերութեան անդամը կը պարտաւորուի իր գիտցածը ընկերին սորվեցնել:

Փափագեան Ընկերութիւնը հիմնելէ անմիջապէս վերջը, այն է՝ 1881 Փետրուարին սկիզբը, Քղիի մէջ կը բանայ նաեւ համանուն Լսարան մը, որուն առաջին ատենախօսը ինքը կ'ըլլայ:

Ասոնց մասին Սարգիս Հ. Սրապեան կը գրէ Քղիէն 1881 Փետր. 15 Թուականով. «Ամսոյս սկիզբը Աւանիս մէջ Լսարան մը բացուեցաւ, շնորհիւ եւ շահիւք Մեծ. Տիգրան էֆ. Փափագեանի, որ Միացեալ Ընկերութեանց դատախօսներէն մին է աստ եւ որ իւր համբոյր բնավորութեամբ ամէնուս համակրանաց արժանացած է: Սա անդատին դաւառս ոտք դնելէն ի վեր այս համոզմունքը դոյացած էր թէ երկիրը շուտ լուսաւորելու համար չի բաւեր տղոց վարժարանը միայն, այլ պէտք է որ հասակաւորք ալ՝ մանաւանդ երիտասարդք՝ սրտի եւ մտքի զարգացուցիչ դրութեան մը մէջ լինին եւ ասոր համար ինչ որ կը խորհէր՝ զոր մօտէն քննելու պատիւը կը վայելէի, յառաջ վարեց եւ անվեհեր կա-



մօք ի գլուխ հանեց : Նա կազմեց Ընկերութիւն մը Իրերավարժ անուամբ , որոյ գլուխն ինք պիտի դնուի եւ որոյ մէջ իւրաքանչիւր ո՛ք իւր գիտցածը անխնայ ընկերին պիտի սովորեցնէ , ինքն ալ վերագունէն սորվելով : Յետ հաստատելոյ սոյն Ընկերութիւնը , անմիջապէս փութաց անոր անուանով բանալ Լսարանն ալ , ուր քանի մը անգամ է յաջորդաբար ինք կ'ատենախօսէ սրտատուչ կերպիւ , մինչեւ փղձկիլ բազմաց յարտասուս , զոր նոյն իսկ եւ իմա տամկոտ աչօք տեսայ : Շուտազոյն տարածուեցաւ Լսարանին համբաւն եւ րեք-կրօթեամբ կը տեսնենք որ անոնք որ անտարրեր էին՝ եռանդով եւ սիրով կը յաճախեն» (Մասիս , 1881 թ . 2842) :

#### 4. ԿՐԹԱՍԻՐԱՅ ԸՆԿԵՐՈՒԹԻՒՆ ( . . . 1900 )

Չենք կրցած ստուգել հիմնումի տարին : 1900ին կը ներկայանայ արդէն կազմաւորած , որուն համար թղթակից մը կը դրէ . « Ցաւով տեսանք որ տեղւոյս Կրթասիրաց Ընկերութիւնը կազմաւորուածուած է ասեմէ մը ի վեր . . . Առաջնորդարանի մասնաւոր ուշադրութիւնը կը հրաւիրենք Կրթասիրացի վերակազմութեան համար » (Արեւելք , Կ . Պ . 1900 թ . 4412) :

#### 5. ԽՈՐԶԵԱՆ ՄԻՈՒԹԻՒՆ (1897)

Կազմուած է վատերտաուն (Ամերիկա) , 1897 Նոյ . 2ին նախ « Խորձեան Միութիւն » անուանով , յետոյ կը կոչուի « Կրթասիրաց Մի-



աւթիւն» : Բաժնեգրինն է մէկ դուլար մուտք  
եւ 25 սենտ ամսավճար (Մուշեղ Եպիսկոպոս,  
Ամերիկահայ Տարեցոյց . Պոստոն 1912 էջ  
180) :

6. ԳՐԱՍԻՐԱՅ ՄԻՈՒԹԻՒՆ (...1908)

Անծանօթ է կազմութեան թուականը :  
Կը լուծուի 1909 Յուլիսին (Յառաջ, Կարին  
1909 թ. 22) :

7. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (...1913)

Կը յիշուի լոկ անունով 1913ին (Յառաջ,  
1913 թ. 141) :

8. ՀԱՄԱՔՂԵՑԻԱԿԱՆ ՄԻՈՒԹԻՒՆ (...1918)

Հիմնուած է Ամերիկա : Հաւանօրէն Վա-  
տերտաունի «Կրթասիրացն» է , որ յետոյ վե-  
րածուած է «Համաքղեցիական Միութեան» ,  
որ կը յիշուի 1919ին (Ժամանակ , Կ . Պ . 1919  
թ. 3603) եւ 1920ին (Ժողովուրդի Չայնը , Կ .  
Պ . 1920 թ. 565) :

9. ՀԱՅՐԵՆԱԿՑԱԿԱՆ ՄԻՈՒԹԻՒՆ (1919)

Կազմուած է Պուլիս , 1919 Փետր . 23ին՝  
70 անդամներով (Տեղեկագիրը Հայրենակցա-  
կան Միութեանց . Կ . Պ . 1921 , էջ 3 : —Թէո-  
դիկ , Ամէն . Տարեց . 1921 , էջ 307) : 1919  
Յունուար 9ի Ընդհ . Ժողովի մէջ Վարչու-  
թեան անդամ կ'ընտրուին . Մ . Ղամպարեան ,  
Ս . Մոսիկեան , Կ . Արսրունեան , Գ . Սէրվէ-  
րեան , Յ . Բամբալեան , Ս . Գրոյեան , (Ժո-  
ղովուրդի Չայնը , 1921 թ. 703) :



Միութեան Կանոնադիր—Ծրագիրը վա-  
ւերացուելէ վերջ՝ 1919 Յունիսին կ'ընտրուի  
հետեւեալ Գործադիր ժողովը .

Ս . Մանուկեան	Ատենապետ
Արշամ Տիլպէրեան	Ատենադպիր
Փիլիպպոս Խթէնեան	Գանձապետ
Գասպար Կաճառեան	} Անդամներ
Գրիգոր Սէրվէրեան	
Սարգիս Յովհաննէսեան	
Մանասէ Փոստոյեան	
Աեղբակ Մոսիկեան	
Պօղոս Արսէնեան	

(Ժամանակ , 1919 թ . 3570) :

Մայր Դիւանը կը կազմեն .

Մանասէ Փոստոյեան	Ատենապետ
Գրիգոր Կարապետեան	Ատենադպիր

(Տեղեկագիր , անդ) :

## ԳԻՒՂԵՐՈՒ ԸՆԿԵՐՈՒԹԻՒՆՆԵՐ

### ԽՈՒՓՍ ԳԻՒՂ

#### 1. . . . . ԸՆԿԵՐՈՒԹԻՒՆ (1869—1870)

Պոլսոյ պանդուխտ Խուփսեցիները Ըն-  
կերութիւն մը հաստատած են 1869—70ին ,  
որուն մասին միայն Պոլսոյ Սէր Օրագիրի մէջ  
հանդիւրած ենք յիշատակութեան մը : Թեր-  
թը 1870 Մայիս 7ին կը գրէ . «Մեր պան-  
դուխտ անդամայիններէն 60 Քղեցիք Ընկերու-



քիւն մը կազմելով՝ զանազան վիճակահանութեանց թղթեր կ'առնեն եղեր քաւակաւ ատենէ ի վեր : Այս անգամ Սաքսոնիայի վիճակահանութենէ անոնց վիճակաթղթին մէկը 40 հազար թալէր վառակած ըլլալը բերկրութեամբ լսած ենք» (Սէր Օրագիր , 4 . Պ . 1870 թ . 157) :

1954ին այս տողերը Պարիսի Յառաջին (1954 թ . 7346) մէջ գրելէ վերջ՝ Բոստոնի Հալքենիֆին մէջ հաճոյքով կարդացինք լուսարանութիւն մը Պր . Լեւոն Պարոնեանի կողմէ , որ կը տողէ . «1870ական թուականին զպրոցական կեանքը սկսած էր Պոլսոյ հայ երիտասարդութեան մէջ . . . Այդ թուականին բաւական թուով Խուփսեցիներ կը գտնուէին Պոլիս . անոնք շատ կ'ազդուին Պոլսոյ ուսումնական շարժումէն ու կը կազմեն Խուփա Գիւղի մէջ Հայկական Ուսումնասիրաց Միութիւնը : Այս Միութիւնը քանի մը տարի գործելէ վերջ՝ կ'առնենայ 223 օսմանեան ոսկի դրամադուլա : 1879 թուին Խուփաի Հայկական Ուսումնասիրաց Միութիւնը կը դիմէ Արարատեան Ընկերութեան որ ընդունի Խուփաի երկսեռ զպրոցներու հովանաւորութիւնը : Արարատեան Ընկերութիւնը սիրով կ'ընդունի Խուփսեցիներու առաջարկը՝ մէկ պայմանով , եթէ Խուփսեցիները յանձն առնեն նոր եւ արդիական ոճով զպրոց մը շինել Խուփաի մէջ : Պոլսոյ Խուփաի Ուսումնասիրաց Մասնաճիւղը կը տրամադրէ իր ունեցած բո-



յոր դրամը դպրոցի շէնքի շինութեան . . . :  
(Հայրենիք, Բոստոն 1954 թ. 12,852) :

Հաւանական է որ Ընկերութեան անունը  
եղած ըլլայ «Հայկական Ուսումնասիրաց  
Ընկերութիւն» եւ ոչ թէ Միութիւն . դի այն  
ատենները (1870ին) «Միութիւն» տիպոգրա-  
ֆանցառ էր . կը դործածուէր աւելի՝ «Ընկե-  
րութիւն» բառը :

## 2. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1910—1911)

Հիմնած են տղտերնակ Խուփսեցիները՝  
հաւանօրէն շատոնց դադրած ըլլալով հին  
Ընկերութիւնը : Ասիկա ունեցած է իր Կանո-  
նագիրը (շենք տեսած) , որ Ազգ . Կեդր . Վար-  
չութեան խառն ժողովէն հաստատուած է  
1911 Հոկտ . 26ին : Իր կենդրոնն էր Ալալէմ-  
ճեան Խան , ուր կը հաւաքուէին անդամները  
1912 Մարտ 11ին՝ ընտրելու համար վարչա-  
կան եւ հաշուետուութեան մարմին մը (Փա-  
մանակ , Կ . Պ . 1912 թ . 1051) :

## 3. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1910—1912)

Կազմած են ամերիկաբնակ Խուփսեցիներ-  
ըր՝ կենդրոն ունենալով Ֆէլլա (Միացեալ  
Ընկերութիւնք , անդ . էջ 61) : Ընկերութիւնը  
1919ի ամառը 30 անդլ . ոսկի կը դրկէ Պսլիա ,  
Խուփս Գիւղի կարօտեալներուն (Փամանակ ,  
1919 թ . 3598) :



## ՀԵՐՏԻՖ ԳԻՒՂ

### 1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1905)

Հիմնադրւած է 1905 Յունուար 1ին Պրաւիզէնս (Ամերիկա) : Իր Ծրագիր - Կանոնադիրը ունի 60 Յօդուած, որոնցմէ առաջինը կը դժէ Ընկերութեան նպատակը . «Ընկերութեան նպատակն է հաստատել երկսեռ նախապատրաստական դպրոց մը Քղիի Հէրաիֆ Գիւղի մէջ Սուրբ Լոյս Վարժարան անուամբ, մասնաճ սերունդի կրթութեան եւ դաստիարակութեան նպատակով համար» (Ծրագիր-Կանոնադիր Քղիի Հէրաիֆ Գիւղի Ս. Լոյս երկսեռ Վարժարանի Ոսումնասիրաց Ընկերութեան . Կ. Պ. 1910, էջ 7) : Ընկերութեան կրնայ անդամակցիլ ամէն հայ, «որ քարի վարուց եւ նկարագրի տէր է» (Յօդ. 2) : Անդամավճարն է, Ամերիկայի համար, մուտք 5 տալեր եւ ամսավճար՝ 25 սենտ, իսկ Գիւղին մէջ՝ մուտք 5 դրչ. եւ անդամավճար 1 դուրուչ (Յօդ. 5) : Ընկերութիւնը ունի Կենդր. Վարչութիւն, որ կ'ընտրուի Ընդհ. Պատու. Ժողովի կողմէ (Յօդ. 9) : Ընկերութեան վարժարանը յաճախող սաները ձրի դաստիարակութիւն կ'ընդունին եւ իրենց գրեական տիրույթները Ընկերութիւնը կը վճարէ (Յօդ. 51 եւ 56) :

## ԱՊՈՂՆԱԿ ԳԻՒՂ

### 1. ՈՒՍՈՒՄՆԱՍԻՐԱՅ ՄԻՈՒԹԻՒՆ (?)

Կը յիշուի 1925ին (Յ. Խաչմանեան, Ամերիկահայ Հանրագիտակ 1925, էջ 495) :



## ԴԱՐՄԱՆ ԳԻՒՂ

1. ՈՒՍՈՒՄՆԱՍԻՐԱՅ ՄԻՈՒԹԻՒՆ ( . . . 1924 )

Կը յիշէ Ամերիկահայ Հանրագիտակ ,  
1925 , էջ 495 :

## ԾԵՐՄԱԿ ԳԻՒՂ

1. ՈՒՍՈՒՄՆԱՍԻՐԱՅ ՄԻՈՒԹԻՒՆ ( . . . 1924 )

Կը յիշէ Ամերիկահայ Հանրագիտակ ,  
էջ 496 :

## ԶԱՆԱԽՃԻ ԳԻՒՂ

1. ՈՒՍՈՒՄՆԱՍԻՐԱՅ ՄԻՈՒԹԻՒՆ ( . . . 1924 )

Կը յիշէ Ամերիկահայ Հանրագիտակ ,  
էջ 496 :

\*

## ԲԱԼՈՒ

1. ԽՆԱՅՈՂԱԿԱՆ ԸՆԿԵՐՈՒԹԻՒՆ (1860?)

Հիմնուած է Պոլիս հաւանօրէն 1860ի  
ատենները : Առաջին անգամ կը յիշուի 1867  
Յունիսին , երբ Ընկերութիւնը 200 ղուրուշի  
նուիրատուութիւն մը կ'ընէ Ազգ. Մ. Փրկիչ  
Հիւանդանոցին (Մասիս , 1867 թ. 80) :

Կը թուի թէ շատ հին է իր սկզբնաւո-  
րութիւնը , զի կ'ըսուի թէ «Ընկերութիւն , որ  
սովորութիւն ունէր տարին անգամ մը պա-  
տարագ մատուցանել տալ , այս Կիրակի եւս  
իւր բարի սովորութիւնը ի դորժ դրաւ . . . »



(Մասիս Փոքր, 1868 թ. 171 Մայիս 27) :  
Կարծես ինն սովորութիւն մ'է ունեցածը :

## 2. ԱՆՁՆԱՆՈՒԷՐ ԸՆԿԵՐՈՒԹԻՒՆ (1868—1869)

Հիմնուած տարին չի յիշուիր, բայց կը տեսնուի թէ նորաստատ է 1869ին, երբ Բալուի նորընտիր Առաջնորդ Պետրոս Վ. Բաղուանեան «փութով կը ձեռնարկէ . . . Անձնանուէր Ընկերութեան տարածմանը» (Մամուլ 1869, էջ 258) :

Ընկերութեան Վարչութիւնը կը կազմեն .

Յովհ. Ս. Տ. Գէորգեան	Ատենապետ
Մ. Պժեան	Ատենադպիր
Մկրտիչ Խոջմաթեան	Տեսուչ
Գ. Տ. Համբարձումեան	Գանձապետ

Վարչութիւնը եռանդուն դարձունէութիւն կ'ունենայ . Ս. Սահակեան վարժարանը կը բանայ 120 աշակերտներով եւ ուսուցիչով . հանդէս մը կը սարքէ եւ այդ առթիւ 50 բաժանորդ կ'արձանագրէ . Կիրակիները դպրոցի մէջ հառախօսութիւն եւ բարոյական ընթերցումներ կը կազմակերպէ . կը շահի հասարակութեան համակրութիւնը (Հայրենիք, 1872 թ. 82) :

## 3. ՄԵՍՐՈՊԵԱՆ ԸՆԿԵՐՈՒԹԻՒՆ (1877)

Կազմուած է Պոլսոյ մէջ գտնուող Բալուցիներէ եւ Չարսանհաղցիներէ 1879 Մարտէն երկու տարի առաջ (Մասիս, 1879 թ. 2315) :  
«Իրենց դաւառին ու գիւղօրէից վարժարան-



ներք բարեկարգելու եւ նիւթապէս ու բարոյ-  
յապէս օգնելու նպատակաւ» (Փուլնջ, 1879  
թ. 1352) :

Պոլսոյ Հայրենիք կը գրէ. «Մայրաքա-  
ղաքս պանդխտոց Բալուցի եւ Չարսանճաղցի  
ազգայինք իրենց հայրենեաց եւ ազգատիկ  
մանկաւոյն ապագայ պատրաստելու համար  
Մեսրոպեան անուն Ընկերութիւն մը կազմե-  
ր են, նպատակ ունենալով Բալուի եւ Չարսան-  
նախի միջեւ օդաւէտ եւ գեղեցկադիր տեղ  
մը կեդրոնական վարժարան մը բանալ, ուր  
պիտի ընդունուին երկու Գաւառի 150ի չափ  
գիւղերէն մանկտիք, որք ընթերցանութիւնն  
աւարտած են: Ընկերութիւնն արդէն 300  
բաժանորդ հայր-այրած եւ 15,000 դրուշի  
գումար մը պատրաստած է: Իւրաքանչիւր  
բաժինը 5նոց քոքադրամ է» (Հայրենիք,  
1879 թ. 509 Մարտ 7) :

Ընկերութեան Ընդհ. Ժողովի Ատենա-  
պետն է Մ. Կիւրնեան (Մասիս, 1879 թ.  
2251) :

1882ին դադրած է Ընկերութիւնը. մնա-  
ցորդ 280 դրչ. հասոյթը եւ փայտաշէն հա-  
շարանը կը յանձնէ «Միացեալ Ընկերու-  
թիւնք Հայոց»ին (Մասիս, 1882 թ. 3125) :

#### 4. ՄԵՍՐՈՊԵԱՆ ԸՆԿԵՐՈՒԹԻՒՆ ԲԱԼՈՒԻ ՄԷՋ (1877—1878)

Պոլսոյ մէջ 1877ին հիմնուած «Մեսրո-  
պեան Ընկերութիւն»ը, որ՝ ինչպէս տեսանք՝



նաեւ Չարսաննազցիներու Ընկերութիւն էր՝  
 չէ կրցած հասնիլ իր նպատակին — Բալուի  
 եւ Չարսաննազի մէջտեղ կեդրոնական վար-  
 ժարան մը բանալ — եւ հաւանօրէն շուտով  
 դադրած է : Կ'երեւայ թէ ատոր տեղ երկրորդ  
 «Մեսրոպեան Ընկերութիւն» մը հիմնուած է  
 րուն իսկ Բալուի մէջ, ուր 1878ին Ս. Լու-  
 սաւորիչ եկեղեցւոյ թաղին մէջ Ս. Լուսա-  
 ւորչայ անունով դպրոցի մը սրահապանու-  
 թիւնը ստանձնած է Մեսրոպեան Ընկերու-  
 քիւնը՝ ջանալով որ հետզհետէ դայն բարե-  
 կարգեալ դպրոցներու կարգը անցնէ (Պօղոս  
 Ծ. Վ. Նաթանեան, Արտօսը Հայսոստանի,  
 Կ. Պ. 1879, էջ 33) : Այդ ատեն Ընկերութեան  
 Ատենապետն էր Պօղոս Աղա Պայրնտրեան եւ  
 Պօղոս Ծ. Վ. Նաթանեան կը տեսնէր Բալուի  
 մէջ Ընկերութեան անդամները, որոնք «քա-  
 դաքի բոլոր հասարակութեան համակրանաց  
 արժանի եղած էին, որովհետեւ ամէնքն ալ  
 ձեռք ձեռքի տուած անդուլ կ'աշխատէին  
 դպրոցաց բարեկարգութեան համար (Անդ,  
 էջ 35-6) :

Այս Ընկերութիւնը իր վրայ տուած էր  
 նաեւ Նաթանեանի բացած աշխանց դպրոցի  
 հոգը (Անդ, էջ 36) :

##### 5. ԵՐԵՏԱՍԱՐԳԱՅ ԸՆԿԵՐՈՒԹԻՒՆ (1877—1879)

Հիմնած են Բալուի Բողոքականները եւ  
 բացած վարժարան մը (Հայրենիք, 1881 թ.,  
 909) :



6. ԿԱՆԱՆՅ ԸՆԿԵՐՈՒԹԻՒՆ (1877—1879)

Բուն տիտղոսը չէ յիշուած. հիմնած են բողոքական հայ կիներ եւ բացած աղջկանց նախակրթարան մը (Հալլբեհիք, անդ) :

7. «ԵՓՐԱՏ» ՀԱՅՐԵՆԱԿՑԱԿԱՆ ՄԻՈՒԹԻՒՆ (1919)

Հիմնուած է Պուլիս 1919 Յունուարի օկիգրը՝ դործունէութեան շրջանակ ունենալով Խարբերդ, Արարկիւր, Ակն, Մալաթիա, Բալու, Չարսամնազ քաղաքները եւ իրենց շրջակայ գիւղաքաղաքներով ու գիւղերով, 360 անդամներով (Տեղեկագիր Հայրենակցական Միութեանց. Կ. Պ. 1921, էջ 3) : — Միութեանս նպատակն էր «իրենց անդարձ կերպով կորսուած սիրելիները վերադառնելու եւ վերադարձներու եղբայրական օգնութեան ձեռք կարկառելու անդիմադրելի բաղձանքը» իրականացնել :

ՀԱԽԱԽ (ՀԱՊԱՊ) ԳԻՒՂ

1. ԱՆՉՆՈՒԷՐ ԸՆԿԵՐՈՒԹԻՒՆ (1869)

Բաղուանեան Պետրոս նորընտիր Առաջնորդի Բալու հասնելէ քիչ վերջ — 1869 — «Նորին աղղու եւ սրտառու ջարդութեամբ . . . գիւղիս դպրոցը բարեկարգելու նպատակաւ Անճնուէր անուն մասնաւոր Ընկերութիւն մը հաստատելու պատճառ եղաւ եւ բնիկ գիւղիս բնակիչ Կատարիկեան Պր. Անդրէաս . . . դասատու կարգեց դպրոցիս աւթէութեամբ որ ամէն կիրակի օր դպրոցս



բայ եւ ինքն ալ ներկայ դաճուի, որպէս զի  
ընթերցման փափաքող անձինք դպրոց յա-  
ճախելով ընթերցման դրաղին» (Փուլնջ, 1870  
թ. 521) :

1883ին տակաւին կանգուն էր Ընկերու-  
թիւնը եւ Գործ. Ժողովը կը կազմէին .

Վարդան Փաշալեան	Ատենապետ
Խ. Մանիկեան	Ատենադպիր

Մինչեւ 1883 ուրիշ Ընկերութիւններ ալ  
կազմուած են Հաւաւի մէջ զանազան նպա-  
տակներու համար (Մասիս, անդ), որոնց  
անոնք չենք գտած որեւէ տեղ յիշատա-  
կուած :

## 2. ...ԸՆԿԵՐՈՒԹԻՒՆ (...1878)

Պօղոս Ծ. Վ. Նաթանեան 1878ին կը  
դաճէր Հաւաւի մէջ «մի բարեկարգեալ օրի-  
նաւոր դպրոց, որ մասնաւոր Ընկերութեան  
մը խնամոց ներքեւ է» (Արտօւր, անդ, էջ  
61) :

Հաւանօրէն այս անունով անժամօր-  
մնացած Ընկերութիւնը նոյն չէր «Անձնուէր  
Ընկերութեան» հետ : Այս Ընկերութիւնը  
դուցէ մէկն էր Մասիսի վերայիչեալ «ուրիշ  
Ընկերութիւններէն» :

## 3. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1907?)

Նիւ Եօրկի (Ամերիկա) մէջ հիմնած են  
Հաւաւցիները . ունէր 100 անդամ (Յ. Խաչ-  
մանեան, Ամերիկահայ Հանրագիտակ. 1925,  
էջ 490) :



## ՍՂԱՄ ԳԻՒՂ

### 1. ...ԸՆԿԵՐՈՒԹԻՒՆ (1888)

«1888 թուականին Պոլսոյ Պէշիկթաշ արուարձանին մէջ կը կազմուի 30-40 տուներէ բաղկացեալ Սղամ Գիւղի պանդուխտներու միջեւ Ընկերութիւն մը, զեկամարտութեամբ Մարտիրոս Չանիկեանի անձնուէր աշխատութիւններուն : Ասիկա նիւթական օժանդակութեամբ կ'ապահովէ Գիւղին վարժարանին 40-50 մանուկներու դաստիարակութիւնը» (Յարութիւն ՔՀՆ. Սարգիսեան, Բալու. Գաւիթէ 1932, էջ 271) : 1895էն վերջ կը լուծուի Ընկերութիւնը :

### 2. ԵՐԻՏԱՍԱՐԴԱՅ ՄԻՈՒԹԻՒՆ (1923)

Հիմնուած է Հալէպի մէջ եւ ազատած հայրենի Գիւղի վերապրողներ : Հեազհետէ անդամները զանազան երկիրներ ցրուելով՝ Միութիւնը կը զարգի : 1925 Հոկտ. 4ին կը վերակազմուի Մարսէյի մէջ եւ կը դործէ (Տե՛ս Յառաջ, Փարիզ 1928 թ. 552) :

## ՍԱՔՐԱԹ ԳԻՒՂ

### 1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1905)

Հիմնուած է Նիւ Եորկ 1905 Մեպտ. 1ին : Նպատակն է օգնել Գիւղի դպրոցին եւ հիմնել աղջկանց վարժարան մը : Անդամակցութեան բաժնեվճարն է մուտք՝ 1 դոլար, ամսական՝ 25 սենտ (Մ. Եպիսկոպոս, Ամերի-



կահայ Տարեցոյց, Պատան 1912, էջ 82) :  
Ընկերութիւնը հայ դադթականներու նախա-  
տին կը յատկացնէ 715 սուբլի (Արարատ,  
1917, էջ 22) :

## ՆԵՐՔԻ ԳԻՒՂ

### 1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1907)

Պրաւիդէնսի մէջ 1907 Հոկտ. 4ին հիմ-  
նուած է : Նախատակն է. Զարկ տալ Գիւղի  
կրթական գործին : Անդամավճարն է մուտ-  
քի՝ 1 դոլար, ամսական՝ 25 սենտ : Ընկերու-  
թիւնը Գիւղին մէջ դպրոցի շէնք մը շինած  
է եւ դպրոցի ծախքերը հոգացած մինչեւ  
1915 : Ատկէ վերջ կը շարունակէ օգնութիւն  
հասցնել վերադրողներու կարիքներուն (Յ.  
Խաչմանեան, Ամերիկահայ Հանրագիտակ,  
1925, էջ 485—486) :

## ԽՈՇՄԱԹ ԳԻՒՂ

### 1. ԴՊՐՈՅԱՍԻՐԱՅ ՄԻՈՒԹԻՒՆ (1907—1908)

Կազմուած է Պրաւիդէնս (Ամերիկա) :  
Գործունէութեան մասին ծանօթութիւն չու-  
նինք : Կը յիշուի 1908—12ին (Միացեալ Ըն-  
կերութիւնք Հայոց, Կ. Պ. 1912, էջ 61) :

### 2. ԿԱՐՕՏԵԱԼՆԵՐՈՒ ՄԻՈՒԹԻՒՆ (1926)

Կազմուած է Մարտէյլի մէջ : 1927ին կու-  
տայ թատերական ներկայացում եւ հասոյթը



կ'ուղարկէ Սուրիա՝ կարօտ հայրենակիցներուն (Յառաջ, Փարիզ 1927 թ. 493) :

### ԱՐԹԽԱՆ ԳԻՒՂ

1. ԿՐԹԱՍԻՐԱՅ ՄԻՈՒԹԻԻՆ (1907—1908)

Ամերիկայի Գրանիտ Սիտիի պանդուխտ գիւղացիները հիմնած են (Միացեալ Ընկերութիւնք Հայոց, Կ. Պ. 1912, էջ 61) :

### ԽԱՄՇԼՈՒ ԳԻՒՂ

1. ԿՐԹԱՍԻՐԱՅ ՄԻՈՒԹԻԻՆ (1907—1908)

Գրանիտ Սիտիի մէջ հիմնուած է (Անդ) :

### ՉԷԹ ԳԻՒՂ

1. ԵՐԻՏԱՍԱՐԳԱՅ ՄԻՈՒԹԻԻՆ (1926)

Կազմուած է Մարտէյի մէջ 1926 Հոկտ. 7ին «վառ պահելու համար հայրենասիրական զգացումներ» (Յառաջ, Փարիզ 1928 թ. 537) :

### ՕՐԽՈՒ ԵՒ ԹԵՓԷ ԳԻՒՂԵՐ

1. ԱՂՔԱՏԱԽՆԱՄ ՄԻՈՒԹԻԻՆ (1927—1928)

Հիմնած են Մարտէյի մէջ 1927ի վերջը՝ կամ 1928ի սկիզբը : Նպատակն է. Օգնել քշուառներուն (Յառաջ, 1928 թ. 553) :



## ԱՐՄՃԱ ԳԻՒՂ

## 1. ԵՐԻՏԱՍԱՐԴԱՅ ՄԻՈՒԹԻՒՆ (1928)

Կազմուած է Մարտէյի մէջ : Իր նպատակն է . 1 . Նիւթապէս եւ բարոյապէս ստատար հանդիսաւոր Գիւղի կարօտեալներուն . 2 . Ոյժ տալ ինքնազարգացման , 3 . Վերաշինել Արմճա գիւղ մը , երբ պարագաները թոյլ տան ( Յառաջ , 1928 թ . 678 ) :

\* \* \*

## ԶԱՐՍԱՆՃԱԳ (ԲԵՐՐԻ)

## 1. ՄԵՍՐՈՊԵԱՆ ԸՆԿԵՐՈՒԹԻՒՆ (1877)

Բալուցի եւ Չարսանհազցի պանդուխտներ Պոլսոյ մէջ հիմնած են այս Ընկերութիւնը իրենց երկու գաւառներու եւ գիւղերու դպրոցները բարեկարգելու համար ( Փռւնջ , 1879 թ . 1352 ) :

Բալու եւ Չարսանհազ (Բերրի) իրարու մօտ բլլալով՝ հասարակաց Ընկերութիւն մը կազմեր են : Որքան կ'երեւայ՝ երկար տեւած չէ եւ 1877ի վերջը կամ 1878ին իրարմէ քաժնուած են՝ առանց իրենց նպատակին հասնելու , Բալուցիները՝ Բալու քաղաքին մէջ հիմնած են նոյնանուն Ընկերութիւն մը , իսկ Չարսանհազցիներու գործունէութիւնը յայտնի չէ : — Հիմնադիրներէն մին եղած է Մելիքնի Կիւրնեան (Գաղութահայ Տարեգիրք , Գ . Պուքրէշ 1941 , էջ 118) :



2. ՄԱՏԵՆԱՍԻՐԱՅ ԸՆԿԵՐՈՒԹԻՒՆ (1880—1884)

Կազմած են «Միացեալ Ընկերութիւնք Հայոց» տեղական վարժարանէն ելլող աշակերտները իբր 1880—4ին : Նպատակն է . «Մատենադարան մը հաստատել ի պէտս վարժարանէն ելնող ընթացաւարտ աշակերտաց . . . կը պատրաստէ յատուկ գրասենեակ մը իբր ընթերցատուն» (Արեւելք, 1884 թ. 195) :

3. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1908?)

Հիմնած են Նիւ Եսրկարնակ Բերրիցիներ (Միացեալ Ընկերութիւնք Հայոց . Կ . Պ . 1912, էջ 61) : Իր գործունէութեան մասին չունինք տեղեկութիւն :

4. ՊԱՏԱՆԵԿԱՆ ՄԻՈՒԹԻՒՆ (1922—1924?)

Կազմուած է Հալէպի մէջ (Հմմտ . Յանաջ , Փարիզ 1927 թ. 428 : — Նոյն՝ 1928 թ. 625) : Ունեցած է Գրադարան :

5. ՀԱՅՐԵՆԱԿՅԱԿԱՆ ՄԻՈՒԹԻՒՆ (1927)

Կը կազմուի Մարսէյի մէջ : Առաջին Վարչ . Մարմինը կ'ըլլայ .

Գ . Կոփոյեան

Ս . Պոյաճեան

Մ . Թաշճեան

Ս . Գրիգորեան

Ա . Նալպանտեան

Ս . Փիտէճեան

Տ . Ջաքոյեան



Նպատակն է. «Ջանալ փրկել նոր սե-  
րունդը, որ մատնուած է արդէն ապաղղայ-  
նացման վտանգին» (Յառաջ, 1927 թ. 4289 :

1929ին Միութիւնը ունէր Մասնաճիւղեր  
Լիոնի, Վալանսի, Պոն դը Շէրիւի մէջ : Իր  
Վարչութիւնը կը կազմէին .

Ս . Քիւրէճեան

Ատենապետ

Ճ . Կոփոյեան

Ատենադպիր

Ա . Գրիգորեան

Գանձապահ

Լ . Մելիքտոնեան

Տ . Ջաքոյեան (Խորհրդականներ

Մ . Սողիկեան

Մ . Քիւրքճեան (Յառաջ, 1929 թ. 847) :

#### 6. ՊԱՏԱՆԵԿԱՆ ՄԻՈՒԹԻՒՆ (1928)

Կազմուած կ'երեւոյ 1928ի սկիզբը  
Մարսէյի մէջ : Ներկայացուցներ կու տայ :  
Կը ջանայ կազմել Գրադարան մը (Յառաջ,  
1928 թ. 625) :

\* \* \*

### ԶՄՇԿԱԾԱԳ

#### 1. . . . ԸՆԿԵՐՈՒԹԻՒՆ (1856)

«Զմշկածաղէն 1856 Նոյ . 20 թուով կը գրեն  
թէ այս քաղաքին իւշալէկ անուն թաղին մէջ  
բարեւէր հայ ժողովուրդը Նոյ . 1էն սկսեալ  
Ընկերութիւն մը հաստատեր է, մանչ եւ  
աղջիկ տղայոց դպրոցներ բանալու . . . հա-



մար : Ասկից զատ Ընկերութիւնը պիտի ջանայ երկրագործութեան ամենապիտանի սկզբունքներն ալ սորվեցնել տալու , ամէն ծախքերը հողալուով» (Մասիս , 1856 թ . 253) :

Դժբախտաբար Ընկերութեան անունը չէ յիշուած : Ի՞նչ մասին ա'լ չենք կարդար :

## 2. ՈՒՍՈՒՄՆԱՏԵՆՉ ԸՆԿԵՐՈՒԹԻՒՆ (1860)

Ըստ Պր . Ա . Ալպոյանեանի (Գաղութահայ Տարեգիրք , Բ . Պուքրէշ 1940 , էջ 81) կողմուած է Պոլսոյ մէջ Չմշկածաղցի պանդուխտներու կողմէ՝ իրենց ծննդավայրի քանի մը գիւղերուն մէջ դպրոցներ հաստատելու նպատակով : Գրքին մէջ տարեքիւր սխալ տպուած է , այսինքն՝ 1869 , որ պիտի ըլլայ 1860 :

## 3. ՊԱՐԹԵՒԵԱՆ ԸՆԿԵՐՈՒԹԻՒՆ (1870)

Ընկերութեանս հիմնումի քուականի մասին առանց ակնարկ մ'ընելու համարձում Յ . Սարըքէշիչեան «Պարթեւեան Ընկերութեան» կանոնները կը հրատարակէ Մասիսի մէջ 1871 Հոկտ . 1ին , ըսելով թէ այդ կանոնները կողմած է «Իւչ-Պէյ քաղիս հասարակութիւնը 1870 Հոկտ . 1ին» (Մասիս , 1871 թ . 1177) :

«Պարթեւեան»ի կանոնները 19 Յօդուածէ բաղկացած են , որոնցմէ առաջինը կ'ըսէ . «Ընկերութիւնս մասնաւորապէս Իւչ-Պէյ թաղիս հասարակութեան համար յատ-



կացած է, ուր պիտի շինուի հիմնովին կանոնաւոր դպրոց մը, բոլոր իւր նիւթական եւ բարոյական պէտքերովը» : — «Ամէն մէկ ընկեր շարաթը քառասուն փարայ տուրք պիտի վճարէ ի նպատակ եւ ի դարդարումն ընկերութեանս» (Յօդ. 2.) : — «Այն բարենպատակ Միութիւնը երեք տարի պիտի շարունակուի, մինչեւ որ դպրոցին զգալի պէտքերը հոգալու շափ նպատրաստ դրամադուիս մը ձեռք բերէ» (Յօդ. ԺԲ.) : — Երբ այդ դրամադուիսը ձեռք բերէ՝ պիտի դնէ կալուած մը, որ դպրոցին սեպհական պիտի ըլլայ, ահոր արդիւնքով ուսուցիչներու ծախքերն հոգալու համար (Յօդ. ԺԳ.) :

Ընկերութիւնը իր նպատակին կը հասնի՞ : — Չենք գտներ ակնարկութիւն մը : Պոլսոյ մեծ Ընկերութեան — Միացեալ Ընկերութիւնք Հայոց — միջոցաւ ու խորհրդով է որ «Չմշկածակցիք, արք կանայք, ծերք եւ տղայք, երիտասարդք եւ երիտասարդուհիք ձեռք ձեռքի, սիրտ սրտի տուած բաղձադիմի զոհողութիւններով կանգնեցին մի վարժարան գեղեցիկ եւ հոյակապ շէնք մը, որ անգուգական է քաղաքիս մէջ» (Թէրն. էփեար Կ. Պոլիս 1883 թ. 1854) :

#### 4. «ԳՈՒՄԲԱՆԻՅԷ» ԸՆԿԵՐՈՒԹԻՒՆ (1875)

Շահակցական Ընկերութիւն՝ նպատակ ունենալով դործուած ապրանքները վաճառել :



5. ԿԱՐՄԻՐ Ս. ՆՇԱՆ ՎԱՆՔԻ ԸՆԿԵՐՈՒԹԻՒՆ (1876)

Կազմուած է Կարմիր Ս. Նշան վանքի հոգերը շահագործելու համար : Ընկերութիւնը նպատակ ունեցեր է նաեւ պեղումներ կատարել :

6. ԽՈՐԷՆԵԱՆ ԸՆԿԵՐՈՒԹԻՒՆ (1880)

Շահակցական Ընկերութիւն մըն է նպատակ ունենալով փոքրոքանակ առեւտուր :

7. ՀԱՅԿԱԿԱՆ ԸՆԿԵՐՈՒԹԻՒՆ (1878)

Պետրոս Ծ. Վ. կը ջանար 1878 Դեկտ. ին Պոլսոյ մէջ հիմնել նոր Ընկերութիւն մը (Տե՛ս Լրագիր, Կ. Պ. 1878 թ. 864), բայց լսելով թէ հայրենի քաղաքին մէջ արդէն հիմնուած է «Հայկական Ընկերութիւն»ը՝ աւելորդ կը համարի Պոլսոյ մէջ ալ կազմել նոր Ընկերութիւն մը (Լրագիր, 1879 թ. 975) :

Այս Ընկերութեան նպատակն է Չմշկածաղի մէջ Երկրորդական կամ Կեդրոնական վարժարան մը բանալ (Լրագիր, 1879 թ. 1111) :

8. ԱՓԱՊԵԱՆ ԸՆԿԵՐՈՒԹԻՒՆ (1882)

Հիմնած են Չմշկածաղի Տիկիճներն ու Օրիորդները՝ Խւչ Պէյ թաղի մէջ 1882 Յունուար 1ին. 1884ին ունէր 50 աղամուհի : Տնօրէն Ժողովը կազմած էին .

Ալթուն Ախիկեան	Ատենապետ
Խաթուն Կիւլէսէրեան	Ատենադպիր



Երիցակին ճէլալեան      Գանձապետ  
 Խաչէր Պօյաճեան      Ա. Գործակատար  
 Պահար Ախիկեան      Բ. Գործակատար

(Մասիս, 1884 թ. 3725) :

9. ՀՌԻՓՍԻՄԵԱՆ ԸՆԿԵՐՈՒԹԻՒՆ (1883)

Իւչ-Պէյ թաղի հայ կիներէն ու օրիորդներէն կազմուած է նպատակ ունենալով . «Կ. Պոլսոյ Հայուհեաց բարեհամբաւ եւ բարձարդիւն Ընկերութեան աջակցութեամբ բաղափա իգական սեռին արժանաւոր դաստիարակութիւն մը տալ» (Թերմէմ . էփեար, 1883 թ. 1854) :

Մարտիրոս Ս. Շահտանեան կը գրէ Չմշկածաղէն . «Առաջնորդ Բարթուղումէոս Ծ. վ. Պաղճեանի յորդորանքով «Իւչ-Պէյ» քաղին աղնիւ տիկնայք եւ օրիորդք . . . սիրայօժար կազմեցին Ընկերութիւններ, որք աղնիւ անդամուհեաց բարենախանձ եւ անհամեմատ ջանիւքն օր օրի յառաջանալով՝ յուսածիծաղ ապագայ մը կը խոստանայ» (Մասիս, 1884 թ. 3725) :

10. ՍԱՆԴԵՏԵԱՆ ԸՆԿԵՐՈՒԹԻՒՆ (1883)

Կազմուած է վերինին պէս 1883ի առաջին ամիսներուն եւ 1883 Հոկտեմբերին «օր ըստ օրէ իրեն աղնուուհի անդամաց ջանիւք յառաջադիմելու նշաններ ցոյց կու տայ այժմէն» (Թերմէմ . էփեար, 1883 թ. 1854 : — Հմմտ . Մասիս, 1884 թ. 3725) :



## 11. ՍԱՆՈՒՅ ԸՆԿԵՐՈՒԹԻՒՆ (1883—1884)

Զմշկածաղի մէջ «Միացեալ Ընկերութեան» շաբաթականի շարքի մէջ «Միացեալ Ընկերութեան» շաբաթականի մասին հիմնած են այս Ընկերութիւնը իբր 1883—1884ին : 1886ին թղթակից մը կը գրէ . «Սանույ Ընկերութիւնն այս տարի եւս . . . ներկայացուց . . . Բասինի նշանաւոր դորձերէն «Եսթեր» . . . սղբերգութիւնն հանդերձ ծիծաղաշարժ դաւեշտով մը» (Արեւիք, 1886, թ. 640) :

«Ուսանողական Միութիւն» (Հայրենիք ամսագիր, 1957, թ. 11) ասոր հետ նոյն է :

## 12. ԳԱՅԻԱՆԵԱՆՅ ԸՆԿԵՐՈՒԹԻՒՆ (1883)

Կադմուսը է Ուշքակ քաղի մէջ : Նպատակն է աղջկանց դատարարականութիւնը :

## 13. ՎԱՐԳԱՆԱՆՅ ԸՆԿԵՐՈՒԹԻՒՆ (1903)

Հիմնուած է Պոլիս : Նպատակ ունեցած է դպրոցի մատակարարութիւնը : Եղած է կարճատեւ :

## 14. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1904)

Հիմնուած է Ամերիկայի մէջ՝ Ուշքակ քաղի համար :

## 15. ՈՐԲԱՆԱՄ ԸՆԿԵՐՈՒԹԻՒՆ (1904)

Հիմնուած է Ամերիկա նպատակ ունենալով օգնել Զմշկածաղի Որբանոցին :



## 16. ՍԱՄԱՎԱՐԵԱՆ ԸՆԿԵՐՈՒԹԻՒՆ (1906)

Կազմած են պատանիներ : Նպատակն է . քաղաքի օժանդակութիւն տալ Հոգարար-  
ձութեան՝ աղջկանց համար աւելի կարող  
վարժուհի մը վարձելու համար :

Ընկերութեան սկզբնական անունը եղած  
է . «Աղջկանց վարժարանի Օժանդակ Միու-  
թիւն» եւ ունեցած է ձեռագիր Կանոնադիր  
մը : «Մամափար» անունը կը տրուի 1907ին ,  
երբ կը հետապնդուի եւ աղաքը , որոնք  
մշակութային ժողովքներ կ'ընէին դպրոցի  
մէջ՝ կը սկսին թէյ խմել ու հետապնդող-  
ներն ալ հրաւիրել թէյի :

## 17. ՌԻՍՈՒՄՆԱՍԻՐԱՑ ԸՆԿԵՐՈՒԹԻՒՆ (1908—1912)

Հիմնած են Նիւ Եօրկ (Միացեալ Ընկե-  
րութիւնք Հայոց , Կ . Պ . 1908—12 , էջ 61) եւ  
Լորէնս (Ամերիկա) դադարած Չմշկածաղ-  
ցիք , որոնք 1915ին 1369 սուրլի կը յատկա-  
ցեն «յօդուտ հայ աղատադրութեան» (Արա-  
րատ , 1915 , էջ 832) :

## 18. ՅԱՌԱՋԴԻՄԱԿԱՆ ՄԻՈՒԹԻՒՆ (1910)

Հիմնուած է քաղաքին մէջ դպրոցի մա-  
տակարարութեան համար :

## 19. ԿՐԹԱՍԻՐԱՑ ՄԻՈՒԹԻՒՆ (1910)

Կազմուած է քաղաքին մէջ՝ նպատակելու  
համար Սահակ-Մեսրոպեան վարժարանին :



20. ՏՆՏԵՍԱԿԱՆ ՇԱՐԺՈՒՆ ԳՐԱԴԱՐԱՆԻ ԸՆԿԵՐՈՒԹԻՒՆ (1910)

Հիմնուած է Ամերիկա ունենալով նպատակ՝ Երկրի տնտեսութիւնը դիտական կերպով յառաջ տանիլ: Հիմնադիրները տասը հոգի եղած են:

21. ԶՄՇԿԱԾԱԳԻ ՀԱՅՐԵՆԱԿՅ՝ ՄԻՈՒԹԻՒՆ (1917)

Կազմուած է Հալէպ: Նպատակ ունեցած է օգնել կարօտ Չմշկածաղցիներու:

22. ԶՄՇԿԱԾԱԳԻ ԸՆԴՀԱՆՈՒՐ ՄԻՈՒԹԻՒՆ (1917)

Հիմնուած է Ամերիկա (Հմմտ. նաեւ ժամանակ, Կ. Պ. 1919, Թ. 3580 եւ 1920, Թ. 3800):

22ա. ՀԱՅՐԵՆԱԿՅԱԿԱՆ ՄԻՈՒԹԻՒՆ (1918)

Կազմուած է Եգիպտոսի մէջ նպատակն ըլլալով օգնել հայրենակիցներուն:

23. ՅԱՌԱՋԳԻՄԱԿԱՆ ՄԻՈՒԹԻՒՆ (1918)

Հիմնուած է Հալէպ՝ Չմշկածաղցի պատանիներու կողմէ: Նպատակ՝ ինքնազարգացում: Միութիւնը հրատարակած է խմբարար Ամսագիր մը՝ իր անունով:

24. ՀԱՅՐԵՆԱԿՅԱԿԱՆ ՄԻՈՒԹԻՒՆ (1919)

Կազմուած է 1919 Ապրիլ 4ին Չմշկածաղցի եւ կոջորի եւ իրենց դիւպերու վերապրողներու կողմէ Պոլսոյ մէջ 42 անդամներով: Վարչութիւնը կը կազմեն.



## Մայր Դիւան

Պօղոս Մարտիրիկեան

Ատենապետ

Նազար Դերձակեան

Ատենադպիր

## Գործադիր Ժողով

Աւետիս Պուլունեան

Ատենապետ

Ստ. Կ. Ներսէսեան

Ատենադպիր

Յ. Փափաղեան

Մարուքէ Յովնանեան

Մանուկ Կէտիրիկեան

Կարապետ Մահտեսեան

Տիկ. Նարկիզ Բիւրրիթեան

	Խորհրդա-
	կաններ

## 25. ԵՐԻՏԱՍԱՐԴԱՅ ՄԻՈՒԹԻՒՆ (1920)

Կազմուած է Պարիս՝ նպատակ ունենալով ինքնադարդացումը :

## 26. ԵՐԻՏԱՍԱՐԴԱՅ ՄԻՈՒԹԻՒՆ (1920)

Անկախ նախորդէն՝ կազմուած է սա Ամերիկա մասնաճիւղ ունենալով Լորէն ԷԼ Բոստոն :

## 27. ՊԱՏԱՆԵԿԱՆ ՄԻՈՒԹԻՒՆ (1923)

Հիմնուած է Լորէնսի մէջ : Հրատարակած է «Պատանեկան Միութիւն» ամսուհով Ամաթիերթ մը, որմէ միայն երեք թիւ լոյս տեսած է :

## 28. ԿԱՆԱՆՅ ՄԻՈՒԹԻՒՆ (1926)

Կազմուած է Ամերիկա՝ ուղեւորով Հայաստանի մէջ շինել գալըոց մը՝ Չմշկածագ անունով :



## 29. ՀԱՅՐԵՆԱԿՅԱԿԱՆ ՄԻՈՒԹԻՒՆ (1931)

Հիմնուած է Ամերիկայի մէջ՝ նալա-  
տակն ըլլալով ա) Շինել Հայաստանի մէջ  
Չմշկածաղ. անունով աւան մը. բ) Չմշկա-  
ծաղէն փոխադրել աւելի ապահով վայրեր.  
գ) Օգնել ամենուրեք հայրենակիցներու:  
Միութեանս Ծրագիր-Կանոնագիրը հրատա-  
րակուած է 1935ին (տեսած չենք):

30. ԶՄՇԿԱԾԱԳԻ ՀԱՅՐԵՆԱՍԷՐՆԵՐՈՒ ՄԻՈՒԹԻՒՆ  
(1936)

Կազմուած է Ամերիկա 1936 Յուլիս  
14ին եւ սկսեցած տաղադիր Կանոնագիր մը՝  
մեղ անձանօթ:

## 31. ԿԱՆԱՆՑ ՄԻՈՒԹԻՒՆ (1945)

Հիմնուած է Հալէպ՝ հարիւրէ աւելի  
անդամներով՝ օժանդակելու համար «Արանց  
Միութեան», որ նոյնպէս հոն կազմուած է  
(Տե՛ս այս բոլոր Ընկերութիւններու մասին  
մանրամասն՝ Հայրենիք Ամսագիր, 1957,  
թ. 10 եւ 11):

## ՄԻԱՏՈՒՆ ԳԻՒՂ

## 1. ԲԱԳՐԱՏՈՒՆԵԱՆ ԸՆԿԵՐՈՒԹԻՒՆ (Իբր 1840)

Ունեցած է դրամատուն մը եւ դրամա-  
դուլի մը, որուն տնկոսով կառավարած է  
համանուն վարժարանը (Խաչատուր Քհնյ,  
Պօղիկեան, Ծառի աղջիկը. Հալէպ 1931,  
էջ 73):



## 2. ՄԻԱՏԱՆ ԸՆԿԵՐՈՒԹԻՒՆ (1873)

Այս եւ յաջորդ տեղեկութիւններն ստացած ենք Չմշկածաղցի Պր. Յովհաննէս Անէմեանէ (Ամերիկա), որուն կը յայտնենք մեր շնորհակալութիւնը :

«Միատան Ընկերութիւնը Հիմնուած 1873ին՝ տեւած է մինչեւ 1900 : Ընկերութիւնը գոյացուցած է 400 սակիի դամար մը, որմէ փոխ տուած է կարօտ Միատունցիներուն՝ փոխարէն մուրհակ եւ գրաւ առնելով :

## 3. ԿԱՐՕՏ ՄԻԱՏՈՒՆՅՈՒՆԵՐՈՒ ՕԳՆՈՂ ԸՆԿԵՐՈՒԹԻՒՆ (1897)

Կազմուած է Հալէպ՝ կարօտ Միատունցիներուն օգնելու համար :

## 4. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1910)

Հիմնուած է Ամերիկա : Ծանօթութիւն կը պակսի :

## 5. ՀԱՄԱԳՈՐԾԱԿՅԱԿԱՆ ՄԻՈՒԹԻՒՆ (1910)

Կազմուած է Հալէպի մէջ՝ հալատակ սենեկալով օգնել հայրենակիցներուն :

## ԿԱՐՄՐԻ ԳԻՒՂ

## 1. «ԵՓՐԱՏԵԱՆ» ԸՆԿԵՐՈՒԹԻՒՆ (1867?)

Հիմնուած է Պոլիս : Հիմնումի թուականը կը համարուի 1867, իսկ ըստ ոմանց 1875էն վերջ : Ընկերութիւնը Գիւղի դպրոցին կը դրկէր դասադրքեր : Ատեն մը դադրելէ



վերջ՝ 1908ին կազմուած է՝ ունենալով Գանձապահ Յավհաննէս Բագրատունին։ — Պոլսոյ այս «Եփրատեան»ը կը յիշուի 1882ին իրրեւ ճիւղ մը 1879ին Գիւղին մէջ հիմնուածին (Տե՛ս Թերնէմ. Էփեփար, 1882 թ. 1462)։

2. «ԵՓՐԱՏԵԱՆ» ԸՆԿԵՐՈՒԹԻՒՆ (1879)

Հիմնուած է Կարմրի Գիւղին մէջ 1879ի դարնան, նպատակ ունենալով. «Գիւղի դըպրոցը ուսման յառաջդիմութեան տարրին ենթարկել եւ ուսուէն ու կրթութիւնը երկսեռ ուսանողաց համար պարտաւորիչ ընել» (Լրագիր, 1879 թ. 1000)։

3. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1894)

Հիմնուած է Կ. Պոլիս։

4. ՏԻԿՆԱՆՅ ԲԱՐԵՆԱՄ ԸՆԿԵՐՈՒԹԻՒՆ (1899)

Կազմուած է Գիւղին մէջ։

5. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1909)

Կազմուած է Ամերիկա։ Նպատակ՝ «տնօրէն կալուածով մը ապահովել Գիւղի դպրոցին ապագան»։ Կը աւելէ մինչեւ 1916, երբ կ'օժանդակէ տարազիր Կարմրոցիներուն։ Ընկերութիւնը 1910ին Մասնաճիւղ մը կ'ունենայ Հալէպի մէջ։



6. ԵՓՐԱՏԵԱՆ ԳՐԱԳԱՐԱՆԻ ԸՆԿԵՐՈՒԹԻՒՆ (1910)

Հիմնուած է Գիւղին մէջ 1910ին դպրոցի ուսանողներու կողմէ՝ հսկողութեամբ ուսուցչին :

## ՍԻՍՆԱ ԳԻՒՂ

1. ՄԱՄԻԿՈՆԵԱՆ ԸՆԿԵՐՈՒԹԻՒՆ (1875)

Կազմուած է Պոլիս, նպատակ ունենալով դպրոցին եւ եկեղեցւոյ մատակարարութիւնը : Վարիչ անդամներէն կը յիշուին . Հաճի Ներսէս Տէր Մատթէոսեան, Պօղոս Պուլուտեան, Չորպաճոնց Կարապետ Մաղմանեան, Պետրոս Հէքիմեան :

2. ՄԱՆԿԱՍԻՐԱԿԱՆ ԸՆԿԵՐՈՒԹԻՒՆ (1876)

Հիմնուած է Պոլիս 1876 Ապրիլ 1ին : Ունի իր Կանոնագիրը՝ 21 Յօդուածով, հրատարակուած Լրագիրի (1880 թ. 1177) մէջ : Կու տանք քանի մը Յօդուած . 1. Նպատակ . — Չմշկածագի Սիսնայ Գիւղի անօղնական հայ մանկանց դաստիարակութեան նպատակէն : Հարկին Ընկերութեան անուան վարժարան հաստատել Գիւղին մէջ : 4. Ընկերակցութիւն . — Ամսական բաժնեգրինն է մէկ դուրուշ : 5. Չմշկածագի ընկերք ազատ եւ տասներկու բաժնի փոխարէն գոյգ մը եզով լուծք վարել մէկ օր :

1879ին Վարչութիւնը կը կազմէին .

Ս . Յ . Մարդպանեան      Ատենապետ



Կ . Յ . Փափաղեան Ատենադպիր  
(Լրագիր , 1880 թ . 1177) :

3. ՄԱՄԻԿՈՆԵԱՆ ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ  
(1910)

Կազմուած է Ամերիկա եւ հոգացած  
Գիւղի դպրոցին պէտքերը : 1919ին կը լու-  
ծուի եւ ունեցած 270 դուրրը կը դրկուի  
Սիւնացի վերապրողներուն :

4. ՄԱՄԻԿՈՆԵԱՆ ԸՆԿԵՐՈՒԹԻՒՆ (1911)

Ազատամարտ (1911 թ . 552) կը դրէ .  
«Զմշկածաղի Սիւնա Գիւղին մէջ խումբ մը  
երիտասարդներու կազմէ Գրադարան մը  
հիմնուած է «Մամիկոնեան» Անունով» , որ  
անշուշտ Ընկերութիւն մ'էր :

## ԵՐԻՅ – ԱԳՐԱԿ ԳԻՒՂ

1. ԽՆԱՅՈՂԱԿԱՆ ՄԻՈՒԹԻՒՆ (1879)

Կազմուած է 1879 Յուլիս 1ին : Նպա-  
տակն է . Գիւղի տղաքներուն դաստիարա-  
կութիւնը : 1879 Սեպտեմբերին ունէր 22  
անդամ եւ 1500 դուրուչի չափ դրամադրուի  
մը (Լրագիր , 1879 թ . 1068) :

2. ՏԻԿՆԱՆՅ ՈՐԲԱԽՆԱՄ ԸՆԿԵՐՈՒԹԻՒՆ (1909)

Վարչութիւնը կը կազմէին .

Տիկ . Հռիփսիմէ Զոլադեան Ատենապետուհի  
Տիկ . Պաճար Մարտիրոսեան Ատենադպրուհի  
Տիկ . Սրբուհի Գուլումճեան Գանձապետուհի



Ընկերութիւնը կ'սկսենայ 6․ օամ․ սակի, զոր կը յափշտակեն քիւրտերը :

3. ԿԱՆԱՆՑ ԳՐԱԳԱՐԱՆԻ ԸՆԿԵՐՈՒԹԻՒՆ (1909)

Կրցած էր հաւաքել համեատ թիւ մը դրքերու, զորոնք տեղաւորած էր դպրոցի առաջին յարկի մէկ սենեակին մէջ ու փափաքողներուն ընթերցումի համար ձրի կուտար :

4. ԿՐԹԱՍԻՐԱՅ ԸՆԿԵՐՈՒԹԻՒՆ (1912)

Հիմնած են Ամերիկա դադթող գիւղացիները՝ նպատակ ունենալով Գիւղին դըպրոցը միշտ բաց պահել եւ Դաշտիկայ լիները օգտագործել գիւղին արտերը ջրելու համար : 1941ին կը լուծուի : — Ունեցած է ճիւղ մը Գիւղին մէջ «Ուսումնասիրաց» նսենով :

5. ՕՐԻՈՐԳԱՅ ՄԻՈՒԹԻՒՆ (1913)

Նպատակն եղած է Գիւղի «Ուսումնասիրաց»ին օժանդակել : Սարքած է ձեռագործներու վիճակահանութիւն եւ դնահատում : Ունեցած է մշակութային հաւաքումներ :

6. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1913)

Կադմուած է Գիւղին մէջ :



## ՄՈՐՇԵԱՅ ԳԻՒՂ

### 1. ՌՈՒԲԻՆԵԱՆ ԸՆԿԵՐՈՒԹԻՒՆ (1880)

Կազմուած է Հալէպի մէջ դաճող Մորշիացիներէ, որոնք 1908ին տուն մը կ'ունենան իրր կալուած : Ընկերութիւնը Ամերիկացի մէջ ալ ճիւղ մը ունեցած է :

### 2. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1910)

Հիմնուած է Ամերիկա՝ իրր ճիւղ Հալէպի «Ռուբինեանց»ին :

## ՄԱՄՍԱ ԳԻՒՂ

### 1. ԵԳԵՄԱԿԱՆ ԸՆԿԵՐՈՒԹԻՒՆ (1875)

Կազմուած է Հալէպ, նպատակ ունենալով նպատակէ եկեղեցւոյ եւ դպրոցին : Վարչութիւնը կազմած են .

Յովհաննէս Մաթիկեան	Ատենապետ
Միքայէլ Փափաղեան	Ատենադպիր
Կարապետ Աճէմեան	Գանձապահ

1920ին իր գոյքերը պահ դրուած են Թաղէոս Մանկատարեանի (Հալէպ) քով :

### 2. ԵԳԵՄԱԿԱՆ ԸՆԿԵՐՈՒԹԻՒՆ (1883)

Ոմանք կը կոչեն «Դպրոցի Ընկերութիւն» . կազմուած է Պոլիս : Իր նպատակը . եկեղեցւոյ եւ դպրոցի օժանդակել : Օգնած է դպրոցի շէնքի շինութեան : 500 ոսկի շահուտուած եւ ետ չէ ստացած :



## 3. ...ԸՆԿԵՐՈՒԹԻՒՆ (1883)

Հիմնած են յունադաւան Հայերը :

## 4. ԳՊՐՈՅԱՍԵՐ ԿԱՆԱՆՑ ԸՆԿԵՐՈՒԹԻՒՆ (1889)

Կազմուած է Գիւղին մէջ՝ նալաստելու համար դպրոցին : Կաթիլ կաթիլ հաւաքած իր գրամադլուխը — 75-80 սակի — շահուկու տայ անհատներու, որոնք անկարող կ'ըլլան վերադարձնելու :

Դպրոցի գրասեղաններու շինութեան ծախքին կէսը ինքը տուած է :

## 5. ՇԱՀԱԿՅԱԿԱՆ ԸՆԿԵՐՈՒԹԻՒՆ (1902)

Կազմուած է Հալէպ՝ դործելու համար Գիւղին մէջ : Անդամներէն կը յիշուին . Մարտիրոս Ալէքսանեան, Խլտրեան, Վաղշէնեան, Մերկէր Մաթիկեան, Ասատուր Աճէմեան : Անդամավճարն էր 15 սակի իրրեւ կանխավճար :

## 6. ԹՈՐԳՈՄԵԱՆ ՌԵՍՈՒՄՆԱՍԻՐԱՅ ԸՆԿԵՐՈՒԹԻՒՆ (1903)

Ամերիկայի մէջ հիմնուած է՝ ապահովելու համար դպրոցի ապագան կալուածով եւ արարքերական ծախքերը հոգալով : Ունեցած է 36 Յօդուածով Կանոնագիր մը : 1917ին Կովկաս կը ղրկէ 50 դուլար՝ Մամոսցի շէրապրոզներու համար : 1942ին Ընկերութիւնը կը սկսի կոչուիլ լոկ «Թորգոմեան Ընկերութիւն» :



7. ՏԻԿՆԱՆՅ ԲԱՐԵՆՆԱՄ ԸՆԿԵՐՈՒԹԻՒՆ (1909)

Կազմուած է Գիւղին մէջ՝ օգնութեան  
կը հասնի Աստուծոյի հայերուն :

8. «ԱԶԱՏ ՔՆԱՐ» ԳՐԱԴԱՐԱՆԻ ԸՆԿԵՐՈՒԹԻՒՆ (1911)

Հիմնուած է Գիւղը՝ դպրոցի աշակեր-  
տութեան կողմէ , բայց կ'անդամակցին բոլոր  
տեղացիները : Սարքած է հանդէս , ներկա-  
յացում եւ վիճակահանութիւն (Ազատա-  
մարտ , 1911 թ . 724) :

9. ՇԱՀԱԿՅԱԿԱՆ ԸՆԿԵՐՈՒԹԻՒՆ (1911)

Կազմուած է Ամերիկա : Ունեցած է  
կանոնագիր : Կը փորձուի ճաշարան եւ  
նպարաւոճատի խանութ բանալ , բայց կարճ  
ատենէն կը փակուի եւ Ընկերութիւնը կը  
դադրի :

10. ԵՐԻՏԱՍԱՐԳԱՅ ԳՐԱԴԱՐԱՆԻ ԸՆԿԵՐՈՒԹԻՒՆ  
(1912)

Հիմնած են Ամերիկայի մէջ՝ ունենալով  
ոտ ծրագիրը . 1 . Պատրաստել ճոխ Գրադա-  
րան մը եւ երկու տարիէն փոխադրել դայն  
Մամսա , 2 . Գրադարանի միջոցաւ մարդէլ  
երխտասարգութիւնը :

1916ին կը դադրի եւ դոյքերը կը  
լանձնէ Թորգոմեան Ուսումն . Ընկերութեան :  
1917ին 150 դոլար կը զրկէ Կովկաս՝ վերա-  
դրող Մամսացիներուն :



11. ԿԱՐՕՏ ՄԱՄՍԱՅԻՆԵՐՈՒ ՕԺԱՆԴԱԿ ՄԻՈՒԹԻՒՆ  
(1918)

Կազմուած է Ամերիկա 1918 Յուլի 11ին :  
Կը տեւէ մէկ տարի : 1919ին ունեցած 40  
դուլարը կը զրկէ Հալէպ կարօտ երկու  
Մամսացիներու :

ԲԱԶԱՐՈՆ ԳԻՒՂ

1. ...ԸՆԿԵՐՈՒԹԻՒՆ (1889)

1889ին կազմուած է Ընկերութիւն մը ,  
որ ունեցած է իր վրայ եկեղեցւոյ եւ դպրոցի  
հողը : Թաթուլ վարդապետ քննելով յետոյ  
Ընկերութեան հաշիւները՝ կը պարզուի որ  
ան 300 սակիի դործառնութիւն մ'ունեցած է :  
Ընկերութեան անունը անձանօթ է :

2. ՊԱՐԹԵԻՆԱՆ ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ  
(1914)

Ուսարի (Ամերիկա) մէջ հիմնուած է՝  
մասնակցութեամբ Ամերիկաբնակ բոլոր  
Բաղաբոնցիներու , այսպէս՝ Սարգիս , Մեո-  
րոս , Յովհաննէս , Թադէոս , Կարապետ  
Փափաղեաններ , Ճորճ եւ Առաքել Ալիքսա-  
նեաններ , Բարթող Տէր Սուքիասեան , Յա-  
կոբ Մինասեան , Եղիշէ եւ Վարդերես Պառ-  
մաճեաններ , Նազար Առաքելեան , Յարութիւն  
Մանուկեան , Յովհաննէս Տալմաճեան ,  
Յովհաննէս Ներսէսեան , Պետրոս Պետի-  
կեան : Անմիջապէս կը կատարուի հանդա-  
նակութիւն եւ վիճակահանութիւն , որոնց



դումարը՝ անդամատուրքով՝ կ'ըլլայ 244  
դոլար, կը յանձնուի վարչութեան :

### 3. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1914)

Կազմուած է Գիւղին մէջ՝ բոլոր գիւղացիներու մասնակցութեամբ՝ ի նպաստ դպրոցին : Կ'որոշուի մանր դասներ եւ ուղեր խնամել՝ ի հաշիւ Ընկերութեան :

## ՄՈՒՌՆԱՅԻ ԳԻՒՂ

### 1. ՄՈՒՌՆԱՅԻ ԳԻՒՂԻ ԸՆԿԵՐՈՒԹԻՒՆ (1891)

Կազմուած է Պոլիս՝ ի նպաստ եկեղեցւոյ եւ դպրոցին : Ունեցած 90 մէճիտիէ դրամին 50ը դպրոցի շինութեան կը դործածուի. 40 մէճիտը փոխառութեան կը տրուի ու չի վերադարձուիր :

### 2. ԵՐԻՏԱՍԱՐԴԱՅ ԸՆԿԵՐՈՒԹԻՒՆ (1906)

Կը կազմեն Գիւղի բարձրագոյն կարգի աշակերտները : Իրենց նպատակն ըլլալով . 1. Օգնել դպրոցական պիտոյքներու գիւրին եւ անժան հայթայթման, 2. Մանր առեւտուրի միջոցաւ փոքր գումարներով մարդէլ իրենց անձը :

Ընկերութիւնը կը շարունակուի մինչեւ Սահմանադրութիւն, որմէ վերջ կը լուծուի :

### 3. ԱԲԳԱՐԵԱՆ ԸՆԿԵՐՈՒԹԻՒՆ (1908)

Կը հիմնուի Ամերիկա՝ ի նպաստ դրոյրոցին եւ եկեղեցւոյն : Կը շարունակուի մին-



չեւ 1916 : Մասնաճիւղ կ'ունենայ Գիւղին մէջ՝  
1909ին . Հալէպ 1910ին :

#### 4. ՀՌԻՓՍԻՄԵԱՆՑ ԸՆԿԵՐՈՒԹԻՒՆ (1911)

Կը հիմնուի Գիւղին մէջ՝ աղջկանց դաս-  
տիարակութեան նպատակով, որ կը շարու-  
կուի մինչեւ տեղահանութիւն :

### ՕԶ ԳԻՒՂ

#### 1. ԸՆԹԵՐՅԱՍԻՐԱՑ ԸՆԿԵՐՈՒԹԻՒՆ (1899)

Կազմուած է 1899 Մայիս 1ին Ամերիկայի  
մէջ : Նպատակը՝ «Օձ Գիւղի երկսեռ մա-  
նուկներու կրթութիւն տալու համար բաւա-  
կանաչափ դումար մը ձեռք բերել, այնպէս  
որ կանոնաւոր եւ հիմնական յարատեւ է : . . .  
Մտից տուրք երկու տոլար, ամսավճար 25  
սէնթ» (Ամերիկահայ Տարեցոյց . Պոստոն  
1912, էջ 81) :

#### 2. ՈՒՍՈՒՄՆԱՍԻՐԱՑ ԸՆԿԵՐՈՒԹԻՒՆ (1904)

Կազմուած է Ամերիկա, նպատակ ունե-  
նալով՝ դպրոցի մը ապագան ապահովել  
անշարժ կալուածով :

### ՀԱԶԱՐԻ ԳԻՒՂ

#### 1. ՏԻԿՆԱՆՑ ԲԱՐԵՍԻՐԱՑ ԸՆԿԵՐՈՒԹԻՒՆ (1892)

Կազմուած՝ Գիւղին մէջ : Նպատակն է՝  
աղքատ աշակերտներու դպրոցական պի-  
տոյքները հոգալ : Վարչութեան անդամ



էին . Տիկ . Ալթուն Սողիկեան , Տիկ . Սըր-  
բուհի Ամիրխանեան , Տիկ . Սառա Անդրէա-  
սեան եւ Տիկ . Տէր-Մարտիրոսեան :

2. ՄԱՔԻՆԱՅԻ ԸՆԿԵՐՈՒԹԻՒՆ (1894)

Հիմնուած է Կ . Պալիա : Նպատակ՝  
«Գնել կալ հասող մեքենայ , ի նպատա եկե-  
ղեցւոյ եւ դպրոցի» : Յաջորդ տարի մեքե-  
նան կը գնուի :

3. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1903)

Կազմուած է Լորէնս (Ամերիկա) 1903  
Յուլիս 4ին : Իր նպատակը . Ազգ . կրթական  
դործին համար գրամագլուխ մը պատրաս-  
տել : Իր պաշտպանութեան տակ ունի  
Գիւղին մէջ 50 երկսեռ աշակերտներով դըպ-  
րոց մը : Անդամակցութեան պայմաններ՝ 3  
դոլար մուտքի , 25 սենտ ամսավճարի :

Ունի ձեռագիր Կանոնագիր մը 10 Յօ-  
դուածով (Ամերիկահայ Տարեցոյց , անդ , էջ  
181) :

## ԽԱՐԱՍԱՐ ԳԻՒՂ

1. ԿՐԹԱՍԻՐԱՅ ՄԻՈՒԹԻՒՆ (1901)

Հիմնուած է Ամերիկա՝ ջանալով անշարժ  
կալուածով մ'ապահովել դպրոցին ապագան ,  
իսկ մինչ այդ՝ բացառիկ ձեռնարկներով  
հոգալ դպրոցին առօրեայ ծախքերը :



2. ԳՐԱԴԱՐԱՆԻ ԸՆԿԵՐՈՒԹԻՒՆ (1909)

Հիմնուած է Գիւղին մէջ աշակերտներու կողմէ :

### ԹՈՒՄԱՅ ՄԷԶԻՐԷ ԳԻՒՂ

1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1908)

Հիմնուած է Ամերիկա՝ Գիւղին մէջն ալ ունենալով ճիւղ մը : Կը ջանայ բայ պահել զպրօցը եւ ապահովել անոր ապագան : Կը պաշտպանէ Գիւղին դատը . կը հասնի օգնութեան տարագրութենէ ազատուածներուն : «Ուսումնասիրաց» տիպոսը «Վերաշինաց»ի կը փոխուի դաշտահանութեան մը առթիւ :

### ՏԷԳԳԷ ԳԻՒՂ

1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1910)

Հիմնուած է 1910 Մայիս 1ին՝ զպրօցը բարեկարգ պահելու համար : Հիմնադիրներ են Ամերիկայի Լորէնս քաղաքի պանդուխտ Տէգգէցիները : Ունի անտիպ Ծրագիր-Կանոնագիր մը : Այժմ դադրած է :

### ՅԱՂԹՈՒԿ ԳԻՒՂ

1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1910)

Հիմնուած է Ամերիկա՝ զպրօցի ապագան ապահովելու նպատակով :



## ՊԱՐՏԻՉԱԿ ԳԻՒՂ

### 1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1909)

Կազմուած է Ամերիկա՝ դպրոցին նպաստելու համար : 1914ին վերաչինած է դպրոցին շէնքը :

### 2. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1910)

Հիմնուած է Գիւղին մէջ՝ հողալու համար աղքատ աշակերտներու դրենական պիտոյքները :

## ՊՐԵՍԻ ԳԻՒՂ

### 1. ԳՊՐՈՅԻ ԸՆԿԵՐՈՒԹԻՒՆ (1889)

Կազմուած է Կ. Պոլիս 1889ին :

## ՓՈՂՈՍԻ ԳԻՒՂ

### 1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1911)

Հիմնուած է Ամերիկա 1911ին :

\* \* \*

## ԱՐՏԱՄԷՏ

### 1. ԱՐՇԱԿՈՒՆԵԱՅ ԸՆԿԵՐՈՒԹԻՒՆ (1872)

Վանի հաւանգիւն մէջ գտնուող այս փոքրիկ քաղաքը — Արտամէտ — դիւղ մըն էր 1870ական թուականներուն : Իր զաւակներէն շատեր Պոլիս պանդխտած էին ու չարաչար տանջանքով իրենց ապրուստը հողալէ դատ՝ քիչ մը դրամ ալ կրնային զրկել իրենց



տունը՝ անհրաժեշտ կարիքները հոգալու համար։ Ահաւասիկ Պոլիս գտնուող այս նոգէհ Արտամէտցիներէն 70 հոգի 1872 Ապրիլ 30ին Պոլսոյ Շէրիֆ Փաշայի մէջ ժողովք մը կը գումարեն, նախագահ ունենալով օրուան Պատրիարք Մկրտիչ Արքեպ. Խրիմեանի ներկայացուցիչ Ղեւոնդ վ. Փիրղալեմեանը, եւ կը խաղմեն մշակութարին Ընկերութիւն մը, որուն անունը կը զնեն «Արշակունեաց Ընկերութիւն»։ Իբենց նպատակն է. «Արտամէտի մէջ դպրոց մը բանալ»։ Ժողովքի մէջ կը քննուի նախապէս պատրաստուած Կանոնադրութիւն մը։ Կ'ընտրուի Դիւան եւ Տնօրէն ժողով։ Կը ներկայացնենք .

### ԴԻԴԱՆ

Մ . Մուրատ Բիւզանդեան	Ատենապետ
Գէորգ Աճէմեան	Փոխ-Ատենապետ
Պօղոս Գալուստեան	Ատենադպիր
Պետրոս Ճէնմամեան	Փոխ-Ատենադպիր

### ՏՆՕՐԷՆ ԺՈՂՈՎ

Պաղտատար Գասպարեան	Ատենապետ
Մխիթար Գրիգորեան	Փոխ-Ատենապետ
Մ . Պետրոս Բիւզանդեան	Ատենադպիր
Պետրոս Յակոբեան	Փոխ-Ատենադպիր
Մ . Յարութ . Սաչատուրեան	Գանձապետ
Վարդան Զաքարեան	Գանձապետ



Մ . Յովհաննէս Սահակեան	} Անդամք
Մարտիրոս Յարութիւնեան	
Յակոբ Մկրտիչեան	
Խաչատուր Ներսէսեան	
Մկրտիչ Մ . Միրաքեան	
Պետրոս Մաղսուտեան	

(Մասիս , Կ . Պ . 1872 թ . 1234) :

Սխալ է Հայ Հանրագիտակի գրածը թէ  
Ընկերութիւնս 1870ին հիմնուած է (Հ . Մ .  
Պատուրեան , Հայ Հանրագիտակ , Պուքրէշ ,  
1938 , էջ 304) :

Ընկերութեան անդամավճարն է մուտք՝  
մէկ մէճիտ , շարաթաղան մէկ դահեկան : Ան-  
դամները կը պարտաւորուին ամիսը անդամ  
մը ժողով դումարել՝ վարժարանի շինու-  
թեան եւ դրամներու հաւաքման , իսկ 6 ա-  
միսը անդամ մ'ալ ընդհ . ժողով՝ հաշուե-  
քներութեան համար (Փող , Կ . Պ . 1872 թ .  
82) :

Ընկերութիւնը կը յաջողի Արտամէտի  
մէջ վարժարան մը բանալ անուանելով դայն  
«Արտաշէսեան» վարժարան եւ ստանձնելով  
ամոր ամբողջ հողը : Վարժարանի «մշտահոս  
եկամուտ բերող աղբիւր ձեռք բերելու հա-  
մար» Ընկերութիւնը Պոլսոյ վէզիր Խանի  
մէջ քարուկիբ խանութ մը կը գնէ 110 օսմ .  
ոսկիի , որ ամիսը 150 դուրուշ վարձք կը  
բերէ : Նամակագիր մը գովելով Պոլսոյ պան-  
դուխտ Արտամէտցիները՝ կ'ըսէ . «Թէեւ ըստ  
մեծի մասին աճուս եմ , այլ ուսման յարգը



լաւ կը փանչնան եւ փանչնալնին գործով եւ արդեամբ կ'ապացուցանեն» (Ասիա, Կ. Պ. 1874 թ. 130) : Իր «Արտաշէսեան» վարժարանին համար յատուկ շէնք մը շինած է Ընկերութիւնը 1874 Ապրիլին (Մասիս, 1874 թ. 1519) :

1880ին կ'ընտրէ նոր Տնօրէն Ժողով մը հետեւեալներէ . Սարգիս Խ. Աճէմեան (Ատեհապետ), Պետրոս Գրիգորեան, Յակոբ Նուսթեան, Պօղոս Մադաուտեան, Պաղտատար Մելքոնեան, Դաւիթ Եղիազարեան (Թէրնէմանը Էփեար, Կ. Պ. 1880 թ. 890) : Միտք ունի բանալու երկրագործական վարժարան մը (անդ) :

Ընկերութիւնը կը լուծուի 1896ին ծանօթ գէպքերու պատճառաւ, իսկ կալուածները կը շահագործեն անհատներ մինչեւ 1912 (Տե՛ս այս մասին Ազատամարտ, 1910 թ. 189-90, 1912 թ. 803) :

## 2. ...ՄԻՈՒԹԻՒՆ (1911—1912)

Կը յիշէ Վանի Աշխատանքը (1912 էջ 1029) եւ կ'ըսէ որ կը ջանայ Գրադարան մը կազմել :

\* \* \*

## ԽՆՈՒՍ

### 1. ՄԱՄԻԿՈՆԵԱՆ ԸՆԿԵՐՈՒԹԻՒՆ (...1881)

Պետրոս Շիւշէյեան 1881 Հոկտ. 3ին Խնուսի այցելութիւն մը տալով՝ կը դանէ



«Մամիկոնեան Ընկերութիւն» մը, բայց առիթ չ'ունենար տեսնուելու անդամներէն մէկուն հետ (Հայրենիք, Կ. Պ. 1881 թ. 862) :

1880ական թուականէն մինչեւ 1888 հիմնուած են խնուարի մէջ «Բանի մը բարեգործական Ընկերութիւններ» Եսայի վրդ. Ղեւոնդեանի նախաձեռնութեամբ ու քաջալերանքով, բայց անուանէրը մնացած են անձանօթ (Արեւելք, 1888 թ. 1480) :

## 2. ԵՐԵՏԱՍԱՐԳԱԿԱՆ ՄԻՈՒԹԻՒՆ (1910)

Հիմնուած կ'երեւայ 1910 Յունուարին : Կը յիշուի 1910 Ապրիլ Տին իբրեւ «Նորահաստատ» : Չգտունն է «տալ համայնքին կուլտուրական, դրական, թատերական . . . պահանջների գոհացում» (Յառաջ, Կարին 1910 թ. 30) :

\* \* \*

## ԵՈՏՈՐՋՈՒՐ

### 1. ԵՐԵՏԱՍԱՐԳԱՅ ՄԻՈՒԹԻՒՆ (1909—1910)

Կը յիշուի 1910 Մարտ 7ին Յոտորջուրէն «Իրադեկ»ի ըրած թղթակցութեան մէջ, ուր կ'ըսուի. «Հոս Բարեկենդանիս՝ մեր Երիտասարդաց Միութիւնը գովելի ընթացք մ'ունեցաւ. փոխանակ ունայն խաղերու՝ առաջին անգամ թատրոնի ներկայացում ստուաւ : Զատկին ի միջի այլոց պիտի ներկայացնեն «Մեծ. Մուրացկանները» (Յառաջ, Կարին 1910 թ. 22, Մարտ 23) :

\* \* \*



2. «ՏԱՅՔ» ԽՈՏՈՐՋՈՒՐՑԻՆԵՐՈՒ ՄԻՈՒԹԻՒՆ  
(1918)

Նախ Ռուսաստան հիմնուած է, հաւա-  
նորէն 1917ին եւ Միութեան կենդրոնն ալ  
հոն եղած է: Իսկ Պոլսոյ մէջ կազմուած է  
1918 Դեկտեմբեր Տին՝ ունենալով իրեն շըր-  
ջանակ Կարնոյ նահանգը, Սպեր եւ Խոտոր-  
ջուր: Հիմնադիր անդամները 25 հոգի են  
(Տեղեկագիր Հայրենակցական Միութիւն-  
ներու, Կ. Պ. 1921, էջ 3: — Հմմտ. Խամա-  
նակ, 1919 Թ. 3418, 3528: — Թէոդիկ, Ամէ-  
նուն Տարեցոյցը, 1921, էջ 307):

Միութիւնը մինչեւ Ասորիք եւ Արարիա  
մարդ գրկելով՝ ջանացած է հաւաքել վե-  
րապրողները մեծ դժուարութիւններով  
(Երեսմ, Կ. Պ. 1919 Թ. 14):

\*

ՄԵԾ ԱՐՄՏԱՆ (ԵՐԶՆԿԱ)

1. ՄԱՄԻԿՈՆԵԱՆ ԸՆԿԵՐՈՒԹԻՒՆ (1870)

Կազմուած է 1870 Յունուար 1ին: Նաղա-  
տակն է. «Երկսեռ մանկուոյն օրինաւոր  
վարժարան մի հաստատել»: Շարաթական  
անդամավճարն է 20 փարա (Փռննջ, Կ. Պ.  
1870 Թ. 536: — Հմմտ. Օրագիր, Կ. Պ. 1870  
Թ. 140): — 1871 Յունուար 7 դումարուած  
Ընդհ. Ժողովքը կ'ընտրէ իր Դիւանը.

Մ. Մատթէոս Ալիքսանեան	Նախագահ
Մ. Թէոդորոս Քէօսէյեան	Առեւտրական
Պօղոս Տ. Յակոբեան	Առեւտրագիր



Իսկ Տնօրէն Ժողովը կը կազմեն . Գէորգ Էդարականց , Ճանիկ Մզտեսեանց , Յովհաննէս Խամարականց , Պօղոս Կոկանեանց , Մ . Վարդան Շահիկեանց , Փիլիպպոս Քէօսէ՝ յեանց (Մասիս , 1871 թ . 1050) : — 1880ին դադարած է եւ յօդուածադիր մը ցաւով կը դիտէ որ նոր մը կանգնող չկայ (Մանգուսէի Էփեար , Կ . Պ . 1880 թ . 4496) : — Վեցէն Եօթր տարի օգտակար կ'ըլլայ Ընկերութիւնը պահելով դպրոցը եւ «բաւական աշակերտներ հասցնելով» (Հայրենիք , 1883 թ . 1270) :

## 2. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1888)

Հիմնուած է Պոլիս 1888ի սկիզբները : 1888 Օգ . 14ին «Հիմնադրաց Ժողով»ը Ղալաթիայ Ազգ . վարժարանի մէջ դումարուելով՝ Կ'ընտրէ հետեւեալ Գիւանը եւ Տնօրէն Խորհուրդը .

Նիկողոս Կոկանեան	Ատենապետ
Մարդար Վոսմեան	Ատենադպիր
Թորոս Եղիկեան	Գանձապահ
Անտոն Թիւլպէնաճեան	Համարակալ
Տիրան Տէօփլէթեան	Խորհրդական
Նշան Իդնատեան	Հաւաքիչ
Եղիա Երեցեան	Հաւաքիչ

(Արեւելք , 1888 թ . 1388 : — Մանգ . Էփ . 1888 թ . 6061) :

1890ին կը դադրի Ընկերութիւնը : 1891 Դեկտեմբերին կը փափաքին վերակազմել : Պատրաստի դումար մ'ունի 80-90 սակի եւ



15-20 սկիւ ալ զանազաններու քովն է (Արեւելք, 1891 թ. 2379) :

### 3. ԿՐԹԱՍԻՐԱՅ ԸՆԿԵՐՈՒԹԻՒՆ (1891—1908)

Կազմուած է Ամերիկա զաղթող Արմատանցիներէ՝ Գիւղի զպրօցին նպաստելու համար : Բայց հին վկայութիւն մը չենք գտած (Տե՛ս Ագատամարտ, 1911 թ. 601) :

### 4. ՅԱՌԱՋԴԻՄԱԿԱՆ ՄԻՈՒԹԻՒՆ (1908—1909)

Հիմնուած է Պոլիս՝ Կըթական օժանդակ հանդիսանալու համար Գիւղին (Ժամանակ, Կ. Պ. 1910 թ. 550) : Ունեցած է Ծրագիր-Կանոնագիր :

### 5. ԹԱՏԵՐԱԿԱՆ ԸՆԿԵՐՈՒԹԻՒՆ (1911)

1911ի սկիզբը կազմուած՝ մինչեւ Մայիս տուած է 4 ներկայացում ի նպաստ զպրօցին (Ագատամարտ, 1911 թ. 601) :

### 6. «ՄՆՁՈՒՐ» ՀԱՅՐԵՆԱԿՅԱԿԱՆ ՄԻՈՒԹԻՒՆ (1919)

Պոլիս կազմուած է 1919 Յունուար 20ին չրջանակ ունենալով. Գուրուչայ (Մնձուր), Մեծ եւ Փոքր Արմտաճ եւ Գիւղեր : Առժամեայ վարչութեան անդամներն են. Արթին Աճէմեան, Աղարիա Օրմանեան, Գրիգոր Ալիքսանեան, Համբարձում Կարիկեան, Մատթէոս Սարըքէշիչեան, Մինաս Պապիկեան, Կարապետ Պէտիկեան, Վահան Տէր Յակոբեան, Սարգիս Տօնիկեան, Օհան Կա-



կանեան (Ճակատամարտ, Կ. Պ. 1919 թ. 57) : — Ահա Մայր Դիւանը .

Թագէոս Ճ. Արխանեան Ատենապետ  
Յակոբ Տէմիրճեան Ատենադպիր  
Գործադիր ժողովը կը կազմէին .

Յարութիւն Աճէմեան Ատենապետ  
Արսէն Թ. Երեցեան Ատենադպիր  
Օհան Կոկանեան Գանձապետ  
Կայծ Կոկանեան  
Քերովրէ Աճէմեան  
Իզնատիոս Փափազեան  
Ազարիա Օրմանեան

(Տեղեկադիր Հայրենակցական Միութեանց , Կ. Պ. 1921, էջ 14) :

\*

## ՓՈՒՔՐ ԱՐՄՏԱՆ

### 1. ԲԱՐԵՍԻՐԱՅ ԸՆԿԵՐՈՒԹԻՒՆ (1885)

Կազմուած է 1885ի սկիզբները՝ նպատակ ունենալով «Ի հարկին տեղւոյն աղքատ ժողովրդեան կառավարական տուրքերը վճարել, երկրադործական մեքենաներ հայթայթել» (Հայրենիք, 1885 թ. 2048 Յուլիս 3) :

### 2. ԿՐԹԱՍԻՐԱՅ ՄԻՈՒԹԻՒՆ (1910)

1910ի սկիզբները հիմնուած է (Ժամանակ, 1910 թ. 658) : Մանրամասնութիւն կը պահուի :

Պատմ. Հայ Մշակ.



3. ՄԵՍՐՈՊԵԱՆ ԿՐԹԱՍԻՐԱՅ ՄԻՈՒԹԻԻՆ (1911)

Կազմուած է 1911ի վերջը : Թերեւս  
միայնակ է նախորդին (Ժամանակ, 1912 թ.  
999) : Ծանօթութիւն կը պակսի :

\*

## ՄՆՁՈՒՐ (ԳՈՒՐՈՒՉԱՅ)

ԹԵՂՈՒՏ ԵՒ ԱՊՈՒՇՏԱ ԳԻՒՂԵՐ

1. ՅԱՌԱՋԳԻՄԱԿԱՆ ՄԻՈՒԹԻԻՆ (1913)

Հիմնուած է 1913ի վերջը (Ժամանակ,  
1914 թ. 1682) : Անծանօթ է նպատակը եւ  
դործը :

\*

## ԳԵՐՋԱՆ

### ՂՈՒՐԸԶՕԼ ԳԻՒՂ

1. ԸՆԹԵՐՅԱՍԻՐԱՅ ԸՆԿԵՐՈՒԹԻՆ (1879)

Հիմնադիրները 12 հոգի են : Նպատակն  
է . «Ընթերցասիրութիւնը ծաւալել զիւղին  
մէջ» : Ատենապետն է Նազարէք Գրիգորեան,  
Ատենադպիրը՝ Մկրտիչ Տէր Մանուկեան  
(Հայրենիք, 1880 թ. 591, Փետր. 2) :

### ԳՈՒՆԻԿ ԳԻՒՂ

1. ԳՊՐՈՅԱՍԻՐԱՅ ԸՆԿԵՐՈՒԹԻՆ (1879—1880)

Կը թուի թէ հիմնուած է 1879ի վերջերը  
կամ 1880ի սկիզբը : Ընկերութեան տեղեկա-



դիրը Պատրիարքարան ղրկուած է 1880 Մեպտ . 30ին (Հայրենիք , 1880 թ . 631) :

## 2. ԴԵՐՋԱՆԻ ԿՐԹԱՍԻՐԱՅ ՄԻՈՒԹԻՒՆ (1911)

Ամերիկա գաղթած Դերջանցիք կը կազմեն 1911 Օգոստոս 13ին : Նպատակն է . «Ձեռնարկել դպրոցի մը շինութեան գործին Դերջանի յարմար գիւղերէն մէկուն մէջ , կրթելու համար այդ գաւառին որք ու անտէր մանուկները ձրիաբար» (Ազատամարտ , 1911 թ . 718) : Ընկերութիւնը առաջին օրէն կը հաւաքէ 320 դուլար : Մեզի անծանօթ կը մնայ արդիւնքը :

## ԲԱՅԵՐԴ

### 1. ԿՐԹԱԿԱՆ ԸՆԿԵՐՈՒԹԻՒՆ (1880)

Անգլերանիկ Տնօրէն Ժողովը կը դըժ . «Ընկերութիւնս 1880 Օգոստոս 1 թուականին հաստատուած է . իւր տուրքն մէկ քառորդ մէճիս դրամագլուխ եւ իւրաքանչիւր շաբաթուոյ համար ալ մէկ արծաթ դուրուշ : Ընկերութեանս նպատակն է իւր այս հասոյթովն Ընթերցարան մը հաստատել , որ պիտի բաղկանայ տղային եւ օտար լրագիրներէ եւ ընկերաց եւ ամեն կարգի տղայնոց կրթութեանն օգնող դրքերէ : Ընկերութեանս կողմանէ կը բացուի ամէն Կիւրակէ օր քաղաքիս Մեսրոպեան վարժարանն , որոյ յարկերէն միոյն մէջ դումարուելով , ամեն ընկերք եւ



փափաքող ազգայինք կը կարդան . . . Յիշեալ  
օրերն ուսեալ ընկերաց կողմանէ զբեւոյժ,  
կարդալու, եւ այլն ուսմանց զասեր կ'աւան-  
դուին . . . Ընկերութիւնս առ այժմ 40 անդամ  
ունի . . .

Տնօրէն Ժողով Կրթական Ընկերութեան  
Բարերգու  
Ատենադպիր Ատենապետ

Մկրտիչ Պոյաճեան Յովակիմ Յարութիւնեան  
(Մասիս, 1880 թ. 2766) :

1880 Նոյ. 30ի Թղթակցութեան մէջ  
Ընկերութեանս անունը վերածուած է «Կրթ-  
քասէր»ի. Փոխ-Ատենապետն է Մարտիրոս  
Դերձակեան եւ Փոխ-Ատենադպիր՝ Ասատուր  
Մուքաֆեան (Մասիս, 1880 թ. 2783) : Ընդհ.  
Ժողովի Ատենապետն է Հ. Վարդիկեան  
(Մասիս, 1881 թ. 3029 : — Տես Փունջ 1891  
թ. 2252) :

## 2. ԸՆԹԵՐՅԱՍԻՐԱՅ ԸՆԿԵՐՈՒԹԻՒՆ (1882)

Հիմնուած կ'երեւայ 1882ին : Իսկ 1892ին  
կ'ըսուի. «Թերի եւ անհաշիւ կնքեց իր մահ-  
կանացուն» (Հայրենիք, 1892 թ. 334) :

## 3. ԱՂՔԱՏԱԽՆԱՄ ՅԱՆՁՆԱԽՈՒՄԲ (1892)

Կազմուած է 1892ի սկիզբները, բայց  
պաշտօնական ձեւ ստացած է աշնան : Դիւա-  
նը կը կազմեն.

Գալուստ Մատենճեան Ատենապետ



Աստուածատուր Մութաֆեան

Ատենադպիր

Համբարձում Ղազարեան Գանձապետ

Բարթող Շահտանեան Անդամ

Պետրոս Ղումրիեան Անդամ

(Հայրենիք, 1892 թ. 334) :

Նպատակն է քաղաքին մէջ 70-75 աղքատներուն օժանդակել եւ եթէ կարելի է՝ կալուած մը զնել ի հաշիւ աղքատներու (Հայրենիք, անդ) :

4. ԸՆԹԵՐՅԱՍԻՐԱՅ ՄԻՈՒԹԻԻՆ (1908)

1908 Յուլիս - Օգոստոսին հիմնուած է Հոկա. 5ին ունի արդէն իր Գրադարան-Ընթերցարանը (Սուրհանդակ, Կ. Պ. 1908 թ. 115) : Դիւանը կը կազմեն .

Զ. Պ. Այվազեան Ատենապետ

Գ. Պոյաճեան Ատենադպիր

Սեդրակ Մինասեան Ընկերութեան կը նուիրէ 84 դիրք եւ պարբերականներու հաւաքածոներ (Յառաջ, Կարին 1909 թ. 38) : — 1910ին Վարչութեան անդամներն են .

Ս. Պալեան Ատենապետ

Մ. Սողիկեան Ատենադպիր

(Ժամանակ, 1910 թ. 519) :

5. ՇԱՀԱԿՅԱԿԱՆ ԸՆԿԵՐՈՒԹԻՒՆ (1910)

Հիմնադիրներն 9 հոգի եղած են — փոքր առեւտրականներ հիւսուածեղէնի : Ունեցած



են ներքին Կանոնադիր : Հակառակ խոչընդոտներու՝ կը շարունակեն մինչեւ 1913, բարձրացնելով իրենց դրամագլուխը 405 տակիրի : 1913ին նոր աշխուժով գործի կ'անցնին՝ Ընկերութեան վարչութեան կոչելով Գրիգոր Ղուգեան (Յառաջ, 1913 թ. 65) :

Չենք գիտեր թէ կրթական գործի հայոց որեւէ յօդուած մը չունէ՞ր իրենց Կանոնադիրը :

6. ՀԱՅՐԵՆԱԿՅԱԿԱՆ ՄԻՈՒԹԻԻՆ (1921)

Կազմուած է Պոլիս 1921 Սեպտեմբերին (Ժողովուրդի Չայնը, 1921 թ. 900, 948) :

\* \*

## ԿԱՄԱԽ

Հին Անի, յետոյ Կամախս ու Քեմախս կոչուած Հայաստանի կենդրոնական քաղաքը դուրկ է եին մշակութային Ընկերութիւններէ : Կրթական կեանքը շատ ուշ արթնցած է հոն : Ահա մեր հաւաքած դոյզն տեղեկութիւնը Կամախի եւ Գիւղերու մշակութային Ընկերութիւններու մասին .

## ՎԱՐԻ ԲԱԳԱՌԻՃ ԳԻՒՂ

1. ԲԱՐԵՍԻՐԱԿԱՆ ԸՆԿԵՐՈՒԹԻՒՆ (1908—1909)

Հիմնուած կ'երեւայ 1908ին վերջը կամ 1909ի սկիզբները : Առաջին անգամ կը յիշուի 1909 Օգոստոսին, երբ կարող է 540 դուրու-



չով օգնութեան հասնիլ Ատանայի աղետեալներուն (Ժամանակ, Կ. Պ. 1909 թ. 255) :  
— Կը կոչուի նաեւ «Բարեսիրաց» Ընկերութիւն, որ 1911ին թատերական ներկայացումներ կու տայ (Ազատամարտ, Կ. Պ. 1911 թ. 526 Մարտ) :

Վարի Բազումիճցի Պր. վահան Գուրտեան (Բելգրադ [Եռզոսլաւիա]) կը գրէ որ այս Ընկերութեան հիմնադիր եղած է Գէորգ Գուրտեան, նախառակ ունենալով. Գիւղի նորահաս երիտասարդութեան նախատել լոյսով, զայն մղել ինքնադիտակցութեան : Կը ստանար Պոլսէն այլ եւ այլ լրագիրներ, ունէր Գրադարան, ուր հաւաքուած դիւղացիները, յատկապէս ձմեռ ժամանակ, կը կարդային լրագիրներ եւ կը հաղորդէին առնոց բովանդակութիւնը ուրիշներուն ալ» :

## 2. ԴԱՐԱՆԱՂԵԱՅ ԲԱՐԵԳՈՐԾԱԿԱՆ ՄԻՈՒԹԻՒՆ (1919)

Կազմուած է Պոլիս 1919 Մարտ 24ին, ունենալով շրջանակ՝ Քէմալս եւ 14 դիւղեր (Տեղեկագիր Հայրենակցական Միութեանց, Կ. Պ. 1921, էջ 4 : — Ժամանակ, Կ. Պ. 1919 թ. 3517) :

Առժամեայ Դիւանը կը կազմեն. Գրիգոր Վարդանեան, Պօղոս Ծառուկեան, Գրիգոր Պոլոյեան, Ստեփան Աղամեան, Հմայեակ Ծառուկեան, Սուքիաս Գալուստեան, Յակոբ Մարկոսեան (Տեղեկագիր, անդ, էջ 13) :



Միութիւնը մասնաճիւղեր կ'ունենայ Սելանիկ (Յունաստան), Բելգրադ (Եռագոսլաւիա), Սոֆիա (Բուլղարիա) եւ Կոստանդին (Ալճերիա) :

### 3. ԱՆԻ-ԱՄՐՈՅ ԳԱԽԱՌԻ «ՍԵՊՈՒՀ» ՄԻՈՒԹԻԻՆ (1919)

Այս է հասարակաց տիտղոսը Ալճերիոյ, Բուլղարիոյ, Յունաստանի եւ Եռագոսլաւիոյ մէջ 1919ին կազմուած Կամախոյիներու Ընկերութիւններուն : Իր Կանոնագիրը՝ նոյն այդ խորագրով՝ տպուած է Սոֆիա 1919ին եւ ունի 24 կէտեր կամ Յօդուածներ : Ահա Միութեան նպատակը .

«Սեպուի» Միութեան նպատակն է հետամտիլ բոլոր հնարաւոր միջոցներով նոյն այդ գաւառի . . . Գիւղերուն վերաշինութեան ու վերածաղկումի նուիրական աշխատանքին (Անդ, էջ 3) :

Միութիւնը «Ամէն ջանք ի դորձ տիրի դնէ տակաւին բոնութեան տակ գտնուող կիներ, երեխաներ եւ որբեր Միութեան դիրքը վերադարձնելու» (Յօդուած 1) . «Սոֆիա կ'ըլլայ Միութեան առժամեայ կեդրոնը» (Յօդուած 13) . «Միութեան անդամակցողը պարտաւոր է . . . վճարել ամիսը 3 Փրանք բաժնեդին» (Յօդուած 22) :

### 4. ՀԱՅ ԲԱՐԵԳՈՐԾԱԿԱՆ ՄԻՈՒԹԻԻՆ (1935)

Բելգրադի մէջ կազմուած այս Միութիւնը լաւ դործունէութիւն կ'ունենայ : Կը յաջողի



ձեռք բերել 75,000 դինարի դրամար մը, զոր  
կը դնէ պետական դրամատունը: Զանազան  
պարագաներ սակայն Միութիւնը անդործու-  
թեան կը դատապարտեն ու ի վերջոյ կը  
դադրի:

1936ին նոր դարկ մը կը ստանայ մեծա-  
մասնութեամբ Կամախցիներէ կաղմուած  
Եռլոսլաւիոյ եւ մասնաւորապէս Բելգրադի  
Հայութիւնը՝ կաղմելով նոր մշակութային  
Միութիւն մը նախաձեռնութեամբ Կամախի  
Վարի Բաղառիճցի Վահան Գուրտեանի եւ  
Յարութիւն Պաղտասարեանի: Միութեան  
անունը կը դրուի «Հայ Բարեգործական  
Միութիւն»: Դրամատունը դրուած 75,000  
դինարը դրամատունէն հանելով՝ վրան կ'ա-  
ւելցնեն մաս մը եւս դրամ, հաւաքուած նոր  
Միութեան անդամավճարներէն եւ այդ դու-  
մարով Բելգրադի մէջ կը դնէ Միութիւնը  
սեպհական շէնք մը, որ կ'ըլլայ միանգա-  
մայն հաւաքատեղի անդամներուն ու Հայ  
դադութին: Գահիրէի Յուսաբերը կը գրէ  
1936 Փետր. 8ին,

«Վերջերս հայ դադութը հաւաքուելով  
հիմը դրեր են Պելկրատի մէջ Մշակութային  
Բարեգործական Միութեան մը: Եռլոսլա-  
ւիոյ փոքրիկ հայ դադութին մէջ մեծ խան-  
դավառութիւն ստեղծած է այս ձեռնարկը:  
Հաւաքայթին ներկայ թղոզ 50 հայրենակից-  
ները անմիջապէս ընտրած են առժամեայ  
Վարչութիւն մը եւ... ընդունած են պատ-



բաստումած Ծրագիրը : Առաջին առթիւ պիտի աշխատի ունենալ Գրադարան մը . հոգ կտանիլ զաւակներու կրթութեան եւ օգնել կարիքաւոր հայրենակցիներուն» (Յուսարէր, 1936 թ. 264, Փետր. 8) :

Ներկայիս այդ քաղաքին տունը կը պահէ իր դոյութիւնը, իսկ Միութիւնը—անդամներու մահով ու արտասահման մեկնումով — գրեթէ քայքայուած է :

## ՄԱԼԱԹԻԱ

### 1. ՀԱՅՐԵՆԱՍԻՐԱՅ ԸՆԿԵՐՈՒԹԻՒՆ (1861)

Պոլսոյ Մասիս (1861 թ. 500) 1861 Սեպտ. 6ին կը գրէ իր «Խառն լուրեր» սրտին մէջ. «Ուրախութեամբ սրտի կը լսենք թէ Մալաթիացի ուսումնասէր Տէր Պօղոս Բահանայն, որ Գումդափուրի Դրսի աղջկանց դպրոցին զաստիարակն է, քաղաքս դանուող իւր հայրենակից եղբարց մէջ «Հայրենասիրաց Ընկերութիւն» անուամբ Ընկերութիւն մ'է հաստատեր Մալաթիա Բաղադին մէջ մանչ եւ աղջիկ տղոց դպրոց մը հաստատելու նպատակաւ» :

«Սկսնակ Բանասէր» եւս կը յիշէ (Տե՛ս Արեւելիք, Կ. Պ. 1898 թ. 3854) 1861ին հիմնումը Մալաթիոյ Ընկերութիւն մը — անանուն — որ նպատակ ունեցած է «Բաղադին մէջ Ընթերցարան բանալու եւ ուսման նաշակը տարածելու» : Արդեօք ասիկա նոյն չէ՞<sup>6</sup>



«Մասիս»-ի յիշատակած Ընկերութեան հետ :  
Մեր կարծիքով «Սկսնակին» յիշատակածը  
Մասիսի յիշած Ընկերութիւնն է :

2. «ԱՍՏՂԻԿ» ԸՆԿԵՐՈՒԹԻՒՆ (1872)

«Աստղիկ» Ընկերութիւնը հաստատուած  
է 1881էն 8-9 տարի առաջ (Մասիս, Կ. Պ. 1881 թ. 2802) եւ 1882էն 10 տարի առաջ  
(Մասիս, 1882 թ. 3245) :

Մասիսի մէջ թղթակից մը 1882 Յուլի-  
սին հետեւեալ հետաքրքրական մանրամաս-  
նութիւններով կը տեղեկագրէ Մալաթիայէն .  
«Աստղիկ» Ընկերութիւնը կազմուած է 10  
տարի առաջ, քանիցս իւր կենաց սպառնացող  
հարուածներ ընդունած՝ բայց միշտ կենդա-  
նի մնալէ զատ՝ այսօր, համեմատօրէն, հա-  
խանձելի դիրք մ'եւս առած է շնորհիւ իւր  
մի քանի անդամոց՝ որք նշմարիտ ազգասի-  
րական եւ անձնութրական եռանդեամբ  
միշտ անոր վերքերը դարմանած եւ իրենց  
բազկաց մէջ սնուցած ու պահպանած են :  
Այս Ընկերութեան նախատակն է քաղփս Ս-  
երրորդութեան եկեղեցւոյ բազմաւայ քաղիւն  
մէջ վարժարան մ'եւ Ընթերցարան մը բանալ :  
Կիրականօրեայ Ընթերցարանն գրեթէ ի սկըզ-  
բանէ ունէր, բայց վարժարանը բացաւ ասկէ  
8 ամիս առաջ . հիմա ունի 60 աշակերտ եւ 2  
գասաատու : Այս դպրոցին մէջ կ'աւանդուին  
Միացեալ Ընկերութեան նախակրթարանի  
դասերն եւ տաճկերէն : Հետզհետէ ուրիշ կա-



րեւոր գասեր եւս պիտի աւանդուին : Ընկերութեան կիրականօրեայ Ընթերցարանի գործը անընդհատ ըստ կարելւոյն օգտակար կերպիւ կը շարունակուի : Ունկնդիրք կը յաճախեն , բայց ամսուան պարագաները տարբերութիւն դրին ունկնդրաց թուոյն մէջ : Չմեռա 500է աւելի ունկնդիրք իրարու վրայ դիզուած 2-3 ժամ ընթերցուածոց եւ ատենախօսութեանց ունկն կը գնէին» (Մասիս , 1882 թ . 3247) :

### 3. ԱՆՁՆՈՒԷՐ ԸՆԿԵՐՈՒԹԻՒՆ (1872—1873)

Կազմուած է Պոլսոյ մէջ 1860ին հիմնուած նմոյշին վրայէն : Հիմնումի թուական կը համարինք 1872-3ը : Մասիս է որ մեղի կուտան մը կու տայ ճշգելու խոյս Ընկերութեան հիմնումի քուականը : Մասիս 1881ին կը յիշէ Մալաթիոյ մէջ երեք անանուն Ընկերութիւններ , որոնք հաստատուած են , կ'ըսէ , «8-9 տարիէ ի վեր ի նպաստ դպրոցաց» (Մասիս , 1881 թ . 2802) , իսկ 1882 Յուլիսին ալ կը յիշէ «Անճնուէր»ը իբրեւ հին եւ «մեղադրելի անգործութեան դատապարտուած» Ընկերութիւն : Մասիս կը գրէ բառ առ բառ . «Մէլիտինէի Լուսաւորչական Հայք ունին երկու Ընկերութիւն՝ «Աստղիկ» եւ «Անճնուէր» : Խիստ ցաւալի է տեսնել որ Անճնուէր Ընկերութիւնն այսօր 10,000 ղուրուշի նիւթական կարողութիւն ունենալով՝ մեղադրելի անգործութեան դատապարտուած է . յո-



ռեալէսք ոմանք մեռած կը համարին զայն ,  
իսկ ոմանք պարսաւելի ծանր քնով մը քնա-  
ցած եւ այո՛ , դգուշաւոր ցնդում մը կը բաւէ ,  
բոտ իս , զայն յարուցանելու» (Մասիս , 1882  
թ . 3247) :

Ուրեմն՝ 1881էն 8-9 տարին հանելով կը  
դանենք «Անճնուէր»ի հիմնումի տարին , այն  
է 1872-3 :

1882ին շարժում մը տեղի կ'ունենայ .  
կ'ընտրուի նոր Գործադիր Ժողով մը (Մա-  
սիս , 1882 թ . 3333) :

1885ին Թղթակից մը Մալաթիայէն կը  
դրէ . «Մեծ յոյս կայ որ Անճնուէր Ընկերու-  
թիւնն քիչ մը ժամանակ յետոյ պիտի ստա-  
նայ դարձեալ իւր նախկին փայլուն վիճակն  
եւ ապա ձեռնարկէ իւր օգտաւէտ նպատա-  
կին , վարժարանաց նիւթապէս օգնել» (Արե-  
ւելք , Կ . Պ . 1885 թ . 428) : Այդ յոյսը ի դերեւ  
ելած է , սակայն , յաջորդ տարի դադրելով  
Ընկերութիւնը : «Դպրոցական նշոյլ կը տես-  
նուէր Աստղիկ եւ Անճնուէր Ընկերութեանց  
Ժամանակ . անցեալ տարի երկուքն ալ իրենց  
մահկանացուն կնքելով՝ դպրոցին կեանքն  
ալ մէկտեղ տարին» , կը դրէ Թղթակից մը  
(Արեւելք , 1887 թ . 1114) :

«Աստղիկ»ի բացած դպրոցի տնօրէնն է ,  
1882ին , Աւետիս Խորասանեան (Մասիս ,  
անդ՝ թ . 3306) : Իսկ շէնքը՝ «վարձեալ ըն-  
դարձակ վերնայարկ մի , որ է հովասուն ,  
լուսաւոր եւ վայելչագիր : Հոս աշակերտք



կիսով չափ գրասեղան ունին եւ աշխարհացոյցներ (Մասիս, անդ, թ. 3333) :

Պալատի թերնէմանը էփեար (1881 թ. 1314) *կը գրէ որ «Մալաթիոյ «Աստղիկի Փոփունի Հայոց» Ընկերութիւնը դպրոց մը բացած է, ուր հայերէն, տաճկերէն եւ ուրիշ ուսումներ տրտի աւանդէ» :*

#### 4. ՆԵՐՍԷՍԵԱՆ ԸՆԿԵՐՈՒԹԻՒՆ (1872—1873)

1884ին անցորդ մը Մալաթիոյ մէջ կը գտնէ «երեք կրթական Ընկերութիւններ», որոնք «գերեզմանի կարօտ վիճակի մ'ենթարկուած են» (Մասիս, 1884 թ. 3629) : Ատոնցմէ երկուքը անապատայոյ «Աստղիկ»ն ու «Անճնուէրն են, բայց երկրորդը : Մեզ կը թուի թէ «Ներսէսեան Ընկերութիւն»ն է, որ ըստ Մասիսի (1881 թ. 2802) «8-9 տարիէ ի վեր հաստատուած է», այն է՝ 1872-3 :

«Ներսէսեան»ի մասին մեր այս կարծիքը աւելի կ'ամրաճայ, երբ նկատի կ'առնենք այն պարագան որ 1887ին այս Ընկերութիւնն ալ խոնջ ու պարտաւած կը ներկայանայ : Արեւելի կը գրէ. «...Ներսէսեան Ընկերութիւնն ալ կիսամեռ կ'ազնվարի, այսօր կամ վաղը անոր ալ դամբանականը կը կարգացուի» (Արեւելի, 1887 թ. 1114) :

#### 5. ԿՐԹԱՍԻՐԱՅ ԸՆԿԵՐՈՒԹԻՒՆ (1880)

1880ին խուճբ մը Մալաթիացիներ Ընկերութիւն մը կազմելու համար կը համաձայնին մուտքի դրամ վճարել մէկ մէճիտ եւ



չարաթական մէկ զրուշ : Նորակազմ Միութիւնը 15 օսկի դոյացնելէ յետոյ՝ 1886ին դպրոց մը կը բանայ եւ Յակոբ Յովնանեանի թելադրութեամբ դպրոցի բացման նախօրեակին Միութեան անուներ կը դնեն «Կրթասիրաց Ընկերութիւն» ու բացուած դպրոցն ալ կը կոչուի «Կրթասիրաց վարժարան» : Ընկերութիւնը ո՛չ Կանոնադիր ունեցած է եւ ոչ ալ կանոնաւոր տոմար : Մնայուն Գանձապահն եղած է Աւագ Կէմալագեան եւ իր հովանաւորած վարժարանը իրեն զոյու-թիւնը մինչեւ 1895ի կոտորածը պահած է (Տե՛ս Պապ Ուխտի, 1942 թ. 4, էջ 12-13) :

Որքան կ'երեւայ՝ կոտորածէն վերջ վերակազմուած է Ընկերութիւնը, գուցէ 1908ի ադատութեան օրերուն, զի 1909ին ունեցած է իր յատուկ գիշերային վարժարանը (Ազատամարտ, 1910 թ. 176) :

#### Ե. ԳԱՅԻԱՆԵԱՆՅ ԽՆԱՄԱԿԱԼՈՒՀԻՆԵՐՈՒ ԸՆԿԵ- ՐՈՒԹԻՒՆ (1884)

Հաւանօրէն 1884ի դարնան հիմնուած է «Գայիանեանց Խնամակալութիւն» մը, որ գուցէ կը կրէր նաեւ սա տիտղոսը. «Գայիանեանց Խնամակալութիւններու Ընկերութիւն», որ 1884 Ապրիլին իր պաշտպանութեան տակ ունէր «Գայիանեանց Օրիորդաց վարժարան» մը :

Խարբերդէն ուղեւոր մը 1884 Մարտին Մալաթիա հանդիպած ըլլալով՝ զրած էր թէ Մալաթիա քաղաքը աղջկանց վարժարանէ



գուրկ է: Արդ, Մալաթիացի մը Ապրիլին սրտասխանելով անոր՝ կը գրէ. «Կ'ըսէ «Աղ- ջըկանց վարժարան չունին»: Թերեւեւ Խարբերդէն ի Մէլիաինէ տեսած չէ յանուն Գայիանեանց Խնամակալութեան հաստա- տած Օրիորդաց վարժարանն... Հոս չենք մոռնար յիշեալ Օրիորդաց վարժարանի Խնա- մակալութի ազնուաշուք Տիկնանց փոյթն ու ջանքը դովարանել, դորս տեսանողն երբեք չկրնար թերահաւատիլ մի պայծառ եւ փայ- լուն աղագոյի վրայ, վասն որոյ ի սլաէ յա- ջողութիւն եւ յարատեւութիւն մաղթելով հանդերձ, ազնիւ ուղեւորին ալ ուրախու- թեամբ կ'աւետենք աղջկանց վարժարանի մը գոյութիւնը» (Մասիս, 1884 Թ. 3663):

7. ԸՆԹԵՐՑԱՍԻՐԱՅ ՍԱՆՈՒՅ ԸՆԿԵՐՈՒԹԻՒՆ  
(1884—1885)

Կազմուած կը թուի ըլլալ 1884ի վերջերը կամ 1885ի սկիզբը: 1885 Յունիսին «Նորա- կազմ» է եւ 5 — 6 տեօակ լրագիրներով կը սնուցանէ իւր ընթերցասէր սանունքը (Արեւելիք, 1885 Թ. 428): 1908ին վերակազ- մուած ըլլալով՝ կը շարունակէ իր գոյու- թիւնը 1909ին ալ (Հմմտ. Արեւելիք, 1909 Թ. 7069):

8. ԿՐԹԱՍԻՐԱՅ ԵՐԻՏԱՍԱՐԴԱԿԱՆ ԸՆԿԵՐՈՒԹԻՒՆ  
— (1886)

Հիմնուած է 1886 Յունուար 1ին: Նաղա- տակն է. «Կրթութիւն արուել Հայ երիտա-



սարգութեան մէջ եւ կրօնական, աղլային թերթեր եւ գրեանք բերել տալով կարգալ: Այժմ ունի մի մատենադարան եւ 80ի չափ գրեանք: Անդամոց թիւը 40 եւ հետզհետէ շտանայու վրայ է» (Արեւելք, 1888 թ. 1114):

9. «ԾԻԱԾԱՆ ՄԱԼԱԹԻՈՅ» ԸՆԿԵՐՈՒԹԻՒՆ (1890)

Կազմուած է Ուստրի (Ամերիկա) մէջ 1890ին: Իր Ծրագիրն եղած է Մալաթիոյ մէջ եղած գաղտցներուն օգնել (Պապ-Ուխտի, 1936, թ. 2 էջ 14): Դժբախտաբար երկար կեանք չ'ունենար:

10. ՄԱԼԱԹԻՈՅ ԿՐԹԱՍԻՐԱՅ ԸՆԿԵՐՈՒԹԻՒՆ (1904)

Ամերիկաբնակ Մալաթիացիներ հիմնած են Ֆիլադելֆիոյ մէջ 1904ին նապատակ ունենալով. «Երկրի մէջ գոյութիւն ունեցող գաղտցներէն աւելի բարձր ազգ. վարժարան մը հիմնել» (Պապ - Ուխտի, 1936 թ. 4 էջ 14):

Ընկերութիւնը հիմնելու սկզբնական փորձերը եղած են Ուստրի, Ֆիլադելֆիոյ եւ Նիւ Եորկի մէջ արդէն 1892ին եւ յետոյ 1898ին եւնոյն իսկ ընտրութիւն կատարուած է Ընկերութեան անուան՝ կոչելու զայն «Ծիածան Մէլիտինէի»: Բայց վերջնական ձեւ ստանալէ առաջ՝ կազմալուծուած է (Պապ-Ուխտի, 1954 թ. 67):

1907ին կը վաւերացուի «Կրթասիրաց»ը Նիւ Եորկ նահանգի կառավարութեան կողմէ



եւ այդ թուականին կը գնեն 11,500 գոլար-  
նոց շէնք մը Ուէստ Հորոկընի մէջ: Ամերի-  
կայի դանադան քաղաքներու մէջ կը կադ-  
մուին մասնաճիւղեր: 1912 - 13էն վերջ  
ջանքեր կ'ընէ հայրենի հողին վրայ կանգնել  
գալրոցի շէնքը, բայց դեռ դործի ձեռք  
չդարկած՝ վրայ կը հասնի Ա. Համաշխար-  
հային պատերազմը: 1916ին հիմ. կը գնեն  
վերաշինութեան փոնդի մը անջատ՝ Կրթա-  
սիրացի դանձէն: 1918էն սկսած ձեռք կը  
կարկառէ Ընկերութիւնը վերապրող հայրե-  
նակիցներուն. 2000 գոլար կը յատկացնէ  
կամաւորական շարժումին. 1918-9ին 25,000  
գոլար՝ Մալաթիայ մէջ հաւաքուող հայրե-  
նակիցներուն: 1920ին Ուսարի մէջ գումա-  
րուած պատգմ. ժողովը կ'որոշէ 50,000  
գոլար արժողութեամբ շէնք մը գնել Կրթա-  
սիրացի համար. կը ծախեն նախկին շէնքը  
15,000 գոլարի եւ վրան աւելցնելով՝ Նիւ  
էորկի մէջ կը գնեն 53,000 գոլար արժող  
շէնք մը: Այս շէնքը տարեկան վարձք կը  
րերէ 11,600 գոլար:

Կրթասիրացը Բէյրութի մէջ շինած է  
շէնք մը, ուր ապաստան գտած են վերապ-  
րող Մալաթիացիներ, որոնց հետ 15 որ-  
բուհիներ եւ կը հողացուն Կրթասիրացի  
միջոցներով: Հալէպի մէջ Ընկերութիւնը  
աւելի պատասպարան եւ դպրոց:

Կրթասիրացի գլխաւոր արդիւնքներէն  
մին կ'ըլլայ ներկայ փոքրիկ Հայաստանի մէջ



հիմնուածը Նոր Մալաթիայի, հոն ամփոփելու ամէն կողմ ցրուած հայրենակիցները: Գաղափարը ծագում կ'առնէ 1924ին՝ 21րդ Պատգամաւորական ժողովքին մէջ. 1926ին Կրթասիրացի կողմէ կը դրկուի Հայաստան Զովհաննէս Խանցեան՝ տեղւոյն վրայ ընելու համար հարկ եղած կարգադրութիւնը (Տէ'ս այս ամէնուն մասին՝ Յ. Խաչմանեան, Ամերիկահայ Հանրագիտակ. 1925, էջ 476-80: Նարդուհի. Յ. Նարինեան, Ակնարկ մը Մալաթիոյ Կրթասիրաց Ընկերութեան վրայ. Հալէպ 1926): Սկզբնական աշխատանքները կը տեւեն երկու տարի եւ վերջապէս 1928 Սեպտ. 27ին հիմը կը դրուի Նոր Մալաթիա աւանին ներկայ Հայաստանի մէջ: Ընկերութիւնը «այդ նպատակին եւ յարակից միջոցներու հայթաթման համար, տարիներու ընթացքին յատկացուցած է աւելի քան 150,000 տոլար» (Պապ-Ուխտի, 1954 թ. 67, էջ 2: — Նոր Մալաթիա, Ֆիլադելֆիա 1952-3 թ. 1-2, էջ 56):

Դժբախտաբար միութեան զօդը անքակ չի մնար յետադային անդամներու եւ համաքաղաքացիներուն միջեւ. Ընկերութիւնը երկուքի կը ճեղքուի՝ իւրաքանչիւրը ունենալով իր սեպհական Պարբերաթերթը — Պապ-Ուխտի եւ Նոր-Մալաթիա: Միութեան փորձեր եւ յորդորներ՝ հայրենակից եւ չէզոք անձերու կողմէ՝ ի դուր կ'անցնին: Երկու ճիւղերն ալ կը շարունակեն պահել



մինչև այսօր իրենց ուրոյն դոյութիւնը եւ  
կը ձգտին դրել Մալաթիոյ Յուշամատեանը  
— դատ դատ : Ընկերութիւնը իր 50ամեակը  
տօնեց 1953ին (Տե՛ս Մասիս, Բէյրութ 1953  
թ. 28, էջ 6) :— Ընկերութիւնը ունեցած է  
մասնաճիւղ մը Անն Շամուն (Փրանսա) 1924-  
էն ի վեր, որ կ'ունենայ Ընթերցատուն,  
Գրադարան եւ կու տայ ներկայացում  
(Յառաջ, Փարիզ 1926 թ. 168 :— Կրթասի-  
րացի մասին տե՛ս Հայրենիք, Պոսթոն 1958  
թ. 14,088) :

#### 11. «ՄԱՍԵԱՅ» ԸՆԿԵՐՈՒԹԻՒՆ (1907)

Մալաթիոյ «Մասեագ» Ընկերութիւնը  
հիմնուած է ըստ Արեւելի՛ 1908ի Սահմա-  
նադրութեան հռչակումէն անմիջապէս վերջ  
(Արեւելք, 1909 թ. 7069) : Ընկերութեան  
հիմնումը եղած է սակայն 1907ին առանց  
հրապարակուելու : 1908 Յունուար 20ին  
սկսած է հրատարակել «Ջահ» անունով  
խմորատիպ պարբերական մը, (Թէոդիկ,  
Ամէնուն Տարեցոյցը, 1910, էջ 14) : Չենք  
տեսած «Ջահը», չունենալով մեր հաւաքա-  
ծոյին մէջ : 1909ի Մարտ-Ապրիլին Մալա-  
թիա եղած տան տեսած է թերթս Բարսեղ  
Շահպատկ եւ կը գրէ. «...Քանի որ սկսած  
են նոյնիսկ հրատարակութեանը տեղական  
թերթի մը «Ջահ», որ թէեւ խմորատիպ,  
բայց յամենայն դէպս իր բովանդակութեամբ  
շատ աւելի բարձր եւ ներկայանալի է քան



Սերաստիոյ «Անդրանիկ»ը . բայց ի՛նչ բռն , ի՛նչ կրնան ընել ասոնք ալ երբ ամէն մէկ պահանջի իրականացում իր հետ կը քաշէ նիւթական մեծ զոհողութիւններ , ինչ որ ընելու ոյժը չկայ սոված ժողովուրդին քով» (Արեւելք , 1909 թ . 7069) :

1909ի սկիզբը կը բանայ Ընկերութիւնը Լսարան մը , քիչ յետոյ կ'ունենայ Մատենադարան մը , որ «մի տեսակ օգնութեան աղբիւր» (Ազատամարտ , 1909 թ . 89) կ'ըլլայ Մալաթիոյ ուսումնականութեան համար : 1909ի վերջերը կը բանայ նաեւ գիշերային վարժարան մը 50 աշակերտով , ուր կ'ուսուցուին հայերէն , թրքերէն , ֆրանսերէն , անգլիերէն եւ աշխարհագրութիւն (Ազատամարտ , 1910 թ . 176) : 1910ին Ընկերութիւնը կրթական գործին կը յատկացնէ 51 սակի (Անդ , թ . 215) :

Ստեփան Մանուշեան՝ հիմնադիրներէն մին՝ ասանց անունը տալու Ընկերութեանս (զուցէ մոռցած է) տարիներ վերջ կը գրէ . «1907ին Մալաթիոյ մէջ հիմնուեցաւ կրթական ընկերութիւն մը հետեւեալ անհատներէ . Յ . Թաշճեան , Մ . Չէքէմեան , Լ . Գաւուզճեան , Կ . Խալիկեան , Ս . Մանուշեան , Վ . Տ . Դաւիթեան եւ Ն . Ալաճաեան : Ընկերութեան նպատակն էր — պատանիներու եւ երիտասարդներու բարոյական մակարդակը բարձր պահել , զարդանալ եւ զարգացնել : Հրատարակեցին շաբաթաբերթ մը , (ձեռագիր)



խմբադրութեամբ Ս . Մանուշեանի . իւրաքանչիւր անգամ պարտական էր առնուադնումիւր անգամ մը գրութիւն մ'աւնենայ : Ծածկանունի գրութիւնը հաստատուած էր . . . Ամէն Կիրակի գաղտնի ժողովներ կ'անենայինք թէ՛ տուներու եւ թէ այգիներումէջ , ուր ընկերութեանս անդամներէն մին մասնաւոր նիւթի մը շուրջը կը խօսէր : 1908 առհմանադրութենէ վերջ . . . աղգօգուտ դարձունէութեան ձեռնարկեց եւ շարունակուեցաւ մինչեւ Մեծ Եղեռնը» (Նոր Մալաքիա , Ֆիլադելֆիա , 1952-3 , էջ 29) :

#### 12. «ՃՄՇՈՒՏ» ԸՆԿԵՐՈՒԹԻՒՆ (1908)

Հիմնուած է 1908ին Սահակեան Մայր վարժարանի աշակերտներէն՝ Նալատակ ունենալով ինքնադարդացում : Հաւաքաակողին եղած է Նաճարեաններու տան մէջ սենեակ մը (Նոր Մալաքիա , Ֆիլադելֆիա 1952-3 , էջ 46) :

#### 13. ԸՆԹԵՐՑԱՍԻՐԱՅ ԸՆԿԵՐՈՒԹԻՒՆ (1908)

Լոկ անունով կը յիշատակուի (Արեւելի , անդ .) եւ կազմուած է 1908ին :

#### 14. ԲԱՆԱՍԻՐԱՅ ԸՆԿԵՐՈՒԹԻՒՆ (1908)

1908ի ադատութեան օրերու ծնունդն է (Արեւելի , անդ) : Չունինք ուրիշ ծանօթութիւն :



## 15. ՄԱՆԿԱԿԱՆ ԸՆԿԵՐՈՒԹԻՒՆ (1908)

Կը յիշուի 1909ին եւ հաւանօրէն դպրոցական պատանիներու ձեռնարկութիւն է (Արեւելք, անդ) :

## 16. ԴԵՐՁԱԿՆԵՐՈՒ ԱՐՀԵՍՏԱԿՑ. ՄԻՈՒԹԻՒՆ (1909)

Կազմուած է 1909ի ընթացքին եւ Հոկտեմբերին կը տեղեկագրէ Խ. Քէշիշեան. «Դերձակներու Արհեստակցական Միութիւնը վերջապէս լրացած դործ մը եղաւ այլեւս ու հիմակ դրեթէ մեծամասնութիւնը ասոնց խելօք տղոց պէս իրարու մօտ նրստած՝ իրենց մեքենաներովն ու մկրատներովը միասիրտ կը դործեն . . . » (Ազատամարտ. 1909 թ. 94) :

## 17. ՄԵԼԻՏԻՆԷ ՄԻՈՒԹԻՒՆ (1925)

1925ի վերջերը Ֆիլադելֆիոյ մէջ կազմուած է Մելիտինէ Միութիւնը, նախառակ ունենալով օգնել Մալաթիացի կարօտ ուսանողներու, Ամերիկայէն դուրս (Կրթատիրաց, Պէյրութ 1925, էջ 147) :

## ՀԻՒՍՆԻ ՄԱՆՍՈՒՐ

## 1. ՎԱՐԴԱՆԱՆՑ ԸՆԿԵՐՈՒԹԻՒՆ (1878—80?)

Մալաթիոյ վիճակին վերաբերեալ Հիւսնի Մանսուր ունեցած է «Վարդանանց Ընկերութիւն» մը, որուն յիշատակութեան կը հան-



գիտելիք 1883 Յունուար 10ին (Տե՛ս Պապ-  
Ուխտի, Կլիւէէնդ 1958 թ. 82, էջ 2), որուն  
ծագումը կը մնայ մեզ անյայտ: Ոչ մէկ յի-  
շատակութիւն գտած ենք Հայ Մամուլին  
մէջ:

## 2. ԱՐԱՄԵԱՆ ԸՆԿԵՐՈՒԹԻՒՆ (1878—9)

Կը յիշուի 1880 Օգոստ. 18ին. Սարգիս  
Յակոբեանի թղթակցութեան մէջ, ուր կը  
գրէ Հիւսնի Մանսուրէն. «Յակոբ Ծ. Վ.  
Կէօնիւլեան... Առաջնորդ եկաւ... մէկ օր  
վերջը Արամեան Ընկերութեան կիրակնօրեայ  
լսարանը այցելեց, ուր երգեցիկ մանկունք  
գողարիկ ձայնով նորին դաշուսարը ողջունե-  
լէն զկնի, առաջ անցաւ Գաղանճեան Խաչեր  
դաստանին... մի ճառախօսութեամբ...  
նորին սրբութիւն... ձեռք կարկառեց Ընկե-  
րութեան, խոստացաւ ջան եւ ճիղ չխնայել  
վարժարանի, Ընկերութեան եւ Ազգին հա-  
մար» (Հայրենիք, Կ. Պ. 1880 թ. 628):

Ընկերութիւնս դպրոց մը բացած է Կէվ-  
րուկ Գիւղի մէջ եւ երկու տարի հոգացած 40  
տղոց դասագրքերը եւ ուսուցիչը: 1884էն  
վերջ «նախանձ եւ նախապաշարում միջոց  
գտնելով՝ տապալեցին Արամեան Ընկերու-  
թիւնն, առանց խիղճ ընելու...» կը գրէ  
վերոյիշեալ Սարգիս՝ երկրորդ թղթակցու-  
թեան մը մէջ (Մանգ. Էֆեֆեար, 1888 թ.  
6130):

Զարմանալի է որ Սարգիս Յակոբեան



կ'անդիտանայ Հիւսնի Մանսուրի «Վարդանանց Ընկերութիւն»ը, որ իրեն ժամանակակից է: Իր երկու թղթակցութիւններու մէջ ալ չէ յիշած դայն:

•

## Ա Լ Պ Ի Ս Թ Ա Ն

1. ԸՆԹԵՐՑԱՍԻՐԱՅ ՄԻՈՒԹԻՒՆ (1910—12)

Կը յիշուի 1912 Մայիս 15ին սա ձեւով. «Տիրար Միհրան Աղազարեան տարեկան մէկ օրինակ «Մարմնամարդ» կը նուիրէ Ալպիսթանի Ընթերցասիրաց Միութեան» (Մարմնամարդ, Կ. Պ. 1912, էջ 180):

\* \* \*

## Շ Ա Պ Ի Ն Ք Ա Ր Ա Հ Ի Ս Ա Ր

1. ԸՆԹԵՐՑԱՍԻՐԱԿԱՆ ԸՆԿԵՐՈՒԹԻՒՆ (1867)

Մեղի ծանօթ հնագոյն Ընկերութիւնն է ասիկա Շապին – Գարահիսարի մէջ: Հիմնուած է 1867 Հոկտ. 1ին: Իր գլխավոր նպատակն եղած է «կիւրակէ օրեայ հասարակաց դասատուութիւն ընել»: Ընկերութիւնը «առժամեայ» կերպով կոչուած է «Ընթերցասիրական», բայց երբ 1869 Յունիս 1ին կրցած է իր նպատակին գործադրութեան անցնիլ՝ կոչուած է «Անճնուէր Ընկերութիւն»: Այս մասին հետաքրքրական տեղեկութիւն մը հաղորդած է բնիկ Կամըր-



կապցի փլիպպոս Թ. Խանգատեան, որ 1867  
Հոկտեմբերին Շապին – Գարահիսար գանդ-  
ւած ըլլալով՝ Ընկերութեան բացման հաշ-  
դէսին ներկայ եղած ու ճառախօսած է :  
յետոյ 1869ին Պոլսոյ Արարատին գրած է :  
Ահա իր խօսքերը .

«Իննեւտասներորդ դարս իրաւամբ  
«լուսաւորեալ» տիտղոսը ընդունած է ,  
մասն զի ուր որ երթաս՝ կը տեսնես ամէն  
միտք գրգռուած՝ լուսաւորութիւն կը գոչէ  
... Այս գովելի շարժումը աւելի դաւաճա-  
կան Ազգայինք կը կրեն բարեբաղդաբար ...  
Այս լուսաւոր եռանդը ուրախութեամբ սրտի  
Նիկալօլսոյ մէջ շօշափած էմ ... ասոնց  
նշանակութեան եւ գովեալից արժանի եւ  
նուազաւորութիւնը գրաւող գլխաւոր  
շարժումն եղած է Ընկերութեան մը հաստա-  
տութեան ձեռնարկումնին, զոր քաջութեամբ  
ի գլուխ տանելու փոյթ ունին : Յիշատակա-  
թեան արժանի կ'ըսեմ, քանզի գրեթէ առանց  
օրինակի եւ ինքնայորդոր եղանակա-  
սոյն մեծ գործոյս ձեռք զարկած են :  
Ասոր սկզբնաւորութիւնը 67 Հոկտ. 1ին  
ըլլալով, նուաստա ալ նոյն միջոցին հոն  
գտնուելու բարեբախտութիւնը ունեցած  
էի ... նորա հիմնադիրները նարահաս  
պատանիներ են ... նոցա խմբագրած  
արայմանին համեմատ տարեկան 26 դշ-  
մէկ բաժանորդագին հատուցանելով՝ ստո-  
րագրուեցալ ... քիչ միջոցի մէջ 30ի շափ



անդամ պատրաստելով . . . Հակո . ԱՅի բացման հանդէսը ըստ կարի փառաւորութեամբ կատարուեցաւ նուազագէտ մէկ խրախուսական համառօտ ասենարանութեամբը, որով միութեան խիստ կարեւորութիւնը կը ճանչի իրենց զգացումն ալ գովելով եւ երգեցիկ մանկանց Ազգային երգերու գեղեցիկ ներդաշնակութեամբ ի կեդրոնատեղին Ս. Փրկչեան վարժարանն, որ եւ հիմնադիրներն ալ այս քաղէն են . . . նոյն Ընկերութեան նպատակին վրայ խօսիլն ալ քաղցրիկ պարար մը կը համարիմ ինձ : Սորա հիմնական նպատակն էր կիւրակէ օրեայ հասարակաց դասատուութիւն ընել, բայց որովհետեւ ասանկ մեծ ձեռնարկութեան մը մէջ յաջողեալ համար մեծ դրամազլխոյ մը կարեւորութիւնը զգալի է, ստիպուեցան առ ժամանակ ինչ «Ընթերցասիրական» անունով շարունակել, որ ամէն կիւրակէ եւ տօն օրեր ամէն ոք կը փութան Ս. Փրկչեան դպրոցը . . . Ընթերցման առարկաներն էին զլխաւորաբար Ս. եւ Ազգ. Պատմութիւն եւ մանուսանդ. Ազգային օրագիրներ եւ հանդէսներ, գորս ունենալու համար յատկապէս կանոն մը շինած էին Ընկերութեան արդեամբք անել՝ եթէ նուէր ստանալ չյաջողին . . . Սոյն հրատարակութիւնը մինչեւ ցարդ յապաղեցնելու իրենց բուն նպատակին վերծաղրութեան կը սպասէի եւ որովհետեւ հաւատարիմ ճանապարհորդներէ ասուգոտելով որ



տառջին եւ ադէկ ընթացքով շարունակելուն հետ՝ նաեւ Անճնուէր Ընկերութեան դարձուցեր են, պարտ անձին կը համարիմ հրապարակաւ խոր շնորհակալութիւնս յայտնել . . . Ասիկա սկսեր է 69 Յունիս 1էն, մէկ երկու աշակերտաց դասատուութեամբ: Առարկաներն ըլլալով հասարակ ընթերցանութիւն եւ այլն, մին քերականական դաս» (Արարատ, Կ. Պ. 1869 թ. 17):

Ընկերութեան պաշտպաններ կը յիշուին Թադէոս Սէրմանեան, Գրիգոր Մարկոսեան եւ Առաքել Ալթունեան: Աւետիս Սէրճանեան եւ Առաքել Սէմէրճեան 148 դուրուշ նուէր բրած են Ընկերութեան (Անդ):

Մանուկ վ. վարդանեան 1869 Հոկտ. 15ին կը գրէ որ «Ընթերցասիրաց Ընկերութիւնը» հիմնողները քանի մը երիտասարդներ են, որոնք նախաձեռնութեամբ իրենց եռանդուն ուսուցչին — Աւետիս Խ. Սահակեանի — հիմնած են դայն եւ որոնք «մեծ պատիւ գտած են քաղաքիս մէջ եւ բաւական ալ նրապատած են քաղաքիս յառաջադիմութեան» (Օրագիր, Կ. Պ. 1869 թ. 28):

Ընկերութիւնը կը շարունակուի տակաւին 1874ին. նոյն տարին հոն այցելած ըլլալով Պօղոս վ. Նաթանեան՝ կը գրէ «... Գովելի է արդարեւ Ընթերցասիրաց անուն Ընկերութեան եռանդը, որ ամեն Կիւրակէ հաւաքուելով ընթերցանութեան կը պարապին» (Փոսնջ, Կ. Պ. 1874 թ. 949):



2. ՀԱՅԿԱԶՆԵԱՆ ԸՆԿԵՐՈՒԹԻՒՆ (1870)

Ա. Խ. Սահակեան 1871 Յունուարին Շապին Գարահիսարէն Պոլսոյ Հայրենիքին կը գրէ որ «նորահաստատ Հայկազնեան Ընկերութիւնը կազմեցին հասակաւոր արեւտաւորներ՝ յատկապէս գիշերները ու նուիրական օրերը ուսման նուիրելու համար» (Հայրենիք, Կ. Պ. 1871 Թ. 30) :

Թղթակիցը կ'աւելցնէ որ Ընկերութիւնն Շապին Գարահիսարի «Անճնուէր» Ընկերութեան մէկ ճիւղը կը համարուի : Ընկերութեան եռամեդուն անդամներէն մին է Կարապետ Պ. Պաւլոսեան, որ 1870ի վերջերքը կը մահանայ 35 տարեկան հասակի մէջ : «Սորա սուգը, կը շարունակէ Թղթակիցը, շատ մեղմեցին մնացեալ արդոյ անդամք, մինչ անվիատ ոգւով կը շարունակեն իրենց ոգեշահ եւ ազգօգուտ ձեռնարկը : Ապրի'ն անոնք, որոնք ներկային փառքը եւ ապագային պատկը պիտի բոլորեն» (Անդ) :

3. ԱՐԱՄԵԱՆ ԸՆԿԵՐՈՒԹԻՒՆ (1870)

Հայրենիքի վերոյիշեալ Թղթակիցը «Հայկազնեան Ընկերութեան» վրայ խօսելէ վերջ՝ կ'աւելցնէ . «Այս բարեմիտ դիտաւորութեան վրայ կազմուեցաւ նաեւ Արամեան Ընկերութիւն մ'ալ : Ասոնք Անճնուէր Ընկերութեան (տեղւոյս) նիւղերը կը համարուին» (Հայրենիք, անդ) : Այնպէս կը հասկընանք թէ «Արամեան Ընկերութիւն»ը



«Հայկազնեան Ընկերութենէն» քիչ վերջ, դուրսէ, 1870ի վերջերը հիմնուած է հաւանօրէն դարձեալ արհեստաւորներէն :

#### 4. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1871)

Հիմնուած է 1871 Հոկտեմբերին : Հիմնադիրներն են Մուշեղեան վարժարանի աշակերտները (Փող, Կ. Պ. 1872 թ. 74) :

#### 5. ՇԱՀԱՍԻՐԱԿԱՆ ԸՆԿԵՐՈՒԹԻՒՆ (1872)

Պոլսոյ Փող թերթին մէջ (1872 թ. 74) տրուած հակիրճ տեղեկատուութենէ մը կ'եղբակացնենք թէ Ընկերութիւնս կազմուած է 1872 առաջին ամիսներուն : Ուրիշ յիշատակութիւն չենք դտած :

#### 6. ԾԵԱՐԳԵԼԱԿԱՆ ԸՆԿԵՐՈՒԹԻՒՆ (1873)

Հաւանօրէն 1873ին հիմնուած է : Իր մասին տրուած տեղեկութիւնը 1874 Փետր. 9 թուականը կը կրէ : Պոլսոյ Հայրենիք (1874 թ. 186) իր «Ազգային» բաժնի մէջ կը տողէ . «Նիկոպոլսոյ ազգարին երեւելիները Ծխարգելական Ընկերութիւն մը կազմեր են եւ յորդորելով շատ մը պատանիներ, անդամոց թիւը 38ի հասցուցեր են, որոց իւրաքանչիւրն հաստատուն օրէնքի տակ իր ծխելիքին միամեայ ծախքն իբր երկու Գաղղ. ոսկի Ընկերութեան սնտուկը ձգած են եւ պիտի շարունակեն այսպէս մինչեւ պայմանեալ 10 տարի : Առ այժմ 70 ոսկի հասոյթ խրկած են



ի Պոլիս Բուժէլի երկաթուղւոյ թուղթ տու-  
նելու համար» :- Չենք գիտեր թէ 10 տարի  
շարունակուած է եւ ի՞նչ էր իր նպատակը :

#### 7. ՅԱՌԱՋԴԻՄԱՍԵՐ ԸՆԿԵՐՈՒԹԻՒՆ (1874—6)

Հիմնադրութեան թուականը կարելի  
չեղաւ ճշդել : Անատորազիւր համակազմիւր մը  
1877 Յունուար 27ին Շապին-Գարահիսարի  
մէջ տիրող տխուր վիճակին վրայ խօսելով՝  
կը յարէ . «... հայնպէս եւ Յառաջդիմասէր  
ազգագուտ Ընկերութիւնը ցրովոյ վտանգին  
հասած է» (Փունջ, 1877 թ. 1151) :

Սակայն Ընկերութիւնը պահած է իր  
դոյութիւնը վերակազմուելով : 1885ին իր  
անդամներէն կը յիշուին «խումբ մի ուսում-  
նասէր եւ գգայուն հայ երիտասարդներ»,  
որոնց սիրով կը նպաստէ տեղւոյն ժողո-  
վուրդը թէ՛ բարոյապէս եւ թէ նիւթապէս  
(Արեւելք, Կ. Պ. 1885 թ. 348) :

#### 8. ԳՐԱԿԱՆ ԸՆԿԵՐՈՒԹԻՒՆ (1879)

Կազմուած է 1879ի Կադանդին : 1879  
Յունուար 27 թուակիւր համակի մը մէջ  
«Վահագն» Կիրասոնէն կը գրէ «Առ անդամս  
Գրական Ընկերութեան նիկոպոլսոյ . «Երի-  
տասա՛րդք, խորհրդալի սկզբունքի մը յա-  
րիւր՝ մեծահոգի արանց յատկանիչն է . դէպ  
ի յառաջդիմութիւն նկրտող քայլերը՝ լու-  
սատենչ հոգիներու դէպ ի լոյս ձգտումն է,  
վսեմախոհ մտքերու լոյս պէտք է, իսկ ծա-



րաւի հոգիներու՝ ճար ու ճարակ, պէտք է լուսով ուղողել մտքերը եւ հոգին հրդեհել: Ձեր ընկերային շարժումը հզօր առհաւառ-  
 չեայ մ'է յառաջդիմութեան դաւակներ  
 ըլլալնուդ: Այն ոգին, որ ձեզ ներշնչեց,  
 նախազգեցիկ սիրաշունչ է ազատութեան...  
 Միութեան դադարաւորը, դոր յղացաք, սքան-  
 չելի, ցո'յց տուէք նաեւ թէ ճշմարիտ լուսա-  
 ւորութեան հոգեկիրն էք: Հայ-աշխարհի  
 մանուկները՝ երբ սիրով փարին իրարու, այն  
 ատեն, Հայ ազգութիւնը, իբր փիւնիկ նորա-  
 փետուր դարդարուած, դարաւոր աճիւննե-  
 րու մէջէն վերանորոգ յառնելով պիտի  
 պանծայ եւ հայրենի ոճիրներն ու նախճիր-  
 ներն պիտի դադրին... Անադորոյն Եւրոպա  
 «գերի եւ ստրուկ ազգ» կոչեց զմեզ, յառաջ-  
 դիմական միահամուռ շարժումը պիտի  
 ազատէ մեզի այն նախատանաց եւ լուսանաց  
 հեղեղներէն եւ նուիրազործէ մեր անունը...  
 խնդադին կ'ողջունենք Նիկոպոլսոյ երիտա-  
 սարդութիւնը եւ կը շնորհաւորենք զինքն  
 յանուն Գրական Ընկերութեան, որ չքնադ  
 օրինակ պիտի հանդիսանայ ամենուն» (Մա-  
 սիս, Կ Պ 1879 թ. 2261):— Ուրիշ տեղե-  
 կութիւն չունինք:

9. ԹԱՏԵՐԱՍԻՐԱՅ ՄԻՈՒԹԻՒՆ (1908—9)

Մանգ, Էֆեհարին կը գրեն 1909 Փետր-  
 րուարին. «Թատերասիրաց Միութիւն մը  
 կադմուած է քաղաքիս մէջ, որուն նպատակը  
 պիտի ըլլայ մերթ ընդ մերթ ներկայացում-



ներ առաջ ի նպատակ դպրոցիս աղքատիկ ուսանողներու, որոնց թիւը ստուարացած է : Մինչ ցարդ երկու ներկայացում տուաւ «Արշակ Բ.» եւ «Վահան», որ բաւական յաջող անցան : Գոյացած հասոյթը՝ մօտաւորապէս 25-30 սակի, յատկացուեցաւ նպատակին» (Մանգունէի էփեար, Կ. Պ. 1909 թ. 2368) :

#### 10. ԿՐԹԱՍԻՐԱՑ ԸՆԿԵՐՈՒԹԻՒՆ (1910)

Կազմուած է 1910ի գարնան : 1910 Յուլիս 5ին կը դրէ Ագատամարտ (Կ. Պ. 1910 թ. 290) . «Շապին Գարահիսարի նորակազմ Կրթասիրաց Ընկերութեան Ծրագիրը վերջնականապէս հաստատուած է . տեղական Ուսումնական Խորհուրդին կողմէն Ապրիլ 25ին : Այսոր նպատակն է . «Շ. Գ. ցի Հայութեան առաջ դաստիարակութիւն մը, ջանալ պահելու կրթական յարկերը լաւագոյն ուղղութեան մը մէջ :

#### 11. «ՏՆՏԵՍՈՂՆԵՐՈՒ ԴԱՍԱՏԱՆ» ՄԻՈՒԹԻՒՆ (1910)

1910 Դեկտեմբերին կը դրեն Շապին Գարահիսարէն . «Տնտեսողներու Դասատան անունով Միութիւն մը կազմուեցաւ Գեղամ վրդ . Թէվէֆէլեանի նախաձեռնութեամբ նպատակ ունենալով զարգացնել իր անդամները եւ հետզհետէ ալ իր շրջապատը . . . միջոցներ . 1. Գիշերային դասախօսութիւն, 2. Երեկոյթներ, հանդէսներ . . . Դասախօսներն

Պատմ. Հայ Մշակ.



են . Գեղամ Վրդ . , Արամ Սաֆրաստեան եւ Սենեքերիմ Գալիօնճեան» (Ազատամարտ , 1910 թ . 457) :

Կաղմօղներն են Աղգային զպրօցի Նախկին Սաները :

12. ՇԱՊԻՆ ԳԱՐԱՀԻՍԱՐԻ ԵՒ ՇՐՋԱՆԻ ԿՐԹԱՍԻՐԱՅ ՄԻՈՒԹԻԻՆ (1911)

Հիմնուած է Ամերիկա 1911 ի ամբան «միայն կրթական զործին սատարելու համար եւ հաւատարիմ իր Ծրարին , մինչեւ 1914 ամէն տարի պարբերաբար առաջնորդարանի եւ Ուսումնական խորհուրդի միջոցաւ իր նպատար զրկած է քաղաքի . . . եւ զիւղերու զպրօցներուն» (Արամ Հայկազն , Շապին Գարահիսար սւ իր Հերոսամարտ . Նիւ Եորք 1957 , էջ 335) : 1919 Սեպտ . 28ին Նիւ Եորկի մէջ դամարուած Ա . Պատգամաւորական Ժողովքին Միւլթիւնը կը կոչուի «Շ . Գարահիսարի , Անդրէասի եւ Գիւղօրէից Հայրենակցական Միուլթիւն» , որուն մէջ էին մասնաճիւղեր Լոուէլի , Տրոյի եւ սերիշ դաւթներու համաձայնութիւնը (Յ . Խաչմանեան , Ամերիկահայ Հանրադիտակ , Պոսթըն 1925 , էջ 484-5) :

13. ՇԱՊԻՆ ԳԱՐԱՀԻՍԱՐՅԻՆԵՐԻ ՀԱՅՐԵՆԱԿՅԱԿԱՆ ՄԻՈՒԹԻԻՆ (1917)

Թիֆլիսի Հայաստանի մէջ կը կարդանք հետեւեալ «կոչը» Սուխումաբնակ Շապին Գարահիսարցիներու . « . . . Հայրենակիցներ ,



աւր որ էլ կաք, մտիկ տուէք բոպէների ա-  
ղաղակող պահանջին, պատրաստուեցէք,  
կազմակերպուեցէք . . . Սուխումաբնակ Շա-  
պին Գարահիսարցիներու՝ տարւոյս Մայիս  
24ին կայացնելով Ընդհ. Ժողով՝ կազմա-  
կերպեցինք «Շապին Գարահիսարցիների  
Հայրենակցական Միութիւն», որի գլխաւոր  
նպատակներն են .

1. Հանդանակել միանուազ նուէրներ .
2. Մշտական ամսավճարներով ապահա-  
վել զգալի կարիքները .

3. Ընդհանուր կապ պահպանել թէ՛  
Ռուսաստանում եւ թէ՛ Արտասահման ապրող  
Հայրենակիցների հետ :

Ի գիմաց Շ. Գ. Հայր. Միութեան վարչ.  
Նախագահ Դ. Գառապեան  
Քարտուղար Ա. Յնցալեան

Սուխում 1917 Յունիս 7

(Հայաստան, Թիֆլիս 1917 Թ. 56) :

#### 14. ՇԱՊԻՆ ԳԱՐԱՀԻՍԱՐՑԻՆԵՐՈՒ ՀԱՅՐԵՆԱԿՑԱԿԱՆ ՄԻՈՒԹԻՒՆ (1918)

Պալոոյ ժողովուրդ թերթը կը զրէ 1918  
Դեկտ. 26ին. «Շապին Գարահիսարցիներու  
Հայրենակցական Միութիւնը՝ վերջնակա-  
նապէս կազմուած ըլլալով 65է աւելի համա-  
քաղաքացիներէ՝ իր վարչ. Ժողովը ընտրեց  
հետեւեալ կերպով .

Մկրտիչ Վարդանեան	Ասենապետ
Գալուստ Զարուհեան	Ասենադպիր



Անդրանիկ Գույումճեան	} Խորհրդականներ
Գուրգէն Էթմէքճեան	
Գառնիկ Մարկոսեան	
Նշան Քէօզէկեան	
Միսաք Օդանեան	

Կ'ուսեմայ անմիջապէս իր Ծրագիր-Կանոնագիրը : Ունի Կէտիկ-Փաշայի մէջ սենեակ մը իբր հիւրանոց Պոլիս հասնող վերապրող Շապին Գարահիսարցիներուն (ժողովուրդ, Կ. Պ. 1918 թ. 67) :

Միութեան նպատակն է . ա) Պոլիս հասնող Շ. Գարահիսարցիներուն օգնութեան հասնիլ, պատասխարել ու կերակրել . բ) Անչափահասները տեղաւորել որբանոցներու ու դպրոցներու մէջ . գ) Պոլսոյ եւ դաւառի կենդրոնացման վայրերու մէջ փնտռառութիւն կատարելով՝ անչափահաս ու անտիրական որբերը փոխադրել աւելի ապահով վայրեր ու տէր ըլլալ անոնց :

Կ'որոշուի Միութիւնը կոչել «Շապին Գարահիսարցիներու «Ռազմիկ» Հայրենակցական Միութիւն» : Միութիւնը կը գումարէ Ընդհ. անդամակցական Ժողովներ ու կը վաւերացնէ Ծրագիր - Կանոնագիրը (ժողովուրդ, 1919 թ. 105, Փետր. 3-16 :— Ժամանակ, Կ. Պ. 1919 թ. 3517 : — Տե՛ս նաեւ Արամ Հայկազ, Շապին Գարահիսար ու իր Հերոսամարտը, Նիւ Եորք, 1957, էջ 327-8) :



15. ՇԱՊԻՆ ԳԱՐԱՀԻՍԱՐՑԻՆԵՐՈՒ ՀԱՅՐԵՆԱԿՑԱԿԱՆ  
ՈՐԲԱԽՆԱՄ ՄԻՈՒԹԻՒՆ (1918)

Կազմուած է 1918 Նոյեմբերին Պոլսոյ  
մէջ : Ունի իր Ծրարիւրը : Կ'ընտրէ իր Գոր-  
ծադիր ժողովը (Ժամանակ, 1918 թ. 3377,  
Նոյեմբեր-Դեկտեմբեր :

16. ՇԱՊԻՆ ԳԱՐԱՀ. ԱՐԻՒՆՈՏ ԴԱՇՏԻ «ԱՐԾԻՒ»  
ՄԻՈՒԹԻՒՆ (1920)

Հիմնուած է Պոլիս 1920 Դեկտեմբերին  
(Ժողովուրդի Զայնը, Կ. Պ. 1920 թ.  
584, 712) : 1921 Սեպտեմբերին Վարչութիւնը  
կը կազմէին Ե. Օղանեան, Ա. Թադեան, Ե.  
Յունանեան, Բ. Շահրիկեան, Հ. Տէրտէ-  
րեան, Մ. Պետրոսեան, Հ. Վարժապետեան,  
Գ. Շահրիկեան, Մ. Տէր-Մետրոպեան (Անդ,  
1921 թ. 907 :— Տես նաեւ Թէոդիկ, Ամէն.  
Տարեյ. 1921, էջ 307) :

17. «ՎԻՇԱՊ» ՀԱՅՐԵՆԱԿՑԱԿԱՆ ՄԻՈՒԹԻՒՆ (1920-5)

Կազմուած է Ռումանիոյ մէջ (Յառաջ,  
Փարիզ 1926 թ. 71) :

ԳԻՒՂԵՐՈՒ ԸՆԿԵՐՈՒԹԻՒՆՆԵՐ

ԹԱՄԶԱՐԱ ԳԻՒՂ

1. ԸՆԹԵՐՑԱՍԻՐԱՅ ԸՆԿԵՐՈՒԹԻՒՆ (1865)

Հիմնած են Գիւղին զարոյցի աշակերտ-  
ները՝ նպատակ ունենալով. «լրագիր եւ  
գիրք ստանալ իրենց մէջ եղած բաժանոր-  
դագրութեան արդիւնքովը» (Ժամանակ,  
Կ. Պ. 1865, էջ 103) :



## 2. . . . ԸՆԿԵՐՈՒԹԻՒՆ (1866—7?)

Թամզարացիներու բաւական հոծ դու-  
րութ մը կար Կիրասոնի մէջ 1860ական  
թուականներուն : Այդ Թամզարացիները  
իրենց մէջ Ընկերութիւն մը կազմած էին  
1879էն « քանի մը տարիներ առաջ », նպա-  
տակ ունենալով իրենց հայրենի վանքին —  
Ս . Գէորգայ — խարխլած բնակարանները  
նորոգել : Ընկերութիւնը հաւաքած էր 7—  
8000 դուրուշի գումար մը : 1870ին անստա-  
րակիւր յօդուածակիր մը կը պահանջէ որ  
այդ գումարը « Լամբրոնեան » Ընկերութեան  
յանձնուի , քանի որ վերջինիս նպատակն ալ է  
Ս . Գէորգայ մէջ զիշերօթիկ վարժարան մը  
բանալ ( Հմմտ . Օրագիր , Կ . Պ . 1870 թիւ  
126 ) :

Ի՞նչ էր անունը այդ Ընկերութեան եւ  
ո՞ր թուականին հիմնուած է : Պոլսոյ Հայրե-  
նիք 1883ին կ'իմացնէ թէ տակաւին դոյու-  
թիւն ունի Կիրասոնի այդ Ընկերութիւնը եւ  
իր դրամագլուխը քանի մը հարիւր սակիի  
բարձրացած է՝ միշտ նպատակ ունենալով  
վերաշինել Ս . Գէորգայ վանքը ( Հայրենիք ,  
Կ . Պ . 1883 , թ . 1475 ) :

## 3. ԼԱՄԲՐՈՆԵԱՆ ԸՆԿԵՐՈՒԹԻՒՆ (1869)

Պոլսոյ պանդուխտ Թամզարացիները  
1869 Դեկտ . 1ին կը կազմեն Լամբրոնեան  
Ընկերութիւնը , իրենց բազմաթիւ ըլլալով .



«Թամգարայի մէջ ցերեկեայ եւ գիշերօթիկ վարժարան մ'ունենալ» (Օրագիր, Կ. Պ. 1870 թ. 126: — Հմմտ. նաեւ Թերմէմանր էփեֆեար, Կ. Պ. 1879 թ. 669):

Ընկերութեանն անդամակցած է նաեւ Խրիսեան Հայրիկ, Իզմիրլեան Մատթէոս Սրբազան, Ռէթէոս Պէրպէրեան եւ ուրիշներ: Անդամավճարն էր 100 փարա: Անդամավճարներով, նուիրատուութիւններով ու կտակներով 1869 Դեկտեմբերէն մինչեւ 1870 Դեկտեմբեր Ընկերութեան Մուտքն եղած էր 20,054 զուրուշ. իսկ Ելքը՝ 15,289 զուրուշ: Այդ մէկ տարուան ընթացքին Ընկերութիւնը Թամգարայի մէջ վարժարանի յատուկ շէնք մը շինելով՝ բացած է Երկսեռ վարժարան մը, զոր անուանած է «Լամբրոնեան վարժարան», որուն համար Պոլսէն մասնաւոր ուսուցիչ մը զրկած է: — Ընկերութեան Ընդհ. Ժողովը, զուժարուած Շէրէֆ Փաշա Խան, 1871 Յունիս 20ին անժամեայ Վարչութեան միամեայ հաշուետուութիւնը քննելով՝ վաւերացուցած է. Յանձնախումբ մը կազմելով՝ պաշտօն տուած է Ծրագիր-Կանոնագիր մը պատրաստելու. Յանձնախումբը Կանոնադիրը ներկայացուցած է Յունիս 18ին նիստին, ուր փոքր փոփոխութեամբ ընդունուած է Կանոնադիրը: Կ'ընտրուէ Ընդհ. Ժողովի Դիւանը եւ կը կազմուի Տնօրէն Ժողով մը: Ընդհ. Ժողովի Ատենապետ կ'ընտրուի Մատթէոս Վ. Իզ-



միրլեան, իսկ Տնօրէն Ժողովի կազմը հետեւեալն է :

Յովսէփ Խոյլէսէրեան  
Աւագ Մաթեան  
Վարդան Պապիկեան  
Յովհաննէս Շէհրիկեան  
Ղազար Վասիլեան  
Գէորգ Մազմանեան

Իզմիրլեան՝ Ընդհ. Ժողովի այս արդիւնքները Օրագիրի մէջ (1871 թ. 518) ամփոփելէ վերջ՝ կը շեշտէ որ Թամզարայի Հայութիւնը շատ տաք վերաբերում ցոյց կուտայ Ընկերութեան հանդէպ՝ անդամագրուելով ու քաջալերելով : 1871 Օգոստոսին Ընկերութիւնը Պոլսոյ մէջ 90, Կիրասունի մէջ 50, Թամզարայի մէջ 83 անդամ ունէր, որոնք 354 բաժին գրուած էին :

1879ին թղթակից մը ցաւով կը դիտէ որ մինչ Լամբրոնեան Ընկերութիւնը 1872ին վարժարանի մէկ ուսուցիչը երկուքի եւ երկուքը երեքի բարձրացնելու ամէն ճիգ կը թափէր՝ Թամզարայի «Չոջերը» միւս կողմէ ամէն տեսակ արգելք ու խոչընդոտ կը յարուցանէին, մինչեւ որ կը յաջողին կազմալուծել Ընկերութիւնը եւ փակել վարժարանը (Թերնէմանը էֆեար, Կ. Պ. 1879 թ. 669 : — Հմմտ. Հայրենիք, Կ. Պ. 1872 թ. 117) :



4. ԾԵԱՐԳԵԼԱԿԱՆ ԸՆԿԵՐՈՒԹԻՒՆ (1883)

Հիմնուած է Թամզարայի Երիտասարդ-  
ներէն: Ահա իրենց նպատակը. «Զծ]սել եւ  
դրամք աւելցնել տասը տարի պայմանաժա-  
մով»: 1888ին Ընկերութիւնը գոյութիւն ու-  
նէր, սակայն անդամներու եւ Գործ. Ժո-  
ղովի միջեւ գոյութիւն մը մտած էր (Մանգ.  
Էփֆեար, 1888 թ. 6004): — Մանգումէի  
անստորագիր տեղեկատուն այդքանը ըսելէ  
վերջ՝ չի յայտնէր թէ ի՞նչ էր Ընկերութեան  
վերջին նպատակը. դումարուած դրամը  
ի՞նչ բանի պիտի գործածուէր:

5. ԱՐԱՄԵԱՆ ԸՆԿԵՐՈՒԹԻՒՆ (1886)

Կազմուած է Գալուստ Մալաթեանի  
ձեռքով՝ տեղւոյն վարժարանին նիւթապէս  
նպատակելու համար, բայց կարճատեւ եղած  
է (Մանգումէի Էփֆեար, 1888 թ. 6004):

6. ՀԱՄԱԿԱՄ ՄԻՈՒԹԻՒՆ (1888)

Հիմնադիրն է Թամզարայի վարժարանի  
տնօրէնը՝ Տանատ Զիւլալեան: Իսկ նպա-  
տակը՝ տնտեսագիտական (Մանգ. Էփֆեար,  
անդ.):

ԶԱՐՏԱԽ ԳԻՒՂ

1. ԸՆԹԵՐՅԱՍԻՐԱՅ ԸՆԿԵՐՈՒԹԻՒՆ (1874)

Ընկերութիւնս հիմնած է վոամշապուհ  
Քիպարեան (յետոյ Եղիսկոպոս), երբ ու-



սուցիչ էր Չարտախի մէջ (1873—6) եւ իր ջանքերով Ընկերութիւնը տասը տարուան մէջ 800 սակիի գրամագլուխ մը կ'ունենայ (Թէոգիկ, Ամէնուն Տարեցոյցը, 1923, էջ 393) :

### ԱՌՂԱՎԻՍ ԳԻՒՂ

1. ՇԱՀԱՅԵՐ ԸՆԿԵՐՈՒԹԻՒՆ (1880—1)

1882 Յունուար 25ին կը գրեն Շապին Գարահիսարէն. «Շ. Գ.ի Առդավիս Գիւղի Հայոց ի կ. Պլիս կազմած Շահաբեր ահուն Ընկերութիւնը միացեալ Ընկերութեան միջոցաւ յիշեալ Գիւղին մէջ մօտերս նոր վարժարան մը բացաւ 100էն աւելի երկսեռ աշակերտօք» (Մասիս, 1882 Թ. 3111) :— Հիմնումի թուականը հաւանօրէն 1880ին ըլլայ :

### ԱՆԵՐՂԻ ԳԻՒՂ

1. ԿՐԹԱՍԻՐԱՅ ՄԻՈՒԹԻՒՆ (...1914)

Կազմուած է Պոլիս, Պէշիկթաշ : 1914 Յուլիսին Տնօրէն Խորհուրդը կը կազմէին .

Ս. Թութիեան Ատենայեան

Վ. Արծրունի Ատենադպիր (Ժամանակ, 1914 Թ. 1852) :

\* \* \*



## ՏԻՎՐԻԿ

1. ԳԱՓԱՄԱՆԱՅԵԱՆ ԸՆԿԵՐՈՒԹԻՒՆ (1691?)

Տիւրիկէ կամ Տիվրիկ քաղաքի հնագոյն մշակութային Ընկերութեան անունը առաջին անգամ յիշուած կը գտնենք 1871ին Պոլսոյ Հայրենիք թերթէն, որ կը կոչէ «Գափամանեան Ընկերութիւն» (Հայրենիք, Կ. Պ. 1871 թ. 53) : Ժամանակագրօրէն երկրորդ չին յիշատակութիւնը 1888էն է եւ դարձեալ կոչուած «Գափամանեան Ընկերութիւն» (Հայրենիք, Կ. Պ. 1888 թ. 3306) : Նոյն յորջորջումը ունի 1905ին Բիւզանդիոնի (1905 թ. 2699) յօդուածագրին քով : Սակայն կան ուրիշ երկու յորջորջումներ եւս՝ մին 1901էն, ուր կը կոչուի «Կրթանուէր Ընկերութիւն» (Մանգումէի էփեար, 1901 թիւ 55)՝ եւ երկրորդը՝ 1910էն, ուր կ'անուանուի «Բարեսիրական Ընկերութիւն» (Ազատամարտ, 1910 թ. 185) : — Այս երեք յորջորջումներէն ո՞րն է սկզբնականը եւ նիշդը : — Ըստ մեզ ոչ մին եւ ոչ միւսը : Զի Ընկերութեան հիմնադիրները ո՛չ թէ Գափամանի (մեծաքսադործ) արհեստաւորներ էին, այլ բնակիրներ : Թէ ասոնք ի՞նչ անուն տուած էին իրենց չիմնած Ընկերութեան՝ ոչ ոք յիշած է եւ անծանօթ կը մնայ : Յետոյ Տիվրիկէն եկող գափամանի-արհեստաւորներ բռնակիրներուն սկսած բարերարական գործը շարունակելով՝ Ընկերութեան ա-



նունը դրուած է «Գափամանեան» Ընկերութիւն :

Ե՞րբ հիմնուած է այս Ընկերութիւնը : — Անստացի է նաեւ հիմնադրութեան տարին : Մինչ 1871ին այդ հիմնադրութիւնը 180 տարի առաջ, այսինքն՝ իբր 1691ին տեղի ունեցած կը համարէին (Տե՛ս Հայրենիք, 1871, թ. 53), 1901ին 200 տարուան, այն է՝ 1701ին հիմնուած կը կարծէին (Հմմտ. Մանգուսէի Էփեմար, 1901 թ. 55), իսկ Ե. Ռշտունի Հայոց ՌՄԳ թուականին, այսինքն՝ 1754ին (սխալմամբ 1757 տպուած) կը դնէ (Ազատամարտ, 1910 թ. 185) : Վերջինս աւելի ճիշդ կը թուի ըլլալ, զի Ռշտունի տեղեակ կ'երեւայ Ընկերութեան արձանագրութիւններուն (Տե՛ս Ազատամարտ, անդ) : Բոլորովին սխալ է սակայն Գրիգոր Նորատունկեանի 1909ին դրածը թէ Պոլսոյ «Գափամանէներու» դադլթը Տիվրիկէն 60—70 տարի առաջ, այն է՝ 1840—50ին տեղի ունեցած է (Ժամանակ, 1909 թ. 356) :

Տեսնենք այժմ թէ ի՞նչ տեղեկութիւն կը տրուի այս Ընկերութեան ծաղումի եւ գործի մասին :

Պոլսոյ Հայրենիք սա խորագրին տակ. «Գափամանեան Ընկերութիւն ի կ. Պոլիս վասն Տիվրիկի ազգային վարժարանաց, աղփատաց եւ կարեւոր պիտոյից» կը դրէ. «Այս բարենպաստակ Ընկերութիւնը 180 տարիներէ հետէ հաստատուած եւ բաւական



գումար մը գոյացուցած է, մանաւանդ այս 100 տարւոյ միջոցիս. Գափամանեան մեծ. Յարութիւն աղայի եւ իւր փոխանորդ Պարտիզպանեան մեծ. Կարապետ էֆ.ի եւ բոլոր պատուարժան Գափամաճի արհեստաւոր աղգայնոց ջանիւք բաւական յառաջացած է : Գափամաճեան բարենպատակ Ընկերութիւնը կը փափաքի յիշեալ նուիրական գումարը իր աղգաշահ նպատակին ծառայեցնել, բայց ամսոս որ Տիվրիկցի աղգայինք իրենց եղած այս ձրի շնորհը չճանչնալով, անոր յարգ ու կարեւորութիւն չէին տուած մինչեւ ցարդ» (Հայրենիք, Կ. Պ. 1871 թ. 53) :

Ինչպէս կը տեսնուի՝ Տիվրիկի մէջ մինչեւ 1871 չէին փանչցած «իրենց եղած այս ձրի շնորհը» : Անծանօթ էին արդեօք գոյութեանը իրենց համար հիմնուած այդ բարենպատակ Ընկերութեան : Ո՞վ էին այն անձերը, որոնք Տիվրիկի համար այդպիսի Ընկերութիւն մը կազմած էին : Հայրենիք հող բացատրութիւն չի տար, բայց տարիներ վերջ Տօքթ. Կ. Յ. Փաշայեան դէպի Տիվրիկ ըրած համբորդութեան մը առթիւ կը գրէ դարձեալ նոյն Հայրենիք թերթին մէջ. «Գափամանեան Ընկերութիւն, որ Տիվրիկցոց նախահարց շնորհիւ կազմուած է ի Պոլիս եւ ունի բազում անշարժ կալուածներ. . . Սոյն Ընկերութիւնը կտակի ձեւի տակ կազմուած է եւ ունի «Միւթէվէլլիութիւն» . Պատրիարքարանը առանց ի նկատի առնելու



սոյն կէտեր, սկսաւ ընդհանուր ազգ. կալուած նկատել եւ իւր իրաւասութեան ներքեւ տանուլ . . . սորա համար արդէն Տիվրիկցիք բողոքած են» (Հայրենիք, 1888 թիւ 3306) :

Պաշտոյ Մանգումէ կը դըք 1901ին . «Տիվրիկի կալուածոց Հոգարարձութիւնը իւր անդամներէն ոմանց մահուամբը եւ ոմանց ալ համբարդելովը գրեթէ կազմալուծեալ վիճակ մը առած ըլլալուն, Քաղաքական ժողովը իւր վերջին նիստին մէջ որոշած է վերականգնել նոյն Հոգարարձութիւնը, պակասած ուրը անդամներուն տեղ նսրեր ընտրել տալով : Ըստ ներքին Կանոնադրութեան Տիվրիկի Կրթանուէր Ընկերութեան, այդ ընտրութիւնը կը կատարուի Տիվրիկի մէջ եւ ընտրելի են միայն Պոլիս գտնուող Տիվրիկցիները : Այս առթիւ կարեւոր է յիշել թէ Տիվրիկի կալուածոց Հոգարարձութիւնը, որ բաւական կալուածներ ու վագրֆներ ունի, գրեթէ երկու հարիւր տարուան հաստատութիւն մ'է Պոլիս գտնուող Հայ բեռնակիրներու նախաձեռնութեամբ սկսած, Տիվրիկցի Գափամանի Հայ արհեստաւորներու կողմանէ չարունակուած եւ Տիւգեանց Գերդաստանին քաջալերութեամբը յառաջացած, որ նոյնպէս գաղթած է Տիվրիկէն . . .» (Մանգ. Էֆեհար, 1901 թ. 55) :

1901ին վերոյիշեալ Հոգարարձութեան Ատենապետն էր Միհրան Սէրեան (Անդ) :



1905ին Կ. Գ. Սուքիասեան Տիվրիկէն  
բրտժ թղթակցութեան մը մէջ ըսելէ յետոյ  
թէ «Գափամաճեան Ընկերութիւնը» «չուրջ  
150 տարի առաջ» կազմուած է՝ կը գրէ .  
«Մեր նախնիք . . . 150 տարի առաջ սովի  
պատճառաւ ի Կ. Պոլիս գաղթած եւ շարա-  
քական մէյմէկ փարա վնարելով այս կա-  
լուածները գնած են, բոլորն ալ պարզ ար-  
հեստաւորներ են (Գափամանի մեծաւ մա-  
սամբ) որ կոչուած է Գափամաճեան Ընկե-  
րութիւն» (Բիւզանդիոն, 1905 թ. 2699) :

«Գափամաճեան Ընկերութիւնը» 1871ին  
Տիվրիկի դպրոցին ուսուցիչներու ամսա-  
կանը վնարեր, աղբիւրի մը շինութիւնը հո-  
գացեր եւ կամուրջին նորոգութիւնը գլուխ  
հաներ էր, որուն վրայ Հայրենիք (1871 թիւ  
53) կ'աւելցնէր . «Այսպիսի հաստատ, ար-  
դիւնաշատ բաղմամբամանակեայ Ընկերու-  
թեան մեծ . պաշտպանաց հրապարակաւ  
չնորհակալութիւն կը յայտնեմք, որ իւր  
ստակով : 180 տարիէ հետէ անընդհատ սրդ-  
ւոց յորդի կը շարունակէ . . . » :

Յիշենք վերջին տեղեկատու մ'ալ — Ե.  
Ռշտունի Տիվրիկէն կը գրէ . «Տիվրիկցի  
Գափամաճիներու Բարեսիրական Ընկերու-  
թիւնը կազմուած է Հայոց ՌՄԳ եւ Տաճկաց  
1168 թուին, այսինքն՝ 157 (154) տարիէ ի  
վեր, իրողութիւն մը, զոր կրնանք հաստա-  
տել Տիվրիկի կալուածոց Պոլսոյ Հոգաբար-  
ձութեան գրասենեակը գտնուած յիշեալ Գա-



փամաճիներու արձանագրութենէն, որուն պատճէնն ալ կը մնայ Տիվրիկի Առաջնորդարանին մէջ» (Ազատամարտ, 1910 թ. 185) :

Ընկերութեան արձանագրութիւնները գրաբար են եւ ունեցած կալուածները կը յատկացնէ Տիվրիկ քաղաքի եկեղեցիներուն, վարժարանին, աղբիւրներուն ու կամուրջին (Անդ.) :

## 2. ԱՆՁՆՈՒԷՐ ԸՆԿԵՐՈՒԹԻՒՆ (1868)

1868 Յունիսին Տիվրիկէն կ'իմացնեն թէ Անճնուէր Ընկերութեան ճիւղ մը հաստատեր են (Փունջ Օրագիր, Կ. Պ. 1868 թիւ 184) : Չենք կարծեր թէ 1868էն աւելի հին ըլլայ : Ընկերութիւնս կը յիշէ նաեւ Մասիս Օրաքերքը (1869 թ. 300) 1868 Նոյ. 14ի թղթակցութեամբ : — Հիմնադիրն է Աստուածատուր Մ. Ֆէլէկեան, որ 1870ին Ընկերութեան Ատենադաշիրն է : Ընկերութիւնը կրցած է ունենալ 130 բաժանորդ եւ կիրակնօրեայ դպրոց մը մեծերու համար : Ունեցած է թշնամիներ, որոնք խափանել ճգնած ու յաջողած են, սակայն Ֆէլէկեան չէ յուսահատած, 1870ին վերակազմած է Ընկերութիւնը, որ ունի դրքեր ամէնուն ընթերցման համար (Մանգ. Էֆեփար, 1870 թ. 1428) :

1872 Մարտ 15 թուակիր թղթակցութեան մը մէջ 51 ստորագրողներ Տիվրիկէն կը բողոքեն տեղւոյն Տէր Գրիգորի դէմ, որ «չըկերաւ չըիմեց՝ մինչեւ տեղիս Անճնուէր



Ընկերութեան ճիւղը կործանեց» (Փող, 4. 7. 1872 թ. 59) :

### 3. ԱՂՔԱՏԱՍԻՐԱՅ ԸՆԿԵՐՈՒԹԻՒՆ (1870)

Հիմնած է Աստուածատուր Մ. Ֆէլէկեան 1870ին մասնաւոր դանձանակ մը հաստատելով աղքատներու համար (Մանգ. Էֆրեար, 1870 թ. 1428) : — 1872ին կը պահէ իր գոյութիւնը՝ հակառակ Տէր Գրիգորի ջանքերուն դայն կործանելու (Փող, 1872 թիւ 59) :

1878ին Տիվրիկի մէջ կը գտնէր Գարեգին վ. Սրուանձտեանց «Աղփատախնամ Ընկերութիւն» մը «հնուց կազմեալ» (Թորոս Աղբար, Ա., էջ 210) : Ուրեմն՝ անուն փոխած էր Ընկերութիւնը :

### 4. ՀԱՅՐԵՆԱՍԻՐԱՅ ԸՆԿԵՐՈՒԹԻՒՆ (...1878)

Կը յիշուի 1878ին Լոյսէն (1878 թ. 76) լով անուենով, իսկ Գարեգին վ. Սրուանձտեանց (Թորոս Աղբար, Ա., էջ 210) նոյն տարի դայն կը գտնէ «անդործ» : Կրնայ զիջ մը հին ըլլալ :

### 5. ԵՐԻՏԱՍԱՐԳԱՅ ԸՆԿԵՐՈՒԹԻՒՆ (...1880)

Ընկերութեանս Ատենապետը՝ Մ. Հայրապետ Սուփիասեան եւ Ատենադպիրը՝ Յարութիւն Թ. վէլէտեան թղթակցութեան մը մէջ, 1880 Դեկտ. 1/13ին, կը գրեն Ընկերութեան անունը սա՛ ձեւով. «Երիտ. Ընկերու-



թիւն Տիվրիկոյ» (Մասիս, 1881 թ. 2793) :  
Տարի մը վերջ Ընկերութեան վարիչները —  
Ատենասպետ՝ Խ. Ա. Երեւելեան եւ Ատենա-  
դպիր՝ Յովհ. Տ. Զարդարեան — թղթակ-  
ցութեան մը մէջ Ընկերութեան անունը  
գրած են՝ «Երեց. Ընկերութիւն Տիվրիկոյ»  
(Մասիս 1882 թ. 3053) : — Անհնարին եղաւ  
ճշդել :

#### 6. ՌԻՍՈՒՄՆԱՍԻՐԱՅ ՄԻՈՒԹԻՒՆ (1912)

Հիմնուած է 1912ի սկիզբները, նախ-  
տակ ունենալով «վարժարանին սատարել» .  
ունի Կանոնադիր եւ բաւական անդամ (Բիւ-  
զանդիոն, 1913 թ. 5007) :

1914ին թատերական ներկայացումներ  
կու տայ (Հոդդար, Սերառտիա 1914 թ. 8) :

#### 7. ՏԻՎՐԻԿԻ ՇՐՋԱԿԱՅ ԳԻՒՂԵՐՈՒ ՏԱՐԱԳԻՐՆԵՐՈՒ ՕԺԱՆԴԱԿ ՄԻՈՒԹԻՒՆ (1918)

Կազմուած է 1918 Դեկտեմբերին Պոլսոյ  
մէջ : 1919 Յունուարին ունին հետեւեալ առ-  
ժամեայ վարչութիւնը .

Մ. Գոյըքճեան	Ատենասպետ
Հ. Զարդարեան	Ատենադպիր
Ս. Երեւելեան	Գանձապահ
Գ. Սիրաք	
Մ. Սարրաֆ	
Մ. Թէլլիեան	
Մ. Պետիկեան	
Գ. Մակարեան	Անդամներ



Յ . Բաղադեան  
 Մ . Տօքեան  
 Թ . Խաչարեան  
 Ս . Պաղեան

Միութիւնը ունի 200 անդամ եւ ամսական 60—70 օսկի՝ անդամավճարներէ (ժամանակ, 1919, Թ . 3417) :

1919ին դաժարուած Ընդհ . Ժողովը կ'ընտրէ հետեւեալ նոր վարչութիւնը .

Հմայեակ	Զարդարեան	Ատենապետ
Մարտիրոս	Սարաֆեան	Ատենադպիր
Մանուկ	Պոյաճեան	Գանձապետ
Հայկ	Մանէնտեան	
Միհրան	Բոիկեան	
Ղազար	Մէլէկեան	Խորհրդականներ
Սիրաք	Գոգանեան	

(Տեղեկագիր Հայրեն . Միութեանց , Կ . Պոլիս 1921 , էջ 3 , 15) :

### ՔԻՐԱՍՈՆ (ԿԻՒՐԵՍԻՆ) ԳԻՒՂ

#### 1. ՎԱՐԱՋԴԱՏԵԱՆ ԸՆԿԵՐՈՒԹԻՒՆ (1874—1875)

Նպատակն է «ձրի դաստիարակութիւնը քնդհանրացնել» : 1875 Փետրուարին կը բանայ Ընթերցարան մը , ուր գիշերները կը հաւաքուին «բնիկ ու պանդուխտ Հայեր եւ անխոնջ կ'աշխատին» : Ընկերութեան վարչութիւնը կը կազմեն Յարութիւն Յակովբեան (Ատենապետ) եւ Խաչատուր Պատրլեան (Ատենադպիր) , (Հայրենիք , 1875 Թ . 249) ,



## 2. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1909)

1914 Նոյեմբերին կը հաստատուի իր  
Կանոնագիրը (Ժամանակ, 1914 թ. 1993) :

## ԽՈՒՌՆԱՎԻԼ ԳԻՒՂ

## 1. ԼՈՒՍԱՒՈՐՉԵԱՆ ԸՆԿԵՐՈՒԹԻՒՆ (1879)

Կազմուած է 1879 Դեկտեմբերին Պոլսոյ  
մէջ, Գիւղին դպրոցին նպատակելու համար :  
1881ին Վարչութիւնը կը կազմէին .

Յարութիւն Խամպարեան Ատենապետ  
Յարութիւն Նալիկեան Ատենադպիր

Ընկերութեան կը նուիրեն՝ Մելքոն Գոս-  
պարեան (Մասկուտ) 24 դրոք, Տօքթ.  
Փէշտիմալճեան (Պոլիս) 12 դրոք եւ Արիկ  
Ունճեան (Պոլիս) 250 դրոք (Հայրենիք, Կ.  
Պոլիս 1881 թ. 909) :

Ընկերութիւնը Գիւղին մէջ դպրոցի շէնք  
մը կը շինէ, ուր 1881ին կ'ուսանին 95 ա-  
շակերտներ՝ 8 կարգերու մէջ եւ ունին 2  
ուսուցիչ : Դպրոցի տարեկան ծախքն է 85  
սկի (Մասիս, Կ. Պ. 1881 թ. 3052) :

## 2. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1909)

Հիմնուած է 1909ին նպատակ ունենա-  
լով՝ բանալ Գիւղին դպրոցը (Ազատամարտ,  
1909 թ. 156) : 1911ին կը հաստատուի Կանո-  
նագիրը (Ժամանակ, 1911, թ. 757) : — Ըն-  
կերութիւնը Ամերիկացի մէջ ալ ճիւղ մը ու-



նեցած է, որ 1915ին 266 ուսուցիչ կը յատկացնէ զաղթականներու (Արարատ, 1915, էջ 813) :

## ԶԻՄԱՌԱ ԳԻՒՂ

1. ՆԱԼԵԱՆ ԸՆԿԵՐՈՒԹԻՒՆ (1879)

Հիմնուած է Պոլիս 1879ի սկիզբը : Դրամ հաւաքելով՝ կը շինեն Գիւղի մէջ զպրոցի շէնք մը (Թէրնէմանը Էֆեւար, Կ. Պ. 1879, Թ. 508 : — Լրագիր, Կ. Պ. 1879, Թ. 1001) :

2. ՅԱՌԱԶԴԻՄԱԿԱՆ ՄԻՈՒԹԻՒՆ (1910)

Կազմուած է Գիւղին մէջ 1910ի ամբան (Ժամանակ, 1910 Թ. 587) :

## ԿԱՍՄԱ ԳԻՒՂ

1. ԴՊՐՈՅԱՍԻՐԱՅ ԸՆԿԵՐՈՒԹԻՒՆ (1884—1885)

Նպատակն է զպրոցին օժանդակել : Բարերարն է Յակոբ Նորատունկեան : Գործ. Ժողովը՝

Կարապետ Բալխեան Ատենապետ  
Արրահամ Ս. Խարակեալուբեան Ատենադպիր  
(Արեւելիք, Կ. Պ. 1885 Թ. 403) :

2. ԲԱԳՐԱՏՈՒՆԵԱՅ ԴՊՐՈՅԱՍԻՐ ԸՆԿԵՐՈՒԹԻՒՆ  
(1909)

1912ին կը հաստատուի իր Կանոնադիրը (Ազատամարտ, 1912 Թ. 904) : 1919ին Պալսոյ մէջ կը վերակազմուի «Բազրատունեաց



Միութիւն» *անուանով* (ժամանակ, 1919 թիւ 3633 : — Տե՛ս նաեւ *Թէոգիկ*, Ամէն . Տարեց . 1921, էջ 306 եւ ժողովուրդի Չայնր, 1921, թ . 848, 907) :

## ԱՐԱՄԹԱՂ (ԱՐՄՈՒՏԱՂ) ԳԻՒՂ

1. ...ԸՆԿԵՐՈՒԹԻՒՆ (1885)

*Կը կազմուի Պոլսոյ մէջ 1885ին : Անունը անծանօթ է մեզ (Լոյս, Կ . Պ . 1885 թ . 659) :*

2. ԿԱՐՕՏԵԼՈՑ ՕԳՆՈՒԹԵԱՆ ՄԻՈՒԹԻՒՆ (?)

3. Ս . ՓՐԿԻԶ ՎԱՐԺ . ՌԻՍՈՒՄՆԱՍԻՐԱՅ ՄԻՈՒԹ . (?)

*Երկուքն ալ կազմուած են Ամերիկա (Տե՛ս Յ . Խաչմանեան, Ամերիկահայ Հանրագիտակ, 1925, էջ 495) :*

## ԱՇՈՒՇԷՆ ԳԻՒՂ

1. ՅԱՌԱՋԴԻՄԱՍԻՐԱՅ ՄԻՈՒԹԻՒՆ (1912)

*Կազմուած է Պոլիս 1912ին : Կ'ուղէին Գիւղին մէջ դպրոցի շէնք մը շինել (Ազատամարտ 1912 թ . 953) :*

## ԲԱՐԱՂԱՄ ԳԻՒՂ

1. ՌԻՍՈՒՄՆԱՍԻՐԱՅ ՄԻՈՒԹԻՒՆ (?)

*Կազմուած է Ամերիկա (Ամերիկահայ Հանրագիտակ, էջ 495) :*



## ԿԻՒՐԻՆ

### 1. ՎԱՀԱՆԵԱՆ ԸՆԿԵՐՈՒԹԻՒՆ (1866)

Կիւրինի այս հնադոյն Ընկերութիւնը հիմնած են Հալէպաբնակ Կիւրինցի պանդուխտ վաճառականներ 1866ին՝ նպատակ ունենալով նպաստել Կիւրինի աղքատներուն ու ազգային վարժարաններուն : Ահա եօթը հիմնադիր անդամներուն անունները . Մարտիրոս Կ. Արապեան, Մ. Սարգիս Զիլինկիրեան, Սեմեֆերիմ Թախապեան, Մ. Մարգար Գոչունեան, Մարկոս Մակարեան, Մ. Յարութիւն Մարանեան, Պօղոս Արապեան . որոնցմէ իւրաքանչիւրը 50ական սկիի նուիրելով՝ Ընկերութեան հիմնադիր հանդիսացած են , պայմանաւ որ Ընկերութիւնը իրենց ձեռքով շահագործէ գոյացած գրամագլուխը . որ քիչ տաւելուան մէջ 500 սկիի բարձրացած է , ունենալով նաեւ ոչ-հիմնադիր անդամներ :

Ընկերութեան 7 հիմնադիր անդամները որոշած են որ իրենց կենդանութեանը՝ անձամբ վարեն Ընկերութիւնը , իսկ իրենց մահէն վերջ՝ իրենց երեց արու ժառանգորդները՝ յաջորդաբար եւ տարուէ տարի գոյացած շահը քաղաքին աղքատներուն ու վարժարաններուն յատկացնեն : Վերոյիշեալ եօթը անդամներէն Յարութիւն Մարանեան եւ Մարտիրոս Արապեան վստահելի մեծ վաճառականներ ըլլալով՝ Ընկերութեան Գանձապահները ընտրուած են եւ իրենց յանձնուած



է Ընկերութեան ամբողջ դրամագլուխն ու գործառնութիւնները : — Ընկերութիւնը մինչեւ 1873 շարունակուած է այս սկզբնական պայմաններու տակ : Կ'երեւայ սակայն սկսած էր թոյլնալ կամ նոր պայմաններ փոփոխութեան մը հարկը զգացուցած են : 1873ին կը վերակազմուի : Թղթակից մը կը գրէ որ Ընկերութեան անձերը « իրենց մէջ նոր ընկերութիւն մը կազմելով՝ դպրոցի համար հանգանակութիւն եւս բացեր են եւ մէկէն երեք հարիւր լիրայի հասոյթ մը գոյացեր է եւ Կակոսեան Մանուկ պատուելին . . . դասատու կարգեր են շախչոր թաղի սուրբ Փրկչեան վարժարանին . . . Մանուկ պատուելին մասնաւորապէս շնորհակալ կ'ըլլայ Ընկերութեան Գործադիր Անդամներէն Կայծակ Արապեանի, Մանուկ Ծառուկեանի եւ Կալապետ Վարդապետեանի » (Մասիս, Կ. Պ. 1873 թ. 1373) :

Վահանեան Ընկերութիւնը 1874ին կը բանայ « Ղեւոնդեան Ուսումնարանը, ուր կը սեռանին 40 աշկերք որոց դասատուն է Պ. Աւետիս Պըքիկեան, վանեցի : Աւանդեալ դասերն են. Հոսարակ ընթերցում, Քերականութիւն, Թուարանութիւն, Աշխարհագրութիւն, Տրամարանութիւն, Ճարտասանութիւն, Տաճկերէն . . . Քաղաքիս առաջին ուսումնարանը սա է, ուր աւելի քան 50 լիրա ծախք կ'ըլլայ » (Հայրենիք, Կ. Պ. 1878 թ. 418) :



Ընկերութիւնը 1875ին 80 լիւրա ծախսելով Խասպաղ Թաղին մէջ պարտէզ մը կը դնէ՝ նպատակ ունենալով «Ղեւոնդեանց» անուանով գիշերօթիկ վարժարան մը կառուցանել։ Շինութեան համար բաւական է պատրաստութիւն կը տեսնուի։ Բ. Դոնէն հրովարտակ կը բերուի. շէնքին պէտք եղած ատաղձներուն մեծ մասը գնուելով պարտէզին մէջ կ'ամբարուի։ Պարտէզը գնուելէ վերջ գիշերօթիկ անուանով դպրոց մը կը բացուի վարձու տան մը մէջ՝ շինութենէն յետոյ հոն փոխադրուելու համար։ Սակաջն տեղւոյն մահամետականները արգելք կը յարուցանեն գիշերօթիկ վարժարանի շինութեան, որով կը յապաղի դործը եւ ատաղձներէն մօտ մը կը դողցուի, կը գրէ Մ. Սարգիս Ա. Մինասեան (Աւետաքեր, Կ. Պ. 1876, էջ 150)։ — Հմմտ. նաեւ Հայրենիք, 1877, Թ. 353)։ — 1877ին Ընկերութեան դրամագլուխն էր 1000 օսմ. լիւրա (Հայրենիք, անդ.)։ Իսկ 1893ին 1991 լիւրա (Հողդար, Սեբաստիա 1913 Թ. 20)։

1892ին Մարանեան եւ Արապեան կառուած մը դնելով Բաթումի մէջ՝ վրան հինգ մթերանոց եւ երկու տուն կը շինեն ի հաշիւ իրենց եւ Վահանեան Ընկերութեան, հաւասարապէս ծախսելով։ Նոյնպէս Սամսոնի մէջ երկու տուն կը շինեն Ընկերութեան հաշուոյն։ Բարոյական անուան վրայ կալուածագիր հանել դժուարին ըլլալուն՝ իրենց



անձնական անուններուն վրայ արձանագրել  
 կու տան Բաթումի եւ Սամսոնի շէնքերը ,  
 սակայն Կիւրինի Առաջնորդարանին ալ կը  
 տեղեկագրեն եւ ազահովադիր կը դրկեն թէ  
 Բաթումի մէջ իրենց անուամբ չինած շէնքե-  
 րուն կէսը եւ Սամսոնի տուները ամբողջո-  
 վին Կիւրինի ազդ . վարժարաններուն կը  
 պատկանին : 1894ին կը սկսին վարձու տրուիլ  
 յիշեալ կալուածները եւ մինչեւ 1898 դոյա-  
 ցած վարձքը կը դոցէ Ընկերութեան համար  
 եղած 500 լիրայի փոխառութիւնը : 1899-  
 1910 շէնքերուն հասոյթը նպաստած է Կիւ-  
 րինի վարժարաններուն՝ տարեկան 60-66 սո-  
 կիով : 1911-13 նպաստ չեն տուած : Մարա-  
 նեան հաւանած է նպաստ դրկել , բայց Արա-  
 պեանի ժառանգորդները Խորենականի ժա-  
 ռանգուլթիւն համարելով՝ ուղած են իւրա-  
 ցնել ազդ . կալուածները (Հոդդար անդ) :

1909ին Կիւրինցի մը — Յարութիւն Ռա-  
 փայէլեան — Ընկերութեան դրամադուլիւր  
 25,000 օսմ . լիրայի բարձրացած կը համարի  
 եւ կը պահանջէ որ գոնէ տարեկան եկա-  
 մուտները յատկացուին Կիւրինի սովեալնե-  
 րուն ու դպրոցներուն (Մանգուլէի էֆէնար ,  
 Կ . Պ . 1909 թ . 4620 : Տե՛ս նաեւ ժամանակ ,  
 1919 , թ . 3615) :

## 2. ԱՆՁՆՈՒԷՐ ԸՆԿԵՐՈՒԹԻՒՆ (1868-9)

Կը յիշուի 1869 Փետր . 20ին , հետեւա-  
 բար հիմնումի թուական կրնայ նկատուիլ



1868-9 : Պալատի փունջը կը դրէ 1869 փետր . 20ին . «Կիւրին , Տէրէնտէ , Մանճըլըխ , Տիվ-րիկ եւ իր մօտակայ գիւղերն ալ Անճնուէր Ընկերութեան ճիւղեր հաստատուեր եւ շատ դասագիրք եւ օրագիր գրկուեր են» (Փունջ , Կ . Պ . 1869 թ . 261 : — Տե՛ս նաեւ Մամուլ , Կ . Պ . 1869 , էջ 19) :

### 3. ՀԱՅՐԵՆԱՍԻՐԱՅ ԸՆԿԵՐՈՒԹԻՒՆ (1872)

Հիմնած են Այնթապի մէջ բնակող Կիւրինցի երիտասարդներ , որոնք իրենց Ընկերութեան դրամով «Կիւրինի Մայր Եկեղեցւոյ վարժարանի ամայի մնացած վերնաշարկին մէկ մասը վերանորոգելով , 40 տղոց համար ցորեկօթիկ «Արամեան» վարժարանը բացաւ ընդ դասատուութեամբ Խաչատուր պատուէի Փանոսեանի» (Հայրենիք , 1877 թ . 376) :

Ուրիշ թղթակից մը լրացնելով վերոյիշեալ տեղեկութիւնը՝ կը ճշդէ որ Ընկերութեան հիմնադիրները 7 հոգի են եւ «Արամեան» վարժարանը բացած են 1877 Յուլիս 20ին՝ ունենալով 5 տարուան ընթացք մը , ուր կ'ուսուցուին . Հայերէն ընթերցում , Քերականութիւն , Աղղ . Պատմութիւն , Սըրբաղ . Պատմութիւն , Քրիստոնէական , Թուարանութիւն եւ Երաժշտութիւն (Հայրենիք , 1878 թ . 418) : — Ընկերութիւնը 1888ին դեռ կանգուն էր եւ ծախսած՝ 100 մէճիտ (Հայրենիք , 1880 թ . 615) :



#### 4. ՍԻՐԱԿԻՐ ԸՆԿԵՐՈՒԹԻՒՆ (1873—1874)

Կ'ըսուի թէ հիմնուած է 1882էն 8—9 տարի առաջ : Ունեցած է իր պաշտպանութեան տակ «Մեսրոպեան» անունով դպրոց մը : Ահա այս մասին Սարգիս Խումարեանի Կիւրինէն տուած տեղեկութիւնը . «...Մեսրոպեան վարժարան մը յիշեցի, որ այժմ անուանական է եւեթ եւ անձնական կրից դոհուած : Այս նուիրական յարկը 150ի չափ հայ մանկուոյն Ազգ. վարժարանն էր, որ կը հոգացուէր 8—9 տարի առաջ կազմուած Սիրալիք Ընկերութեան ծախիւք եւ վերջին տարիներս սկսած էր տակաւ առ տակաւ բարեկարգուիլ եւ յառաջդիմել, սակայն թաղիս (Զիւճոր) եկեղեցւոյն վերաչինութեան պատճառաւ յիշեալ Ընկերութեան անդամոց մէջ ծաղած անհամաձայնութեան շնորհիւ դժբախտաբար դոցուեցաւ» (Մասիս, 1882 թ. 3242) :

#### 5. ԼՈՒՍԱՒՈՐՁԵԱՆ ԹԱՆԳԱՐԱՆԻ ԸՆԿԵՐՈՒԹԻՒՆ (1873—1874?)

Ընկերութեանս հիմնումի թուականը անձանօթ է . հաւանական կը համարինք 1873 : — Սարգիս Մինասեան Կիւրինէն 1876 Փետր. 28ին կ'իմացնէ թէ Կիւրինի Խապաղ թաղին մէջ բացուած է «Լուսաւորչեան անուն Թանգարանը, որ ունի 45 անդամ : Թանգարանին մէջ ոչ միայն լրագիր կը կարդան, այլեւ ուսմունք կը սորվին :



Թանգարանի դպրոցին դասատուն է Յակոբ վարժապետ ժամկոչեան եւ աշակերտաց թիւն է 65» (Աւետարեւր, Կ. Պ. 1876, էջ 150) : — Նոյն թղթակիցը 1878 Մարտ 2ին ալ կը գրէ . «Խառապաղ թաղի Լուսաւորչեան Թանգարանի Ընկերութեան վարժարանը կանոնաւոր չըլլալուն՝ այժմ դոցուեցաւ» (Հայրենիք, 1878 թ. 418) :

Ընկերութեան Առեւտրապետ եղած է Սարգիս Մինասեան : 1881ին Գործ. Ժողովը կը կազմէին՝ Յակոբ ժամկոչեան եւ Կարապետ Խրիտեան (Մանգ. Էփեար, 1881 թ. 4663) :

#### 6. ՊԱՐԹԵՒԵԱՆ ԸՆԿԵՐՈՒԹԻՒՆ (...1878)

Կը յիշուի 1878ին, բայց հաւանօրէն աւելի հին է իր հիմնարկութիւնը : Հայրենիքի թղթակիցը կը գրէ . «Էօտէն թաղը մի Պարթեւեան անուն Ընկերութիւն հաստատած է շնորհիւ Յ. Էփ. Անէմեանի եւ Նահապետ աղա Նահապետեանի : 100 լիւրայի մօտ ստակ ունի : Նպատակը նոյն թաղի տղայոց կրթութիւնն է» (Հայրենիք, 1878 թ. 418) :

#### 7. ԱՐՇԱԿՈՒՆԵԱՅ ԸՆԿԵՐՈՒԹԻՒՆ (1879)

Զախճոք թաղի 18—20 տղատանիներ ու երիտասարդներ 1879ին կը հիմնեն Արշակունեաց Ընկերութիւնը՝ փափաղելով Թանգարան մը եւ Կրթարան մը կանգնել (Թէրմեւանը Էփեար, Կ. Պ. 1881 թ. 1160) :



## 8. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1880)

Թղթակից մը 1880 Յունիս 3ին կ'իմացնէ թէ Կիւրին Մայր Եկեղեցւոյ վերնաջարկին մէջ եղած դպրոց մը «Ոստումնասիրաց Ընկերութեան խնամատարութեան ներքեւ կը գտնուի» (Հայրենիք, 1880 թ. 615) :

## 9. ԿՐԹԱԿԱՆ ՄԻՈՒԹԻՒՆ (1881)

Այս անունով Միութիւն մը կը յիշուի 1881 Դեկտեմբերին, որուն կազմութեան նախաձեռնողներ եղած են Արապեան Պետրոս եւ Պօղոս, որոնք միացած Մկրտիչ Պարոնեանի հետ՝ բացած են վարժարան մը՝ «Վարժարան Կրթական Միութեան» անունով, ուր պիտի կրթուին հարուստ եւ աղքատ մանուկներ՝ սահմանեալ թուով» (Մասիս, 1881 թ. 3064) : — Վարժարանը յետոյ կը կոչուի նաեւ «Արապեան-Պարոնեան Վարժարան» (Մասիս, 1882 թ. 3242) :

## 10. ...ԸՆԿԵՐՈՒԹԻՒՆ (1883—1884)

Կիւրինի «Էօրէն-Թաղը» երկուք է. Վերի եւ Վարի Էօրէն : Այս թաղին մէջ 1888էն «մի քանի տարի յառաջ հափաՀաս եւ կարող անձինք ի մի վայր խմբուելով ձեռնարկած են մի Ընկերութիւն կազմել եւ թաղին աղգայիններէն... նուէր առնուլ, որպէս զի Ընկերութիւնն պատրաստ մի դրամագլուխ ունենալով՝ կարողանայ... Հայ մանկաւոց դաստիարակութեան նուիրել



եւ մեն մի աշակերտ ձրիարար երթեւեկէ վարժարան... այս բարի նպատակաւ հաւաքած են 80 ոսկի...» (Փուլնջ, Կ. Պ. 1888

Թղթակիցը չէ տուած Ընկերութեան անունը, որուն հիմնարկութեան թուական կրնանք համարիլ իբր 1883—1884 :

#### 11. «ՍԻՐԱԼԻՐ» ԸՆԿԵՐՈՒԹԻՒՆ (1883—1885)

Այս Ընկերութիւնը Կիւրինի «Ջախանըթագին մէջ հիմնուած է : Հիմնադրութեան տարւոյ համար կ'ըսուի, 1889էն «Բանի տարիէ ի վեր հիմնուած (Փուլնջ, 1890 թիւ 2186) : — Ընկերութիւնս վերականգնութեա՞մբ նոր կեանքի կոչուած է թէ հինը շատանց մարած ըլլալով՝ նոր հիմնադրութիւն մ'ունեցած է : — Ոչ մէկ լուսարանութիւն կը գտնենք այս վերջին աեղեկատուութեան մէջ :

#### 12. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (...1907—1915)

Հիմնած են Ամերիկայի նժգեհ Կիւրինցիներ, որոնք 1915ին 430 դպար կը նուիրեն Հայ Գաղթականներուն (Արարատ, 1925, էջ 817) :

#### 13. ...ԸՆԿԵՐՈՒԹԻՒՆ (1910—1911)

Պոլսոյ ժամանակ թերթը կը դրէ 1911ին. «Կիւրինի Գարաբէփէի քաղին մէջ



երեսուն երկու անդամներով գիշերային դպրոց մը բացուած է, ուր օգտակար գիտելիքներ կ'աւանդուին զարգացեալներուն : Ընկերութեան անդամակցելու էական պայմանն է մաքուր բարոյական եւ պարկեշտ կենցաղ եւ մասնաւորաբար ոգելից ըմպելի չդործածել» (Ժամանակ, 1911 թ. 743) : — Դժբախտաբար լռած է Ընկերութեան անունը :

14. ...ՄԻՈՒԹԻՒՆ (1914)

Կիւրինի մէջ Խաւովի համադօր բարձրագոյն վարժարան մը բանալու համար 1914ին սկիզբը Միութիւն մը կը կազմուի, որուն Ծրագիր-Կանոնագիրը Ազգային վարչութիւնը պատրաստած էր (Ժամանակ, 1911 թ. 1713) : Չ'ըսուիր սակայն թէ ի՞նչ էր Միութեան յորջորջումը :

15. ԿԻՒՐԻՆԻ ՀԱՅՐԵՆԱԿՑԱԿԱՆ ՄԻՈՒԹԻՒՆ (1920)

Կազմուած է Պոլիս 1920 Մայիսին : Առժամեայ վարչութեան կազմն է. վ. Չէյթունցեան, Սիմոն Թէրճէնեան, Ս. Փիրանեան, վ. Չուլճեան, վ. Գարայեան (Տեղեկագիր Հայրեն. Միութեանց, Կ. Պ. 1921, էջ 4 եւ 14 : — Ժողովուրդի Ձայնը, 1921, թ. 810) :

16. ԿԻՒՐԻՆԻ ՀԱՅՐԵՆԱԿՑ. ՄԻՈՒԹԻՒՆ (1929)

Թղթակիցը կը գրէ. «Կիւրինցի քանի մը



Հայրենակիցներ, զգալով կազմակերպութեան պահանջը՝ զազափարի փոխանակութիւն ունեցանք: Յետոյ 28 անդամ-անդամուհիներէ բաղկացեալ մեր անդրանիկ նիստը ղուժարեւով՝ միաձայնութեամբ որոշեցինք կազմել «Կիւրիի Հայրենակցական Միութիւնը», որուն գլխաւոր նպատակները պիտի ըլլան. 1. Վառ պահել ազգային ոգին եւ հայրենիքի աւանդութիւնները. 2. Բոլոր կարելի միջոցներով պայքարիլ այլաոերման դէմ... 3. Փոխադարձ նիւթական եւ բարոյական օժանդակութիւն» (Յառաջ, Փարիզ 1929 Յուլ. 2): Շուտով կ'ունենայ իր Կանոնադիրը: Առժամեայ Վարչութեան անդամներէն է Թադէոս Մինասեան: Միութիւնը կը կազմուի Լիոն-Ռոնի (Ֆրանսա) մէջ (Անդ):

## ՍԵՔԱՍՏԻԱ

### 1. ՍԵՆԵՔԵՐԻՄԵԱՆ ԸՆԿԵՐՈՒԹԻՒՆ (1846?)

Գարեգին Վ. Սրուանձտեանց կը գրէ 1878ին. «Սենեքերիմեան Ընկերութիւն, որ Սեւաստղոց պարծանք եւ բաղձաց օրինակ լինելու արժանի է իբր 32 տարիէ ի վեր հիմնեալ Պոլիս գտնուած պանդուխտ Սեւաստղիներէ...» (Թորոս Աղբար, Ա., էջ 145): «Իբր 32 տարիէ ի վեր» 1878էն հաշուելով՝ կու տայ  $1878 - 32 = 1846$ :

Նոյն կարծիքն ունի Հ. Գ. Ղազարեան,



որ կը գրէ. «Սերաստիոյ Սենեքերիմեան Միուրիւնը առաջին անգամ հիմնուած է 1846 թուականին Կ. Պոլիս գտնուած Սերաստացիներու կողմէ: Առաջին հիմնադիրները կ'ըլլան Թորոս Աղա Տերպապեան, Յակոբ Էփ. Գազաննեան» (Ալիս, Նիւ Եօրք 1929, Թ. 6, էջ 7): — Ուրեմն՝ «Սենեքերիմեան Ընկերութիւն»ը նախ հիմնուած է Պոլիս՝ 1846ին:

1846—1847ին Պոլիս եւ գաւառներու մէջ գոյութիւն ունեցող բոլոր Ընկերութիւնները ծանօթ են մեզ: Անոնց մասին ծանօթութիւնն առողջ ժամանակակից թերթերն են Պոլսոյ Հայաստանը եւ Իզմիրի Արշալոյս Արարատեան եւ Հայրենասէր: Արդ, այս երեք կարեւոր թերթերէն ոչ մէկուն ծանօթ է թէ Սերաստացիներ Պոլսոյ մէջ — 1846ին — «Սենեքերիմեան Ընկերութիւն» մը հիմնած են: Ո՛չ 1846ին եւ ոչ ալ 1846—1851ի ընթացքին որեւէ հայ թերթի մէջ տեղեկութիւն կայ այդ մասին: Գաղտնի՞ մնացած էր արդեօք այդ հիմնումը: — Անհաւանական է: Զի 1846—1851ի միջոցին տասնեակ Ընկերութիւններ հիմնուած են եւ ծանօթ վերոյիշեալ թերթերուն:

Դժբախտաբար եւ ոչ մէկ հին վկայութեամբ կարելի է ապացուցանել թէ Սերաստացիներու հնագոյն Ընկերութիւնը — Սենեքերիմեան — առաջին անգամ 1846ին հիմնուած է:



Ընկերութեանս մասին ամենաիմ վկայ-  
ութիւնը ունինք Պոլսոյ Մասիս եւ Նոյեան  
Աղաւնի թերթերէն, որոնցմէ Մասիս 1852  
Հոկտ. 1ին է որ առաջին անգամ ըլլալով  
վառնայի (Բուրդարիս) մէջ հիմնուած Ընկե-  
րութեան մը լուրը տալէ վերջ՝ կը ծանու-  
ցանէ. «Ուրիշ ազգասիրական Ընկերութիւն  
մըն ալ Սերաստիոյ մէջ հաստատուեր է այս  
օրերս «Սենեֆերիսեան Ընկերութիւն» անու-  
նով: Ասոր ալ շարժառիթը ուսումնասիրա-  
կան հոգւոյն արթննալն է տեղւոյն հայ ժո-  
ղովրդեան մէջ. . . երկու երեւելի անձինք՝  
մեծ. Յովսէփ եւ Մահտեսի Գէորգ հարա-  
զատք Օտապաշեան՝ ազգասիրարար իրենց  
ծախիւքը վարժարան մը շիներ ու ազգին  
նուիրեր են: Այս աղնուախոհ անձանց նշա-  
նաւոր առաջաճեռութիւնը օրինակ եւ  
գրգիռ մը եղեր է տեղւոյն երեւելեացը՝ միա-  
բանելու Ընկերութիւն կազմելու եւ ժողո-  
վուրդը յորդորելու որ վերոյիշեալ երկու  
ազգասէր յարգելիներուն զովելի նախանձը  
արդիւնաւորեն. . . զպրօցներ կանգնեն,  
բարեկարգեն, ուսման եւ կրթութեան բա-  
րիքներուն իրենց զաւկներն ալ մասնակից  
ընեն. . . Այս Ընկերութեան անդամ եւ գոր-  
ծակալ եղեր են հետեւեալ արգոյ անձինքը.

Բարունակ Տէմիրճեան	Վերատեսուչ
Գէորգ Մեծմօրուքեան	Հոգաբարձու
Առաքել Մեծմօրուքեան	Հոգաբարձու
Մանուկ Մեծմօրուքեան	Գանձապետ



Ղաղարոս Պըյըխեան

Օղնական

Գրիգոր Չաարճեան

Կարապետ Չաարճեան

Խորհրդական

Պալիկ Տէրպապեան

Յօհան Պալըզեան

Յակոբ Բարունակեան

Խաչատուր Բրտալեան

Պետրոս Յօհաննէսեան

Մելքոն Պօյաճեան

(Մասիս, Կ. Պ. 1852 թ. 36, Հոկտ. 1) :

Պոլսոյ Նոյեան Աղաւնի Թերթը (1852 թ. 32 Հոկտմ. 9) Մասիսի վերոյիշեալ տեղիքին կարեւոր մասը նոյնութեամբ տալի վերջ՝ իր կողմէ որեւէ նորութիւն մը չաւելցնէր :

Թէ՛ Մասիսի եւ թէ՛ Նոյեան Աղաւնիի անծանօթ է 1846ին Պոլսոյ մէջ հիմնուած Սեմեֆերիսեան Ընկերութեան մը գոյութիւնը : Այս Թերթերուն անծանօթ է առհասարակ «Սեմեքերիմեան»ի Պոլսոյ մէջ ալ հիմնուի մ'ունենալը : Մենք կը համարինք թէ այդ Թերթերու լոյս տեսնելէն (1852ին լոյս տեսած են առաջին անգամ) քիչ առաջ — 1851ին — տեղի ունեցած է Պոլսոյ «Սեմեքերիմեանի» հիմնումը : — Հնութեան մէջ, որքան դիտենք, մինչեւ 1857 այլ եւս ոչ մէկ Թերթ յիշատակութիւն կ'ընէ Ընկերութեան մասին : Հետեւաբար եթէ իսկապէս առաջին անգամ 1846ին տեղի ունեցած է Պոլսոյ մէջ



«Սենեֆերիմեան Ընկերութեան Հիմնումը՝  
այն ատեն պիտի ըսենք թէ ան կարն տեւո-  
ղութիւն մը միայն ունեցած ու դադրած է։  
Ունեցած է կանոնագիր մը։ «Սենեֆերիմեան  
Ընկերութեան» անունով կանոնագիր մը ծա-  
նօթ է մեզ 1875էն։ Այդ տարիէն առաջ լոյս  
տեսած չէ կանոնագիր մը, թէեւ 1857ին  
կ'ըսուի թէ Ընկերութիւնը ունեցած ըլլայ  
«կանոններ», որոնք այնքան «լաւ եւ հիմնա-  
ւոր» չէին։ Ընկերութիւնը 1857ին վերջերը  
վերակազմուելով՝ «աւելի լաւ եւ հիմնաւոր  
կանոններ» կ'ունենայ (Մասիս, Թ. 305)։  
Բայց թէ որո՞նք են եւ ու՞ր հրատարակուած՝  
չ'ըսուիր։

Սեբաստիոյ «Սենեֆերիմեան Ընկերու-  
թւին»ը մեզի ծանօթ է եղևու նիւղով. մին  
Պոլիս հիմնուած 1851ին, միւսը Սեբաստիոյ  
մէջ կազմուած 1852ին։ Ահա մեր ազայցոյց-  
ները։ Աչքի առջեւ ունինք 1881 Յուլիսին  
Պոլսոյ մէջ լոյս տեսնող Հայրենիք թերթը  
(խմբագիրը Սեբաստացի մը՝ Անդրանիկ),  
որուն մէջ Պոլսաբնակ Սեբաստացիներ —  
անդամ Սեբաստացոյ «Սենեֆերիմեան Ըն-  
կերութեան» Պոլսոյ ճիւղին — հրատարակու-  
թեան կու տան նամակ մը, որ կը պատմէ  
թէ 1. Որո՞նք էին հիմնադիրները Պոլսոյ  
«Սենեֆերիմեանին». 2. Ե՞րբ հիմնուած է  
այդ Ընկերութիւնը Պոլսոյ մէջ. 3. Ի՞նչ վի-  
նակ ունի 1881ին Պոլսոյ «Սենեֆերիմեան»ը,  
որ այդ ատեն «երեսնամեայ մի ծերունի Ըն-



կերուքիւն է : Ահա այդ նամակը իր հակառակ մասովը .

«Սենեքերիմեան Ընկերութիւն Սերաստիոյ . վերջապէս Հայն սթափելով իւր դարաւոր անտարբերութենէն , զգաց թէ Հայն տուել պէտք ունի իւր բնագաւառին մէջ ոյժ տալու քաղաքակրթութեան դործոյն եւ անդ դաստիարակելու ներկան . . . Սերաստիոյ գաւառն , ինչպէս կը յիշեն շատեր , սոյն պարտաճանաչութեան մէջ անդրանիկն լինելով , իրաւամբ մեծ գրուատիքներու արժանի է . . . Սերաստիա ունեցած է երեսնամեայ մի ծերունի Ընկերութիւն , որ կը կոչուի «Սենեքերիմեան» , որոյ հիմնադիրք եղած են ոչ մեղի նման կարծեցեալ լուսաւորիչներ , այլ վեհապանձ նախնեաց առանձնայատկութիւններէն դեռ անգուրկ իսկական Հայեր՝ **ԲԵՌՆԱԿԻՐՆԵՐ** , որոց արդար քրտանց կաթիլներէն մարմնացած է յիշեալ Սենեքերիմեան Ընկերութիւնը եւ նորա տարեկան 300 ոսկիէն աւելի հասոյթ արտադրող հաստատուն կալուածներն : Ահա այսպիսի Ա . ք Բ . էն որոշելու անկարող , անուս ձողաբարձներէ յարատեւած մի Ընկերութիւն , որ այսօր եկած փոխանցած է մեզ նման «լուսաւորիչներու» , նուազ դարձանալի չէ անտարբերութեամբ դիտել նորա տարտամ եւ ծանրաբաշխ ընթացքն եւ նուազ նախատինք չկրքնար համարուիլ բոլոր Սերաստեան գաւաղաց , որոյ պատասխանատուութեան ծանրու-



թենէն ոչ ոք կարող է արդարեալ, ո՛չ համեմատական արդիւնք, ո՛չ տարեկան արդար հաշուեկշիռ եւ ոչ ալ Ընկերութեան սուրբ գործոյն եւ նպատակին համաձայն մղուի մը կը նշմարուի այսօր . . . կը մնամք միշտ բարեացակամ բաժանորդք Սենեֆերիմեան Ընկերութեան . 1881 Յուլիս 16, Կ. ՊՕԼԻՍ» (Հայրենիք, Կ. Պ. 1881 թ. 788) :

Այստեղ նկարուած «Սենեֆերիմեան Ընկերութիւն»ը Կ. Պոլսոյ մէջ հիմնուած է, գրողներն ալ անոր բաժանորդներն են՝ ծանօթ անոր հիմնուիին : Ինչպէս կը տեսնուի՝ հիմնումը եղած է 1881էն 30 տարի առաջ, այսինքն 1881—30 = 1851ին : Հիմնադիրներն են Սեբաստացի բեռնակիրներ Պոլսոյ մէջ : Դժբախտաբար անուններ չեն յիշուիր այդ հիմնադիրներէն : Պոլսոյ «Սենեֆերիմեան»ի հիմնումի տարին 1852ին զնող ալ կայ . օրինակ՝ 1875ին հրատարակուած Կանոնագրութիւնը եւ նոյն Կանոնագրութիւնը հրատարակել տուողները (տե՛ս Հայրենիք, 1875 թ. 271) : Այս մասին յետոյ :

Սեբաստացի գրագէտ մը — Նազարէք Յ. Իսթամպուլեանց — 1880ին կը գրէ Սեբաստիայէն . «Սենեֆերիմեան Ընկերութիւն հաստատեալ 1851 թուականին . Սոյն Ընկերութիւնն անդրանիկ աղգային մի Ընկերութիւն է քաղաքիս մէջ . . . երկու ֆիւղի բաժնուած է . մի ճիւղը Կ. Պոլսոյ մէջ կը գլու-



նուի եւ միւսը քաղաքիս մէջ» (Մասիս, Կ. Պ. 1880 թ. 2560) :

Ուրեմն՝ ասոր համեմատ ալ «Սենեքերիմեան Ընկերութեան» ծագումը 1851էն է : Ասոր ալ անծանօթ է 1846ի հիմնումը : Ասկէ մենք կ'եզրակացնենք անգամ մը եւս :

1. Հնագոյն վկայութիւն չկայ Պոլսոյ մէջ «Սենեքերիմեան Ընկերութեան 1846ի հիմնումի ի նպատ. 2. Եթէ իրապէս Պոլսոյ ճիւղը 1846ին հիմնում մը ունեցած է՝ հարկ է ընդունիլ թէ այդ՝ շատ կարն գոյութիւն մը ունեցած եւ դադրած է կանուխէն : 3. Մեր ձեռքը եղած վկայութիւնները հաստատաբէս կ'ապացուցանեն թէ «Սենեքերիմեան Ընկերութեան» ծագումը — Պոլսոյ թէ Սերաստիոյ մէջ — 1851էն աւելի բարձր հնութիւն չունի :

Այժմ տեսնենք թէ հնութեան մէջ ուրիշ ի՞նչ տեղեկութիւն կայ «Սենեքերիմեան Ընկերութեան» մասին — ըլլա՛յ Պոլսոյ կամ Սերաստիոյ մէջ :

1857ին «Սենեքերիմեան Ընկերութիւն»ը, որ Սերաստիոյ Առաջնորդ Կարապետ Եպիսկոպոս Գալայեանի «Ջանիւքը քանի մը տարի առաջ հաստատուած» էր՝ եւ «որ ժամանակէ մը ի վեր նոյն սրբազանին անձնակա՛ն տկարութեանը պատճառաւ խափանման վիճակի մէջ ինկած էր (1857ին), այս օրերս (այսինքն՝ 1857 Հոկտեմբեր-Նոյեմբերին) վերստին հաստատուեցաւ ա-



ւելի լաւ եւ հիմնաւոր կանոններով» (Մասիս, 1857 թ. 5, Նոյեմբեր 28) :

Ինչպէս կը տեսնուի՝ Ընկերութիւնը կը վերակազմուի 1857ի վերջերքը թէ՛ Սեբաստիոյ եւ թէ՛ Պոլսոյ մէջ : Մասիս իր յաջորդ թիւերուն մէջ տուած է կազմը երկու տեղերու վարչութիւններուն ալ : Ահա Սեբաստիոյ քաղաքի «Սենեքերիմեան Ընկերութեան» Գործադիր Ժողովի կազմը 1857ին վերջը .

Նախագահ

Պետրոս Վ. Առաջն. փոխանորդ

Փոխ-Նախագահ

Յարութիւն Պալեօղեան

Գանձապետ

Խաչատուր Թաշճեան

Գրագիր

Յակոբ Կիրակոսեան

Անդամք

Կարապետ Օտապաշեան

Ստեփան Մեծմորուքեան

Մ. Նշան Պալեօղեան

Աստուածատուր Պարսամեան

Թորոս Տէրպապեան

Մ. Պօղոս Մարեան

Մ. Միքայէլ Մօղեան

Խաչատուր Աղապապեան

Մանուկ Պօղոսեան



Պոլսոյ «Սենեքերիմեան»ի Գործադիր  
Ժողովքը 1857ի վերջը .

Նախագահ

Յակոբ Գրպրըղեան

Գանձապետ

Արրահամ Հապէշեան

Գրագիր

Հազար Պըյըղեան

Անդամք

Մինաս Գործադար Օտապաշեանց

Մանուկ Մեծմորուքեան

Պալիկ Տէրպապեան

Մ . Երեմ Մադաքեան

Յովհան Պալեան

Յակոբ Բարուչեակեան

Մ . Քաչատուր Բրուտեան

Մելքոն Չուխասըղեան

Մ . Պետրոս Յովհաննէսեան

Գէորգ Գարապաշեան

Պապիկ Տումարեան

Քաչատուր Չաքէյեան

(Մասիս , Կ . Պ . 1858 , Թ . 313) :

Գէորգ Օտապաշեան 100.000 ՊԲՀ  
կտակած է «Սենեքերիմեան»ին (Մասիս ,  
1858 Թ . 322) :

«Սենեքերիմեան Ընկերութիւն»ը իր  
պաշտպանութեան սակ եղած դպրոցին  
«յարատելութեան մշտնջենաւոր եկամուտ



իմն պատրաստելոյ փափաքանօք»՝ Սերաստիա քաղաքին մէջ դանդաղ արժուինի շտեմարանը աճուրդի ելած ըլլալուն՝ Ընկերութիւնը դայն կը դնէ 1859ին 100.000 դուրուշի «եւ ի հիմանց քակելով եւ այլ ութսուն հազար դրշ.ի չափ ծախք ընելով եւ մշտահոտ ջուր եւս բերելով՝ հոյակապ եւ ի քաղաքիս նմանը շտեմնուած կրկնայարկ պանդոկ մի շինեցին ԱՐԱՄԵԱՆ կամ ԷՐՄԷՆԵԱՆ պանծալի անունն ալ իբրեւ ծիրանի զգեցուցանելով . . . շինութիւնն գրեթէ յամբողջ կը ժամանէ (կը վերջանայ) յեաքաան աւուրց» (Մասիս, 1859 թ. 402 եւ 411, Հոկտեմբեր) :

Պոլսոյ Մէնմուլայր Հավատիս Թրքարարաթ Թերթը կը գրէ 1859 Հոկտ. 10ին.

«Սերաստիոյ Սենեքերիմեան Ընկերութիւնը իր խնամքին տակ ունի 500 աշակերտով դպրոց մը, որուն մնայուն եկամուտ ապահովելու համար 100,000 դուրուշ ծախսելով կը գնէ պետական մքերանոցի գետին մը եւ վրան ընդարձակ շէնք մը կը շինէ, որ տակը ունի 30 խանութ եւ վրան 30 սենեակ : Այս շինութիւնը պարտով վերջացած ըլլալուն՝ կը յուսացուի որ բարերարներու նպաստով կը փակուի այդ պարտքը» (Մէնմ. Հավատիս, Կ. Պ. 1859 թ. 316) :

1863 Յունիս Տին կը գրէ Պոլսոյ Ժամանակ. «10—12 տարի յառաջ Սերաստիոյ մէջ վարժարան կ'առուցուեցաւ Օտապա-



շեան Գերդաստանին մասնաւոր ծախիւքը :  
 Այս վարժարանին յառաջդիմութեանը հա-  
 մար Սենեֆերիմեան Ընկերութիւնը կադ-  
 մուկացաւ, որ մեծ խան մը հիմնեց դարձեալ  
 ի Սերաստիա ու անոր եկամուտով վար-  
 ժարանը յառաջանալ ու ծաղկիլ սկսաւ :  
 Մինչեւ ցարդ վարժարանը կը յարատեւէր  
 եւ բարի անուն ու համբաւ կը ստանար Ադ-  
 դին մէջ : Բայց վարժարանին շէնքը հինցած  
 ըլլալով, նորոգութեան արէտքը կը դդա-  
 ցուէր : Անցեալները վերջապէս բոլորովին  
 կ'աւերեն, ըստ որում երկիւղ ալ կու տար  
 դրացի շէնքերուն : Սակայն եիմայ շինող  
 չկայ : Սենեքերիմեան Ընկերութիւնը ողջ չէ  
 որ յօգնութիւն փութայ. քացաքին իշխան-  
 ները համամիտ չեն որ միաբանութեամբ  
 շինութեան սկսին : Առաջնորդ Սրբազանը  
 անկարող կը մնայ հակառակ մասերը միաց-  
 նելու, Սենեքերիմեան Ընկերութիւնը վե-  
 րակազմելու... Սենեքերիմեան Ընկերու-  
 թիւնը երկու ֆիւղի բաժնուած էր. մէկն  
 ի Սերաստիա եւ միւսն ի Պոլիս : Սերաստիոյ  
 ճիւղը Պոլսոյ ճիւղին խրկած դրամներով՝  
 հոն արէտք եղածը կը հողար, անոր ստա-  
 կովը իշխանութիւն կը վարէր եւ ինք իրմէ  
 քան մը չգոյացնելէն զատ, Պոլսոյ ճիւղին  
 ալ ոչ արժանաւոր շնորհակալութիւն ունէր  
 եւ ոչ յորդոր : Յայտնի է որ Պոլսոյ ճիւղն ալ  
 բեռնակիրներէ եւ անոնց գլխաւորներէ կամ  
 օտապաշեաններէ եւ քանի մ'ալ փոլիցանի-



ներէ կը կազմուէր : Խեղճ բեռնակիրը իր տաղնապալից վիճակի մէջ, իր արեան քրտինքով շահած լուծման տուանց խնայելու կու տար սակայն իշխանութիւնը վարել սիրող փոխիցածիները . . . միայն խօսիլ գիտէին . . . չտալու սովորած լին : Այս պատճառաւ օր օրի ցրտացան սրտերը եւ ստակ տուողն ալ չտուողն ալ մէկ գին ըլլալուն՝ մնաք բարեալ քսուեցաւ Սենեքերիմեան Ընկերութեան . . . » (Ժամանակ, Կ. Պ. 1863 թ. 12, էջ 92, Յունիս 8) :

Ինչպէս կը տեսնուի՝ Ժամանակին ալ անծանօթ է 1846ի հիմնուած «Սենեքերիմեան Ընկերութեան», իրեն ծանօթ է միայն 1863էն «10—12 տարի յառաջ» հիմնուած Ընկերութիւնը Պոլսոյ մէջ : — Թերթիս համեմատ Պոլսոյ «Սենեքերիմեանը՝ կազմալուծուած է 1863ին : Գրեթէ միեւնոյն ժամանակ քոյլցած է նաեւ Սեբաստիոյ քաղաքին «Սենեքերիմեանը» : Այնպէս որ 1867 Դեկտ. 28ին գրուած նամակ մը Սեբաստիայէն կ'իմացնէ թէ «Սենեքերիմեան Ընկերութիւնը քառակուսի ժամանակէ ի վեր անունը կար, բայց ոչ ինքը . . . չատո՛նց կը կենդանանար, եթէ տեղւոյս հոգեւոր ու մարմնաւոր իշխանութիւնը կամք ընէր» (Ժամանակ, Կ. Պ. 1868, էջ 11. Յունւար 20) :

1867ի վերջը կը վերակազմուի Սեբաստիոյ ճիւղը : Վերոյիշեալ նամակագիրը կը



տողէ . «Դեկտեմբեր 21ին Սեբաստիայ բա-  
լոր իշխանները, արուեստաւորաց զլիսա-  
ւորները, քահանայք եւ ուսումնական ան-  
ձինք Ընդի . ժողով գումարեցին ընդ նա-  
խադասութեամբ Մեսիայեան Յովհաննէս  
վարդապետի : Այն ժողովը 12 անդամէ  
բաղկացեալ Քաղաքական ժողով մը ըն-  
տրեց , որ անխտիր հին ու նոր զաղափարի  
տէր անձերէ կը բաղկանայ : Քաղաքական  
ժողովը Դեկտ . 22ին առաջին նիստն բրաւ  
եւ իր Դիւանը կազմեց Մեծ . Միսաքեան  
Սարգիս էֆ . Ատենասպետ եւ Մեծ . Պալեո-  
գեան Պետրոս էֆ . Ատենադպիր կարգեց :  
Նոյնպէս վեց քահանայի կրօնական ժողով  
մ'ալ կազմուեցաւ Դեկտ . 25ին : Ուսում-  
նական Խորհուրդը եւ Սենեֆերիմեան Ըն-  
կերուքիւնը պաշտօնական կերպիւ հաս-  
տատուեցան . . . Սենեֆերիմեան Ընկերու-  
թիւնը նորոգ կազմուեցաւ 18 անձէ , որոնք  
որդէն Սենեֆերիմեանի արգեամբքը շի-  
նուած խանին արդիւնքը , որ վարժարանաց  
յատկացած է , հաւաքելէ դատ , նաեւ ուրիշ  
արդիւնքներ ալ ի նպատակ վարժարանաց հո-  
գալու միջոցներ ձեռք պիտի առնեն . .  
վարժարանաց ուսումնական եւ բարոյական  
տեսչութիւնը Ուսումնական Խորհրդոյն  
պաշտօնն է , իսկ դրամական պիտոյքը հո-  
գալը՝ Սենեֆերիմեան Ընկերութեան» (Փա-  
մանակ , 1868 , էջ 11—12 :

Պոլսոյ Փոլնիջին կը գրեն Սեբաստիայէն



1868ի դարնան. «Քաղաքիս Սենեքերիմեան նորակազմ Ընկերութիւնը Մայր դպրոցն աւելի ընդարձակելու ու նորոգելու ձեռնարկութիւն ըրած ու ստորագրութիւն բացած է: Արդէն բաւական ստակ հաւաքեցին» (Փոլնը, 1868, Թ. 166):

Ինչպէս շեշտած էինք վերը՝ Սենեքերիմեան Ընկերութեան երկու ճիւղերէն ալ հին ու սկզբնական Կանոնագիր անծանօթ է մեզ: Անշուշտ ունեցած ըլլալու են, կ'ըսէինք: 1867ի վերջը երբ Սեբաստիոյ ճիւղը կը վերկազմուի՝ կը յօրինուի նաեւ Նոր Կանոնագիր մը, որմէ կը հասկցուի թէ եիմ մը կար, ուրեմն: Սեբաստիայէն 1868 Յունիսին գրուած նամակ մը կը տեղեկագրէ. «Սենեքերիմեան Ընկերութիւնը նոր Կանոնագրութիւն մը հաստատելով՝ բոլոր անդամոց ստորագրութեամբ վաւերացաւ: Ղաապապաշեան Մ. Գրիգոր աղան իրենց օգնական տաին, որ Ագտերեան Մ. Սերովբէ աղայի հետ ամենայն ջանիւք հոգ կը տանի գպրոցին նորոգման Ընկերութեան կողմանէ» (Փոլնը Կ. Պ. 1868 Թ. 177):

Դժբախտաբար ոչ մէկ տեղ հրատարակուած է այս Կանոնագրութիւնը, որ մեծապէս կը շահագրգռէր մեզ: Չենք գիտեր թէ արդեօք 1875ի Կանոնագիրը նո՞յն է ասոր հետ:

«Սենեքերիմեան Ընկերութեան» Պոլսոյ



նիւղը դադրած էր դործելէ 1863ին, ինչպէս տեսանք: Չայն վերակազմելու փափաք կ'ու-  
նենան սակայն Պոլսաբնակ Սերաստացիներ  
1870ին: Առիթի մը միայն կը սպասէին:  
1871ին Պոլիս կը գտնուի Սերաստիոյ  
Առաջն. փոխանորդ Պետրոս Ծ. Վ., որ կը  
քաջալերէ ու կը խրախուսէ բոլոր Սերաս-  
տացիները՝ վերականգնելու իրենց նախ-  
նեաց պատուաւոր Ընկերութիւնը: Ար-  
դիւնքը այն կ'ըլլայ որ 1871ի ամբան Յայ-  
տարարութիւն մը կը հանեն թէ Ընդհ. Ժո-  
ղով տեղի պիտի ունենայ: Ժողովը կը դու-  
մարուի նախ Սեպտեմբեր 10ին, յետոյ 26ին  
նախագահութեամբ Տէր Պետրոս վարդա-  
պետի եւ արդիւնքը կ'ըլլայ հետեւեալը.

Նոր Ընկերութիւն մը կը հիմնեն, ա-  
ռանց մասնաւոր անունի եւ զայն կը համա-  
րին շարունակութիւնը Սենեքերիմեան Ընկե-  
րութեան»: Հետեւաբար կը կոչեն զայն «Սե-  
նեքերիմեան Ընկերութիւն»: Ահա անոնց  
որոշումները.

«1. Միաձայն հաւանութեամբ որոշուե-  
ցաւ որ սոյն Ընկերութիւնը Սենեքերիմեան  
Ընկերութեան շարունակութիւնն ըլլայ եւ  
նորա բոլոր գործերը սոյն նորակազմ Ընկե-  
րութեան յանձնուի, որպէս զի ըստ արժա-  
նւոյն երկրին վարժարանաց նիւթական պի-  
տոյքը մատակարարուի եւ քիչ ժամանակի  
մը մէջ գիշերօթիկ վարժարան մը հիմնուի:  
Սոյն Ընկերութիւնը անուանուեցաւ Սենե-



փերիսեան վերակազմ Ընկերութիւն Սերաստիոյ .

«2. Քուէարկութեամբ անժամեայ Յանձնաժողով մը կազմուեցաւ, որոյ պաշտօնն է Ընկերութեան Հիմնական կանոնները խմբադրել եւ Ընդհ. Ժողովոյն ներկայացնելով պաշտօնէ դադրիլ: Անժամանակեայ Յանձնաժողովն հետեւեալ Մեծ. անձերէ կը բաղկանայ. Գրիգոր Թաշնեան, Յակոբ Ահարոնեան, Մ. Յակոբ Գապրգեան, Մ. Պետրոս Մուրատեան, Մ. Սեդուքէ Օտապաշեան, Կիրակոս Նորիստեան, Օհան Տէր Օհանեան, Օհաննէս Ալթունեան, Մկրտիչ Գարաթէֆէյեան, Գրիգոր Օտապաշեան, Յակոբ Պոյանեան, Խաչիկ Բտեան . . .

2. Հոկտ. 1871 ի Գալաթա

Ընդհ. Ժողովոյ

Ատենադպիր

Ատենապետ

Սիմէոն Դ. Հէքիմեան

Յ. Խ. Թաշնեան

(Հայրենիք, Կ. Պ. 1871 թ. 69):

Յաջորդ շարաթ Ընդհ. Ժողով տեղի կ'ունենայ պատրաստուած կանոնագրութիւնը վաւերացնելու համար (Հայրենիք, 1871 թ. 70):

Զ' ըսուիք հոգ առկայն թէ կազմուած Կանոնագրութիւնը կը վաւերացուի՞ եւ վերջնական կը համարուի՞: Զարմանալի է նոյնպէս՝ որ անոնք 1871ին, 1872ին, 1873ին եւ ոչ ալ 1874ին կը հրատարակուի,



այլ 1875ին միայն : Պալատյ Սերաստացիները  
«7 անձէ բաղկացեալ Վարչութիւն մը կ'ըն-  
տրեն յանուն Սենեքերիմեան Ընկերութեան ,  
որուն սխտի մասնակցին իւրաքանչիւր ար-  
հեստաւորնեո՛ւ եռկերկու անձ ալ» (Հայրե-  
նիք , 1874 թ . 191) : Իսկ Սերաստիոյ մէջ  
1874ին Ընկերութեան Վարչութեան անդամ  
կ'ընտրուին .

Յակոբ Ահարոնեան	Ա . Ատենապետ
Գալուստ Նորհատեան	Բ . Ատենապետ
Գրիգոր Օտապաշեան	Գ . Ատենապետ
Մարգար Ալիքսանեան	Գանձապետ
Միհրան Տէմիրճեան	Օգնակ . Գանձապետ
Սեդրակ Ղապլաղեան	Ա . Ատենադպիր
Մ . Պետրոս Եաղուպեան	Բ . Ատենադպիր
Յակոբ Թաշճեան	Համարակալ
Պետրոս Բրուտեան	
Խաչիկ Փաեան	
Սարգիս Պէյլիեան	
Գրիգոր Զորթալլը	
Մարտիրոս Տիւմանեան	
Թորոս Ստեփանեան	
Գալուստ Գասպարեան	
Գրիգոր Սալարիմ	
Օհան Ժամկոչեան	
Տրդատ Ղալայճեան	
Մ . Պօղոս Սափրիչ	
Ասատուր Խթիկեան	
Մ . Անանիա Քէօրօղլանեան	

(Հայրենիք , 1874 թ . 174) :



1875ին Պոլսոյ Սենեքերիմեան Ընկերութեան Գործադիր Ժողովի Վարչութիւնը կը կազմեն .

Գրիգոր Օտապաշեան  
Նիկողոս Խորիկեան

Ատենապետ  
Ատենադպիր

Ասոնք 1875 Նոյ . 12ին նամակ մը ուղղելով Պոլսոյ Հայրենիքին եւ ներփակելով Ընկերութեան կանոնագրութիւնը՝ կը գրեն . «Մայրաքաղաքիս պանդուխտ Սեբաստացիք . . . 1871 Սեպտ . 10ին, 1852ին կազմեալ եւ մի քանի տարի առաջ ընդհատեալ Սենեքերիմեան Ընկերութիւնը վերակազմեցին . . . Ընկերութիւնը իր վերակազմութենէն մինչեւ ցայսօր իւր հնգամեայ աշխատութեան արդեամբը յաջողեցաւ Սեբաստիոյ մէջ ազգային պանդոկ մ'ալ կառուցանելու մտօք բաւական ընդարձակ գետին մը գնել, բայց սրովհետեւ իւր ձեռնարկը պատկելու համար մեծամեծ գումարներու պէտք ունի եւ հետեւորար լոկ բաժանորդագրութեամբ ի գլուխ ելլելիք մի գործ չէ, Ընկերութիւնը որոշեց մասնաւոր հանգանակութեամբ մը ուսումնասէր պատ . աղջայնոց ձեռնառութեանը գիմել, որոյ համար կանխաւ պէտք եղած նամակներն ու տուսակները պատրաստ են . . . » (Հայրենիք, 1875 թ . 268) :

Հայրենիք Ընկերութեան կանոնագրութիւնը կը հրատարակէ առկէ քիչ վերջ, իր 271 թուին մէջ : Այդ կանոնագրութիւնը



ունի 10 դրուիս եւ 30 Յօդուած : Իր վերնա-  
դիրն է .

Կանոնագրութիւն  
Սենեֆերիմեան Ընկերութեան Սեքսատիոյ  
Հաստատեալ ի 1852 եւ վերակազմեալ  
1871 Սեպտեմբեր 10  
ի Կոստանդնուպօլիս

Այս Կանոնագրութիւնը Պոլսոյ մէջ 1851-1852ին հիմնուած «Սենեֆերիմեան Ընկերութեան» Կանոնագրութիւնն է, փոփոխութեան ենթարկուած 1871ին՝ Ընկերութեան վերակազմութեան առթիւ :

Անկարելի ըլլալով տալ հոս ամբողջը՝  
կը ներկայացնենք քանի մը կարեւոր Յօ-  
դուածներ .

Նպատակ .— Ընկերութեանս նպատակն է Սեքսատիոյ մէջ գտնուած ազգ. երկսեռ վարժարանները բարեկարգել, խորհրդակցութեամբ տեղւոյն ազգ. վարիչ ժողովոց եւ բարոյապէս ձեռնառու լինել Սեքսատիոյ վիճակին մէջ գտնուած գիւղերուն վարժարանաց (Յօդ. 1) :

Ընկերութիւնս իւր նպատակին հասնելու համար հաւաքած դրամներով անշարժ կա-  
լուածքներ պատրաստելով՝ վարժարանաց ապագան ապահովելու պիտի ջանայ (Յօդ. 2) :

Կազմութիւն .— Ընկերութիւնս կը կազմեն այն ամեն անհատները, որոնք Ընկե-



բուժեան յատկացած ամսական բաժինները  
կը վճարեն, որ 40 փարայ 1/2 : Ընկերք ազատ  
են մէկ բաժինէն աւելի ստորագրուիլ  
(Յօդ. 3) :

Ընդհանուր ժողով. — Միայն Սերաս-  
տացի բաժանորդներ կը կազմեն Ընկերու-  
թեան Ընդհ. ժողովը... (Յօդ. 5) : Ընդհ.  
Ժողովը իր մէջէն դադանի քուէարկութեամբ  
կ'ընտրէ իւր Ատենապետն եւ Ատենադպիրը,  
որոնք կրնան իրենց պաշտօնն անընդհատ  
շարունակել (Յօդ. 6) :

Գործադիր ժողովը. — Ընդհ. ժողովէն  
ընտրուած 7 անձինք խորհուրդ կազմելով՝  
բաժանորդներէն 14 հոգի եւս կ'ընտրեն ի-  
րենց հաւասար անդամակցութեան համար,  
որով Գործադիր ժողովոյ անդամոց թիւը  
կ'ըլլայ 21 (Յօդ. 11) :

Յաւելուած. — Ընկերութիւնս Սերաս-  
տիոյ մէջ նիւղ մը պիտի ունենայ, սոյն հա-  
մահաւասար Կանոններով, որոց միջոցաւ  
Գործադիր ժողովը եւ Տեսուչ Խորհուրդները  
մէկ մէկու հետ տոնչաւան յարաբերութիւն  
պիտի ունենան (Յօդ. 25) (Հայրենիք Կ. Պ.  
1875 թ. 271-2, Սեպտ. 4) :

Այս վերջին Յօդուածէն յայտնի կ'ըլլայ  
որ 1. Ընկերութիւնը նախ Պոլիս եիմնուած  
է. 2. Պոլսոյ մէջ հիմնուած «Սենեֆերիմեան  
Ընկերութիւն»ը սկզբնաբար ունեցած է իր  
Կանոնագիրը, որ, որքան կ'երեւայ, հոս —  
1875ին — առաջին անգամ հրատարակուած



է, անշուշտ որոշ փոփոխութիւններով, բայց էական կէտերու մէջ, կ'ենթադրենք, նոյն է անփոփոխ մնացած ըլլալով: Անկէ՛ յայտնի կ'ըլլայ թէ այս Կանոնադրութիւնը սկզբնական է, զի մասնաւոր Յօդուած մ'ալ աւելցուցած են թէ Ընկերութիւնը «Սեբաստիոյ մէջ նիւղ մը պիտի ունենայ, սոյն համահաւասար կանոններով»: Ըսել է թէ նախ Պոլսոյ մէջ հիմնուած Սենեֆերիմեան Ընկերութիւնը պիտի ջանար Սեբաստիոյ քաղաքին մէջ ալ կազմել նիւղ մը. թէ երկուքին կանոններն ալ միեւնոյնը պիտի ըլլային: Եթէ այս Կանոնները սկզբնական, այսինքն՝ 1851-ի ստեղծութիւն չըլլային՝ այլ 1870-ական թուականներուն բոլորովին նոր յօրինուած՝ այն ատեն այն «Յաւելուած» Յօդուածը դոյութիւն պիտի չունենար, զի 1870-ին ամէնուն ծանօթ էր թէ Սեբաստիոյ քաղաքին մէջ ալ հիմնուած եւ արդէն շատոնց դոյութիւն ունէր «Սենեֆերիմեան Ընկերութիւն» մը:

Այժմ շարունակենք նկատել Ընկերութեան կեանքն ու գործը 1875-էն վերջն ալ:

Ահա «Սենեֆերիմեան Ընկերութիւն»-ը 1880-ին. դրողն է Սեբաստացի գրագետ մը՝ Նազարէթ Յ. Իսթանպօլեանց. «Սենեֆերիմեան Ընկերութիւն հաստատեալ 1851 թուականին . . . անդրանիկ ազդ. մի Ընկերութիւն է քաղաքիս մէջ . . . Սա կրնամ համարիլ Սեբաստիոյ բարոյական հորիզոնին վրայ մի լուսացնցող այգալոյս . . . Ընկերութեանս



Տնօրէնութեան ներքեւ կը գտնուին քաղաքիս բոլոր ազգ. երկսեռ վարժարաններն, որ տասներեքի կը հասնին, որոց նիւթական եւ շրամական պէտքերը կը մատակարարէ երկու պանդոկաց վարձէն, նուէրներէ, հանգանակութենէ եւ բաժանորդագրութենէ : Ընկերութիւնս երկու ֆիւղի բաժնուած է . մի ճիւղը Կ. Պոլսոյ մէջ կը գտնուի եւ միւսը քաղաքիս մէջ . . . » (Մասիս, 1880 թ. 2560) :

Ընկերութեան Պոլսոյ վարչութիւնը 1882 Փետր. 21ին ԸնթՀ. Ժողով գումարելով նոր Գործ. Ժողով կ'ընտրէ :

Գրիգոր Օտապաշեան	Ա. Ատենապետ
Նիկողոս Խորիկեան	Ա. Ատենադպիր
Մինաս Տէր Պապեան	Բ. Ատենապետ
Ոսկան Խորիկեան	Բ. Ատենադպիր
Ահարոն Մարգարեան	Գանձապետ
Մխիթար Գըրմզեան	
Խաչատուր Անտոնեան	
Մեսրոպալ Պալղճեան	
Մ. Օհան Ալիօնեան	
Մ. Անանիա Քէօրօղլանեան	
Զատիկ Քէօսէյեան	
Սարգիս Պէյլիեան	

(Փռւնջ, Կ. Պ. 1882 թ. 1670, Մայիս 8) :

Ընկերութիւնը իր գոյութիւնը պահած էր տակաւին 1888ին թէ՛ Պոլսոյ եւ թէ Սեբաստիոյ մէջ (Հայրենիք, 1888, էջ 372) : Սեբաստիոյ մէջ կը կոչուէր այս ատենները՝



«Դպրոցական կալուածոց Հոգաբարձութիւն», զի արդիւնւած էր տիրող քաղաք-իշխանութենէն «Ընկերութիւն», «Միութիւն» եւ այլ բառերու դործածութիւնը։ Այս ձեւով Ընկերութիւնը կը դիմանայ դեռ եւ օգտակար կ'ըլլայ կրթական դործին։ Կը դադրի իբր 1895ին։ Ժամանակ (1914 թ. 1782) կ'ըսէ որ «քաղաքական բերումով» լուծուած էր։

1913ի դարձան կը վերակազմուի Սեբաստիոյ քաղաքի «Սենեքերիմեան»ը։ Սեբաստիոյ մէջ լոյս տեսնող թերթը այդ ուրախ լուրը կու տայ 1913 Մայիս 4ին դրելով. «Ուրախութեամբ կը լսենք թէ վաղուց ի վեր կազմալուծուած Կրթասիրաց Սենեքերիմեան Ընկերութիւնը վերակազմուած է։ Ընկերութեան նպատակն է աշխատիլ ազգ. վարժարաններու յառաջդիմութեան» (Հոդդար, Սեբաստիա 1913 թ. 39 Մայիս 4)։ Հիմնումը տեղի ունեցած է 1913 Մարտին՝ 30-50 հոգիի խորհրդակցութեամբ որոնցմէ 21 հոգիի անունները հրատարակած է Ալիս (Նիւ Եորկ 1929 թ. 6, էջ 8)։ Նորակազմ Ընկերութիւնը կ'ունենայ Նոր Կանոնագիր մը — մեղի անձանօթ — զոր Քաղաք. Ժողովը կը վաւերացնէ (Հոդդար, 1913 թ. 40)։

Ընկերութեան անդրանիկ Գործադիր Ժողովը կը կազմեն.

Միքայէլ Ֆրէնկիւլեան

Յակոբ Չառաղեան

Ատենապետ

Ատենադպիր



Մկրտիչ Շահինեան                      Գանձապահ  
 Միհրան Երկանեան  
 Սերովբէ Տէրապետեան  
 Ա. Լերդոդեան

Ամսական բաժնեդիրն էր 2 դրշ., 5-50 ալ տուրք. 5-25 սակի նուիրողը պատուոյ անդամ, 50-100 տուողը՝ բարերար անդամ (Տէ՛ս Ալիս, Նիւ Եօրկ 1929 թ. 6, էջ 8-9 : — Հոդդար, 1913 թ. 40) :

1915ի արհաւիրքի օրերուն, 300,000 Սերաստացիներու հետ «Սենեքերիմեան»ի անդամներն ալ կը նահատակուին :

1918 Դեկտ. 26ին Պոլսոյ մէջ դումա-րուած Համասերաստացիներու 250 անդամ-ներով, վերջին անգամ մըն ալ, կը վերակազմուի «Սենեքերիմեան»ը կոչուելով «Միու-թիւն» :

Ահա Մայր Դիւանը.

Տոքթ. Գ. Դաւիթեան                      Ատենապետ  
 Լեւոն Գեւոնեան                      Ատենադպիր

Գործադիր Ժողովը

Արմենակ Սօրիկեան                      Ատենապետ  
 Ղեւոնդ Տէր Աբրահամեան                      Ատենադպիր  
 Յովհաննէս Չատրճեան  
 Տիգրան Մեռիյեան  
 Տիկ. Արաքսի Վարուժան  
 Վարադդատ Ակինեան  
 Յակոբ Պչաղճեան  
 Ռուբէն Գոշիկեան



Թորոս Շիրինեան

Յարութիւն Աջապահեան

(Տեղեկագիր Հայրենակց . Միութեանց . Կ . Պ . 1921, էջ 3 եւ 14) :

Իր առաջին դործը կ'ըլլայ Սերաստացի-  
ներու վիճակագիրը կազմել եւ հրատարա-  
կել (Փամանակ, 1919 թ. 3527) :

Այս վերջին անգամ ալ կազմուած է Կա-  
նոնագիր մը, որուն Բ. Յօդուածը կ'ըսէ .

1. Միութեանս նպատակն է՝ Սերաս-  
տիոյ քաղաքի եւ դիւղերու աղգային, բարե-  
սիրական, կրթական դործերու վերակազ-  
մութեան եւ բարգաւաճման նպաստել :

2. Վերջին եղեռնին հետեւանքով ցիրու-  
ցան եղած հայրենակիցներ փնտռել, դանել  
ու միացնել, նիւթափէս եւ բարոյապէս օ-  
ժանդակել անոնց եւ ստուգել անոնց կո-  
րուստները :

3. Անդործ մնացած հայրենակիցներու  
ըստ կարելւոյն դործ դանել (Տե'ս Ալիս, Նիւ  
Եօրկ 1929, էջ 35-6) :

Պոլսոյ «Սենեքերիմեան»ը կը հրատա-  
րակէ Սերաստիա անունով Շարաթաթերթիկ  
մը՝ վիճակագրական բովանդակութեամբ :  
(Փամանակ, 1920 թ. 3769) : Կը տեւէ մին-  
չեւ 1922 :

Ընկերութիւնը 1919 Օգոստոսին մասնա-  
ճիւղ մը կ'ունենայ Սերաստիա քաղաքի մէջ .  
որուն Դիւանն է .



ՓրաՓ . Սողիկեան  
Պէկեան

Ատենապետ  
Ատենադպիր

Իսկ Գործ . Ժողովր՝

Տօբթ . Կազմոս Մեախեան

Ատենապետ

Լեւոն Պատոսեան

Ատենադպիր

Վահան վրդ . Գոչուհեան

Յ . Տէյիրմէնճեան

Ա . Տումանեան

Մ . Շահինեան

Զ . Համբարձումեան

Լ . Մեծատուրեան

Խ . Խանդէտեան

Լ . Բրուտեան

1919ին կը կազմուին ճիւղեր՝ Պլովդիւ  
(Բուլղարիա) Ոսկան Նալչանեանի նախա-  
ձեռնութեամբ, որ կը հանդանակէ եւ Պոլիս  
կը դրկէ 10,500 Փրանք (Ժամանակ, 1919 թ .  
3431, 3494), Պոլսոյ մէջ կը կազմուի «Տիկ-  
նանց Օժանդակ Մարմին» մը (Ժամանակ,  
1919 թ .3454), եւ այլն :

Սենեքերիմեանը Պոլսոյ եւ Սերաստիոյ  
մէջ կը դործէ մինչեւ 1922ի վերջը եւ վերջ-  
նականապէս կը դադրի Թուրքիոյ մէջ, մօտ  
70 տարուան զոյսութենէ եւ դործունէութե-  
նէ վերջ : Իր դործը շարունակողը կ'ըլլայ  
Ամերիկայի մէջ 1919ին հիմնուած «Սերաս-  
տիոյ Վերաշինաց Միութիւնը» : 1924 Յուլիս  
7ին Մարտէյի (Ֆրանսա) մէջ փորձ մը կ'ըլ-  
լայ վերակազմելու «Սենեքերիմեան Ընկե-



բաւթիւն»ը, բայց երկար կեանք չ'ունենար, որչափ դիտենք (Ալիս, 1929 թ. 1 էջ 6-8) :

## 2. Ս. ՆՇԱՆԻ ԸՆԿԵՐՈՒԹԻՒՆ (1851)

Սեբաստիայէն կը գրեն Պոլսոյ Հայաստան թերթին 1851 Ապրիլ-Մայիսին՝ «Ի բաղում ժամանակաց հետէ որ բարձեալ էր սրտածառ ծաղկելոյ ուսման ի Սեբաստիա, այժմ միտքան սուրբ Նշանի վանից սեբաստացի Բարսեղ աւագ սարկաւազն ըստ իւրում բարեհամբաւ ջանասիրութեան կարգեաց նոր ի նորոյ Ուսումնարան մի ի վանս որբոյ Նշանի օգնականութեամբ քանի ընկերաց ըստ թոյլտուութեան՝ դերաստաիւ Առաջնորդի տեղւոյն : Այժմէն աւարտեալ շինութիւն Ուսումնարանին, յորում պարտ է լինել երկուտասան սրամիտ տղայք, որոց հաց եւ հանդերձն հոգալոց է Ընկերութիւնն, զոր սահմանեալ են յատուկ վասն նորա ընդ հոգաբարձութեամբ յիշեալ սարկաւազի» (Հայաստան, Կ. Պ. 1851 թ. 66, Մայիս 21) :

Ընկերութեանս անունը յիշուած չէ, մենք գրինք՝ այսպէս հաւանական համարելով, ինչպէս կան «Անապատի (վանք) Ընկերութիւն», «Խոնրրկտուր Ընկերութիւն» :

## 3. ՈՂՈՐՄԱԾԱՅ ԸՆԿԵՐՈՒԹԻՒՆ — ԱՂՔԱՏԱԽՆԱՄ (1857)

Ընկերութեանս յիշատակութիւնը 'կըլլայ 1857ին «Սենեքերիմեան Ընկերութեան»



վերակազմութեան առթիւ որ տեղի ունեցած է 1857 Հոկտեմբեր-Նոյեմբերին : Չի մատնանշուիր հիմնումի թուական մը, բայց կ'ըսուի թէ «Ողորմածաց»ի կաղմութիւնը Սերաստիոյ Առաջնորդ Կարապետ Արքեպ. Գալֆաշեանի գործն եղած է : Սերաստիայէն եղած թղթակցութեան մէջ կ'ըսուի . «...Ընկերաց օգնութեան գովելի եւ աղնիւ ջանքեր ալ ունի (Սերաստիան) ... որոց գործադրութիւնը եւս Առաջնորդ Սրբազան Հայրերնիս ուրիշ ժողովոյ մը յանձնած է» Ողորմածաց Ընկերութիւն» անունն եդեալ եւ անոր նպատակն է տնանկ չփաւորաց գոնէ տարին երկու անգամ, այսինքն Զատիին եւ Ծննդեան, դրամական նպաստ ընձեռել, անտէրունչ բանտարկելոց կերակուր պատրաստել եւ աղքատ հիւանդաց բժիշկ խրկել, թէ՛ բրժիշկին եւ թէ դեղօրէից դիները վճարել» (Մատիս, 1858 Թ. 313, Յունուար 23) :

Հիմնումը եղած է 1857ին : Առանց Ընկերութեան անունը տալու՝ Պօղոս Վ. Նաթանեան 1875ին կը յիշէ՝ դրելով . «Ընկերութիւն մ'ալ կայ (Սերաստիայ), ասոր ալ նպատակն է, ընդ իշխանութեամբ Մեծ . Թագականաց, Զատիի եւ Ծնունդի օրերը աղքատաց դրամ բաշխել ըստ արժանւոյն» (Պօղոս Վ. Նաթանեան, Տեղեկագիրք ընդհանուր վիճակին Սերաստիոյ, Կ. Պ. 1877, էջ 115) :

1878ին Ընկերութեան անունը ծանօթ է «Աղքատասիրաց Ընկերութիւն տիտղոսով :



Ձեռք դիտեր թէ ե՞րբ եւ որո՞ւն կողմէ փոխ-  
 ւում է Ընկերութեան անունը : Սրուանձ-  
 տեանց 1878ին Սերասախա եղած ատեն տե-  
 սած եւ յամ է հոն միայն «Աղփատախրաց»  
 անունը՝ իրեն անձանօթ ըլլով այդ Ընկե-  
 րութեան հին յորջորջումը — «Ողորմածաց»  
 Ընկերութիւն : Ահա Սրուանձտեանցի տողե-  
 րը . «Աղփատախրաց Ընկերութիւն» իբր 18  
 տարի հետէ կազմեալ . ունի 2 խանութ , ո-  
 րանցմէ կ'աւելու տարին 2000 դրշ . եւ ժողո-  
 վուրդէն կը հանդանակէ 15,000 դրշ .ի չափ ,  
 ամ յամ է կը մատակարարէ ի պէտս աղքա-  
 տաց» (Գարեգին Վ . Սրուանձտեանց , Թորոս  
 Աղբար Կ . Պ . 1879 , Ա . ցջ 150) :

Նախորդ դարու վերջերէն եւ կամ դա-  
 րուս սկիզբէն սկսած Ընկերութիւնը երբորդ  
 անուանափոխութեան մ'ալ կ'ենթարկուի կո-  
 չուելով «Աղփատախնամ Ընկերութիւն» : Այս  
 փոփոխութեան թուականը անձանօթ է մեզ :

1906ին կը յիշուի Սերասախոյ «Աղփա-  
 տախնամ»ը , որ «չառա մը աղքատներու պա-  
 րէնը կը հայթայթէ» (Բիւզանդիոն , Կ . Պ .  
 1906 Թ . 2976) :

1909 Յունուար 1ին Սերասախոյ «Աղփա-  
 տախնամ Ընկերութիւնը իր Թարմ ու կայ-  
 տառ երիտասարդական կորովին մէջ է —  
 հակառակ աւելի քան 50 ամեակ մ'ունենալուն  
 իր ետեւը — ունի Մայր Դիւան , Քննիչ Մաս-  
 նախումբ եւ Գործադիր Ժողով : Կը յանձնա-  
 ձէ 300 տունէ աւելի աղքատներ : Քաղաքին



մէջ կը վայելէ մեծ համակրանք եւ վստահութիւն : Կադանդի առթիւ 600 չքաւորներու բաշխած է ալիւր , փստ , ածուխ , իսկ Ծրնունդի առթիւ նաեւ դրամական նպաստ (Անդրանիկ , Սերասիատ 1909 թ . Յունուար 24) :  
— Կը տեւէ մինչեւ 1915 :

1918ին կը վերակազմուի :

1919ին Աղքատախնամի Վարչութիւնը կը հրատարակէ 1918-1919ի դործունէութեան Հաշուետուութիւն մը :

Ընդունուած նպատակներու գումարն է 1,270,000 դրշ . , բաժնեգիրներէ՝ 35,000 , նուէրներէ՝ 29,570 , կալուածական հասոյթ՝ 22,625 , եւ այլն : Վճարուած նպատակներն են . 41,195 դրշ . , Պատասպարանի՝ 437,334 , Որբանոցի՝ 408,626 , շրջակայ դուռները զըրկուած նպատակով՝ 169,000 , պատրաստ դրամ՝ 184,203 դուրուշ (Ժամանակ , 1919 թ . 3564) :

#### 4. ԸՆԹԵՐՅԱՍԻՐԱՅ ԸՆԿԵՐՈՒԹԻՒՆ (1861)

Ընկերութեան հիմնումի մասին տրուած տեղեկութիւնս 1862 Փետր . 17էն է , գրուած Պոլսէն՝ Տփղիսի «Կոռնիկ Հայոց Աշխարհի» թերթին , որով կարելի է առանց տարակոտի թել թէ հիմնումը եղած ըլլալու է 1861ին : Ահա այդ տեղեկատուութիւնը . «Բերկրութեամբ կը լսենք թէ Սերասիոյ մէջ ուսումնասէր Հայ երիտասարդներ Ընթերցասիրաց Ընկերութիւն մը կազմելով՝ Ընթերցարան մը բացեր են օգտակար գրեանք



եւ լրագիրներ կարդալու համար» (Կոռնկ Հայոց Աշխարհի, Տփղիս 1862, էջ 522, Ապրիլ) : — Ընկերութիւնը երկար կեանք չէ ունեցած : 1867էն բաւական առաջ դադրած ըլլալու է որ այդ տարին նոյնամունն բոլորովին նոր Ընկերութիւն մը կը հիմնուի Սերաստիոյ մէջ, ինչպէս պիտի տեսնենք : Ընկերութիւնը 1862էն վերջ չի յիշուիր :

#### 5. ԱՆՁՆՈՒԷՐ ԸՆԿԵՐՈՒԹԻՒՆ (1865)

Առաջին «Անճնուէր Ընկերութիւն»ը Պոլսոյ մէջ հիմնուած է 1860ին, որուն աշակերտած են չափ մը Պոլսաբնակ Սերաստացիներ : Այս Սերաստացիներէն ոմանք իրենց հայրենիքը վերադառնալով՝ 1865 Փետր.ին կը կազմեն Պոլսոյ «Անճնուէր»ին մէկ ճիւղը, որ Հայաստանի եւ դաւառներու մէջ կազմուածներուն առաջինը կ'ըլլայ : Սերաստիոյ «Անճնուէր Ընկերութիւն»ը կազմուելէ վերջ՝ սակայն նոյն օրը տեղւոյն քահանաներէն մին վախճանելով՝ հանդէսը մասնաւոր փայլ չ'ունենար : Քահանային թաղումէն վերջ՝ նոյն օրը երեք քահանայի, Ուսումնական Ժողովի անդամներէն երկուքի եւ 40 հանդիսականներու ներկայութեան «Անճնուէր Ընկերութիւն»ը կը բանայ իր կիրակնօրեայ ժողովրդական դպրոցը : Ընկերութեան 2 անդամներ արտասանութիւններ կ'ընեն, Տէր Գրիգոր կ'աւտենարանէ : Ընկերութեան նախաձեռն է կիրակի օրերը ձրի դասախօսութիւն



սարքել մեծերու համար, հողալով նաեւ  
գիրք եւ գրեհական պիտոյքներ : Փետր . 21-ի  
օրը բացուած կիրակնօրեայ դպրոցին աշա-  
կերտ կը գրուին 51 հոգի, որոնցմէ մօտեք  
կարդալու եւ ուրիշներ քերականութեան  
դաս կ'առնեն :

Ընկերութեան առաջին վարչական ժո-  
ղովի անդամներն են .

Պօղոս խաչատուրեան

Գաբրիէլ Տ . Խաչատուրեան

Յակոբ Համբարձումեան

Մովսէս Մ . Մուրատեան

(Ժամանակ, Կ . Պ . 1865 թ . 59, էջ 50) :

Ընկերութիւնս կը յիշուի նաեւ Պոլսոյ  
վարաքայի Հավատիսէն (Կ . Պ . 1865 թ .  
141) :

Պոլսոյ «Անճնուէր»ին հիմնադիր Քրիս-  
տոստուր Ղազարոսեան 1867ի Զատիին Սե-  
բաստիա գտնուելով՝ մասնաւոր դարկ կու-  
տայ տեղւոյն «Անճնուէր Ընկերութեան» Կի-  
րակնօրեայ ձրի դասընթացքին : Կիրակիները  
ինքը ներկայ ըլլալով՝ 2-3 ժամ անընդհատ  
դասախօսութիւն կ'ընէ ու կը ճառէ : Թղթա-  
կոցը կը գրէ որ «Խուռն բազմութիւն հոն կը  
դիգուին մտիկ ընելու այն յորդորական խը-  
րատները . . . Անճնուէր Ընկերութեան համար  
գասադրոց եւ աշխարհագրական աղյաւաներու  
մեծ պէտք կայ . . . կը խնդրենք ամէն անոնց-  
մէ, որ իրենց սրտին մէջ աղգային յառաջ-



գիմութեան փափաքը ունին, բարեհաճին օգնութիւն ընել այս օգտակար Ընկերութեան» (Ժամանակ, 1867 թ. 117, էջ 103) :

Նամակագիր մը մանրամասնելով՝ կը պատմէ թէ «Անճնուէր Ընկերութեան Կիրակի աւուր վարժարանի դասերը խիստ յաշու կերպիւ կ'երթան շնորհիւ Քրիստոսաւոր աղայի, որ ամէն Կիրակի առաւօտէն մինչեւ երեկոյ անընդհատ դասախօսութեան կը պարապի, քերականութիւն, տրամարանութիւն եւ 3-4 ժամ ալ աղղային դասախարակութեան եւ յառաջագիմութեան, սիրոյ եւ միարանութեան վրայ յորդոր եւ խրատ կը խօսի 3-4 հարիւր ունկնդրաց» (Ժամանակ, 1867 թ. 118, էջ 111) :—1868ին 454 դրշ.ի նուիրատուութիւն կ'ընեն, որով կը գնուին երկրագունտ, քերականութիւն, քրիստոնէական, եւ այլն (Փուլնջ, Կ. Պ. 1868 թ. 186) :

Ընկերութիւնը իր դասախօսութեանց օրերը կը շաապնէ պահանջին համեմատ : 1868ի վերջը կը գրեն Սերասախայէն. «Անճնուէր Ընկերութիւնը բաց ի Կիրակի աւուր դասախօսութիւններէն՝ Չորեքշաբթի եւ Շաբաթ իրիկունները վարժարան կը ժողովին՝ դասախօսութիւնները շարունակելու» (Ժամանակ, 1868, էջ 11) :

Կը թուի թէ 1868ին Ընկերութիւնը կըրցած է ունենալ ճոխ Թանգարան եւ Գրադարան արժէքաւոր հին Չեռաղիրներով : Չայդ կը հաստատէ Նաթանեան (Տեղեկագիր,



անդ, էջ 89) : Կը կոչուէր նաեւ «Անճնուէր Սանուց Ընկերութիւն» եւ 1868ին իր Վարչութիւնը կը կազմէին .

Վարդան Յ . Արզարեանց	Ատենապետ
Յովհաննէս Մ . Յ . Շամեանց	Ատենադպիր
Ճանօ Պեկեան	Վերատեսուչ

(Ժամանակ, 1868 թ. 141, էջ 82) :

1868ին Պոլսոյ Մասիսին կը գրեն Սեբաստիայէն . «Անճնուէր Ընկերութեան . . . Թանգարաննիս գրեթէ դատարկացաւ . հազար դրուշէն աւելի արժէքով գիրք դրկեցինք մինակ Տարէնտէ . նմանապէս Զառա, Թուգլասար, Կովսուն, Ղազիմաղարա, Փաշագիւղ, Պինկէօլ, Տիփրիկ եւ այլն տեղեր . . . Սղերդ հեաղհետեէ գիրք կը կոչէ . . .» (Մասիս Փոքր, 1869 թ. 317) :

Սեբաստիոյ «Անճնուէր Ընկերութեան» մեծ բարերար մ'եղած է Գէորգ Զօպանեան, որ «սարտականութիւն համարած է իրեն՝ Աղգին համարումը հրաւիրել Ընկերութեան վրայ եւ նորա համար ստակ հաւաքելով դասագրքեր դրկել . . . սնտուկ մը գրեանք դրուած է Ընկերութեանս, ասկէ դատ . . . ամէն շաբաթ թղթատարով հայերէն եւ գաղիերէն կը դրկէ եւ մասնաւոր նամակներով ալ Ընկերութեանս գործակալները կը յուսադրէ» (Օրագիր, Կ . Պ . 1870 թ. 204) :

«Անճնուէր»ը իր գոյութիւնը բաւական երկար ժամանակ պահած է : 1875ին կը յիշէ



Նաթանեան (Տեղեկագիր, էջ 114), 1878ին Սրուանձտեանց կը գտնէ Ընկերութեանց շարքին մէջ, բայց կ'ըսէ «յառաջ համբաւ եւ արդիւնք ունեցեալ է» (Թորոս Աղբար, Անդ, էջ 146) : 1880ին Իսթամպուլեանց սխալմամբ 1866ին կը գտնէ ծագումը Ընկերութեանս (Մասիս, 1880 թ. 2560) : 1888ին տակաւին մարած չէ իր մէջ կեանքի աւելը ու կը գործէ եւ ունի «Թանգարան, Կիրակի օրեր արհեստաւորաց դասուն դասախօսութիւններ կը լինի» (Հայրենիք, 1888, էջ 372) : Դադարած ըլլալու է 1895ին :

#### 6. ՇԱՀԱՍԻՐԱԿԱՆ ԸՆԿԵՐՈՒԹԻՒՆ (1865—1866)

Կը յիշուի 1868 Յունուարին, երբ արդէն դադարած ու քայքայուած է (Ժամանակ, 1868, էջ 11) :

#### 7. ՆԵՐՍԻՍԵԱՆ ԸՆԿԵՐՈՒԹԻՒՆ (1867)

Սերաստիոյ Ս. Սարգիս Թաղի Ներսիսեան վարժարանի իբրեւ պաշտպան՝ 1870ի սկիզբը կը յիշուի «Ներսիսեան Ընկերութիւն» մը (Փունջ, 1870 թ. 549, Ապրիլ), որուն ծագումի մասին չենք գտներ որեւէ լուսաբանութիւն : Ընկերութիւնը 1870 Դեկտեմբերին 1220 զրշ. կը տրամադրէ քաղաքի վարժարաններուն յետեակ թոշակներու վճարումին համար (Տե՛ս Փունջ, Կ. Պ. 1870 թ. 650) : Ընկերութիւնս անձանօթ է Նաթանեան



նեանի, Սրուանձաեանցի, Իսթամպօլլեանցի  
Տօքթ Փաշայեանի:

Ինչպէս ըսինք՝ Ընկերութիւնս պաշա-  
պանն է «Ներսիսեան» վարժարանի: Այդ  
դպրոցի ուսուցիչները տարի մը անվնար  
դաս տալէ վերջ՝ հեռացած են, նիւթականի  
չգոյութեան պատճառաւ: Թէ՛ ուսուցիչ-  
ները եւ թէ «Ներսիսեան Ընկերութիւն»ը  
խնդրած են քաղաքի «Սեմեֆերիմեան Ընկե-  
րութեան», որ ազգային կալուածներու եւ  
պանդոկին եկամտաւորէն Ներսիսեան դըպ-  
րոցին ալ բաժին հանէ եւ ուսուցիչները վճա-  
րուին: Սակայն միջոցները «միայն մէկ  
դպրոցի կ'ընծայեն», մինչդեռ «քաղաքիս  
բոլոր դպրոցները հաւասար իրաւունք ու-  
նին», կը դրեն Ներսիսեան դպրոցի աշա-  
կերաները «բաղմաթիւ ստորագրութեամբ»  
Պոլսոյ Պատրիարքարանին բողոքելով եւ  
ըսելով թէ փողոցը մնացած ենք (Փոլնիշ,  
1870 թ. 549):

«Ներսիսեան Ընկերութեան» հիմնումի  
մասին մեր կարծիքն հետեւեալն է. 1867ին  
կը ձեռնարկուի Ս. Սարգիսի Թաղի վարժա-  
րանին շէնքին շինութեան (Փոլնիշ, 1867 թ.  
166): Նոյն տարի — 1867 — առաջին անգամ  
ըլլալով՝ կը յիշուի նոյն վարժարանի «Ներ-  
սիսեան» կոչուած ըլլալը (Ծիածան, Կ. Պ.  
1867 թ. 44): Այդ, արամաբանական կը  
դանենք եղբակացներու որ 1867ի շէնքի շի-  
նութեան առթիւ կազմուած ըլլալու է «Ներ-



սխեան Ընկերութիւն»ը՝ նիւթապէս եւ բարոյապէս սատարելու համար թէ՛ շէնքի շինութեան եւ թէ՛ վարժարանի յադատելութեան :

Տ. ԸՆԹԵՐՑԱՍԻՐԱՅ ԸՆԿԵՐՈՒԹԻՒՆ (1867)

1867 Դեկտ. 28ին Սեբաստիայէն Պոլսոյ ժամանակին դրուած նամակ մը կը հաղորդէ . «Ընթերցասիրաց Ընկերութիւնը, որ նոր կազմուած է, 150 բաժանորդէն 325 բաժանորդ ունեցաւ երկու շաբթուան մէջ եւ հեազհեաէ աւելնալու յոյս կայ, վասն զի Սեբաստիոյ հասարակութիւնը մեծ համակրութիւն ցոյց կու տայ ուսման եւ գիտութեան եւ մանաւանդ օրագիր եւ գիրք կարդալու, կարգացողներէն մտիկ ընելու եւ տեղեկութիւն առնելու . . . Գրեթէ ամէն գիշեր Ընթերցարանը մեծ բաղմութիւն կը լեցուի, մանաւանդ երբ փոսքան կու դայ եւ Պոլսէն աղղային թերթերը կը հասնին : 150-200 ունեկնդիրներ ուշադրութեամբ եւ առանց շփոթութիւն մը հանելու մտիկ կ'ընեն օրագիրները, որ կարդաւ անձ մը կը կարդայ եւ պէտք եղած տեղն ալ բացատրութիւն կու տայ : Ընթերցարանը բաւական ընդարձակ տեղ մ'է եւ ստանի չափ մ'ոմէ կենֆէ կը վառի : Աղղային երգերն ալ մերթ ընդ մերթ կը հնչուին եւ բարեմիտ ժողովրդեան աշխոյժ ու եռանդ կ'արժարժեն» (Ժամանակ, 1868 թ. 132, էջ 11) :



«Անձնուէր Ընկերութիւն»ը թոյլցած ըլլալով՝ «Ընթերցասիրաց»ը անոր դերն ալ ստանձնած է յաջորդ տարիներուն։ Սերաստիայէն կը գրեն։ «Ընթերցասիրաց Ընկերութիւնը ի քաղաքիս, որ նախատակ ունի կարդալ գրել սորվեցնել մեր արհեստաւորաց եւս եւ ընթերցման ճաշակն ընդհանրացնել ի ժողովրդեան, նոր ուղղութեամբ մը սկսած է աշխատիլ իւր անձնութիւնով մէջ։ Կիւրակէ օրերին . . . կրօնի դասուն հետ կա՛ւաճողութիւն թուադիտութիւն եւ հայերէն, տաճկերէն, դադիերէն . . . Ընկերութիւնը 100ի չափ արհեստաւոր աշակերտներ ունի» (Արեւելի, Կ. Պ. 1889 թ. 1834)։

1889էն վերջ յիշատակութիւն մը չենք գտներ։ Հաւանօրէն մինչեւ 1895 տեւած է։

#### 9. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1867-8)

Մեղի ծանօթ է լոկ յիշատակութիւն մը անուան (Տե՛ս Մասիս փոքր, Կ. Պ. 1868 թ. 200)։

#### 10. ՕԺԱՆԴԱԿ ԸՆԿԵՐՈՒԹԻՒՆ (1868)

Պոլսոյ մէջ հիմնուած է 1868 Մայիս 12-ին։ Ունի իր Կանոնագրութիւնը, բաղկացած 13 Յօդուածներէ եւ հրատարակուած Պոլսոյ Օրագիրի մէջ։ Կուստանք քանի մը Յօդուած։

«Ա. Օժանդակ Ընկերութեան նախատակը Սերաստիոյ՝ «Սենեփերիմեան Ընկերութեան»



նպատակին նիւթապէս օգնել պիտի ըլլայ, այսինքն՝ Սերաստիոյ քաղաքի երկսեռ վարժարանաց նիւթական պիտոյից ապագան ապահովել :

Բ. Ընկերութեան նպատակն է նաեւ. Սերաստիոյ քաղաքին մէջ գիշերօդիկ վարժարանի մը հաստատութեանը ձեռնարկել խորհրդակցութեամբ «Սենեքերմիեան»ի, երբ Ընկերութեանս նիւթական վիճակը այն աստիճանին հասնի, այսինքն՝ Սերաստիոյ երկսեռ վարժարանաց օգնելէն աւելի ստակ ունենայ :

Զ. Ընկերութեանս բաժանորդացիներ շաբաթը 10 փարայ է . . .

Է. Ընկերութիւնս բաժանորդացիներէն դատ ունի նաեւ գանձանակ մը, որ թէ՛ Պօլիս եւ շրջականները պիտի շրջակայի . . .» (Օրագիր, Կ. Պ. 1868 թ. 5 : — Տե՛ս նաեւ Փռւնջ, 1868 թ. 178, 184 : — Մասիս, Կ. Պ. 1868 թ. 855) :

Իր առաջին վարչութիւնը կը կազմեն .

Մելքոն Կարապետ	Ատենապետ
Գրիգոր Օննիկեան	Փոխ-Ատենապետ
Նիկողոս Պէնկլեան	Ատենադպիր
Յակոբ Գաբրիէլեան	Փոխ-Ատենադպիր
Յ. Գաբրիէլեան	Գանձապետ
Մանուկ Նաղարեան	Հաւաքիչ
Յարութիւն Թօռունեան	
Գրիգոր Մանուկեան	



Գալուստ Մ . Քաջիկեան  
 Գրիգոր Չատիկեան  
 Պետրոս Գալուստեան  
 Յակոբ Թաշճեան  
 Յակոբ Եօրիկեան  
 Մանուկ Աղապապեան (Անդ) :

Կ'երեւայ թէ Ընկերութիւնը կարճ ժամանակի մէջ կրցած է բաւարար նիւթական միջոցներ ձեռք բերել եւ արդէն գիշերօթիկ վարժարանի շինութեան անցնիլ : Զի 1868 Սեպտեմբերին կը կարդանք Պոլսոյ Մանգումէի մէջ Վանեցիի մը սառնոցերը . «Առ ընկեր Վանեցիս . Բաւական կը համարիմ այսչափ ատեն մեր Հայրենեաց դատախարակութեանը մոռացութեան անկիւնը թաղուիլը . այո՛ , բաւական է , վասն զի . . . քաղաքք եւ գիւղաքաղաքք եւ փոքրագոյն դաւառք իւրեանց պէտք եղած յառաջագիւծութեան ընթացքը ըստ կարի ձեռք առած . . . Անձանօթ չէ Սերաափոյ Բարենպաստակ Ընկերութիւնը , որ ի սէր աղգին եւ ի պատիւ իւրեանց Հայրենեաց շքեղ եւ փառաւոր գիշերօթիկ դպրոց մը կառուցած են եւ ընդ այնմ բարեկարգեալ են ընտիր դպրութեամբ» (Մանգումէի էֆֆեար , Կ . Պ . 1868 թ . 756) :

Ծանօթ չէ թէ ո՛րքան տեւած է Ընկերութիւնս : 1868էն Վերջ յիշատակութիւն չկայ իր մասին :



11. ԱՆԱՊԱՏԻ ԸՆԿԵՐՈՒԹԻՒՆ (1868-9)

1870 Մայիս 26 թուակիր նամակ մը Սեբաստիոյ Անապատ վանքի իրադարձութիւններու մասին գրելէ վերջ՝ իբր Յեա Գրութիւն կ'աւելցնէ. «Սեբաստիոյ Անապատ վանքը Ընկերութիւն մ'ունի, որուն անդամներն են Պալեօգեան Մ. Նշան եւ Գաւապեան Գրիգոր եւ այլն: Ասոնք յիշեալ վանքին վաճառքը կարգեր են Ուլնեցի Դաւիթ վարդապետը» (Մանգ. Էփեար, 1870 Թ. 587): — Ուրիշ տեղեկութիւն դատած չենք:

Փունջ կը տեղեկագրէ. «Անապատու վանքին Ընկերութիւնը կոչունք մը տալով ի պատիւ Դաւիթ վարդապետի՝ կը խնդրեն որ Անապատու վանքը մնայ. կ'ընդունուի այս խնդիրը՝ պայման դնելով որ վանքին մէջ փոքրիկ տպարան եւ դպրոց մ'ըլլայ: Ամենայն սիրով կ'ընդունին այս պայմանները: Հետեւեալ օրը ընկերութեամբ վանք կ'երթան . . . ժողով ու խորհուրդ կ'ըլլայ: Ընկերութիւնը 600 դրուշի չափ նպատա մը կ'ընէ եւ Դաւիթ վարդապետն ալ իր 500 դուրուշ արժող ձին վանքին կ'ընծայէ: Կը սկսին դործել . . . Գարուն կու դայ, Սեբաստիացիք կը սկսին վանքը դալ, նուազել, երգել ու պարել . . . Դաւիթ Վ. բողոք կը բառնայ եւ Ընկերութենէն կը պահանջէ որ արդիւուն. սակայն Ընկերութիւնը չի դործադրեր՝ առարկելով թէ վանքին տուրքը կը պակսի եթէ ասոնք չըլլան: Հետեւաբար Դաւիթ Վ.



կը ստիպուի թօթափել իր ստից փռչին»  
(Փունջ, 1871 թ. 699) :

12. Ս. ՅԱԿՈԲԱՅ ԸՆԿԵՐՈՒԹԻՒՆ (1868-9)

Հիմնումի տարին չենք կրցած ճշդել :  
Լոկ հաւանական կը համարինք 1868-9ը՝  
նման միւսներուն : Այս մասին Սրուանձ-  
տեանց կը գրէ . «Ուրիշ բարերար Ընկերու-  
թիւններ ալ ստակ հանդանակելով՝ շինած  
էին Ս. Յակոբայ տաճարը, կը շինէին Անա-  
պատի տաճարը, պատած էին Ս. Քառասուն  
Մանկունի գերեզմանատունը, շէնցնել կ'ու-  
ղէին Խունրկըտուր վաքը, որուն Յ կտոր  
արտ գնած էին, եւ այլն : Ասոնք ամէնը ստա-  
կով յառաջ կու գար եւ ժողովուրդն ալ յո-  
ժարութեամբ կու տար այսպիսի նեղ տարի  
մը» (Գարեգին Վ. Սրուանձտեանց, Թորոս  
Աղբար . Ա. Կ. Պ. 1879, էջ 149) : Ընդգրծ-  
ուածները ունեցած են իրենց յատուկ Ընկե-  
րութիւնը :

13. ԽՈՒՆՐԿԸՏՈՒՐԻ ԸՆԿԵՐՈՒԹԻՒՆ (1868-70)

Սրուանձտեանցի վերի յաշատակութե-  
նէն լոկ կ'իմանանք թէ զոյութիւն ունեցած  
է այսպիսի Ընկերութիւն մը, որուն մասին  
գտած չենք ուրիշ ծանօթութիւն մը եւ չենք  
կրնար ճշդել հիմնումի թուականը : Կը տեա-  
նուի որ միեւնոյն ժամանակաշրջանի մը մէջ  
երեւան եկած են այս վերոյիշեալ Ընկերու-  
թիւնները, որոնցմէ ոմանք Հայ Մամուլի



մէջ ալ յիշատակութիւն կը դնեն: 1878ին  
Ընկերութիւնը «Յ կտոր արտ դնած է վանքին  
համար» եւ միտք ունէր «չէնցնել» վանքը  
(Թորոս Աղբար, անդ):

14. ... ԸՆԿԵՐՈՒԹԻՒՆ (1868-70)

1871 Հոկտ. 9ին Մկրտիչ Արքեպ. Խրի-  
մեան, Պատրիարք Կ. Պոլսոյ, կը գրէ. «...  
Այսու վաւերացրովս յայտ առնեմք, զի Սե-  
բաստիոյ կէս ժամու ճանապարհաւ կից  
դնուած յանուն Քառասնից Մանկանց նուիր-  
եալ գերեզմանատեղին շրջապատով գոցե-  
լու եւ նոյն սրբավայրը, ուր յիշեալ Քառա-  
սուն նահատակաց նշխարք կը հանդէին,  
օտարաց ոտից կոխան ըլլալէ ազատելու  
համար Սեբաստիոյ մէջ կազմեալ ազգային  
Ընկերութիւն մի բարեպաշտական ոգւով  
պատ քաշելու ձեռնարկելով, կիսով չսփ ա-  
ւարտած է» (Հայրենիք, Կ. Պ. 1871 Թ. 71):

Մեղք որ չի տրուիր անունը այս Ընկերու-  
թեան, որ Սեբաստիա քաղաքի մէջ հիմնուած  
եւ անշուշտ տարբեր է եւ աւելի կանուխ  
հիմնուած քան յաջորդ «Քառասնից Ման-  
կանց Ընկերութիւն»ը, որ միեւնոյն նպատա-  
կով եւ աւելի ուշ՝ Պոլսոյ մէջ կազմուած է:

15. ՍԵՐԱՍՏԻՈՅ «ՔԱՌԱՍՆԻՅ ՄԱՆԿԱՆՅ»

ԸՆԿԵՐՈՒԹԻՒՆ (1868-1870)

Հիմնուած է Պոլիս: Կը յիշուի 1871  
Հոկտ. 9ին: Խրիմեան Պատրիարք կը գրէ.



«Մեծարդայ Պր. Մարտիրոս Տ. Պետրոսեանի ջանիւք Մայրաքաղաքիս Սեբաստացի բարեսէր երիտասարդներէ բազկացեալ Ընկերութիւն մը կազմուած է Քառասնից Մանկանց անուամբ, յիշեալ նուիրական սրբավայրերն շրջապատով պահպանելու, այլեւայլ տեսակ անլուր անարդանքներէ զերծ մնալու եւ օտարաց ստից կոխան ըլլալէ ազատելու բարին պատակաւ: Ուստի արժան համարեցինք հրատարակել Պատրիարքական կնիքով վաւերացեալ վկայականն» (Հայրենիք, Կ. Պ. 1871 թ. 71):

Ընկերութիւնը Սեբաստիա կը ղրկէ 2000 զուրուշ՝ նպատակին գործադրութեան համար. կը գնէ արժէթուղթեր երկաթուղիի (Հայրենիք 1873 թ. 151): Ինչպէս տեսանք՝ կը յիշուի նաեւ 1878ին Սրուանձտեանցէ:

#### 16. ԴԵՐԱՍԱՆԱԿԱՆ ԸՆԿԵՐՈՒԹԻՒՆ (1870)

Ժամանակակից թերթերէն ոչ մէկուն քով ծանօթութեան մը հանդիպած ենք: 1880ին է որ առաջին անգամ Սեբաստացի Նաղարէթ Յ. Իսթամպօլլեանց կը յիշէ Ընկերութիւնս իր հետաքրքրական մէկ յօդուածին մէջ, որ կը կրէ խորագիրս. «Ազգային Ընկերութիւնք Սեբաստիոյ»: Իսթամպօլլեանց Ընկերութեան տիտղոսը սա վերնադրով. — «Դերասանական Ընկերութիւն, հաստատեալ 1870» — գնելէ վերջ՝ կը գրէ. «Սոյն Ընկերութեան նպատակն է գաւառիս ազգացնոց, ի



մասնաւորի Սեբաստացւոց ազգային եռանդ եւ զգացում ներշնչել թատերական ներկայացումներով . իւր տրամադրութեան ներքեւ մի օրիորդական վարժարան ունենալով . վերջապէս ազգային թատեր մատակարարած բարիքները ծաւալել ազգայնոց մէջ . . . Թատերական երեկոյթներ տուած է եւ կը տայ : Տարւոյս շրջանին մէջ քատերական կատակախաղեր եւս տուաւ քաղաքիս Թրքաց Թատերասէր մասին ստիպմամբ : Ընկերութիւնս կը բաղկանայ 12 երիտասարդներէ եւ ունի բաւական քատերական գոյքեր» (Մասիս, Կ. Պ. 1880 թ. 2560) : Ընկերութիւնը 1881ին ազահանդէս մը կը սարքէ Խաթապօլլեանցի թարմ հողակոյտին վրայ (Մասիս, 1881 թ. 2875) :

#### 17. ԼՈՒՍԱՅԵՐ ԸՆԿԵՐՈՒԹԻՒՆ (1870)

Հիմնադիրները Սեբաստիոյ «Անճնուէր Ընկերութեան» երբեմնի աշակերտներն են : Հիմնումի թուականն է 1870 : Խօսքը տանք ժամանակակից հայ թերթին : Պոլսոյ Հայրենիք, որուն խմբագիրը Սեբաստացի մ'է, կը գրէ 1873 Յունիսին՝ «Սեբաստիա Լուսարեր Ընկերութիւն» վերնագրի տակ . «Ուրախութեամբ սրտի կը հրատարակեմք սոյն Ընկերութեան դովութեան եւ միանդամայն քանջակերութեան արժանի ձեռնարկը, որ երեք տարիէ ի վեր յարատեւ կը շարունակէ . . . Լուսարեր Ընկերութեան անդամները ժողո-



վրըդեան համարումը գրաւող 12 Անճնուէր աշակերտներ են, որք ամեն կիւրակէ յետ աւարտման եկեղեցւոյ ազգային յարկի տակ ժամն երկուքէն մինչեւ հինգ զանազան մատաններ կարդալով՝ փափաքող ազգայնոց չհասկցած կէտերը բացատրելով՝ Ազգ. եւ Սրբ. Պատմութեանց կը տեղեկացնեն եղեր : Բաց ի տակէ, աւելի դավութեան ու քաջալիրութեան արժանի է վկայեալ անկարող ադաւաթի ուսանողաց համար ձրիաբար գիթք, քուղք, գրիչ, մելան մատակարարելին, իրենց շաքաքական նուէրներովն եւ բարեսէր առատաձեռն ժողովրդեան նպաստներով» (Հայրենիք, 1873 թ. 154) :

Ընկերութիւնը 1000 դահեկանի դիրք կ'ապսպրէ Պուլսէն «աղքատիկ ուսանողաց ձրիաբար նուիրելու համար» (Անդ, թ. 162) :

Ընկերութիւնս երկու ճիւղ ունէր. մին Պոլսոյ՝ միւսը Սեբաստիոյ մէջ. վերջինս ալ 1870ին հիմնուած : Սեբաստիոյ ճիւղին հիմնադիրներէն մին է Խաչատուր Գարապաւնազեան (Հայ Հանրագիտակ, Պուքրէշ 1938, էջ 310) : Նազարէթ Յ. Խթամպօլլեանց իր յիշեալ յօդուածին մէջ կը գրէ որ Ընկերութիւնը «եթէ կարողութիւնը ներէ, աշակերտաց հանդերձանքն եւս պիտի պատրաստէ : Սոյն Ընկերութենէս կը նպաստաւորին 100է աւելի աշակերտներ... մի Գրավանատանց եւս ունի, որ եկամտի մի տոկոսը է իւրեան» (Մասիս, 1880 թ. 2567) :



Իսկ Պոլսոյ նիւղի հիմնումը եղած է 1882 Սեպտեմբեր 1ին : 1882ին վերջը նոր Գործ . Ժողովոյ ընտրութիւնն է՝ ըլլալ ու է՝ ընտրութիւն .

Մխիթար Գրմըղեան	Ա . Ատենապետ
Մկրտիչ Տէմիրճեան	Բ . Ատենապետ
Ոսկան Ա . Թէրղեան	Ա . Ատենապետի
Ոսկան Խորխոռունի	Բ . Ատենապետի
Նշան Անտոնեան	Գանձապահ
Նշան Սիրապեան	Համարակալ
Տիգրան Մումճեան	
Նազարէթ Օթուրախեան	
Երանոս Ումէտեան	

Նոյն նպատակն է ասոնցն ալ . Աղբատիկ մանկանց դաստիարակուիլն ձրիապէս : «Լուսաբեր Ընկերութիւնն 12ամեայ Ընկերութիւն մ'է, որ ցարդ կը շարունակուի աննկուն ամեն դժուարութեանց դէմ ի յայտ բերելով բազում արդիւնքներ . ունի բաւական աշակերտներ, որք այսօր դասատուութեան փափուկ եւ մեծ պաշտօնին կանչուելով՝ եղած են մի մի թշուառ ընտանեաց միակ յոյսն ու մխիթարանք : . . . այժմ ունի 150ի չափ աղքատիկ աշակերտներ, որոց ուսումնական պիտոյքն կը հայթայթէ . . . » (Հայրենիք, Կ . Պ . 1882 թ . 1211 Դեկտ . 28) :

1883 Մարտին Ընկերութիւնը թատերական ներկայացում մը կը կողմակերպէ Բերայի «Վերտի» թատրոնին մէջ, որմէ զուտ



շահ կ'ունենայ 40 լիրա (Թերմէմանը էֆեար, Կ. Պ. 1883 թ. 1861) :

Ընկերութեան Սեբաստիոյ նիւղը կանգուն է 1889ին եւ յոյսը շատ մը չփաւոր ընտանիքներու (Արեւելք, 1889 թ. 1711 Հոկտ. 9) : Կը շարունակէ իր գործունէութիւն 1905ին ալ : Կ. Ա. Պարսամեան կը գրէ Սեբաստիայէն 1905 Դեկտ. 26ին. «Լուսարեր Ընկերութիւնը չորս անհատներու՝ Ա. Անանիկեան, Ոնոփրիոս Վրդ. (Վախճանաժ), Ա. Գարագաշեան, Ա. Տեր-Թադէոսեան 1870ին կազմած Մարմինն է . . . Սըվաղի միակ Գրավանաւոր իրենք են . . . Փոխանորդ Վրդ.ը աղուոր ձեռնարկ մըն ալ ըրաւ, Լսարան մը հաստատեց» (Արեւելք, 1905 թ. 5866) :

Ընկերութիւնը վերակազմուած է 1904 Հոկտեմբերին. 1909ին կը հայթայթէ, գարձեալ, աղփատ աշակերտներու գրեմական պիտոյքները : Ունի Կիլիկիոյ վարժարան մը, ուր կու գան բաւական թուով երիտասարդ արհեստաւորներ տաքրական ուսում մ'առնելու համար» (Անդրանիկ, Սեբաստիա 1909 թ. 18 եւ 40) :

Անդրանիկ, 1909 Հոկտեմբերին անդրադառնալով «Լուսարեր»ի 40 ամեակին՝ կը գրէ. «Լուսարեր . . . 40 տարուան անցեալ մ'ունենալով նա առաջին օրէն իսկ միակ նախատակի մը ձգտած է. Ձրի կրթութիւն որք, անտէր եւ աղփատ երկսեռ ուսանողներու. ուղի մը, ուր ցարդ անսայքաֆ կը յա-



դատել, բազմաթիւ զարգացած երիտա-  
սարդներ տալով Ազգին: Անոնցմէ շատեր,  
ամէն դասակարգի մէջ, կարեւոր դիրքեր  
գրաւած ըլլալով՝ օգտակար հանդիսացած են  
թէ՛ իրենց եւ թէ՛ Ազգին եւ Պետութեան: Ո՞չ  
սպաքէն այս տեսակ զգայուն, կրթասէր եւ  
գթոտ երիտասարդներու ներբողելի նախա-  
ձեռնութեամբն էր որ կազմուեցաւ Ամերի-  
կայի մէջ «Լուսաբերի Նպաստամատոյց»  
Մարմինը, որ պարբերաբար եւ մարդասի-  
րաբար կը նպաստէ Լուսաբերի աղքատիկ  
երկսեռ սաներուն . . . որոց թիւը 400 կ'անց-  
նի այսօր . . . Լուսաբեր կը վարէ նաեւ երկու  
կարեւոր հաստատութիւններ եւս, որոնք  
գործեալ ձրի են բոլորովին: — Կիրակնօրեայ  
վարժարանը՝ արհեստաւորներու եւ Լսարա-  
նը՝ ամէն դասակարգի անհատներու համար  
. . . 1904 Հոկտեմբերի սկիզբները, երբ Ըն-  
կերութիւնը իր վերակազմութիւնը ունեցաւ,  
մեծագոյն զարկը տուաւ նոյն հաստատու-  
թիւններուն» (Անդրանիկ, 1909 թ. 40):

1911ին Հոդդար (թ. 14) կը գրէ որ «Կով-  
տունի Թաղ. խորհուրդը կը խնդրէ որ Լու-  
սաբեր Ընկերութիւնը հայթայթէ նաեւ Գիւ-  
ղերու աղքատ աշակերտաց զրեհական սի-  
նոյթն»:

1912ի սկիզբը Լուսաբեր կ'ունենայ նաեւ  
իզական ճիւղ մը, իբրեւ սուսնձին Ընկե-  
րութիւն, «Լուսաբերի Օժանդակ Ընկերու-



քիւն» *անուշով* (Հոդդար, 1912 թ. 26),  
*ինչպէս պիտի տեսնենք* :

*Նիւ Եորկի Ալիս թերթը* (1930 թ. 4)  
 1930ին հրատարակած է 1904-8ի Լուսաբերի  
 անդամներու խմբանկարը :

#### 18. ՆՊԱՍՏԱՄԱՏՈՅՑ ԸՆԿԵՐՈՒԹԻՒՆ (1870)

*Կը յիշուի առաջին անգամ 1875ին Պօղոս  
 վ. Նաթանեանէն, որ Սերաստիա եղած է  
 նոյն տարույ Սեպտեմբերին (Տե՛ս Տեղեկա-  
 դրութիւն Ընդհ. վիճակին Սերաստիոյ. Կ.  
 Պ. 1877, էջ Ե) : Ընկերութեանս նպատակը  
 նման է «Լուսաբեր»ի հետ — «դպրոցի մէջ  
 զանուող աղքատ տղայոց ձրի քուղք, գիրք  
 . . . տալէն զկնի տարին անգամ մ'ալ աղքա-  
 տիկ մանկանց հագուստը շինել կու տայ»  
 (Նաթանեան, Անդ., էջ 114) :*

1880ին Իսթամպուլեանց միացուցած է  
 Լուսաբեր-Նպատաւատոյց՝ իբրեւ մէկ Ըն-  
 կերութիւն՝ հիմնուած 1870ին (Մասիս 1880  
 թ. 2560) : Արդեօք 1877էն վերջ միացած էին  
 այդ երկու Ընկերութիւնները : 1880էն վերջ  
 Նպատաւատոյցը չի յիշուիր :

#### 19. ԱՐՇԱԿՈՅՍ ՄԻՈՒԹԻՒՆ (1870-1871)

*Պօլսոյ լաւատեղեակ թերթը* — Հայ-  
 րենիք — *կը դրէ 1871 Յուլիս 17ին. «Մեր  
 հայրենակցայ . . . զգայուն երիտասարդ զա-  
 տակունք իրենց պատույն պահպանութեան  
 համար խմբակ մը կազմեր են Արշակոյս ա-*



նուամբ . . . կը գովեմք ու կը քաջալերեմք  
որ Միութիւնն յաւիտեան անքակտելի պա-  
հեն . . .» (Հայրենիք, 1871 թ. 58) : — Հայ  
երկսեռ աշակերտները տեղացի մահմետա-  
կան տղոց յարձակումներու դէմ պաշտպա-  
նելու նպատակ ունի : Հիմնումի թուականը  
ճշգրտած չէ :

## 20. ԼՈՒՍԱՆՈՐՁԵԱՆ ԸՆԿԵՐՈՒԹԻՒՆ (1872)

Պոլսոյ մէջ՝ 1872ի առաջին ամիսներուն  
հիմնուած կ'երեւայ «Լուսաւորչեան Ընկե-  
րութիւն»ը, որ Սերաստիոյ Հայ — մահալլէ  
թաղի «Լուսաւորչեան» դպրոցի համար չէնք  
մը շինելու եւ դպրոցի նիւթականը ապահա-  
վելու նպատակ ունի : Օրուան թերթը կը  
յայտարարէ . «Բերկրութեամբ սրտի կը ծա-  
նուցանեմք յարգոյ Հայրենակցաց թէ Հայրե-  
նասիրական հոգով շարժեալ . . . Սերաստիոյ  
Հայ — մահալլէի թաղի ուսանողաց համար  
վարժարան մը կառուցանելու եւ նորա եկա-  
մուններ հայթայթելու համար վարժարանի  
անունէն առնելով Լուսաւորչեան անուն Ըն-  
րութիւն մ'եւս կազմեցին . . . Անցեալ կիւրակէ  
առաջին անգամ ըլլալով երկու հազար դա-  
հեկանէն աւելի դրամ գոյացաւ . . . Այս հայ-  
րենեաց անուանք չենք յիշեր այժմ, որով-  
հետեւ գործել կը սիրեն քան թէ գովուիլ . . .  
ամեն կիւրակէ Ղալաթիա Տէյիքմէն կանը  
պիտի դամարուին . . .» (Հայրենիք, 1872 թ.  
109, Յուլիս 8) :



Ուրիշ տեղեկութիւն չենք գտներ : Նոր  
Ընկերութիւն մ'է :

21. Ս. ՍՏԵՓԱՆՆՈՍԻ ԸՆԿԵՐՈՒԹԻՒՆ (1872-1873)

Կը յիշուի 1875ին իբրեւ հին . կազմուած  
է Ս. Սարգիս եկեղեցւոյ թաղին մէջ եւ ունե-  
ցած կրպակ մը , որ 1875ին այրած էր : Ըն-  
կերութիւնը 1875ին թոյլցած՝ բայց գոյու-  
թիւնը կը պահէր (Պօղոս Վ. Նաթանեան ,  
անդ , էջ 99) :

22. ՀԱՅՐԵՆԱՍԷՐ ԸՆԿԵՐՈՒԹԻՒՆ (1872-1873)

Սերաստացի Ահարոն Մարգարեան Պու-  
սոյ Հայրենիք թերթէն օրինակ մը կը նուիրէ  
Սերաստիոյ «Հայրենասէր Ընկերութեան»  
վարժարանին (Հայրենիք , 1873 թ. 161 Օ-  
գոստոս 11) :

Այս է ամբողջ եւ միակ տեղեկութիւնը ,  
դոր այս Ընկերութեան մասին տուած է  
թերթը : Թէ ե՞րբ եւ որմէ՞ հիմնուած է , ի՞նչ  
է նպատակը , որո՞նք են իր կանոնները , ի՞նչ  
վարչութիւն ունի , եւ այլն , ասոնց մասին  
ոչ մէկ ակնարկ : Ասկէ կը տեսնուի թէ Սե-  
րաստիա քաղաքի մէջ կար դպրոց մը , որուն  
պաշտպանն էր «Հայրենասէր Ընկերութիւ-  
ն»ը : Ընկերութիւնը բացած էր այդ դպրոցը՝  
թէ դպրոցը կար արդէն եւ անոր նպատակու-  
համար այս Ընկերութիւնը հիմնուած էր : —  
Ոչ մէկ լուսարանութիւն : 1875էն վերջ ոչ  
մէկ յիշատակութիւն :



23. ՎԱՐԱՋԴԱՏԵԱՆ ԸՆԿԵՐՈՒԹԻՒՆ (1874)

Հիմնաւած է Պուլիս 1874ին: Հիմնադիրն է Սեբաստացի վարազդատ Փքքեան, որ Պուլսոյ փանոսեան վարժարանի աշակերտած ըլլալով՝ դադարաւորը կ'ունենայ Կիրակնօրեայ դասընթացք մը բանալ ու Պուլսոյ մէջ «Թէ՛ Գաւառացի եւ քէ Պուլսեցի որեւիցէ հասակէ ազգայնոց, ճիւղաբար գէթ կարդալ, գրել, հաշուել եւ իւրեանց ազգային լեզուն ու պատմութեան վրայ տեղեկութիւններ ուսուցանելու համար» (Ասիա, Կ. Պ. 1874 թ. 101):

Փթթեան օգտուած է Ասիա թերթի խմբաւոր Մկրտիչ Փորթուզալեանի փորձառութենէն ու հմտութենէն եւ անոր խորհուրդով 1874 Օգոստոսին բացած է նախ Ղալաթիոյ Գոմիսիոն հասնի մէջ կիրակնօրեայ դասընթացքը՝ հայերէնի, քուարանութեան եւ փրանսերէնի: Գործին հաստատուն հիմ մը դրած ըլլալու համար՝ Փթթեան Փորթուզալեանի դործակցութեամբ կը հիմնէ Ընկերութիւն մը, որուն անունը կը դրուի «Վարազդատեան Ընկերութիւն»։ Սկզբնական «Ծրագիր» մը՝ բաղկացած 6 կէտերէ՝ կը դժէ Ընկերութեան ապագայ դործունէութեան աստարէզը (Ասիա, անդ):

Ընկերութեան այդ «Ծրագիր»ի հրատարակութիւնը խթան մը կ'ըլլայ 4 օրուան մէջ անդամներու թիւը 20էն աւելի բարձրացնելու (Ասիա, անդ թ. 107): Կը կազմուի Ըն-



կերութեան Կանոնագիրը . կ'ընտրուի Գործադիր ժողովը : Ահա վերջինիս կազմը .

Մկրտիչ Փորթուղալեան	Ատենապետ
Վարադգատ Փթթեան	Ատենադպիր
Գալուստ Նորհատեան	Գանձապահ
Թորոս Զիւլալեան	Գրապահ
Մանուկ Չիլինկիրեան	Համարակալ

(Ասիա, անդ՝ Թ. 131, 135) :

Ընկերութեան Կանոնագիրը, որ ամբողջապէս հրատարակուած է Ասիա թերթի մէջ (անդ՝ Թ. 131), կը բաղկանայ 17 Յօդուածէ կամ կէտերէ : Կը ներկայացնենք քաղուածաբար քանի մը Յօդուած : Ընկերութեան նպատակն է . Ա. Կիրակի օրերը ձրիապէս դասախօսութիւններ անել ոեւէ հասակէ ազգայիններու . Բ. Ազգային յառաջդիմութեան վերաբեղեալ նիւթերու վրայ ատենաբանութիւններ անել : — Ընկերութեան անդամ եղողը կը պարտի շաբաթական մի բաժինի գին քառասուն փարայ վճարել (Յօդ. 1) : — Ընկերութեան անդամ գրուողները՝ Ընդհ. Ժողովին ալ անդամ կը համարուին (Յօդ. 2) . Եթէ դաւաններէն դասաւանդներ ուղուին, Ընկերութիւնը չափաւոր ամսականով դասաւանդներ կը դրկէ, սա՛ պայմանով որ Վարադգատեան Ընկերութեան մի ճիւղ համարուի հոն (Յօդ. 15) :

1874 Հոկտ. Տին Ընկերութեան Ընդհ. Ժողովի Դիւանը կը կազմէին .



Յ . ԳՐԱՐԳԷՆ

ԱՄԵՆԱՄԵՆ

Ս . ԹՈՒՄԱՅԵԱՆ

ԱՄԵՆԱՊԵՐ

(Ասիա, 1874 թ . 131) :

24. ԱՆՁՆՈՒԵՐ ՕԺԱՆԴԱԿ ԸՆԿԵՐՈՒԹԻՒՆ ( . . . 1875)

Կը յիշուի 1875ին իբրեւ ոչ նոր . կը կոչուի նաեւ «Բարեսիրական Ընկերութիւն» : Պօղոս վ . Նաթանեան , որ միակ տեղեկատուն է , Ընկերութեան մասին կը գրէ 1875ին . «Օժանդակ Անճնուէրի նպատակն է Կիրակի օրեր հասակաւոր մարդկանց համար կրկին դպրոց բանալով Աստուածաշունչի եւ Աւետարանի դասեր կու տայ հանդերձ բացատրութեամբ : Այս Ընկերութիւնը բարեսիրական ալ կը կոչուի» (Պօղոս վ . Նաթանեան , Տեղեկագիր Ընդհանուր վիճակին Սերասախոյ . Կ . Պ . 1877 , էջ 114-5) :

25. ԽՆԱՄԱԿԱԿ ԸՆԿԵՐՈՒԹԻՒՆ ( . . . 1875)

Հիմնումի տարին չենք գտած : Կը յիշէ Նաթանեան 1875ին հետեւեալ տողերով . « . . . հինգերորդ Խնամակալ Ընկերութեան նպատակն ալ է Տանկաց տուներու մէջ խառն բնակող աղքատ եւ անտէր Հայ ընտանեաց համար հայոց քաղերու մէջ տուներ շինել տալով բնակեցնել եւ ըստ կարի խնամել ու տղաքներն ալ ձրիաբար դպրոցներու մէջ կրթել » (Տեղեկագիր , անդ , էջ 115) :



## 26. ԱՐՈՒԵՍՏԱՍԻՐԱՅ ԸՆԿԵՐՈՒԹԻՒՆ (1875-1879)

Պոլսոյ մէջ հիմնուած՝ ունեցած է Կա-  
նոնագիր: Կը յիշուի 1883 Յունուար 21ին:  
Իբրեւ Թոյլցած եւ բաղձանք կը յայտնուի  
վերականգնանայ Սեբաստիոյ մէջ «որ ոյժ  
տայ արուեստից, մանաւանդ երկրագործու-  
թեան» (Մասիս, 1883 Թ. 3344): Հիմնումը  
1875-79 զնելուս պատճառն այն է որ Պոլսոյ  
«Արուեստասիրաց Ընկերութիւնները» այդ  
չըջանին երեւան եկած են: — Կանոնագիրը,  
որքան գիտենք, հրատարակուած չէ:

27. ՍԵՐԱՍՏԻՈՅ ՎԱՐԱՋԴԱՏԵԱՆ ԸՆԿԵՐՈՒԹԻՒՆ  
(1875-1876)

Վարադդատ Փթթեան 1875ի վերջերը  
Սեբաստիա վերադառնալով հոն ճիւղ մը կը  
հիմնէ «Վարադդատեան Ընկերութեան, որ  
կը տեւէ երկու տարի: 1876 Սեպտ.ին Մկր-  
տիչ Փորթուգալեան Սեբաստիա գտնուելով՝  
կը տեսնէր Ընկերութեան բարգաւաճումը  
եւ կրնար գրել. «Վարադդատ էֆ. Փթթեան  
վարադդատեան անուն մի Ընկերութիւն  
հաստատած է այստեղ (Սեբաստիա) որ հա-  
սակաւոր ազգայիններին կիսակնօրեայ ճրի  
վարժարան բանալէ գատ՝ անչափահասների  
համար ալ ամենօրեայ վարժարան բացած  
է, ուր դասախօսել կտայ հայերէն, թուրքե-  
րէն, ֆրանսերէն լեզուներ, թուարանու-  
թիւն, աշխարհագրութիւն, պատմութիւն,  
բնագիտական սկիզբներ, եւ այլն: Նաեւ



մարմնամարդութիւնի դատ ալ սկսած է : Այս վարժարանը յուսատու վիճակ ունի» (Մանգումէի էֆեար, 1876 թ. 3292, Հոկտ. 23) :

1877ի վերջերքը կը դադրի Ընկերութիւնս՝ վերածուելով «Համալսարանական Ընկերութեան» (Մանգումէի էֆեար, 1878 թ. 3739) :

#### 28. ՕԺԱՆԴԱԿ ԸՆԿԵՐՈՒԹԻՒՆ (1876)

«Օժանդակ Ընկերութիւն հաստատելալ 1876ին» վերնադրի տակ կը գրէ Սեբաստացի Նաղարէթ Յ. Իսթամպուլեանց 1880ին. «Նըպատակն է Ազգ. վարժարաններու անկարող աշակերտուիեաց դպրոցական պէտքերն հոգալ եւ ֆոցա ի ձեռագործ արհեստս յառաջադիմելոյն նպաստել : Այժմ (1880ին) 50ի մօտ աղքատիկ սանուհեաց կ'օգնէ, որք կը պատրաստուին ապագային մէջ բարի եւ կըրթեալ Հայ մայրեր լինելոյ» (Մասիս, 1880 թ. 2560) :

Ընկերութիւնս «Լուսաբեր»ի իգական ճիւղը կարելի է համարիլ եւ այս կապակցութեամբ 1912ին կը յիշուի իր իսկական անունով, որ է «Լուսաբերի Օժանդակ Ընկերութիւն» (Հոգդար, Սեբաստիա 1912 թ. 26) :

Գէորգ Մ. Փամպուռեանց յիշած էր Ընկերութիւնս 1879ին կոչելով դայն «Օժանդակ Անճնուէր Ընկերութիւն», «որ իգական սեռի աղքատ աշակերտուիեաց դպրոցական պէտքը կը հոգայ» (Հայրենիք, 1879 թ. 528) :



Անշուշտ նոյնն է Սրուանձտեանցի 1878-ին յիշածն ալ. «Օժանդակ Ընկերութիւն, որ դատագիրք բերել կու տայ Պոլսէն, աղքատաց ճրի եւ կարողաց դիւրագին կ'ընձեռէ» (Թորոս Աղբար, Ա. էջ 146) :

29. ՀԱՅՐԵՆԱՆՊԱՍՏ ԸՆԿԵՐՈՒԹԻՒՆ (1877)

1879 Յուլիսին Սեբաստիայէն կը գրեն Պոլսոյ Թէրնէմանը Էփեար Թերթին. «Քաղաքիս Հայ մանկիկներէն մի քանիքն երկու տարիէ հետէ Հայրենաստատ անուն Ընկերութիւն մը հաստատած՝ կ'աշխատին : Անցեալ շարթու ասոնք իրենց տարեկան հաշիւն կիւրակէ օր ժողովրդին ի տես Ս. Սարգիս եկեղեցւոյ դուռը ներկայելէն զկնի՝ կ'աղղարարեն ժողովրդեան կէս աւուր միջոցը դպրոց դալ հաճել եւ իւրաքանչիւր ոք դիւր դիտողութիւն ընել» (Թէրնէմանը Էփեար, Կ. Պ. 1879 Թ. 630) :

Հետեւաբար հիմնուած է 1877ին : Իսթամպուլեանց (Մասիս, 1880 Թ. 2560) ըսկ անունով յիշած է Ընկերութիւնս :

30. ՀԱՅՐԵՆԱԿՈՅՍ ԸՆԿԵՐՈՒԹԻՒՆ (1877?)

Ընկերութեանս հիմնումի տարին չենք կրնար ճշդել : Իսթամպուլեանց (Մասիս, 1880 Թ. 2560) անունը միայն յիշած է 1880ին «Հայրենաստատին» հետ : Հաւանական է որ աս ալ 1877ին կազմուած ըլլայ :



31. ՀԱՄԱԼՍԱՐԱՆԱԿԱՆ ԸՆԿԵՐՈՒԹԻՒՆ (1878)

Համալսարանական Ընկերութիւնը Սերաստիա քաղաքին մէջ հիմնուած է 1878 Յունուար 1ին: Հիմնադիրներու առաջինը կրնայ համարուիլ բնիկ Սերաստացի վարագդատ փքքեան, որ իր սւսումը Պոլսոյ մէջ առնելէ յետոյ՝ ընկերակցութեամբ Մկրտիչ Փոքր-ուգալեանի՝ նախ Պոլսոյ մէջ կը հիմնէ «վարագդատեան Ընկերութիւն»ը (1874), 1875ի վերջերը Սերաստիա վերադառնալով՝ հոն կը հաստատէ ճիւղ մը «վարագդատեան»ի, ինչպէս տեսանք վերը: Այս վերջին Ընկերութիւնը կը տեւէ երկու տարի, այսինքն՝ 1876–1877ի վերջը: 1878 Յունուար 1ին «վարագդատեան Ընկերութիւն»ը կը վերածուի «Համալսարանական Ընկերութեան», ինչպէս կը ճշդէ ինքը՝ Փթթեան գրելով. «Երբ Պոլիս ձգելով հայրենիք վերադարձայ, անմիջապէս չյապաղեցայ վարագդատեան Ընկերութեան ճիւղ մի հաստատել, որն որ ամբողջ երկու տարի շարունակելով եւ բաւական յաջողելով եւ այս անդամ աւելի յաջողելով՝ վարագդատեան Ընկերութիւնը Համալսարանական Ընկերութեան վերածեցինք, մի քանի ազդատէր ու ազատամիտ երիտասարդներու ընկերակցութեամբ» (Մանգուլէի Էֆեար, Կ. Պ. 1878 Թ. 3739):

Փթթեան, որ Համալսարանական Ընկերութեան Գործադիր Ժողովի Ատենապետ ընտրուած էր՝ երկրորդ գլխութեամբ մը



Սեբաստիայէն Պոլսոյ Մանգումէին կը տեղեկագրէ 1878 Մարտ 25 թուականով . «1. Յունուար 1878 Կաղանդի օրը, յորում մարդիկ նոր տոմարներ կը կարգադրեն եւ նոր նոր յաջողութիւններ կը բարեմաղթեն իրարու, Սեբաստիոյ երիտասարդութիւնն ալ միեւնոյն աւուր մէջ մի Կանոնագրութիւն կարգադրելով՝ Համալսարանական անուն մի ընկերութիւն հաստատեց եւ անոր յառաջդիմութեան նորանոր յաջողութիւններ եւ յարատեւութիւն մաղթեց, որուն՝ ինչպէս անունէն կ'երեւայ Նպատակն է մի համալսարանական վարժարան ունենալ Սեբաստիոյ մէջ եւ արդէն թէ Գեր. Առաջնորդ Ս. Հօր խրախուսանօք եւ թէ ազգասէր նուիրատուաց դործնական քաջալերութեամբ ըստ պահանջման Կանոնագրութեան՝ Մարտ մէկին մի նախադասարանական երկսեռ վարժարան բացուեցաւ քաղաքիս մէջ, որուն աշակերտելոց թիւն է Հարիւր յիսուն մանչ եւ յիսուն աղջիկ եւ դասատուք են. Արժ. Տէր Վարդան Աւագ Քահանայ, Տօքթօռ Յ. Շիրինեան, Վարազդատ Փքքեան, Սեդրէ Օտապաշեան, Օհան Մարկոսեան, Նազարէք Պոլսեցեան (Իսթամպօլլեանց), Յարութիւն Զարդարեան, Դաւիթ Արամեան, Ագաթիա Տէր Յովսէփեան էֆէնտիներն ու վառվառ, Նոյեմբար եւ Զմբուլստ վարժուհիներ, ուր պէտք եղած գիտութիւններն ու լեզուագիտութիւնը դասախօսելէ զատ՝ սկսուած է նաեւ տա-



բազագործութիւն աղջկանց համար, որ այժմէն կը գործեն շալ, խաւը տիւֆի, կտաւ կարմիր եւ ձեռագործներ, իսկ մանչերու համար քիչ ատենէն պիտի սկսուի անաղձագործութիւն: Ինչպէս գիտութիւններն ու ուսումները, նոյնպէս արհեստները պիտի դարձանէ Ընկերութիւնս միջեւ որ կարող լինին կատարեալ համալսարանի մը վերածել: Արդէն Ընկերութիւնս սոյն վիճակին մէջ աշակերտներէն ընդունած ամսականաւր եւ քաղաքացւոյ աջակցութեամբ վարժարանը կառավարելու բաւականութեան մէջ դրոնուելով՝ պիտի չուշանայ կարելի եղածին համար չուտ իր նպատակին հասնելու համար մօտ օրերս մասնաւորապէս մի արժանաւոր անձ ճամբայ հանել ի Կ. Պոլիս, ուր ուսումնական եւ գրադէտ անձանց հետ տեսնուելով՝ թէ՛ Համալսարանական վարժարանիս մէջ աւանդելի Ուսմանց Ծրագիրը պատրաստել եւ թէ՛ սոյն ուսմանց համեմատ վարժարանին շէնքին ու ձեւին վրայ խորհիլ եւ Ընկերութեան տեղեկադրել, որպէս զի փութայ Ընկերութիւնս՝ մինչեւ որ ինքը Համալսարանի շինութեան սկսի՝ մի Ըկերութիւն հաստատել իր նպատակին աջակից, որ պարտաւոր հաստատուն կալուած մ'ունենայ՝ նորա եկամուտով Պոլսէն մեզ ցուցած ընթացիկ ուսմանց եւ արհեստներու ծրագրին համեմատ՝ միշտ եւրոպայի մէջ երկու ուսանող ունենալով՝ մաս-



նագէտ դասատուներ պատրաստելու համար :  
 Համալսարանական վարժարանի շինութեան  
 համար արդէն Պոլիս գնացող անձը Ընկե-  
 րութեանս կողմէ դաւանները անցնելով՝  
 բարերար անձանց եւ դպրոցատէր ժողովրդ-  
 դեան առատաձեռնութեան պիտի դիմէ , որ-  
 պէս զի Ընկերութիւնս այժմէն օրինաւոր  
 երկիր մը գնելով սկսի Համալսարանական  
 վարժարանի շինութեան :

Ի դիմաց Գործադիր ժողովոյ  
 Համալսարանական Ընկերութեան  
 Ատենապետ՝ Վարդադատ Փթթեան  
 Ատենադպիր՝ Համբարձում Ճէվաճիրճեան  
 ( Մանգումէի էֆեար , Կ . Պ . 1878 թ . 3739 ,  
 Ապրիլ 8 ) :

Ընկերութիւնը շուտով կ'ունենայ նիւղ  
 մը՝ Պոլսոյ մէջ , որուն Վարչ . անդամները —  
 Մ . Զախթեան եւ Խ . Նիրակոսեան — 1878  
 Սեպտ . 11ին կը գրեն Պոլսէն . « Սերաստիոյ  
 Համալսարանական Ընկերութիւնը . . . տեղա-  
 ունեցած նիւղին միջոցաւ կը հրաւիրէ բոլոր  
 ազգատէր անձանց ուշադրութիւնը , որպէս զի  
 բարեհաճին իրենց դիմող հանդանակութեան  
 տոմարը եւ . . . եկեղեցւոյ դուռը դրուած  
 քապալսը նուիրատուութեամբ արդիւնաւո-  
 րելու . . . » ( Մասիս 1878 թ . 2176 , Սեպտ .  
 14 ) : — 1878 Հոկտ . ին սկիզբը Վարչ . նոր  
 կողմը հրաւեր-դիմում կ'ընէ Իգմիրի Հայու-  
 թեան՝ գրելով . « . . Պոլսոյ Սերաստիոյ Հա-



մալսարանական Ընկերութիւնը, որոյ նպատակն է փոխուն Հայաստանի մէջ կեդրոնական երկսեռ վարժարան մը հաստատել եւ արդէն Սերաստիոյ մէջ վեց եօթը ամսէ հետէ վարժարան մը բացուած ըլլալով՝ կը շարունակուի, միայն կը կարօտի օրինաւոր դրամագլուխի մը, որ պէտք եղած դիտնական դործիքներն ու դիրքերը պատրաստելով՝ դաւաճներէն մէկ մէկ մանչ ու աղջիկ բերել Սերաստիա ու կրթել: Ահաւասիկ սոյն նպատակաւ հանդանակութիւն բացած է Ընկերութիւնս եւ սոյն փրկառիթ դործին համար անշուշտ ով որ Հայ է պիտի նպաստէ եւ մանաւանդ նա որ Հայ երիտասարդ է ջան ու աշխատութիւն չպիտի խնայէ: Ուրեմն կը հրաւիրենք Զմիւռնիոյ զգայուն երիտասարդութիւնը, որպէս զի բարեհաճի յանուն ազգային յառաջդիմութեան իրենց եւ տեղացի վաճառականաց մէջ հանդանակութիւն մը բանալով՝ գոյացած դրամը յանձնեն հոն Մ. Մամուրեան Էֆէնտիի, յորմէ կը ստանայ Ընկերութիւնս:

Ի դիմաց Համալս. Ընկերութեան

Ատենապետ՝ Թադէոս Կ. Թաշճեան

Ատենադպիր՝ Խ. Կիրակոսեան

3 Հոկտ. 1878

Կ. Պոլիս (Մանգ. Էփեփաք, 1878 Թ. 3874):

Ընկերութեան 1880ի վիճակը կը ներկայացնէ Գործադիր Ժողովի հետեւեալ դրու-



Թիւնը, գրուած Սեբաստիայէն՝ Պոլսոյ  
Մանգուլէիին 1880 Փետրուար 12/24ին .

Մեծ . Խմբագրատեա Տէր .

Քաղաքիս մէջ երկու տարի առաջ Հա-  
մալսարանական Ընկերութեան ինչպէս հաս-  
տատումը, նոյնպէս հրատարակական թեր-  
թերու միջոցաւ իւր նպատակը ընթերցողաց  
ծանօթ է, որ է մի երկսեռ վարժարան, ար-  
հեստանոց, հասարակաց ընթերցումը դիւ-  
րացնելու համար մի քանգարան եւ մի քեդիք-  
սեննալ : Կիւրակի օրերն ու գիշերները ար-  
հեստաւորաց դասախօսել եւ ատենախօսել  
եւ ըստ իւր յաջողութեան՝ հետզհետէ վար-  
ժարանին վիճակը բարձրացնել եւ ջանալ  
մինչեւ մի համալսարանի ձեւ տալ, որուն  
խիտ ալէաք ունի բաղմահայ քաղաքս : Երկ-  
սեռ վարժարանն Ընկերութեանս հաստա-  
տումէն գրեթէ երկու տմիս վերջ բացուեցաւ,  
ուր կը յաճախեն մինչեւ ցարդ 80ի չափ երկ-  
սեռ աշակերտներ, որոնց օգտակար եւ ըն-  
թացիկ դասեր աւանդուելէ դատ՝ գիշերօթիկ  
վարժարան մի եւս յառաջիկայ Մարտ 1ին  
պիտի հաստատէ Ընկերութիւնս, ուր աշա-  
կերտութեան պիտի ընդունի գիւղացի եւ  
շրջակայ քաղաքներէն պանդուխտ աշակերտ-  
ներ : Օրինորդաց համար ոստայնանկութեան  
հորեր բացուած են : Գիշերները արհեստաւո-  
րաց դասախօսութիւնք կը լինին, որք ոչ  
նուազ ցերեկեայ աշակերտներէն կը յառաջ-



դիմեն : Աշտկերտաց թիւը յիսուհի. կը հաս-  
նի : Կիսրակէ օրերու յատկացեալ ունինք մի  
լսարան , ուր ամէն Կիւրակէ խուռն բաղմու-  
թիւն մը կը խոնին եւ անյադ փափաքով կը  
լսեն եղած ատենախօսութիւնները , տրամա-  
խօսութիւններն եւ իմաստալից ոտանաւոր-  
ները , որոց վերջինը ցերեկեայ փոքրիկ  
օրիորդք եւ մանչեր կ'արտասանէին : Այս  
փոքրիկ տղայոց արտասանութեան շնորհիւ  
Քամառ-Քար-իպայի «Աղտա երգերն» գրեթէ  
բոլոր ընտանեաց բերանին մէջ օրական տ-  
աած դարձած են : Ահա այսպէս Սերաստիացի  
հայ աղջակցոց սրտին մէջ մի նոր շարժում  
եւ եռանդ կարողացաւ Ընկերութիւնս ներ-  
մուծել , որ Ընկերութեանս գոյութեան հետ  
կապուած՝ հետզհետէ պիտի հաստատի եւ  
գօրանայ նոցին սրտին մէջ : Իսկ Ընկերու-  
թեանս Թանգարանը , ցաւ է ըսել , դեռ օրի-  
նաւոր կերպարանք մ'առած չէ , զի տակաւին  
կը պակսին գիտութեանց գործիքներ եւ  
նկարներ եւ ուսումնական , գիտնական եւ  
պատմական գրքեր : Սոյն պիտոյից անհրա-  
ժեշտութիւնն Ընկերութիւնս զգալով՝ քա-  
նիցս անգամ աղջակին թերթերու միջոցաւ  
աղջակէր անձանց նպաստներ խնդրած եւ  
բաւական քաջալերուած է , որոյ համար մեր  
խորին շնորհակալութեան հետ կը փութամք  
նուիրատու քաղաքաց տնուանքն ու գոյա-  
ցած դրամը հրատարակութեան տալ , որք  
են . Նիկոպոլիս (Շտպին Գարահիտար) 605



դրշ․, Սերաստիա 1509 դրշ․, Ամասիա 363  
դրշ․, Սամսոն 2145 դրշ․, Իւնիա 726 դրշ․,  
Կեսարիա 55 դրշ․: Ասոնցմէ զատ Տփղիսի  
«Փորձ»ի խմբագրատեւո Մեծ․ Պ․ Արզար  
Յովհաննէսեանի քով հաւաքեալ նուէր եւ  
բաժնեզին ըլլալով՝ քսաներեք օսմ․ լիբա եւ  
տասներկու դահեկան:

Ի գիմաց Գործադիր Ժողովոյ  
Համալսարանական Ընկերութեան

Ատենապետ՝ Նշան Թէրզեան

Ատենադպիր՝ Վարադդատ Փթթեան

(Մանգ․ էփֆեար, 1880 թ․ 4306):

Նագարէք Յ․ Իսթամպուլեանց կը գրէ  
Ընկերութեանս մասին 1880 Փետր․ 5/17ին․  
«․․․Իւր խնամոց տակ մի բարեկարգ երկսեռ  
Նախակրթարան ունի 100 աշակերտներովք,  
յորոց 80ը թոշակաւոր են եւ 20ը անթոշակ,  
չքաւոր լինելոյն համար․․․ Ընկերութիւնս  
կը պատրաստուի ներկայ տարւոյ Մարտի  
սկիզբները մի գիշերօթիկ վարժարան եւս  
բանալ․ ասոր համար մի ընդարձակ յաքմար  
տուն վարձեց եւ ուրիշ պատրաստութիւններ  
կը տեսնէ: Ընկերութիւնս այս մասին ազգա-  
սիրաց աջակցութեանը կը կարօտի» (Մասիս,  
1880 թ․ 1560):

Նոյն յօդուածագիրը — Թղթակիցը 1880  
Մայիս 24ին Սերաստիայէն ցաւով կը տեղե-  
կագրէ․ «Համալսարանական Ընկերութիւնը  
չկարողացաւ գիշերօթիկ դպրոցը բանալ,



յուսացուած քաջալերութիւնը գտած չլինելուն եւ գիշերօթիկ աշակերտները չամբողջանալուն համար» (Մասիս, անդ՝ թ. 2655) :

1880 Սեպտեմբերի սկիզբը Սեբաստիոյ մէջ կը կազմուի «Կրթական Միութիւն Փոքր-Հայոց» անուամբ Ընկերութիւն մը, որուն նախառահլն էր Սեբաստիոյ նահանգին մէջ կազմուած բոլոր Ընկերութիւնները միացնել, «ի մի ձուլել» : Համալսարանական Ընկերութիւնը կը միանայ անոր հետ՝ իր ունեցած երկուս վարժարանն ալ անոր յանձնելով : Վարազդատ Փթթեան անդամ էր այդ նոր Ընկերութեան (Մասիս, 1880 թ. 2784 — Տե՛ս նոր Սեբաստիա, Նիւ Եորկ 1954 թ. 5, էջ 6-9) :

### 32. ԱՐՇԱԿՈՒՆԵԱՅ ԸՆԿԵՐՈՒԹԻՒՆ (1878)

Հիմնուած է 1878ի ամբան, զի 1879 Ապրիլ 21ին ութը ամիս անցած է իր հիմնումէն (Հայրենիք, 1879 թ. 560) : Վարչական Մարմինը կը գրէ. «Մեր Ազգին կրած ազգի ազգի տառապանքները եւ եւրոպական տէրութեանց ընկիւթ բարենորոգումները ստիպած են զմեզ մեր դպրոցական գրասեղաններու վրայ Ընկերութիւն մը կազմել, որն որ նախառահլ ունենայ 1. Ազգ. ներկայացումներով ազգայնոց օգտակար ծառայութիւններ մատուցանել, 2. Յարդ գործուած եւ գործադրելիք ղեղձումներն հարստահարութիւնները հաղորդել լրագրաց : Ընկերու-



թեանս Գործադիր ժողովը ըստ օրինի իւր  
Ընդհ. ժողովէն ընտրուած է եւ կազմու-  
թենէն աստի բաժանորդութեամբ եւ նուէր-  
ներով փոքր ինչ պիտոյքներ հայթայթած է  
ներկայացում տալով, ինչպէս նաեւ մի քանի  
անգամ ալ տուած է . . .

Ի դիմաց Արշակունեաց Ընկ.

Ատենայեա

Տեսուչ

Յ. Մանուէլեան

Հայկ Ա. Վարդանեան

21 Օգ. 1879

(Հայրենիք, անդ) :

33. ՕԺԱՆԴԱԿ ԸՆԿԵՐՈՒԹԻՒՆ (1878-1879)

Աշակերտական Ընկերութիւն մըն է «Օ-  
ժանդակ Ընկերութիւն»ը, զոր կազմած են  
Ս. Սարգիս Թաղի Ներսիսեան վարժարանի  
սաները, իբր 1878-9ի տարիներուն, ինչպէս  
կը պատմէ Ընկերութեանս Հիմնադիրներէն  
մին՝ Յովհաննէս Թորիկեան. «Մեր մանկա-  
կան ուսանողական օրերուն Ա. կարգի աշա-  
կերտներս ուրիշ կարգերու հետ բաժանոր-  
դագրութեամբ կազմեցինք Օժանդակ Ընկե-  
րութիւնը, որուն նպատակն էր ձրի հայ-  
քայթել մեր ազգատիկ սաներուն մեջան,  
գրիչ, գլխարկ եւ ոտից աման» (Ալիս, ԺԱ.  
տարի Թ. 2, էջ 5) :

34. ՄԱՐԴԱՍԻՐԱԿԱՆ ԸՆԿԵՐՈՒԹԻՒՆ (1879)

Կազմուած է 1879 Ապրիլ 22ին : Հիմնա-  
դիրներէն մին է Մանուկ Նորհատեան : Սե-



բաստիայէն կը գրէ Գէորգ Մ : Գամպուռեանց 1879 Ապրիլ 30ին . «Այս օրերս մի քանի եռանդուն երիտասարդներ Ընկերութիւն մ'ալ կազմեցին «Մարդասիրական անունով , որոյ նպատակ խիստ գովելի է , այն է քաղաքիս մէջ դպրոց մը բանալ : . . . խիստ քիչ կարելորութիւն տրուած է մեր Ազգին մէջ Որբանոցի . . . որբերը խնամելու եւ դաստիարակելու պէտքն երբեք զգացուած չէ բայց ի Պրուսայէն եւ Այնթապէն : Սերաստիոյ այս երիտասարդք ալ ուզելով իրենց ընկերին ծառայութիւն մը մատուցանել , այս բարի դործին ձեռնարկեցին եւ անցեալ Կիրակի , Ապրիլ 22ին , Ժողովուրդը Ս . Ներսիսեան դըպրոցն . հրաւիրեցին , բաժանորդագրութեան մասնակցելու : Իրենց այս հրաւէրը լաւ ընդունելութիւն գտաւ եւ մեծ թուով Ժողովուրդք որոշեալ Ժամուն դպրոցը հաւաքուեցան . կարճ աղօթքէ մը վերջ Ազգ . երգ մի երգուեցաւ . ապա դպրոցի նոյն աշակերտներէն երկուքը մէկ մէկ հակիրճ ճառախօսութիւններ ըրին , յետոյ Ընկերութեան հիմնադիրներէն Մանուկ Էֆ . Նորհատեան Ընկերութեան նպատակին եւ Կանոնագրոյն վրայ ազգու ատենաբանութիւն մը ընելով՝ Ժողովուրդը բաժանորդագրութեան յորդորեց . . . ներկայ գտնուողներէն գրեթէ ամէնը բաժանորդ գրուեցան . յետոյ բաժանորդաց մեծադոյն մասը , որ Ընդհ . Ժողովն է , գաղտնի քուէարկութեամբ իւր Դիւանը



կազմեց եւ Գործադիր Ժողովն ընտրեց, որ 12 անդամներէ կը բաղկանայ . . . սոյն բարենպաստակ դործը Ազգ. յառաջագիւթեան կարեւոր նպատակ մը կը խոստանայ որքերը խնամելով եւ դաստիարակելով . . .» (Հայրենիք, 1874 թ. 528) :

Գարեգին Վ. Սրուանձատեանցի (Թորոս Աղբար Ա.) յիշած «Ճգնաւորներու» մէկ հատուածն է այս Ընկերութիւնը, որ բողոքականամէտ ըլլալուն՝ Սերաստիոյ մէջ լաւ աչքով չի դիտուիր : Ազգ. Վարչ. Խառն Ժողովը կը մերժէ վաւերացնել այս Ընկերութեան Կանոնագիրը (Տե՛ս Մասիս 1879 թ. 2389) : 1880ի սկիզբը Ընկերութիւնը ունի իր յատուկ դպրոցը, որ ընտելարան մ'է (Մասիս, 1880 թ. 2783) :

### 35. ՀԱՅԿԱԿԱՆ ԸՆԿԵՐՈՒԹԻՒՆ (1879-1880)

Կը յիշուի 1880 փետր. 17ին եւ ունի իւրանուն դպրոց մը — Հայկական վարժարան — ուր կը յաճախեն 60 աշակերտներ (Տե՛ս Մասիս, 1880 թ. 2783) :

### 36. ԿՐԹԱԿԱՆ ՄԻՈՒԹԻՒՆ ՓՈՔՐ-ՀԱՅՈՅ (1880)

Կը յիշուի 1880 Սեպտեմբերին սկիզբը : Հիմնադիրներն են. Նշան Թէրզեան, Սիմոն Հէֆիմեան, Սէրովբէ Օտապաշեան, Վալադդատ Փքքեան, Նազարէք Յ. Իսքանյազիւնց, որոնք միանդամայն Ընկերութեան Տնօրէն ժողովը կը կազմեն : Նպատակն է,



«Սեբաստիոյ նահանգին մէջ ազգային դաս-  
տիարակութիւնը ծաւալել : Պիտի ջանայ նա-  
հանգիս մէջ կազմուած ազգօգուտ Ընկերու-  
թիւններն ի մի ձուլել : Ունի մի բարեկարգ-  
երկսեռ վարժարան , զոր իւրեան յանձնած է  
ազգասիրաբար տեղւոյս Համալսարանական  
Ընկերութիւնն եւ ինքն ալ Կորսական Միու-  
թեանս հետ միացած է : Միութիւնս Մայր  
վարժարանի ներքնասրահին մէջ ամէն Կիւ-  
րակէ ազգային հարկաւոր նիւթերու եւ կեն-  
ցազօգուտ խնդրոց վրայ ատենախօսութիւն-  
ներ կ'ընէ , լրացիր կը կարդայ եւ արհես-  
տաւոր աշակերտաց կը դասախօսէ համառո-  
տաբար հայերէն , ազգ . պատմութիւն ,  
թուապիտութիւն , աշխարհագրութիւն , ազգ .  
երգեցողութիւն . . . 1881 Մարտ ամսոյն մի  
գիշերօթիկ վարժարան պիտի բանայ Ս .  
Հրեշտակապետի վանաց մէջ . . . Սոյն դիշե-  
րօթիկ վարժարանին մէջ պիտի աշակերտին  
իւրաքանչիւր հայ գիւղէ մի աշակերտ առա-  
ջին անգամ : Վերջապէս Միութիւնս պիտի  
ջանայ նահանգիս Հայ ժողովուրդն ժամանա-  
կիս յայտնի պահանջից համապատասխանող  
դրից մէջ դնել» (Մասիս , 1880 , Թ . 2783) : —  
Յաջորդ թղթակցութեան մէջ նորութիւն մը  
չենք գտներ : Որքան դիտենք իր նպատակին  
չի կրնար հասնիլ Ընկերութիւնը : Գիշերօ-  
թիկ վարժարան չի բացուիր :



37. «ՀԱՅ ԶԱՒԱԿՆԵՐ» ԸՆԿԵՐՈՒԹԻՒՆ (1881)

Յիշատակութիւնը շատ ուշ՝ 1911էն է : Բայց որովհետեւ Սեբաստայի ծանօթ դրագէտէ մը եղած է՝ հարկ է որ ընդունինք ճշգրտութիւնը : Արմենակ Զուգասպեան կը գրէ 1911ին «Տեղագրական» վերնագրի տակ տեղեկատուութիւն մ'ընելով Սեբաստիա քաղաքի մասին . «Քաղաքիս մէջ «Հայ գաւակներ» անունով Ընկերութիւնը , որը 30 տարի է ի վեր գոյութիւն ունենալով՝ ազատիկ տղայոց գիրք կը հայր-այրէ» (Երկիր , Ատափագար , 1911 թ . 11 , Յունիս 19) : — Ուրեմն հիմնուած 1881ին՝ կը գործէր տակաւին 1911ին : Այսքան է մեր ծանօթութիւնը :

38. ՀԱՅՈՒՀԵԱՅ ԸՆԿԵՐՈՒԹԻՒՆ (1883-1884)

1879ին Պոլսոյ մէջ հաստատուած «Ազգանուէր Հայուհեանց Ընկերութիւն»ը Հայաստանի մէջ եւ այլուր կազմուած շատ մը նման Ընկերութիւններու նախաօրինակը հանդիսացած է : Սեբաստիայ մէջ կազմուածը կը կոչուէ «Հայուհեաց Ընկերութիւն» : Սեբաստիոյ «Հայուհեաց»ը երկու անգամ կազմուած է : Վերջինը տեղի ունեցած է 1884 Մայիս 6ին : Իսկ առաջինի կազմութեան ճշգրիտ թուականը չունինք : 1884 Մայիս 18ին գրուած թղթակցութիւն մը կ'ըսէ . «Իսկ նախորդին չնմանի» , որմէ կը հետեւցնենք թէ 1884 Մայիսէն առաջ անգամ մը փորձուած է հիմնել «Հայուհեաց Ընկերութիւն» մը , որ



ձախողած եւ տեւականութիւն չէ ունեցած : Ե<sup>ր</sup>բ տեղի ունեցած է այդ սակայն , 1884ին սկիզբնե<sup>ր</sup>ը , թէ նոյն իսկ 1883ին : Ոչ մէկ բացատրութիւն կը գտնենք : Սա միայն ստոյգ է որ 1884 Մայիս 6էն առաջ սկիզբ եղած է կազմութեան՝ բայց ոեւէ պատճառով չէ տեւած :

Ահա այդ մասին 1884 Մայիս 18ին Սեբաստիայէն գրուած թղթակցութիւնը . «Կ . Պոլսոյ Հայուհեաց Ընկերութեան մի նիւղ հաստատուեցաւ աստ մի քանի օր առաջ եւ առաջին նիստն քրաւ . անդամներ որոշուեցան եւ հիմնադիրներն արձանագործեցան . բայց այս կազմութիւնն երկրորդն է . անդամներ մեծ եռանդ կը ցուցնեն . մեր կազմէն յաջողութիւն կը մտղթենք եւ կը փափաքիմք իւր յառաջդիմութիւն . իցիւ թէ իւր նախորդին չնմանելով , ապագայ սերնդեան բարեբարներ ըլլային . . . կը յուսանք որ այս նորակազմ Ընկերութեան յառաջդիմութեան համար ամէն կերպիւ օգնելու կ'աշխատին Սեբաստացի տիկնայք եւ օրիորդք» (Մասիս , 1884 թ . 3698) :

Ընկերութեանս հիմնուելու առիթի մասին Արեւելք (1884 թ . 141) հետեւեալը կ'աւանդէ 1884 Յունիսին . «Բողոքական միսիոնարուհիներ Հայոց տուներն յաճախելով՝ դիտութիւն ուսուցանելու պատրուակաւ Աւետարան կը քարոզեն եւ բողոքականութեան դադափարներով կը տողորեն զկանայս , ուս-



տի Հայուհեաց Ընկերութիւն մը կազմուեր է, որ կ'աշխատի հեռացնել այդ օտարներն, հաստատելով քաղային վարժարաններ եւ ջանալով ձեռք բերել կարեւոր գրքեր ու բաժնել դասախօս վարժուհեաց եւ աղքատիկ աշակերտուհեաց» :

Ընկերութեան մասին կարեւոր աղբիւր մ'է Հայրենիք թերթը, որուն մէջ 1885 Օգոստոսին Սերապտիայէն սիրուն թղթակցութիւն մ'ըրած է Եաղուք Կիւրիւնցեան՝ պատմելով մանրամասնութիւններ Ընկերութեան կազմի եւ դործունէութեան մասին :

1885 Յուլիսին կը դրէ Սերապտիայէն Տիկին Եաղուք Կիւրիւնցեան. «... Սերապտիան թէպէտ երբեմն իւր արական սեռի դատարարակութեան մասին զովեւորից արժանի վիճակ մ'ունեցաւ... բայց իգական սեռի դատարարակութիւնն խիստ արգահատելի վիճակի մէջ կը գտնուէր : Թէպէտ անուրանալի է թէ քանի մը դպրոցներ բացաւ, սակայն լոկ մատաղ դասն կրթելու կը ծառայէր եւ չափահաս օրիորդները զուրկ կը մնային այս լոյսէն : Սոյն մեծ թերին լեցուեցաւ իգական սեռի կրթութեան մեծ ոյժ տալու նպատակաւ Ն. Տաղաւարեան Է.Ֆ. անցեալ տարւոյ Մայիս 6ին կազմեց աստ մի Հայուհեաց Ընկերութիւն նպատակ ունենալով իգական սեռի դատարարակութեան, վաշելչութեան եւ պարգասիրութեան հոգն ստանձնել... Ընկերութեան Գործադիր Ժո-



զովն 12 անդամուհիերէ կը բաղկանայ, քա-  
 ղաքիս առաջնակարգ անձանց կիներէն բաղ-  
 կացեալ: Անձնիւր անդամուհի ունի իւր  
 խորհրդականն արական սեռէ, որոց ամբող-  
 ջութիւնն կը ներկայացնէ խորհրդականաց  
 ժողովն: Բաժանորդութեանց թիւն այժմ  
 400ի մօտ է, որ տարին մի անգամ կը դառ-  
 մարի Գործ. Ժողովոյ ընտրութեան համար:  
 Ընկերութիւնն իւր կազմութենէն մի ամիս  
 վերջ սկսաւ ցոյց տալ իւր արդիւնքը. Հա-  
 փահասից դաստիարակութեան նպաստելու  
 համար վարժարաններ բացաւ քաղերու կեդ-  
 րոնական տանց մէջ, ուր վարժուհիք Հա-  
 բաթը 3 անգամ այցելութեամբ կը դասա-  
 խօսեն սկզբնական հմտութեան յատուկ ամէն  
 ինչ՝ անդ հաւաքեալ բազմաթիւ կանանց եւ  
 օրիորդաց: Այժմ զլիսաւոր թաղերու մէջ  
 500է աւելի կիներ եւ օրիորդներ կը դաս-  
 տիարակուին: Դասախօսութեանց հսկող  
 կարգուած էր Ընկերութեան Հիմնադիր եւ  
 Տեսուչ Ն. Տաղաւարեան Էֆ., որ երկու ամիսէ  
 առաջ Պոլիս մեկնած է: Արդարեւ Ընկե-  
 րութիւնը այն ազնիւ երիտասարդի մեկնման  
 առթիւ խորին վիշտ դգաց, վասն զի նմա կը  
 պարտէր իւր սկզբնաւորութիւն, մանաւանդ  
 իւր յաջողութիւն ... Հայուհեաց Ընկերու-  
 թիւն իւր անկարող սանուհեաց դպրոցական  
 սէսքերն եւս կը մատակարարէ եւ Ամանա-  
 լին առթիւ փութաց մի պրակ կաւաւ նուիրել  
 Սենեֆերիսեան Ընկերութեան իրաւասու-



թեան տակ գտնուած իգական սեռի նախա-  
կրթարանին : Ընկերութիւնն իւր գտած մեծ  
ընդունելութիւններէն քաջալերեալ՝ խնդրեց  
Սենեքերիմեան Ընկերութենէն որ իրենց  
յանձնուին իգական սեռի երեք վարժարան-  
ներն , այս տարուան համար դոյզն դոլմար  
մը վճարելով : Իւր այս օգտաւէտ առաջարկ  
ընդունելով՝ գրեթէ երկու ամիսէ առաջ  
ընդհանուր հայ իգական սեռի դաստիարա-  
կութեան դէկն , պարծանօք կրնամ ըսել թէ  
Սենեքերիմեան Ընկերութենէն աւելի կանո-  
նաւորութեամբ կը վարէ Հայուհեաց Ընկե-  
րութիւնը» (Հայրենիք , Կ . Պ . 1885 թ . 21 ,  
Օգոստ . : — Հմմտ . Արեւելք 1884 թ . 141) :

Ընկերութիւնը եռանդով կը շարունակէ  
իւր գործը 1888ին ալ (Հայրենիք , 1888 , էջ  
362 եւ 372) : 1891ին դեռ կը գործէ եւ վար-  
ժուիիներն ալ կը հասցնէ (Հայրենիք , 1891  
թ . 62) :

### 39. ԹՈՐԳՈՄԵԱՆ ԸՆԿԵՐՈՒԹԻՒՆ (1884-1886)

Կը յիշուի 1888ի ամրան , երբ ունի հա-  
մանուն դպրոց մը քաղաքին մէջ , որուն  
չքաւոր աշակերտներուն դպրոցական պի-  
տոյքը կը հոգայ եւ հաստատուած է կիրակ-  
նօրեայ Ընթերցարան մը : 1888ին գործօն  
անդամներն են . Սահակ Էգնայեան , Յարու-  
թիւն Մանուէլեան , Տիգրան Պէգիբեան ,  
Միհրան Թաշեան ; Յարութիւն Զարգարեան  
(Հայրենիք Կ . Պ . 1888 , էջ 362 եւ 372) :



## 40. ՓՐԿՉԵԱՆ ԸՆԿԵՐՈՒԹԻՒՆ (1884-1886)

Դոկտ. Կ. Յ. Փաշայեան, Պոլսէն 1888-ին Սերաստիա ճամբորդած ըլլալով՝ տեղւոյն վրայ հաւաքած է տեղեկութիւններ եւ գրած Պոլսոյ Հայրենիքին մէջ: Արդ, 1888ին Սերաստիոյ մէջ կը գտնէր նա «Փրկչեան Ընկերութիւն» մը, որ «համանուն վարժարանին ընտելարանը կը հոգայ» (Հայրենիք, տեղ, էջ 362 եւ 372): Փաշայեան չէ հետաքրքրուած Ընկերութեան ծագումին եւ այլ պարագաներու մասին: Կը խորհինք թէ հիմնումը կրնայ 1884-6ի շրջանին տեղի ունեցած ըլլալ: 1888էն առաջ չեն յիշուիր այս երկու Ընկերութիւնները:

## 41. ՈՐԲԱՍԷՐ ԸՆԿԵՐՈՒԹԻՒՆ (1887)

1889 Սեպտեմբերէն տարի մը առաջ պաշտօնապէս հաստատուած է Սերաստիոյ Առաջնորդէն (Տես Արեւելք, Կ. Պ. 1889 թ. 1711): Կրնար, ուրեմն, անպաշտօն կերպով արդէն 1887ին դոյրութիւն ունենալ: Ըստ Փունջի (1889 թ. 2138 եւ 2145) թղթակցին հիմնումը եղած է 1887ին: 1888 Հոկտեմբերին որբանոց մը կը հիմնէ Սերաստիոյ մէջ: Իր հիմնադիրներն եղած են «18-25 տարեկան երիտասարդներ, մեծ մասամբ արհեստաւոր դասին պատկանող, մէկ մասն ալ ուսուցչական մարմնէն . . .»: (Հայրենիք, Կ. Պ. 1892 թ. 123):

Ընկերութեան նպատակն եղած է Սե-



բաստինյ մէջ Որբանոց մը բանալ (Արեւելք, 1889 թ. 1574) եւ «որբերը փոխապէս եւ բարոյապէս կրթելով՝ Տէրութեան ու Ազգին օգտակար անհատներ հասցնել» (Անդրանիկ, Սեբաստիա 1909 թ. 5) : Իր ծրագրին մաս կը կազմէ նաեւ «խնամել որբեր իգական սեռէն, կառուցանել Որբանոց մը, որուն կցել նաեւ երկսեռ վարժարան մը» (Արեւելք, անդ) :

Ընկերութեան անդամավճարն է շաբաթական 20 փարա : Ունեցած է Կանոնագիր, որքան դիտենք՝ չհրատարակուած : — 1889ին Մասնաճիւղ մը կ'ունենայ Պոլիս (Արեւելք, 1889 թ. 1711) :

Ընկերութիւնը իր որբանոցի անսլաշտօն բացումը կը կատարէ 1888 Հոկտ. 16ին 4 որբերով . իսկ 1888 Դեկտ.ին մէկ որբ ալ ընդունելով՝ որբերու թիւը կ'ըլլայ 5 : Այս մասին թղթակից մը կը գրէ Սեբաստիայէն 1889 Փետրուարին . «Հայկական Որբանոց մըն ալ բացուեցաւ աստ (Սեբաստիա) իբր չորս ամիս առաջ . . . Հինգ որբ մ'աճուկնէր կը խնամուին Հաղարարձութեամբ Որբասէր անուն Ընկերութեան մը, որոյ գործունէութեան եւ յարատեւութեան նկատմամբ հաստատուն գաղափար մը կազմելու համար՝ ժամանակ մը եւս սլարտիմք դիտել Ընկերութեան գործոց ընթացքն» (Արեւելք, 1889 թ. 1536) :

Ընկերութիւնը ամբացնելու համար իր



գոյութեան հիմերը՝ եւ շահելու համար ժողովուրդին համակրութիւնը՝ 1889 Յունուար 15ին կը կատարէ իր Որբանոցին պաշտօնական բացումը հանդէսով մը։ Թղթակիցը՝ «Պարոյր» կը տեղեկագրէ 1889 Մարտ 16ին․ «Որբասէր Ընկերութիւնն Առաջնորդ Հօր եւ Պատկ․ Քաղ․ Վարչութեան կողմէ վաւերացեալ Կանոնագրով միամեայ բաժանորդագրութիւնէ յետոյ՝ ձեռնարկած է ի գործ։ Թէպէտ կանուխ կը համարէր սկսումն, զի դէթ հինգ որբեր ստանալու համար մէկ պատրաստութիւն իսկ չունէր, ըստ պահանջման Կանոնագրի՝ սակայն նկատելով թէ բաժանորդները տակաւ կը նուագին, խոհեմութիւն սեպեց այսպիսի պարագայի մէջ անյապաղ սկսիլ իւր նպատակի գործադրութեան, քանի որ մնացեալ բաժանորդք ալ կը քախանձին Որբանոցին բացումն։ Բացման հանդէսը տեղի ունեցաւ ի Մայր եկեղեցւոյ ներկայ (1889) տարւոյ Յունուար 15ին Կիրակէ առաւօտ յետ աւարտման ժամերդութեան։ Երկսեռ բաղմոսթիւն մը խոնարած էր անդ․ ամէն աչեր կեդրոնացած էին որբերուն վրայ, որ զառաջինն սկսան երգել․ «Ո՛վ Հայր Աստուած եւ Բարերար․․․» իրենց դողալը եւ անոյշ ձայնով թնդացնելով զմբէթն որբաղան․․․ Տնօրէն Խորհրդոյ անդամներէն մին կարդաց Ընկերութեան Տեղեկագիրն, յետ որոյ․․․ որբերէն աւագադոյնն «Յիշեցէք Որբերը» խորագրով մի արձակ բանաստեղծութեան հիմերը՝ եւ շահելու համար ժողովուրդին համակրութիւնը՝ 1889 Յունուար 15ին կը կատարէ իր Որբանոցին պաշտօնական բացումը հանդէսով մը։ Թղթակիցը՝ «Պարոյր» կը տեղեկագրէ 1889 Մարտ 16ին․ «Որբասէր Ընկերութիւնն Առաջնորդ Հօր եւ Պատկ․ Քաղ․ Վարչութեան կողմէ վաւերացեալ Կանոնագրով միամեայ բաժանորդագրութիւնէ յետոյ՝ ձեռնարկած է ի գործ։ Թէպէտ կանուխ կը համարէր սկսումն, զի դէթ հինգ որբեր ստանալու համար մէկ պատրաստութիւն իսկ չունէր, ըստ պահանջման Կանոնագրի՝ սակայն նկատելով թէ բաժանորդները տակաւ կը նուագին, խոհեմութիւն սեպեց այսպիսի պարագայի մէջ անյապաղ սկսիլ իւր նպատակի գործադրութեան, քանի որ մնացեալ բաժանորդք ալ կը քախանձին Որբանոցին բացումն։ Բացման հանդէսը տեղի ունեցաւ ի Մայր եկեղեցւոյ ներկայ (1889) տարւոյ Յունուար 15ին Կիրակէ առաւօտ յետ աւարտման ժամերդութեան։ Երկսեռ բաղմոսթիւն մը խոնարած էր անդ․ ամէն աչեր կեդրոնացած էին որբերուն վրայ, որ զառաջինն սկսան երգել․ «Ո՛վ Հայր Աստուած եւ Բարերար․․․» իրենց դողալը եւ անոյշ ձայնով թնդացնելով զմբէթն որբաղան․․․ Տնօրէն Խորհրդոյ անդամներէն մին կարդաց Ընկերութեան Տեղեկագիրն, յետ որոյ․․․ որբերէն աւագադոյնն «Յիշեցէք Որբերը» խորագրով մի արձակ բանաստեղծութեան հիմերը՝ եւ շահելու համար ժողովուրդին համակրութիւնը՝ 1889 Յունուար 15ին կը կատարէ իր Որբանոցին պաշտօնական բացումը հանդէսով մը։



տեղծութիւն արտասանեց, ա՛յնքան մեղա-  
մաղձիկ եւ այնքան յուզիչ շեշտերով որ ի  
լուր առհասարակ հանդիսականաց աչերէն  
արտասուաց յորդ կայլականեր կը գլորէին...  
յետոյ որբերը «Ով Հայր» երգելով՝ հանդէ-  
սին վերջ տուին... բաժանորդաց թիւն ա-  
ւելցաւ» (Արեւելք, 1889 թ. 1574) :

Ընկերութիւնը 1890 Օգոստ. 15ին Որ-  
բանոց-դպրոց մը կը բանայ, որուն մէջ կ'ըն-  
դունուի 5 դրուշ ամսականով արտաքին ա-  
շակերտ, 8 սակի տարեթոշակով՝ գիշերօթիկ  
աշակերտ (Անդրանիկ, Սերաստիա 1909 թ.  
8) : 1892ին «լսիկ մնջիկ կը գործէ Ընկերու-  
թիւնը» (Հայրենիք, 1892 թ. 123), ունի 17  
որբ, որոնցմէ մին գիշերօթիկ է, առկէ դաս  
իր դպրոցին մէջ ունի 250 աշակերտ : 1892  
Դեկտեմբերին կը ձեռնարկէ կազմել Գրադա-  
րան մը՝ հայերէն, Փրանսերէն եւ տաճկերէն  
գրքերով, որպէս զի տղաք իրենց սխաւարդ  
ժամերն ընթերցումով օգտակարացալէս ան-  
ցնեն (Արեւելք, 1892 թ. 2672) :

1895ի ջարդերը տաղնուվրայ ըրած էին  
Որբասէր Ընկերութեան կազմն ու Որբանոցի  
վիճակը : Ընկերութեան անդամներէն ոմանք  
մեռած եւ ուրիշներ հեռացած էին : 1897ին  
հարկ կ'ըլլայ Ընդհ. Ժողովով նոր Հիմնա-  
դրաց Ժողով եւ Հոգարարձութիւն ընտրել :  
1897էն վերջ Ազգային Որբանոցի կազմումով  
նոր կանոնադրութիւն կը յօրինուի, նոր Հո-  
գարարձութիւն կ'ընտրուի, որ կը կոչուի



Խնամակալութիւն եւ «Որբասէր Ընկերութեան» անունը մոռացութեան կ'ենթարկուի (Տես Նոր Սեբաստիա, Նիւ Եորկ 1953 թ. 3, էջ 4-12) :

42. ՈՒՍՈՒՄՆԱՏԵՆՁ ԸՆԿԵՐՈՒԹԻՒՆ (1888)

Հիմնադիրներէն կը յիշուի Խոսրով Գալապանագեան (Արտոնց Խոսրով), որ ղեկավարեւ զպրոցական կը կազմակերպէ Ընկերութիւնը 1888ին (Հայ Հանրագիտակ, էջ 310) : — Մ. Իսախան (Սեբաստացի) կը գրէ որ Ընկերութեան նախնական անունն եղած է «Արմէնեան Ընկերութիւն», որ հիմնուած է Գալապանագեան եւ թ. Մադաֆեանի կողմէ՝ նպատակ ունենալով «գարգացած մարդեր պատրաստել» (Նոր Այգ, Մարդուան, 1914 թ. 34) : Ընկերութիւնս վաւերացուած է Առաջնորդարանէն՝ անուանափոխութենէն վերջ (Անդ) :

43. ԸՆԹԵՐՅԱՍԻՐԱՅ ԸՆԿԵՐՈՒԹԻՒՆ (1888)

Հիմնուած է 1888 Փետրուարին (Փուլնջ, 1889 թ. 2138) :

44. ՀԱՅ ՏԻԿՆԱՆՅ ԸՆԿԵՐՈՒԹԻՒՆ (1888-1890)

«Ա. Եղիշէ» ստորագրող Սեբաստացի թղթակից մը 1891ին Պալատի Հայրենիք Օրագիրին (թ. 62) կը գրէ. «Ազջկանց վարժարանի շինութեան ատեն քանի մը աղնիւ ու բարեւէր Տիկիններ Ընկերութիւն մը կազ-



մեցին եւ տունէ տուն պատելով զբամ հաւաքեցին : Կանանցմէ ոմանք ստակ տուին , ոմանք ալ փայտունուն ասկիէն կտրելով տուին : Վերջապէս գովելի յօժարամտութեամբ եւ բուն եռանդով տուին ու տուին : Այդ Տիկիները դպրոցին խնամակալութիւնն ալ ընդունեցին , բայց քիչ վերջն ձայներնին կորաւ . . . Կը ցաւինք որ այդ աղնիւ Տիկիները չեն շարունակեր սկսած օգտակար գործերնին . . . Կը յուսանք թէ այս տղերը կարգալով Սերաստիոյ դպրոցասէր Տիկիները պիտի վերստանանք աղջկանց վարժարանի խնամակալութիւնը , փոյթեռանդութիւն ցոյց պիտի տան , վարպետ-տուտունբու վարժոյցները մէկ երկու Մաղկոցներու եւ մեծ վարժարանն ալ Նախակրթարանի պիտի վերածեն եւ Հայուհեաց Ընկերութենէն ալ վարժուհի մը պիտի ուղեն՝ ամսականի վճարումը ապահովցնելով» : — Սերաստիոյ Արամեան վարժարանի շինութիւնը 1890ին սկսած է , ունենալով աղջկանց բաժին մ'ալ (Տե՛ս Հայրենիք 1893 թ . 620) : Եթէ վերի ակնարկը աղջկանց վարժարանի մասին է՝ այն ատեն Ընկերութեան հիմնումը կրնայ եղած ըլլալ 1890ին : Կը մնայ սակայն Ընկերութեան անունը անծանօթ :

45. ՀԻՒԱՆԴԱՆՈՑԻ ԸՆԿԵՐՈՒԹԻՒՆ (1889)

Հիւանդանոցի Ընկերութիւնը հիմնուած է 1889ի սկիզբները : Իբ հիմնադիրներն են



«Քանի մը բարեօրրա անձնաւորութիւններ», որոնք «Ընկերութիւն մը կը կազմեն իրենց մէջ, նպատակ ունենալով սրնարաններու եւ պանդոկներու մէջ թշուառութեան, ցաւերու մէջ տուայտող հիւանդներու ձեռք կարկառել եւ խնամել զանոնք» : «Շատ փոքրիկ թուով մը նամբայ ելլող այս խմբակը, իրենց համար շարաքական պայմանադրական վնարագիւններ կ'որոշեն, որուն հասոյթին տարրեր նուիրատուութիւններ ալ միանալով, հետզհետէ աւելի լայն շրջանակի մէջ գործել կը սկսին. այնպէս որ օրին մէկը բաւական կընորիկ գումարով մը, կարող կ'ըլլան հիւանդները սրնարանէն հոն փոխադրելու համար տուն մը վարձելու : Զուտ գութի ազնիւ զգացումէ թելադրեալ այս Ընկերութիւնը քիչ ատենէն ընդհանուր համակրութիւն մը կը շահի ամէն կողմէն, այնպէս որ 1893ին գետին մը կը գնուի Հիւանդանոց մը կանդնելու գաղափարով : Շինութեան գործը կամայ կամայ յառաջ կը տարուի : Այլ եւս անկէ վերջ հետզհետէ յառաջդիմութիւն մը եւ կատարելագործում մը իր բաժինն ունենալով անոր մէջ՝ այժմեան դիրքին կը բարձրանայ» , կը գրէ Տիգրան Փիւրանեան (Մանգումէի էֆէնար, Կ. Պ. 1904 թ. 788 Փետր.) :

Կ. Տէր Խաչատուրեան կը հաստատէ որ Հիւանդանոցի գոյութիւնը «սոսկ ժողովրդական ձեռնարկ մ'է, յառաջ եկած միայն



մարդասիրական ազնիւ գղացումէ» (Բիւզանդիոն , Կ . Պ . 1906 թ . 3976) :

1890/ին Ընկերութեան գլխաւոր անդամներն էին . Տաշնի Խելօֆ Երիւմ , Միհրան Ապանեան , Ստեփան Օտանեան , Ղասապ Ակօ , Նշան Թաշնեան , Խաչատուր Երկանեան , Խաչատուր եւ Մարտիրոս Դեղնածեան (Ալիս , ԺԲ . թ . 2 , էջ 21) :

Անդամավճարը շարաթական 20 փարա էր . 1906ին անդամներու թիւն էր 420 . Կանոնադրութեամբ Հիւանդանոցի վարչութիւնն ու մատակարարութիւնը յանձնուած էր Ընկերութեան 420 բաժանորդաց Ընդէ . Ժողովին եւ անոնցմէ ընտրուած Տնօրէն եւ Քննիչ Խորհուրդոց . Ընդհ . Ժողովին Դիւանը վերընտրելի էր երեք տարին անդամ մը : Տնօրէն Խորհուրդը երկամեայ շրջան մ' ունէր եւ ինը անձերէ կը բաղկանար , որոնցմէ վեցը միայն փոփոխելի էին : Քննիչ Յանձնաժողովը հինգ անդամէ կազմուած էր եւ եռամեայ շրջան մ' ունէր (Բիւզանդիոն , 1906 թ . 2958) :

Սերաստիոյ Հիւանդանոցին վրայ առանձին գրութիւն մ' ունինք :

46. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1891)

Ա . Եղիշէ ստորագրող թղթակից մը Սերաստիայէն կ' իմանայ թէ « Պօլիս գտնուող Սերաստացի ուսումնասէր երիտասարդութիւնը կ' աշխատի « Սերաստիոյ Ուսումնասի-



բաց Ընկերութիւն» անուանով Միութիւն մը  
հաստատել, որոյ նպատակը . . . Սերաստիոյ  
մէջ կրթութեան ծաւալմանը աշխատիլ է :  
Պատրիարքարանի բարձր հովանաւորութիւ-  
նը վայելելու համար ալ իրենց Կանոնագիրը  
վաւերացնել պիտի տան Ազդ . Կեդրոնական  
Վարչութեանէն» (Հայրենիք , Կ . Պ . 1891 թ .  
58 Հոկտ . 14) :

47. ՏԱՐԱԳԻՐ ՀԱՅ ՌԵՍԱՆՈՂԱՅ ՊԱՇՏՊԱՆ  
ՄԻՈՒԹԻՒՆ (1896-1897)

Հիմնադիրն է Խոսրով Գարապանագեան .  
հիմնած է Անգլիոյ մէջ (հաւանօրէն Լոնդոն)  
եւ տեւած է 8 տարի (Նոր Այգ , Մարդուան  
1913 թ . 34 , էջ 69 : — Հմմտ . Հայ Հանրա-  
դիտակ , Պուքրէշ 1938 , էջ 311) :

48. ՍԵՐ . ՀԻՒԱՆԴ . ԵՒ ԱՂՔԱՏ . ՕԺԱՆԴԱԿ  
ԸՆԿԵՐՈՒԹԻՒՆ (1897)

Այսինքն՝ «Սերաստահայ Հիւանդանոցի  
եւ Աղփատախնամի Օժանդակ Ընկերութիւն» ,  
հիմնուած է Նիւ Եօրկ 1897 Նոյ . 18ին : Հիմ-  
նադիրներն են 33 Սերաստահայեր (Ալիս ,  
Նիւ Եօրկ 1929 թ . 1 էջ 9) : — Տե՛ս նաեւ  
Ազատամարտ , 1911 թ . 523 , ուր հիմնումը  
1899ին դրուած է) :

49. ՇԱՀԱՍԻՐԱԿԱՆ ԸՆԿԵՐՈՒԹԻՒՆ (1899)

Հիմնուած է Գաիիրէի մէջ 1899ի ամա-  
ռը : Տնօրէն Ժողովի Գանձապետն է Մեսիա  
Մըսրբեան (Արշալոյս , Գահիրէ 1899 թ . 11) :



50. ՀԱՅՐԵՆԱՍԻՐԱՅ ԸՆԵՐՈՒԹԻՒՆ (1899-1900)

Կը յիշուի 1900ին լող անուան յիշատակութեամբ (Բիւզանդիոնի, Կ. Պ. 1900 թ. 1264)<sup>1</sup> :

51. ՈՐԲԱՍԻՐԱՅ ԸՆԿԵՐՈՒԹԻՒՆ (1900)

Կազմուած է Գահիրէ 1900 Դեկտ. 1ին : Իր սկզբնական պատմութեան մասին բան մը չենք գտած : 1906ին Գործադիր Ժողովը կը կազմեն .

Յ . Հանգսեան	Ատենապետ
Յ . Եփրեմեան	Ատենադպիր
Ա . Քէօշէյեան	Գանձապահ
Յ . Պոտուրեան	Հաշուակալ
Ա . Էփլեան	
Վ . Ալթունեան	
Յ . Բրուտեան	

(Ազատ Բեմ, Գահիրէ 1906 թ. 41) :

52. ԱԶԳ. ՈՐԲ. ԵՒ ՀԻՒԱՆԴ. ՕԺԱՆԴԱԿ  
ԸՆԿԵՐՈՒԹԻՒՆ (1903)

Սերաստիոյ «Ազգային Որբանոցի եւ Հիւանդանոցի Օժանդակ Ընկերութիւն»ը հիմնուած է Նիւ Եորկի մէջ 1903ին եւ ունեցած Ծրագիր-Կանոնագիր մը, որ բարեփոխուած եւ հրատարակուած է 1906 Նոյ. 17ին : Նպատակն է «Նիւթապէս օգնել Սերաստիոյ Ազգ.

<sup>1</sup> Ընկերութեանս յիշատակութեան հանդիպած ենք Բիւզանդիոնի 1900ի տարւոյն մէջ, բայց թիւը — 1264 — սխալ նշանակում մը կը թուի ըլլալ :



Որբանոցին եւ Հիւանդանոցին» (Ամերիկահայ Տարեցոյցը. Պոստոն 1912, էջ 181) : — 1910ին սկիզբը Ընկերութիւնը Սերաստիա կը դրկէ 70 սակի եւ այդ առթիւ տեղւոյն թերթը կը դրէ . «Նիւ Եորքի Օժանդակը մեր Որբանոցին սիւնն է» (Անդրանիկ, Սերաստիա 1910 թ. 57 Մարտ) :

53. ԿՐԹԱՍԻՐԱՅ ՄԻՈՒԹԻՒՆ (1908?)

1910ին կը դրէ Անդրանիկ (1910 թ. 66 Մայիս) . «Տեղւոյս մէջ կանխաւ գոյուքիւն ունեցող «Կրթասիրաց Միութիւն»ը նորոգուելով՝ առիթ տուաւ ժամանակէ մը ի վեր ընդհատած Լսարանի վերաբացման» : Ատենապետն է՝ Անդրանիկ Ճէվիզեան (Անդ) : Ծագումը անծանօթ է մեզ : Թերեւս 1891ի «Ուսումնասիրաց»ի անուանադրութիւնը ըլլայ :

54. ԱՐԱՄԵԱՆ ՇՐՋԱՆԱԽԱՐՏԱԿԱՆ ՄԻՈՒԹԻՒՆ (1908)

Արամեան վարժարանի շրջանաւարտները 1908ի վերջը կը կազմեն «Շրջանաւարտական Միութիւն»ը, որ 1909ի սկիզբէն կու տայ նուագահանդէսներ՝ երգախառն եւ բանախօսութիւններով ընդելուզուած (Անդրանիկ, 1909 թ. 2, Յունուար 31) : Միութիւնը կ'ունենայ Գրադարան մը մատչելի ուսանողներու համար (Անդ) : 1909 Հոկտ.ին Դիւանը կը կազմէին .



Յովհաննէս Սէրայտարեան Ատենապետ  
 Գէորգ Ալեաճեան Բ. Ատենապետ  
 Նշան Խորէն Ա. Ատենադպիր  
 Յովհաննէս Մոսկոֆեան Բ. Ատենադպիր  
 (Անդրանիկ, 1909 թ. 41) :

Միութիւնը 1913 դարնան կը վերակազմուի (Հոդդար, Սերաստիա 1913 թ. 39) :

55. ԱՐՀԵՍՏԱԽՈՐԱՅ ՄԻՈՒԹԻՒՆ (1908-9)

Կը յիշուի 1909 Մարտին : Հաւանօրէն 1908ի վերջը կամ 1909ի սկիզբը կազմուած է : Գործ. Ժողովը կը կազմեն .

Խ. Տէր Բարդող Ատենապետ

Խ. Կրտստեան Ատենադպիր

(Անդրանիկ, 1909 թ. 7 եւ 45) :

56. ՆՊԱՍՏԱՄԱՏՈՅՅ ՄԻՈՒԹԻՒՆ (...1909)

Նիւ Եօրկի Սերաստացիներէն կազմուած է Միութիւնս, որ նպատակ ունեցած է Սերաստիոյ «Աղքատախնամ»ին եւ «Լուսարեւ»ին նիւթապէս օգնել մերթ ընդ մերթ նըպաստներ դրկելով : 1909 Մարտին կը դրկէ 34 սակի (Անդրանիկ, 1909 թ. 12) : Հիմնումի թուականը անձանօթ է մեզ : 1910ի սկիզբները կը դրկէ Աղքատախնամին 32 սակի եւ Լուսարեւին նոյնքան (Անդրանիկ, 1910 թ. 61) :

Միութեան Դիւանը կը կազմեն .

Յ. Ս. Մայեան Ատենապետ

Մ. Մէսկէռեան Ատենադպիր

Ս. Տէստէյեան Խորհրդական



Գործ . Ժողովը կը կազմեն .

Յ . Պալպալեան Ատենապետ

Հ . Բարունակեան Ատենադպիր

Տ . Խորիկեան

Ն . Միքայէլեան

Ք . Պօղոսեան

Ն . Մաղաքեան

(Անդրանիկ , 1910 թ . 70) :

Միութիւնը երկար ատեն շարունակած է իր նպաստը : Իր Վարչ . կազմին (1913 տարւոյ) լուսանկարը տուած է Ալիս (Նիւ Եօրկ 1929 թ . 6 , էջ 16) :

57. ԴԱՐԲԻՆ ԲԱՆՈՒՈՐԱԿԱՆ ՄԻՈՒԹԻՒՆ (1909)

Դարբին արհեստավորները 1909 Մարտին կը ջանան Միութիւն մը կազմել (Անդրանիկ , 1909 թ . 12) : Նոյն տարւոյ ընթացքին կը հիմնեն «Դարբին Բանուորական Միութիւն»ը (Հոգդար , 1910 թ . 4) :

58. ԱԶԳԱՅԻՆ ԼՍԱՐԱՆԻ ԸՆԿԵՐՈՒԹԻՒՆ (1909)

1909 Ապրիլին ունի ընդարձակ սրահ մը , ուր տեղի կ'ունենան ճառախօսութիւններ դանազան նիւթերու շուրջ (Անդրանիկ , 1909 թ . 15) : Իր ծաղումը կը կարծենք թէ հին չէ . 1909ի առաջին ամիսներուն կազմուած կ'երեւայ :

59. ՀՌԻՓՍԻՄԵԱՆ ՇՐՋԱՆԱԽԱՐՏՈՒՀԻՆԵՐՈՒ  
ՄԻՈՒԹԻՒՆ (1909)

Հռիփսիմեան աղջկանց վարժարանի Շրջանավարտուհիները 1909 Ապրիլին կը



կազմեն այս Միութիւնը, որ պիտի հետապնդէ «օգտաշատ ու դեղեցիկ նպատակներու իրագործման» (Անդրանիկ, 1909 թ. 17) :

60. ԸՆԴՀԱՆՈՒՐ ՇՐՋԱՆԱԽԱՐՏԻՑ ՄԻՈՒԹԻՒՆ (1909)

Սերաստիոյ բոլոր վարժարաններու Շրջանաւարտներէն կազմուած է : Ծագումը 1909ի դարունէն է եւ դադարաբը Արամեան Շրջան. Միութենէն : Կը կազմուի 1909ի ամառը : «Միութեան անդամակցողները պէտք է որ ոգելից ըմպելի, ծխախոտ չգործածեն եւ դպրոցէ յետոյ ալ ինքնազարգացման աշխատող ըլլան, Աղդ. լուսաւորութեան եւ դաստիարակութեան ծառայեն» (Անդրանիկ, 1909 թ. 41, Հոկտ. 11) : Միութիւնը կը լուծուի 1913ի դարնան (Հոդդար, 1913 թ. 39) :

61. ԳՈՐԳԻ ԲԱՆՈՒՈՐԱԿԱՆ ՄԻՈՒԹԻՒՆ (1909)

Կազմուած է 1909ի վերջերը : Նպատակ կը հետապնդէ պաշտպանել իրենց իրաւունքը. օգնել անդամուհիներուն : 1910 Յունուար 12ին կը սարքէ թատերական ներկայացում մը — Արցունքի հովիտը (Անդրանիկ, 1910 թ. 54) : 1912ին իր Վարչութիւնը կը կազմէին՝

Ն. Կրտստեան

Ատենապետ

Ա. Նահապետեան

Ատենադպիր

(Հոդդար, 1912 թ. 32) :



## 62. ԴԵՐԱՍԱՆԱԿԱՆ ԸՆԿԵՐՈՒԹԻՒՆ (1909-10)

Առաջին անգամ 1910 Մարտին կը հանդիպինք իր յիշատակութեան: Կը ներկայացնէ «Քառասուն Մանկունի» ողբերգութիւնը՝ «Աղքատախնամ»ի ի նպատակ (Անդրանիկ, 1910 թ. 57): Չենք կարծեր թէ շարունակութիւնն ըլլայ ասիկա 1870ին հիմնադրին, որ 1881էն վերջ չի յիշուիր:

## 63. ՀԱՄԱԼՍԱՐԱՆԱԿԱՆ ՈՒՍԱՆՈՂՆԵՐՈՒ ՄԻՈՒԹԻՒՆ (1910)

1910ին Պոլսոյ մէջ 40ի չափ սերաստացի ուսանողներ կային, որոնք 1910ի վերջերս կը կազմեն այս Միութիւնը, որ կ'ուսեցնայ իր Ծրագիրը՝ բազկացած 31 Յօդուածէ եւ որուն ուր Յօդուածները հրատարակած է Հոդդար (1910 թ. 10): Ահա նմոյշներ:

Յօդ. 1. Նպատակ. — Պոլսոյ սերաստացի բոլոր Հայ ուսանողները շփման մէջ դնել, զանոնք Սերաստիոյ կրթական դործով զբաղեցնելու համար...

Յօդ. 6. Կազմութիւն. — Միութեան անգամ ըլլալու իրաւունք ունին Պոլսոյ համալսարանական վարժարաններու սերաստացի բոլոր Հայ ուսանողները:

Յօդ. 24. Պարտականութիւն. — Անգամովճարն է ամսական 2 դրչ, եւ մուտքի՝ 5 դրչ:

Միութեան Դիւանի կազմն էր.

Մ. Թումաճեան

Ատենասպետ

Ա. Աճէմեան

Ատենադպիր



(Հոդդար, 1910 թ. 10, Յունի. 15: — Տէ՛ս նաեւ ժամանակ, Կ. Պ. 1910 թ. 1039): — «Միութիւնը բաւականաչափ աշխատեցաւ իր նպատակին ուղղութեամբը քաշել ու իր միջոցներուն ներածին չափով ալ օգտակար ըլլալ», Կը գրէ Պոլսէն Ա. Ալիսեան (Հոդդար, 1914 թ. 2): Միութիւնը Կը դադրի 1914ի դարնան, երբ ուսանողները ընթացաւարտ ըլլալով՝ Կը ցրուին (Անդ):

#### 64. ՍՈՎԱՄԱՐՏ ՄԻՈՒԹԻՒՆ (1910)

Կազմած են Իգլիքաբնակ սերաստացիներ 1910ի դարնան վերջերը՝ «օգնելու համար իրենց սերաստացի հայրենակիցներուն, որոնք սկսած են տառապիլ սովին պատճառաւ տիրող թշուառութիւններէն» (Դաշինք, Իզմիր 1910 թ. 27, Յունիս 26): Գանձապետն է Մարտիրոս Գասմանեան (Անդ):

#### 65. ՍՊԱՌՈՂԱԿԱՆ ԸՆԿԵՐՈՒԹԻՒՆ (1910)

1910 Ապրիլ 20ին Ս. Փրկչայ դպրոցին մէջ գումարուած ժողովի մը մէջ Կը հիմնուի (Անդրանիկ, 1910 թ. 66):

#### 66. ԱՐԵՒԵԼԵԱՆ ԵՐԿՍԵՌ ԲԱՆՈՒՈՐԱԿԱՆ ՄԻՈՒԹԻՒՆ (1910-1)

Կը յիշուի 1911 Յուլիսին (Հոդդար, 1911 թ. 32):

#### 67. ՇԱՀԱՍԻՐԱԿԱՆ ԸՆԿԵՐՈՒԹԻՒՆ (1911)

Կազմուած է Պոլիս եւ բաժանորդական Ընկերութիւն մ'է: Հիմնումը եղած է 1911



Մարտին եւ երկու ամսուան մէջ ունեցած է 50 բաժանորդ անդամ : Նախապէս կազմուած սերաստացիներու «Շահակցական Ընկերութիւն»ը միացած է այս նորին հետ (Հոդդար, 1911 թ. 22, Մայիս 14) :

68. «ԱԼԻՍ» ԳՐԱԿԱՆ ՄԻՈՒԹԻՒՆ (1911)

Հիմնած են Ամերիկեան բարձրագոյն վարժարանի աշակերտները՝ նախաձեռնութեամբ Վարդան Միսիրեանի : Ունեցած է Ծրագիր-Կանոնագիր մը : Նպատակն է . «Օգտաշատ բանախօսութիւններով ուսանողներու մէջ մտաւարական եւ բարոյական դարդացմանը նպաստել եւ դաշտային խաղերով անոնց Ֆիզիքականը ուսնացնել» (Անդրանիկ, 1911 թ. 79, Մայիս) :

69. «ԼՈՅՍ» ԸՆԹԵՐՑԱՐԱՆ (1911)

Մշակութ. Ընկերութիւն մըն է, որ 1911ի վերջերը բացած էր իր Ընթերցարանը «Լոյս» անունով, որ մերթ կը կազմակերպէր նաեւ թատերախաղեր (Տե՛ս Հոդդար, 1912 թ. 5, 8 եւ այլն) :

70. ՈՒՍԱՆՈՂԱԿԱՆ ՄԻՈՒԹԻՒՆ (1911)

Կազմած են Արամեան վարժարանի աշակերտները, 1911ին վերջերը : Կը փափաքին երեկոյթներ տալ, թատերական ներկայացումներ սարքել «Ժողովուրդին ու վարժարանին մէջ յարաբերութիւն մը հաստատել»



լու մտօք» (Հոդդար, 1911 թ. 2, Դեկտ. 30) :  
Միութիւնը կը հրատարակէ խմորատիպ ամ-  
սօրեայ թերթ մը «Նշդրակ» անուանով (Անդ),  
որուն քանի մը թիւերը ունի մեր Մատենա-  
դարանը :

71. «ՓԱՐՈՍ» ԹԱՏԵՐԱԽՈՒՄԻ (1911)

Թատերախումբիս ղեկավարներն են Սե-  
րասախոյ Ամերիկեան Բարձրագոյն վարժա-  
րանի հայ ուսանողները : Ներկայացումներ  
տալու կը սկսի 1912 Փետրուարին վերջերը :  
Կազմը հաւանօրէն 1911ի վերջերն է եղած :

72. «ՊԱՐԹԵՒ» ՄԱՐՄՆԱՄԱՐԶԱԿԱՆ ԱԿՈՒՄԻ (1911)

Կազմուած է 1911 Օգոստոս 1ին : Հանդէս  
կու տայ եւ կը ջանայ իր սեպհական «Փան-  
փառ»ն ունենալ : Կ'ըլլան նուիրատուութիւն-  
ներ (Հոդդար, 1913 թ. 28, 1914 թ. 8 եւ  
12) : — 1929ին կը վերակազմուի Հալէպի  
մէջ «Պարթեւ Միութիւն» անուանով (Ալիս,  
Նիւ Եօրկ 1929 թ. 1, էջ 7, ուր կայ լուսա-  
նկարը Միութեան անդամներու՝ Հալէպի  
մէջ) : 1913ին Գրի Գիւտի Յօրեւեանի հան-  
դէսին մեծ փայլ տուած է մարդական խաղե-  
րով ու մրցումներով (Մարմնամարզ, Կ. Պ.  
1913, էջ 220) :

73. ԼՈՒՍԱՅԵՐԻ ՕԺԱՆԴԱԿ ԸՆԿԵՐՈՒԹԻՒՆ (1912)

Հիմնուած է 1912 Փետրուար - Մարտին՝  
նախաձեռնութեամբ Տիկ. Վարդանոյշ Ապա-  
նեանի, որ կը պատմէ 1912 Մայիսին. «Երեմ



ամիս է ջանացած էի Ընկերութիւն մը կազմել . ճիշդ իմ փափաքիս համաձայն եօթը ընկերներ գտայ . գործը բաւական կարգի գնելէ վերջ, երբ տեսանք թէ 35 բաժանորդ ունեցանք՝ անդամական ժողով մը սարքեցինք ու նոր Վարչութիւն ընտրեցինք : Ապրիլ 13ին փայլուն յայտագրով շքեղ հանդէս մը սարքեցինք . . . զիչ մը տարօրինակ եղաւ քաղաքի հայերուն , բայց ա՛լ համակերպուիլ սկսան թէ կիներուն ալ Ընկերութիւն ունենալ անհրաժեշտ է եղեր : Այսօր ունինք 50 անդամներ : Ահա ընտրուած անդամները .

Տիկ . Մարնոս Մէռլէռեան

Տիկ . Ազնիւ Ասատուրեան

Տիկ . Միւշկիւնազ Թաշճեան

Տիկ . Մարիցա Շամլեան

Տիկ . Մարիամ Վարդապետեան

Տիկ . Սաթենիկ Վարդապետեան

Տիկ . Աղաւնի Գնտաճեան

Տիկ . Արմենուհի Գոնտաճեան

Տիկ . Վարդանոյշ Ապաճեան

( Հոդդար , 1912 , Թ . 26 Օգ . 1 ) :

Տիկ . Ապաճեան իր հիմնած Ընկերութեան անունը աննուղղակի յիշած է «Լուսաբերի Օժանդակ» գրելով սկիզբը : Կը շեշտուի հող թէ «առաջին կնոջական Ընկերութիւնը եղաւ քաղաքիս» ( Հոդդար , անդ ) : Բնականաբար սխալ է՝ այդ յայտարարութիւնը թէ «առաջին կնոջական Ընկերութիւնն» է ասի-



կա : Տիկինը կ'անդիտանայ իր նախնեաց  
«Հայուհեաց Ընկերութիւն»ը 1884ին :

Յաջորդ շրջանի թերթերուն մէջ ոչ մէկ  
ակնարկի կը հանդիպինք Ընկերութեան  
մասին , որ պաշտպանն էր Կիրակնօրեայ աղ-  
ջկանց վարժարանին :

74. ՔԱՀԱՆԱՅԱԿԱՆ ՄԻՈՒԹԻՒՆ (1912)

Կը հիմնուի 1912 ամբան՝ յատուկ Կանո-  
նագրով , որ չէ հրատարակուած : Նպատակն  
է . «Պաշտօնը աւելի օգտակարապէս եւ խրղճ-  
մըտօրէն կատարելու , իրենց գիրքը բարձրա-  
ցնելու . . . նիւթական կացութիւննին փճա-  
ցումէ փրկելու եւ անոր ստացումը վայելուչ ,  
պատուարեր եւ հաստատ հիման մը վրայ  
դնելու համար» ( Հոդդար , 1912 թ . 27 ) :

75. ՇՐՋԱՆԱԽԱՐՏԻՅ ՄԻՈՒԹԻՒՆ (1912)

Կազմած են «Լուսարեր Ընկերութեան»  
Կիրակնօրեայ գիշերային վարժարանի Շրջա-  
նաւարտները ( Հոդդար , 1914 թ . 46 , Փե-  
տրրուար 22 ) :

76. «ՎԱՐԱՋԴԱՏԵԱՆ» ՄԱՐՄՆԱՄԱՐԶ . ԱԿՈՒՄԲ  
(1912)

Հիմնուած է 1912 Յունիս 2ին՝ 12 անձե-  
րու նախաձեռնութեամբ : Ունի Ծրագիր-Կա-  
նոնագիր : Նպատակն է «Սերաստիոյ հին եւ  
նոր խաղերը մշակել ու կատարելագործել»  
( Մարմնամարզ , Կ . Պ . 1913 թ . 8-9 , Օգոս . ) :  
Գործ . Ժողովը կը կազմեն՝ Լեւոն Տաղաւա-



րեան (*Ատենապետ*) Ե. Խանլեան (*Ատենա-  
դպիր*) (*Մարմնամարզ, անդ.*) :

77. Ե. Ք. ԸՆԿԵՐՈՒԹԻՒՆ (1912?)

Կը յիշուի 1914ին, բայց աւելի հին ըլլա-  
լու է, զի կ'ըսուի թէ բացած էր Արհեստա-  
նոց (*Նոր Այգ Մարդուան 1914, էջ 130*) :

78. ՍԵՐԱՍՏ. ԱՋԳ. ՀԱՍՏԱՏ. ՕԺԱՆԴԱԿ ՄԻՈՒԹԻՒՆ  
(1913)

Դիտրոյիտի (*Ամերիկա*) եւ շրջակայից  
Սերաստացիները կազմած են «Սերաստիոյ  
Ազգային Հաստատութեանց Օժանդակ Միու-  
թիւնը»ը նպատակ ունենալով նիւթապէս օգ-  
նել Սերաստիոյ Հիւանդանոցին, Աղփատա-  
խնամին, Որբանոցին եւ Լուսարերին (*Հոդ-  
դար, 1913 թ. 36, Ապրիլ 13*) :

79. ՀՌԻՓՍԻՄԵԱՆ ՇՐՋԱՆԱԽԱՐՏԻՅ ՄԻՈՒԹԻՒՆ  
(1913)

Հռիփսիմեան Արհեստանոցի Շրջանա-  
ւարտներն են որ 1913ի ամբան կը կազմեն  
այս Միութիւնը (*Հոդդար, 1913 թ. 52, Օ-  
գոստ.*) :

80. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1913)

Հիմնուած է 1913 Նոյ. 15ին Նիւ Եորկի  
մէջ : Նպատակն է՝ Սերաստիոյ ազգային  
վարժարաններուն օժանդակել : Շուտով կ'ու-  
նենայ 50 անդամ (*Հոդդար, 1913 թ. 34*) :



## Տ1. ԿՐԹԱՍԻՐԱՅ ՄԻՈՒԹԻՒՆ (1913)

Տարրեր է նախորդ «Կրթասիրաց» էն : Ասիկա հիմնուած է Ամերիկա՝ 1913 Դեկտեմբերին «քանի մը ամիսներէ ի վեր» (Հոդդար, 1913 թ. 38) : Միութիւնը 1913 Դեկտեմբերին ունէր արդէն 10ի չափ ճիւղեր եւ 150ի մօտ անդամներ (Անդ) :

## Տ2. ՎԵՐԱՇԻՆԱՅ ՄԻՈՒԹԻՒՆ (1919)

Հիմնուած է Ամերիկա 1919ին, վաւերացուած Նիւ Եորկի կառավարութենէն ու դործի սկսած նոյն տարւոյ Մայիսին : Իր նպատակն է Հայաստանի մէջ Նոր Սեբաստիա մը շինել : Ունեցած է Կանոնագիր : Ամսական անդամավճարն է 25 սենտ : 50 դոլար տուոյր կ'ըլլայ պատուոյ անդամ : 1926ին ունէր 22 Մասնաճիւղեր : — Միութիւնը իր առաջին տարիէն կը սկսի հրատարակել իրրեւ «Պաշտօնական Տեղեկարեր»՝ «Ալիս» պարբերականը, որ կը տեւէ մինչեւ 1934 : 1935ին Միութիւնը կը սկսի հրատարակել «Նոր Սեբաստիա» պարբերականը, զոր մինչեւ օրս կը շարունակէ :

Զեռքի տակ չունինք Միութեան հիմնադիրներու կամ գէթ առաջին Վարչ. Մարմիններու անունները՝ չունենալով Մատենադարանիս մէջ «Ալիս»ի եւ «Նոր Սեբաստիա»ի Ա-Զ. տարիներու քիւերը : Կու տանք յաջորդ տարիներէն Միութեան Կենդրոնական վարչութեան ցանկեր : Հետեւեալը կազմն է Միութեան 1931-32ի Կենդ. Վարչութեան .



Յովհաննէս Պապական	Ատենապետ
Արշակ Եաղուպեան	Փոխ-Ատենապետ
Հայկազն Ղազարեան	Ատենադպիր
Հրանդ Մխիթայեան	Փոխ-Ատենադպիր
Մկրտիչ Գոնտրաճեան	Գանձապահ
Վարադգատ Ակինեան	Հաշուապահ

#### Խորհրդականներ

Յովսէփ Սանիվառ  
Մեսիա Կիւզիւրեան  
Մուշեղ Մէրկէրեան

#### 1936-1937ի Կենդր. վարչութիւնը

Արմենակ Վարդապետեան	Ա. Ատենապետ
Արամ Զարդարեան	Բ. Ատենապետ
Հրանդ Յ. Մխիթայեան	Քարտուղար
Յովակիմ Տաղաւարեան	օգն. Քարտուղար
Բիւզանդ Պոյաճեան	Գանձապահ
Յարութիւն Պալեօղեան	Հաշուապահ

#### Խորհրդականներ

Մեսրոպ Պաճաղեան  
Վահան Ղազարեան  
Յովհաննէս Պապական  
Պարգէլ Զուգասըղեան  
Մեսիա Կէզիւրեան

#### 1942-1943ի Կենդր. վարչութիւնը

Մեսրոպ Պաճաղեան	Ատենապետ
Մայք Պօյաճեան	Փոխ-Ատենապետ
Յովհ. Զարդարեան	Քարտուղար
Մեսիա Կէզիւրեան	Գանձապահ



Թորոս Գեւանեան	Հաշուեքներ ի չ
Պարգեւ Զուգասրդեան	Խորհրդական
Համբարձում Մաղաքեան	Խորհրդական

(Տե՛ս Նոր Սեբաստիա, 1943 թ. 3) :

Ներկայիս՝ 1959ի Կենդր. վարչութիւնը	
Մեսրոպ Պաճաղեան	Ատենայետ
Յովհ. Պապականեան	Փոխ-Ատենայետ
Գաբրիէլ Սերոբեան	Ատենադպիր
Համբարձում Խթիկեան	Գանձապահ
Երուանդ Ալեքսանեան	Հաշուապահ
Համբարձում Մաղաքեան	Խորհրդական
Զարեհ Սահակեան	Խորհրդական
Մկրտիչ Գոնարաճեան	Խորհրդական
Գէորգ թ. Պալեան	Գործ. Քարտուղար

Միութեան կոթողական դործը կ'ըլլայ ներկայ Հայաստանի մէջ շինութիւնը Նոր Սեբաստիոյ, ուր կը փոխադրէ բազմաթիւ Սեբաստացիներ քաղաքէն ու գիւղերէն (Տե՛ս Ալիս 1930-34) : Միութիւնը այդ կապակցու-  
թեամբ շատ մը արտասահմանի Ընկերու-  
թիւններն ու Միութիւնները (Սեբաստիոյ)  
կը զօդէ իրեն հետ ու նոյն դադափարին յաջո-  
ղութեամբ զլուխ ելլելու օժանդակներ կը  
դարձնէ :

Միութեան երկրորդ կարեւոր ձեռնար-  
կութիւնն է — տարիներէ ի վեր փայփայուած  
— Սեբաստիոյ Պատմագրքի կամ Յուշամա-  
տեանի մը հրատարակութիւնը, որուն տալա-  
գրութիւնը կը յուսանք շուտով աղջունել ոչ  
շատ հեռաւոր ժամանակի մէջ :



«Վերաշինաց Միութիւն»ը վերայիշեալ Միութիւններն իրեն զօգելէն վերջ կոչուած է «Համասերաստահայ Վերաշինաց Միութիւն»՝ որ արտասահմանի «Հայրենակցական Միութիւններէն» ամէնէն օրինակելին, ամէնէն համերաշխը եւ ամէնէն աւելի գործօն ու իր հայրենակիցներուն օգտակար եղող Միութիւնն է։ Իցի՛ւ բոլոր «Հայրենակցականները» օրինակ առնէին համերաշխութեան «Համասերաստաց Վերաշինաց»էն, որուն կը մօզթենք երկա՛յն տարիներ։

83. «ԱՅԳ» ԵՐԻՏԱՍԱՐԴԱՅ ՄԻՈՒԹԻՒՆ (1921)

Հիմնուած է 1921 Մարտ 1ին Նիւ Եորկի մէջ։ Հիմնադիրներն են 1915ի տարազրութեանէն վերադրող սերաստացի երիտասարդներ։ 1930ին ունէր 40 անդամ։ Կը սարքէր հանդէսներ, ներկայացումներ, դաշտադնացութիւններ, եւ այլն։ Իր գլխաւոր փափաղներէն մին էր Նոր Սերաստիա աւանին մէջ բանալ Արամեան վարժարանը, որուն համար կոկիկ զումար մ'ալ հաւաքած էր (Ալիս, 1930 թ. 4, էջ 16)։

Միութեան անդամներու խմբանկար մը տուած է «Ալիս» (Անդ, էջ 17)։

84. ՆՈՐ-ՍԵՐԱՍՏԻՈՅ ՀԱՄԱԳ. ՄԻՈՒԹԻՒՆ (1925)

Նիւ Եորկի «Ալիս» կը դրէ 1926 Փետրուարին. «Ասկէ քանի մը ամիս առաջ... քանի մը Միութիւններ իրար եկան եւ գոնէ



մեր բեկորները Հայաստանի սահմաններուն մէջ որոշ տեղ մը հաւաքելու գաղափարին շուրջ համաձայնութեան գալով կազմեցին «Նոր Սեբաստիոյ Համագործակցական Ընկերութիւնը» . . . *Համագործակցականի անդամակցելու միակ պայմանն է կազմակերպուած Միութիւն մը ունենալ, որ Սեբաստիոյ նահանգի որեւէ մէկ մասի Հայերէ կազմուած ըլլայ»* (Ալիս, 1926 թ. 1, էջ 1-2) : Ահա իր Գործ . Մարմինը .

Արամ Զարդարեան	Ա. Ատենապետ
Համբարձում Գարակէօղեան	Ա. Ատենադպիր
Հրաչեայ Գամպուրեան	Բ. Ատենապետ
Հրանդ Յ. Մեռիայեան	Բ. Ատենադպիր
Յարութիւն Պալեօղեան	Գանձապահ

#### Խորհրդականներ

Խաչիկ Քէօսէյեան

Հայկազն Գ. Ղազարեան

Մարկոս Խաչմանեան

Տիկ . Վարդանոյշ Ապաճեան (Անդ) :

#### ՍԵԲԱՍՏԻՈՅ ԳԻՒՂԱՔԱՂԱՔՆԵՐ ՈՒ ԳԻՒՂԵՐ

#### ՏԱՐԷՆՏԷ ԳԻՒՂԱՔԱՂԱՔ

1. ԱՆՁՆՈՒԷՐ ԸՆԿԵՐՈՒԹԻՒՆ (1868)

Հիմնուած է 1868 Դեկտեմբերին նախաձեռնութեամբ Կարապետ Շամշեանի : 1869



Յունուար 21ին ունէր 200 բաժանորդ եւ կը ստանար նուէրներ (Փոքր Մասիս, 1869 թ. 315: — Հմմտ. Մամուլ, 1869, էջ 19):

### ՄԱՆՃԸԼԸՔ ԳԻՒՂԱՔԱՂԱՔ

1. ԱՆՁՆՈՒԷՐ ԸՆԿԵՐՈՒԹԻՒՆ (1868)

Կազմուած է 1868ի վերջը (Մամուլ, 1869, էջ 19: — Փնջիկ, Կ. Պ. 1869 թ. 261):

### ԶԱՐԱ ԳԻՒՂԱՔԱՂԱՔ

1. ԼՈՒՍԱԽՈՐՉԵԱՆ ԸՆԿԵՐՈՒԹԻՒՆ (...1888)

Կը յիշուի 1889 Մարտին: Նպատակն է «Բարւոքում Աղդ. վարժարանի բարոյական եւ կրթական վիճակին, կ'օղնէ աղքատ ուսանողաց» (Արեւելք, 1889 թ. 1569):

2. ԴՊՐՈՅԱՍԻՐԱՅ ԸՆԿԵՐՈՒԹԻՒՆ (1911)

Հիմնուած է 1911 Ապրիլին՝ զպրոցի շէնք մը շինելու համար: 1911 Հոկտ.ին ունէր 200 անդամ եւ 50 սակիի չափ հաւաքած էր (Ազատամարտ, Կ. Պ. 1911 թ. 707):

3. «ՀԱՅՐԵՆԻՔ» ԸՆԹԵՐՑԱՏՈՒՆ (1911)

1911ի վերջերը կրցած է կազմակերպուիլ եւ Մուրատի օժանդակութեամբ բանալ «Ընթերցատուն»ը, ուր կը ստանայ զանազան հայ թերթեր (Հողդար, 1913 թ. 43):



## ԱԶԻԶԻԷ ԳԻՒՂԱՔԱՂԱՔ

### 1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1911)

Կը յիշուի 1912 Ապրիլին : Ունեցած է Կանոնագիր մը : Նախատակն է «Տեղւոյն երկտասարդութեան մտաւոր եւ բարոյական մակարդակը բարձրացնել» (Հոգոյար, Սերաստիա 1912 թ. 37) :

## ԴԱԻՐԱ ԳԻՒՂ

### 1. . . . ԸՆԿԵՐՈՒԹԻՒՆ (1871)

Դժբախտաբար կ'ըսուի միայն . «Դաւիթ Վրդ . Ընկերութիւն մը հաստատեց եւ դպրոց բացաւ Դաւրայ Գիւղի մէջ» (Փունջ, Կ. Պ. 1871 թ. 669) :

## ԲԻՒՐԱԿՆ (ՊԻՆԿԵՕԼ) ԳԻՒՂ

### 1. ՎԱՍՊՈՒՐԱԿԱՆ ԸՆԿԵՐՈՒԹԻՒՆ (1875-6)

Կողմած են Պոլսաբնակ Բիւրակնցիք՝ իրենց Գիւղին մէջ դպրոց մը բանալու համար : 1876 Փետր .ին արդէն դպրոցի հիմնարկէքն ըրած են : Ընկերութեան ներկայացուցիչն է Վարդան Մարկոսեան (Հայրենիք, 1876 թ. 286) :

### 2. ՄԱՄԻԿՈՆԵԱՆ ԸՆԿԵՐՈՒԹԻՒՆ (1878-9)

Կը յիշուի միայն Մասիսի (1880 թ. 2560) քով 1880 Փետրուարին եւ որեւէ լուսաբանութիւն չի տրուիր :



## ԱՂՏԹ-ԱՂՏԵՂ, ՅԱՂԹ (ՏՈՒԶԱՍԱՐ) ԳԻՒՂ

1. ՆԵՐՍԷՍԵԱՆ ԸՆԿԵՐՈՒԹԻՒՆ (1879)

Պոլսաբնակ Տուղասարցիք Ընկերութիւն մը կը հիմնեն՝ նպատակ ունենալով իրենց Գիւղին մէջ մանչերու եւ աղջկանց կրթութեան հոգ տանիլ։ Օրուան Պատրիարք Ներսէս Արքեպ. վարժապետեանի պատիւ մ'ընելու համար՝ Ընկերութիւնը կը յորջորջեն «Ներսէսեան Ընկերութիւն» (Թէրմէմանը Էփեար, Կ. Պ. 1879 թ. 500 : — Հմմտ. նաեւ Մասիս, Կ. Պ. 1880 թ. 2560) :

2. «ՍԵՆԵՔԵՐԻՄԵԱՆ» ԸՆԿԵՐՈՒԹԻՒՆ (1893)

Հիմնած են Պոլսաբնակ Յաղթեցիք՝ նպատակ ունենալ հայրենի Գիւղին մէջ դըպրոց մը շինել։ Հիմնադիրներէն կը յիշուին.

Օսկիեան Մարգարեան

Սահակ Պատմաճեան

Նշան Պատմաճեան

Օսկիեան Յակոբեան

Մկրտիչ Գլաւանեան

Համբար Լեֆեան

Ընկերութիւնը գումար մը կը դրկէ Գիւղ եւ դպրոցի շէնքը կը սկսի հիմնուիլ ու յառաջ տարուիլ, բայց կը խափանուի տեղական իշխանութենէն ու կը կազմալուծուի նաեւ Ընկերութիւնը (Տրդատ Տրդատեան, Յաղթը եւ Յաղթեցիները. Պոսթըն 1959, էջ 145-6) :



3. ՏՈՒԶԱՍԱՐ ԳԻՒՂԻ ՈՒՍՈՒՄՆ. ԸՆԿԵՐՈՒԹԻՒՆ  
(1910)

Ամերիկա դադթող Յադթեցիք կազմած են «Ուսումնասիրաց Ընկերութիւնը» 1910ին՝ հաւանօրէն Պրաւիդեմսի մէջ, ուր դումարուած է Ընկերութեան առաջին ժողովը (Տրդատեան, անդ՝ էջ 146) : Ընկերութեան նիւթական նպաստներով Գիւղին մէջ կը շինուի եռայարկ շէնք մը դպրոցի համար (Ալիս, 1926 թ. 1, էջ 3 : — Տրդատեան, անդ՝ էջ 147) :

1917ին դումարուած Պատգ. ժողով մը Ընկերութեան անունը կը փոխէ հետեւեալի. «Սեբաստիոյ Յաղթ Գիւղի վերաշինաց Միութիւն», որ կ'ուսնենայ Տ Մասնաճիւղեր (Յ. Խաչմանեան, Ամերիկահայ Հանրագիտակ. 1925, էջ 486 : — Տրդատեան անդ՝ էջ 149) :

Միութիւնը մինչեւ օրս կ'անդունէ է եւ կը դործէ :

## ՈՒԼԱՇ ԳԻՒՂ

1. ԼԵՒՈՆԵԱՆ ԸՆԿԵՐՈՒԹԻՒՆ (1878)

Հիմնած են Պոլսաբնակ պանդուխտ Ուլաշցիք 1878 Յունուար 1ին : Ունեցած է Կառնագիր մը, որ լոյս տեսած է Թէրնէմ. Էփեարի (1879 թ. 661) մէջ. կը բաղկանայ 31 Յօդուածէ, որուն առաջինը կ'ըսէ. «Ընկերութեանս նպատակն է Սեբաստիոյ Ուլաշ Գիւղի վարժարանին յառաջդիմութիւնն եւ Ս. Եկեղեցւոյ պայծառութիւնն» : Տարեկան



անդամատուրքն է 5 դուրուշ (Յօդ. 4: — Տե՛ս նաեւ Լրագիր, Կ. Պ. 1879 թ. 1065):

### ԽԱՆԾԱՌ ԳԻՒՂ

1. ՀԱՅՐԵՆԱՍԻՐԱՅ ԸՆԿԵՐՈՒԹԻՒՆ (1879)

Նժդեհ խանժառցիք են հիմնած Պոլսոյ մէջ՝ Գիւղի երկսեռ դպրոցին նպաստելու համար (Թէրմէմ. Էփեար, 1879 թ. 500): Նախաձեռնողն է Դաւիթ Գըրմըզեան: Հիմնումը եղած է 1879ի առաջին ամիսներուն: Կը ղրկէ 100 սսկի (Անդ):

### ԲՐԱԲԵՐԴ ԳԻՒՂ

1. ՄԱՄԻԿՈՆԵԱՆ ԸՆԿԵՐՈՒԹԻՒՆ (1878-9)

Հիմնումը եղած կրնայ ըլլալ 1878-9ին, զի 1878ին հոն կար «Մամիկոնեան» դպրոցը (Թորոս Աղբար, էջ 175): Պոլսոյ մէջ կազմուած է: Հիմնադիրները 1882 Փետրուարին հանդանակութիւն մ'ընելով՝ քաջալերուած են կարեւոր դումարով մը: Ընկերութեան նպատակն է Գիւղի դպրոցի բարեկարգ վիճակը: Գործ. ժողովը կը կազմէին.

Նահապետ Ս. Մխիկեան	Ատենապետ
Մանուկ Կ. Ումէտեան	Ատենադպիր

(Մասիս, 1882 թ. 3136):

1883ին Վարչութիւնը կը կազմէն Ստեփանոս Խանեան եւ Յովհ. Եայլայեան (Մասիս, 1883 թ. 3458):



2. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1910-12)

Կը յիշուի 1914 Ապրիլին : Հիմնուած է թէ՛ Գիւղին եւ թէ՛ Ամերիկայի մէջ (Հոդ-դար, 1914 թ. 2) :

ԲՐԳՆԻՔ ԳԻՒՂ

1. ԱՆԱՐԱՏ ՅՂՈՒԹԵԱՆ ԸՆԿԵՐՈՒԹԻՒՆ (1859)

Սերաստիոյ Առաջնորդ Ներսէս Արքեպ. Հալէպեան հիմնած է Բրգնիքի «Անարատ Յղութեան Ընկերութիւնը» 1859ին «յօգուտ յառաջդիմութեան դպրոցին, որ առջի բերան չուտով յառաջ գնաց, բայց քանի մը տարիէն ընդդիմութիւններ եւ հակառակութիւններ ծագելով բոլորովին անհետացաւ» (Հայաստանի Կոչնակ, 1960 թ. 30, էջ 714) :

2. ԲԱԳՐԱՏՈՒՆԵԱՆ ԸՆԿԵՐՈՒԹԻՒՆ (1904-5?)

Հիմնուած է Պոլսոյ մէջ, դուրսէ 1904-1905ին : Կը յիշուի 1908ին (Մէմֆուսայր Այս-պար, Կ. Պ. 1908 թ. 4627) :

3. ԱՂՔԱՏԱԽՆԱՄ ԸՆԿԵՐՈՒԹԻՒՆ (1905)

Կազմուած է Միլֆրդի (Ամերիկա) մէջ 1905 Ապրիլ 9ին : 1914 Մարտ 27ին վերա-կազմուած է Ֆիչքուրդի (Ամերիկա) մէջ «Ուսումնասիրաց Ընկերութիւն» անունով : Կը վերակազմուի դարձեալ 1917 Մեղ. 2ին իբրեւ «Աղփատախնամ Ընկերութիւն», իսկ 1919 Ապրիլ 20ի Ընդհ. Ժողովը (Ֆիչքուրդ)



կ'որոշէ Ընկերութիւնը կոչել վերջնականապէս «Վերաշինաց Միութիւն»։ Այս Միութիւնը ունի իր Ծրագիր-Կանոնագիրը, հրատարակուած առանձին հատորիկով 1919ին։ Ունի 75 Յօդուած, որոնցմէ յիշենք քանի մը հատը․ «Միութեանս նպատակն է սատարել երկրի՝ Հայաստանի՝ վերաշինութեան գործին» (Յօդ․ 1)․ «Օգնել արտասահման գլխաւոր ժրաջան, բայց դժբախտացած եւ կամ քրօնիկ հիւանդութեան ենթակայ որեւէ կարօտ Բաղրատունիքցիի» (Յօդ․ 9) Անդամավճարն է (այրերու) մուտք՝ 5 դոլար եւ ամսական՝ մէկ դոլար (Յօդ․ 15)։ Միութեանս կենդրոնը Պոլիս փոխադրուած է (Ժողովուրդի Ձայնը, 1920 թ․ 636)։

## ԽՈՐՍԱՆԱ ԳԻՒՂ

### 1․ ԲԱՐԵՍԻՐԱԿԱՆ ԸՆԿԵՐՈՒԹԻՒՆ (1908?)

Խորանայէն Աշոտ կը դբէ 1909 Օդ․ին․ «Հոս մենք Բարեսիրական Ընկերութիւն մը ունէինք, որուն նպատակն էր օգնել աղքատներուն եւ աջակցիլ կրքական գործին» (Անդրանիկ, 1909 թ․ 35, Օդ․ 29։ — Հմմտ․ Հոգդար, 1911 թ․ 17)։

### 2․ ԿՐԹԱՍԻՐԱՑ ԸՆԿԵՐՈՒԹԻՒՆ (1909)

1909ի վերջերը թէ՛ Պոլսոյ եւ թէ՛ Ամերիկայի մէջ կը հիմնուի Ընկերութիւնս՝ նպատակ ունենալով «Գեղին մէջ աղջկանց վար-



ժարան մը հաստատել» (Ժամանակ, Կ. Պ. 1910 թ. 371, Յունուար 12) : Թերթը կը շեշտէ որ Ընկերութիւնը բաւական դրամ հաւաքելով՝ Գիւղ դրկած եւ աղջկանց վարժարանը բացուած է : — Պ. Ն. Ճանիկեանի միջոցաւ 1912ի սկիզբը Գիւղին մէջն ալ կը հաստատուի նոյնանուն Ընկերութիւնը, որ կ'ունենայ 18 անդամ (Հոդդար, 1912 թ. 5 : — Հմմտ. 1913 թ. 44) : Իր Կանոնադիրը հաստատել կը տրուի (Ազատամարտ, 1912 թ. 877) :

## ԳՈԶՀԻՍԱՐ — ՂՈԶԱՍԱՐ ԳԻՒՂ

### 1. ԿՐԹԱԿԱՆ ՄԻՈՒԹԻՒՆ (1911)

«Գիւղին վարժարանին ի նպաստ Կ. Պոլսոյ մէջ կազմեալ Կրթական Միութիւն»ը ճանչցուելու համար խնդիր կ'ըլլայ Պատրիարքարանի դիմել (Հոդդար, 1911 թ. 1, 17) : Ընկերութեան Կանոնադիրը կը հաստատուի Ուսում. եւ Տնտես. Խորհուրդներէն 1914 Ապրիլին (Ժամանակ, 1914 թ. 1791) :

### 2. ՀԱՅՐԵՆԱԿՑԱԿԱՆ ՄԻՈՒԹԻՒՆ (1924)

Կը կազմուի 1924 Ապրիլին Մարտէյի մէջ 16 անդամով : Չորս տարուան մէջ եռանդուն կ'աշխատի եւ օգտակար կը հանդիսանայ Միութիւնը իր հայրենակիցներուն (Տե՛ս Յառաջ, Փարիզ 1928 թ. 632) :



## ԽՈՐՈՒՑՈՆ ԳԻՒՂ

1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1909)

Հիմնած են Ամերիկայի պանդուխտները Միլֆլրդի մէջ 1909 Նոյ. 1ին, ունենալով իր Ծրագիր-Կանոնագիրը : Գիւղին մէջ կը բանայ Արամեան երկսեռ վարժարանը : 1917 Մարտ 1ին կը վերածուի «Վերաշինաց Միութեան» (Ալիս, Նիւ Եորկ 1926 թ. 1, 4) :

## ԿՈՎՏՈՒՆ ԳԻՒՂ

1. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1909)

Ազատամարտ (1909 թ. 106) կը գրէ 1909 Հոկտ. 27ին. «Պոլսոյ մէջ գտնուող Կովտունի գիւղացիները Միութիւն մը կազմած են օգնելու համար իրենց գիւղի դրարոցին : Այդ Միութեան անդամները պարզ աշխատաւորներ են, որոնք իրենց ճակատին քրտինքին մէկ մասը, իրենց օրապահիկէն կտրելով, կ'ուղեն յատկանցել իրենց գիւղացիներուն լուսաւորութեան գործին . . . Միութիւնը պիտի աշխատի բանալ իր սեփական միջոցներով աղջկանց դպրոց մըն ալ . . . Վարչութիւնը կը բաղկանայ հետեւեալ անձերէն . Դանիէլ Միքայէլեան, Ղուկաս Փիլաւեան, Միրիճան Վլիկեան, Մկրտիչ Գէլիկեան, Հայրապետ Մուշմուլեան, Կարապետ Հայթայեան» : Թերթին անձանօթ եղած է Ընկերութեան անունը : Ո՛չ թէ Միութիւն՝ այլ Ընկերութիւն մ'է ան, այսինքն՝ «Ուսում-



նասիրաց Ընկերութիւն» : Թղթակից մը 1914ին կը գրէ որ «Արտասահմանի մէջ կարգ մը «Ուսումնասիրաց»ներ կազմուած են» (Հոգդար, 1914 թ. 10) : Այս՝ Պոլսոյ եւ Ամերիկայի մէջ : Պոլսոյ «Ուսումնասիրաց Ընկերութիւն»ն է Ազատամարտի տկնարկածը, իսկ Ամերիկայինը պիտի տեսնենք քիչ վարը : — Ընկերութիւնս կը յաջողի բանալ աղջկանց դպրոցը, բայց հարկ եղած դուրգուրանքը չզանեւով՝ Թղթակից մը գիւղէն կը գրէ որ ան անմիտօքար վիճակի մէջ ինկած է 1913ին (Հոգդար, 1913 թ. 46) : — Գիւղին մէջ ալ կը կազմուի համանուն Ընկերութիւնը (Հոգդար, 1914 թ. 10) :

## 2. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1911)

Կազմուած է Պրաւիդենսի (Ամերիկա) մէջ 1911 Նոյ.ին : Կովտունի մէջ ջրաղաց մը կը շինէ (Վահան Համբարձումեան, Գիւղաշխարհ, Փարիզ 1927, էջ 262) : 1917 Ապրիլ 15ին կը վերածուի «Վերաշինաց Միութեան» (Անդ, էջ 264) եւ կ'ունենայ շատ մը Մասնաճիւղեր (Անդ, էջ 266) :

## ՊԱՐՏԻԶԱԿ ԳԻՒՂ

### 1. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (...1914)

Կը յիշուի 1914 Ապրիլին, բայց աւելի հին ըլլալու է (Հոգդար, 1914 թ. 2) :



## ԿԱՄԻՍ ԳԻՒՂ

### 1. ՌԻՍՈՒՄՆԱՍԻՐԱՑ ԸՆԿԵՐՈՒԹԻՒՆ (...1916)

Հիմնուած է վաստերտառւն քաղաքին մէջ (Ամերիկա) եւ 1916ին հայ դադթականներուն կը յատկացնէ 645 ոսկի (Արարատ, Էջմիածին, 1916, էջ 321) : Անշուշտ աւելի հին է իր ծագումը :

## ԳՈԹՆ ԳԻՒՂ

### 1. Ս. ՄԵՍՐՈՊԵԱՆ ԳՊՐՈՅԻ ԸՆԿԵՐՈՒԹԻՒՆ (...1912)

Ընկերութեանս յիշատակութիւնը կը գտնենք միայն Ամերիկահայ Հանրագիտակի (1925, էջ 494) մէջ, բայց հեղինակը հոգ ո՛չ Ընկերութեան անունը յիշած է եւ ոչ ալ հիմնումի տարին տուած : Ընկերութիւնը մինչեւ 1919 դոյութիւն ունեցած՝ յետոյ կազմալուծուած է . 1925ին ջանք կ'ըլլայ վերականգնելու . վարչական անձեր կը յիշուին՝ Թ. Ճերմակեան, Մ. Բաբիլեան . ունեցած է 15-20 անդամ եւ Գիւղ դրկած է 4-500 դոլար (Հանրագիտակ, անդ) :

## 40 ԳԻՒՂԵՐՈՒ ԸՆԿԵՐՈՒԹԻՒՆ

### 1. ԱՐԾՐՈՒՆԵԱՑ ԸՆԿԵՐՈՒԹԻՒՆ (1879)

Կազմած են «Սեբաստիոյ 40 Գիւղերէն Պոլիս» գտնուող ազգային, որոյ նպատակը պիտի լինի Սեբաստիոյ մէջ հողագործական



վարժարան մը բանալ», *կը գրէ Պոլսոյ Մասիս* (1879 թ. 2350, *Յուլիս*) :

*Հիմնուծի թուականն է 1879 Յուլիսար* : 1879 Յուլիսար 24 թուականով Ազդ մը հրատարակելով՝ *Ընկերութեան «սոցիալական» Ատենապետը*՝ Թորոս Կէտիկեան եւ *Ատենադպիր*՝ Յ. Ա. Զառացեան՝ *կը գրեն* . «Սերաստիոյ քաղաքէն եւ գիւղերէն միացեալ մի քանի եղբարք Ընկերութիւն մը կազմած են «Արծրունեաց» անուամբ, նպատակ ունենալով Սերաստիոյ համայն Գիւղերու Հայ եղբարց մի գիշերօթիկ դպրոց ունենալ» (Մասիս, 1879 թ. 2239 : — Թէրմէմ. Էֆեար, 1879 թ. 471) :

*Իսթամպուլեանց* (Մասիս, 1880 թ. 2560) *Ընկերութիւնն* կ'անուանէ «Արծրունեաց Երկրագործական Ընկերութիւն» :

1882/ին Ռէթէոս թ. Մուրատեան *կը գրէ Պոլսէն* . «Արծրունեաց Ընկերութեան նախապետն է Հրէշտակապետի վանաց Ս. Մենաստանին մէջ գիշերօթիկ դպրոց հիմնել եւ անդ դաստիարակել իւրաքանչիւր գիւղէ մի ուսանող : Ընկերութեան առջի մէկ տարուան արդիւնքն եղած է 80 ոսկւոյ զուժար մը, որ մէկ կողմէն զարգանալով էր, մինչդեռ անտարբերութիւնն վրայ հասնելով՝ կոխոտեց զայն եւ արգիլեց նորա յառաջդիմական քայլերը . . . գիւցադիք . . . միահամուռ ձայնով դպրոց կը գոչեն եւ կը խոստանան նորահաստատ դպրոցին տարեկան ուտեստը եւ այլ



պէտքերը իրենց կողմէ հոգալ . . .» (Մասիս, 1882 թ. 3373) :

Մուրառեան հող կ'իմացնէ որ Ընկերութեան նախորդ Ատենապետն եղած է Մխիթար Գրքմըզեան, որ «անձնուրաց հզամբք» աշխատեր է երկու կուսակցութեանց բաժնուած անդամները միացնել :

Ընկերութիւնը չէ հասած իր նախատակին (Հմմտ. Արեւելք, 1887 թ. 1098 : — Հայրենիք, 1891 թ. 62) :

## ԵՒԵՍԻԱ (ՈՒՐՓԱ)

### 1. ԱՐՓԱՐԵԱՆ ԸՆԿԵՐՈՒԹԻՒՆ (1850)

Ե՞րբ հիմնուած է Եդեսիա — Ուրֆայի առաջին եւ հնազոյն կրթական Ընկերութիւնը : — Չունինք ստոյգ տեղեկութիւն : Աբրահամ քհնյ. Արեւեան կը յիշէ Աբդարեան Ընկերութիւն» մը, որ 1850 Հոկտեմբերին «նորակազմ» է եւ որուն պաշտպանութեան կը յանձնուի Եդեսիոյ մէջ նոր բացուած դպրոցի մը հովանաւորութիւնը (Արամ Հայկազն, Դիւցազնական Ուրֆան, Պէյրութ 1955, 269) : Ասկէ առաջ ուրիշ Ընկերութեան մը յիշատակութեան չենք հանդիպիր :

### 2. ՔՐԻՍՏՈՍԵԱՆ ԸՆԿԵՐՈՒԹԻՒՆ (1855)

«Սկանակ Բանասէր» Եդեսիա — Ուրֆայի մէջ երեք հնազոյն Ընկերութիւններ կը յիշէ, որոնք 1855ին դոյութիւն սւնէին : Առոնցմէ



մէկն է «Քրիստոսեան Ընկերութիւն»ը, որուն նպատակն էր՝ համանուն վարժարանին նիւթապէս նպաստել (Արեւելիք, Կ. Պ. 1898 թ. 3854) :

Ընկերութիւնս եւ իր վարժարանը կը յիշուին արդէն 1857ին «Քրիստոսեան» վարժարանի ուսուցիչ Գրիգոր Գապպաննեանի կողմէ, որ կը պատմէ թէ նոյն վարժարանի մէջ 1857ին սկիզբը բացուած է նաեւ գիշերային դասընթացի մը մեծերու համար, ուր կը յաճախեն 35 հոգի (Մասիս, Կ. Պ. 1857, թ. 269) :

1858ին Ընկերութեանս կը միանան «Աղդէեան եւ «Թաղէոսեան» Ընկերութիւնները՝ կազմելով նոր Ընկերութիւն մը՝ հետեւեալ տիպադասով — Քրիստոսեան ազգային միաբանեալ նոր Ընկերութիւն — որ խսկականին մէջ «Քրիստոսեան Ընկերութիւնն է՝ նոր յորջորջումով : Ասիկա կը տեսնուի նաեւ անկէ որ 1858 Օգոստոսին կը գրուի թէ. «Եղեւիոյ վիճակին Առաջնորդ արժ. Տ. Իսրայէլ Ծ. Վ. Եղեւիոյ դպրատունները բարեկարգելով՝ առնոց կանոնաւոր շարունակութեան համար Քրիստոսեան Ընկերութիւնը նոր կանոններով վերահաստատեց» (Մասիս, 1858, թ. 341) :

### 3. ԱԴԴԵՆԱՆ ԸՆԿԵՐՈՒԹԻՒՆ (1855)

Ուրֆայի համանուն վարժարանի նպատամատոյց Ընկերութեանս հիմնումը կը գրուի նոյնպէս 1855ին (Արեւելիք, անդ, թ.



3854) : Գաղազանճեան 1857 Փետրուար 21ին գրած թղթակցութեան մէջ (Մասիս, 1857, թ. 269) կ'իմացնէ որ Եդեսիոյ «Ադդէեան» վարժարանը «Քրիստոսեան» վարժարանի մէջ բացուած զիշերային դասընթացքի յաջողութիւնը տեսնելով՝ 1857 Յունուար 10ին ինքն ալ կը բանայ զիշերային դասընթացք մը :

Ընկերութեանս առաջին յիշատակութիւնը կ'ըլլայ երբ արդէն կը ձուլուի ուրիշ երկու Ընկերութիւններու հետ, ինչպէս պիտի տեսնենք :

#### 4. Ս. ԹԱԴԵՈՍԵԱՆ ԸՆԿԵՐՈՒԹԻՒՆ (1856-1857)

«Սկսնակ Բանասէր»ի համաձայն (տե՛ս Արեւելք, անդ՝ թ. 3854) Ուրֆայի «Ս. Թադէոսեան Ընկերութիւնն» ալ 1855ին հաստատուած է : Կը թուի թէ «Սկսնակ Բանասէր»ի կարծիքը ճշդումի կարօտ է : 1857 Ապրիլի սկիզբը Եդեսիայէն գրուած հանրագիր մը կ'իմացնէ թէ տեղւոյն Առաջնորդ Զաքարիա Ծ. Վ. արդէն գոյութիւն ունեցող դպրոցները բարեկարգեր եւ իր կողմէ ալ նոր Ընկերութիւն մը — Ս. Թադէոսեան — հիմներ եւ նոյնանուն դպրոց մըն ալ բացեր է : Այս բացատրութիւնը կը ցուցնէ նախ թէ «Ս. Թադէոսեան Ընկերութիւն»ը «Քրիստոսեան» եւ «Ադդէեան» Ընկերութիւններէն յետոյ հիմնուած է. երկրորդ՝ այս վերջին թղթակցութիւնը կ'ապացուցանէ թէ «Ս. Թադէոսեան



Ընկերութիւն»ը 1857ի Ապրիլին նոր քան մըն էր : Աւելցնենք նաեւ թէ Գրիգոր Գապալանճեան իր 1857 Փետրուար 21ի թղթակցութեան մէջ, «Քրիստոսեան» եւ «Աղգէեան» վարժարաններու յիշատակութեան առթիւ, չի յիշեր «Ս. Թաղէոսեան»ը : Հետեւաբար հաւանական կը մնայ ընդունիլ թէ «Ս. Թաղէոսեան Ընկերութիւն»ը հիմնուած է 1856-1857ին :

Ահա այս մասին Մասիսի մէջ գրուածը . «Եղեոիոյ հայ ժողովուրդը բաղմաթիւ ստորագրութեամբ նամակ մը ուղղելով Ամենապատիւ Ս. Պատրիարք Հօր, իրենց խորին շնորհակալութիւնն ու երախտագիտութիւնը կը յայտնեն վիճակին Առաջնորդ Արժ. Տ. Զաքարիա Ծ. Վ. էն, որ գովելի ջանքով արդէն գտնված դպրոցները բարեկարգեր եւ յանուն Ս. Թաղէոս Առաքելոյ Ընկերութիւն եւ դպրոց մըն ալ հաստատել տուեր է» (Մասիս, 1857, Թ. 274, Ապրիլ 25) :

##### 5. ՔՐԻՍՏՈՍԵԱՆ ԱԶԳԱՅԻՆ ՄԻԱՅԱՆԵԱԼ ՆՈՐ ԸՆԿԵՐՈՒԹԻՒՆ (1858)

Ընկերութիւնս ձուլումն է նախորդ — Քրիստոսեան, Աղգէեան, Թաղէոսեան — Ընկերութիւններուն : Այս ձուլումը տեղի ունեցած կ'երեւայ 1958ի սկիզբները : Ժամանակակից հայ թերթը կը տեղեկագրէ 1958 Ապրիլ 3ին . «Եղեոիայէն գրուած նամակները բերկրաւթ լուրեր կու տան տեղւոյն հայ



ժողովրդեան ուսումնասիրական ջանքերուն վրայ, որոնց անձանձիր քաջալերող եւ ձեռն-տու եղած է Եղեախոյ այժմեան բարեխնամ Առաջնորդ Գեր. Տ. Իսրայէլ Յ. վարդապե-տը: Քրիստոսեան, Թադէոսեան եւ Ադդէեան անուններով յիշեալ քաղաքին մէջ հաստա-տուած ուսումնասիրական Ընկերութեները՝ բարեջան առաջնորդին խորհրդով միաբանե-լով՝ մէկ Ընկերութիւն եղեր են Քրիստոսեան Ազգային միաբանեալ նոր Ընկերութիւն ա-նունով, որուն յարատեւ հաստատութեանը համար ալ Գեր. Առաջնորդը իմաստուն եւ օգտակար Կանոններ շինած է, որոնք պատ-րիարքական հաւանութեամբ հաստատելով՝ Ընկերութեան բոլոր անդամներէն ստորա-դրուեր են եւ հիմա Ընկերութիւնը եռանդուն ազդասիրութեամբ եւ զովելի միաբանու-թեամբ Եղեախոյ վարժարաններուն բարե-կարգութեանն ու պայծառութեանը կը դրա-դի» (Մասիս, 1858, Թ. 323):

#### 6. . . . ԸՆԿԵՐՈՒԹԻՒՆ (1858)

1858 Դեկտ. 25 թուականով կը ծանու-ցանէ Մասիս (Թ. 361). «Արժանատաւիւ Տ. Եփրեմ Յ. Վ. Եղեախոյ Ս. Սարգսի վանից վանահայր անուանեցաւ: Յիշեալ Վ. ը Եղե-սիոյ վանից նորոգ շինութեան համար հազար հոգիէ բաղկացեալ Ընկերութիւն մը կազմած է եւ արդէն նոյն Ընկերութեան ազգասիրա-կան նպատիւքը վանքին շինութեանը պէտք



եղած բոլոր նիւթերն ալ պատրաստած է : Իր նպատակն է՝ շինուելիք վանքին մէջ դպրոց մը հաստատել շրջակայ գիւղերուն մանկունքը կրթելու համար : Այս Ընկերութիւնը նաեւ յատուկ սնտուկ մը հաստատած է քաղաքին աղփատները խնամելու համար» :

Ընկերութեանա անունը կը մնայ անձանոթ :

#### 7. ՌՈՒԲԻՆԵԱՆ ԸՆԿԵՐՈՒԹԻՒՆ (1863)

Հիմնուած է 1863 Ապրիլին : Այս մասին ունինք ժամանակակից լաւատեղեակ հայ թերթին վկայութիւնը, որ կը դրէ 1864 Փետրուարին. «Եղեոխայէն դրուած նամակ մը կը ծանուցանէ մեզ թէ երկար ժամանակէ ի վեր տեղւոյն Լուսաւորչական Հայոց Հատերուն վրայ աղքատութիւն տիրած ըլլալով, իրենց առեւտրական դորձերուն համար տեղւոյն այլազգիներէն հարիւր զուրուշին ամսական 5 զուրուշ տոկոս վճարելով փոխառութիւններ ընելու հարկադրուած էին : Այսպիսի ծանր եւ չափազանց տոկոսով փոխառութեանց վնասակար հետեւանքներէն ազատ հասարակութիւնը ազատելու համար, անցեալ տարի ապրիլ ամսոյ մէջ տեղւոյն առաջնորդ Գեր . Գրիգոր Ս . Արք . ը Ռուբինեան անուամբ Ընկերութիւն մը հաստատեք է առ նպատակաւ որ Ընկերութեան անդամքը հաւաքուած դրամոց գումարը պէտք ունեցող հասարակութեան փոխ տրուի հարիւրին հա-



րիւր փարայ տոկոսով : Այս *Ընկերութիւնը* վեց տարի շարունակելէ ետեւ, յետ այնորիկ հաւաքուած ստակին արդիւնքն ալ տեղւոյն վարժարանին եւ անկար աղփատաց օժանդակութեան պիտի գործածուի : Արդէն *Ընկերութիւնը* 13,500 զուրուշ հաւաքեր է եւ ունեցած բաժանորդաց թիւն ալ 332ի հասեր է եւ օր քան զօր ալ աւելնալու վրայ է : Ասոնք երեք կարգի բաժնուած ինքնայօժար սիրով ոմանք վաթսուն փարայ, ոմանք քառասուն եւ ոմանք քսանական փարայ շարաթական կը վճարեն եղեր անթերի» (Մասիս, 1864, թ. 625) :

*Ընկերութիւնը* 1866 Մայիս 1ին կը բանայ «Ռուբինեան վարժարանը», որ կը տեւէ երկար տարիներ իր հովանիին տակ : 1877ին վարժարանի տասնութէկերորդ տարեդարձը կը տօնուի փառաւոր եւ աննախընթաց հանդէսով մը (տե՛ս Մասիս, 1877 թ. 1086) :

Ռուբինեան *Ընկերութիւնը* Ուրֆայի ամենաերկարատեւ *Ընկերութիւնն* է : 1882 Ապրիլին թղթակից մը կը գրէ . «Ռուբինեան եւ Որդիք-Ռուբինեանց *Ընկերութիւնները*, համանուն Ռուբինեան վարժարանը նորաշինելէն յետոյ իբրեւ մի միացեալ մարմին կը գործէր, բայց *Ընկերութենէն* անկախ պատնառներով կըթական գործոց նկատմամբ իւր ձեռներէցութիւնը դադրեցնելու պարտաւորուած էր երեք տարիներէ ի վեր... Նոր անդամոց յաւելմամբ եւ ինչ ինչ կարե-



ւոր տնօրինութեանց շնորհիւ նորագ կազմա-  
կերպեալ նորէն ձեռք կ'առնու համանուն  
վարժարանի վարչութիւնը» (Մասիս, 1882  
թ. 3188) :

1883 Մայիս 1ին, վարժարանի 17րդ  
տարեդարձին — վարժարանին մէջ կը բա-  
նայ կիրակնօրեայ Լսարան մը, «որ զոհու-  
թեամբ կը յաճախէ հասարակութիւնն, որ  
ստուգիւ կարօտ էր մի այսպիսի հաստա-  
տութեան» (Մասիս, 1883 թ. 3503) : Թղթա-  
կիցը կը դնահատէ Ընկերութեան արդիւնա-  
շատ դործունէութիւնը, որ զոհողութիւննե-  
րով լի եղած է : «17 տարիներէ ի վեր զոհո-  
ղութեամբ կանդուն կը պահէ համանուն  
վարժարանը, որ եղեւոյ միակ ընկերական  
եւ յարատեւ կրթական հաստատութիւնն է»  
(Մասիս, 1883 թ. 3519) :

Ընկերութեան երկարամեայ դործօն տն-  
դամ եղած է Գեորգ Կ. Ոսկերիչեան, Պոլսոյ  
Մասիսի Թղթակիցը (Մասիս, 1884 թ.  
3724) :

1886ին Ընկերութեան Ընդհ. Ժողովը  
դրամական հանդանակութիւն մը կատարե-  
լով իր ունեցած դրամագլուխին վրայ կը  
բարդէ եւ շահագործելով կը ջանայ հաւա-  
սարակչուել իր տարեկան ելեւմուտքը : Այս  
առթիւ մասնաւորապէս կը շեշտուի Ընկե-  
րութեան օգտին համար ի դործ դրած ջան-  
քը Մ. Փաբրիկի Կեմնեանի (Արեւելի, Կ. Պ.  
1886 թ. 680) :



1889ին կանգուն է Ընկերութիւնը, իր վարժարանը — ծաղկոյ եւ նախակրթարան — կը վարէ Գէորգ Կ. Ոսկերիչեան՝ օգնական ունենալով Յակոբ Արքարեանը. վարժարանը լաւ վիճակի մէջ է (Փունջ, Կ. Պ. 1889 թ. 2162, Յուլ. 12) :

Տ. ԼՈՒՍԱՒՈՐԶԱԿԱՆ ԸՆԿԵՐՈՒԹԻՒՆ (1863)

Կազմուած է 1863 Յուլիսին : Հիմնումի առիթ տուած է «Ապահով ճամբայ» անունով դրութիւն մը, որ կը յորդորէ ժողովուրդը կրթելու համար դպրոցներ բանալ : Ընկերութեան վարչութիւնը («խորհրդականք») նամակ մը գրած է, զոր կը հրատարակէ Մանչեսթրի Երկրագունդը : Կը համառօտենք. «... Ապահով ճամբայ ըսուած տեարակը... անպատմելի ուրախութիւններ կը բերէ : Եւ արդ ահա այս գեղեցկախօս տեարակին միջոցով յեղեւիա Լուսաւորչական անուամբ Ընկերութիւն մը հաստատեցինք երեք հարիւրէն աւելի անձերով բաղկացեալ... կը ջանանք որ դպրոցներ բանանք եւ մեր մտքին դիտաւորութիւնը ճիշդ այս է որ Հայոց գաւակունքները ձրի կարդան դրարոցի մէջ եւ անոնց կարդացած գրքերը ձրի ըլլան. ասոնց ամէնուն ծախքը Ընկերութեան գումքանիէն պիտի ըլլայ եւ ասկէ դատ ազատաց ալ բաժիններ պիտի ելլէ. վարժարաններուն ամսականները դումբանիէն պիտի ըլլայ... ի պայծառութիւն ազգիս կիրակիները դպրոց մը բանալով՝ խորհրդ-



դականներով եւ տասնապետներով կը նշա-  
տինք, դալած եւ երթած շարաթականներնիս  
կը ժողուենք... աս դործիս վերայ ջանացող  
տասը խորհրդական եւ քսանհինգ տասնա-  
պետներ կայ, որ ասոնց ամէն մէկին տասը,  
տասնուհինգ նեֆերներ կայ... այս Ընկերու-  
թեան ըսկսումը հինգ ամիս ըլլալով, մինչեւ  
հիմա ունեցած ըստակնիս 6070·80ի չափ  
արծաթնիս եղած է... Ն. Ծ. խորհրդա-  
կանք Լուսաւորչական Ընկերութեան. Տէօք-  
մէճի Կարապետ, Տարաղճեան Գէորգ, Մըր-  
ճանեան Սարգիս, Ջուլհակ Յարութիւն,  
Մշահան Եօթնեղբայրեան, Գասապօղլի Գէ-  
որգ, Թէնէքէճեան Յակոբ, Վաճառական  
Տօնովադ, Գուլաճեան Մելքոն, Պօյաճեան  
Պօղոս, Գումբանիայի գրադէտները՝ Յակոբ  
Արեւեան, Գէորգ Ապուհայատեան. յե-  
գեսիս 1863 Գեղտեմբերի 9ին» (Երկրա-  
գունտ, Մանչեստր 1864 թ. 3, էջ 4-5) :

Լուսաւորչական Ընկերութեան արժա-  
նիքն է Ուրֆայի առաջին աղջկանց վարժա-  
րանի բացումը եւ անոր վրայ հսկողութիւնը  
(տե՛ս Վարազայի Հավատիս, Կ. Պ. 1865 թ.  
140 : — Փունջ, Կ. Պ. 1889 թ. 2170) :

1874ին Ընկերութեան Վարչութիւնը կը  
կազմէին .

Յակոբ Թէնէքէճեան

Վրթանէս Տ. Գասապարեան

Յարութիւն Թաղարեան (Փունջ, 1874  
թ. 948) :



Պեգասեան թռչնիկ (Կ. Պ. 1865 թ. 26)  
 1865ին Եդեսիոյ կրթական վիճակին վրայ  
 խօսելով՝ կ'ըսէ թէ հոն չորս Բնկերութիւն-  
 ներ կան, «որոնց ունեցած ստակին գումարը  
 ութսուն հազար դահեկանի կը հասնի» :  
 Դժբախտաբար չի տար թերթը այդ չորս  
 Բնկերութիւններուն անունները :

9. ԱԻԵՏԱՐԱՆԱԿԱՆ ԲՆԿԵՐՈՒԹԻՒՆ (1865-1869)

Բնկերութիւնս առաջին անգամ կը յի-  
 շուի 1870 Մարտին (ՏԷ՝ս Մանգուվէի Էֆ-  
 ֆեար, Կ. Պ. 1870 թ. 1229), «Լուսաւորչա-  
 կան» եւ «Վշտակիր» Բնկերութեանց հետ :  
 Հիմնումի թուականը եւ նպատակը անծա-  
 նօթ կը մնան : Նկատի առնելով որ 1865ին  
 Եդեսիոյ մէջ չորս Բնկերութիւն կար (ՏԷ՝ս  
 Պեգասեան թռչնիկ, 1865 թ. 26), հաւանա-  
 կան չէ որ «Աւետարանական»ը 1865էն առաջ  
 հիմնուած ըլլայ :

10. ՎՇՏԱԿԻՐ ԲՆԿԵՐՈՒԹԻՒՆ (1865-1869)

Առաջին անգամ եւ լոկ անունով յիշուած  
 է Բնկերութիւնս 1870ին (Մանգ. Էֆֆեար,  
 1870 թ. 1229) : Ուրիշ ծանօթութիւն չենք  
 գտած :

11. ԱՆՁՆՈՒԷՐ ԲՆԿԵՐՈՒԹԻՒՆ (1868)

Մասիս (1869 թ. - 949 Փետրուար) կը  
 գրէ. «(Եդեսիա) երեսունի չափ ուսումնա-  
 սէր անձինք իրենց հայրենակցաց մէջ ու-  
 սում եւ կրթութիւն ծաւալելու ազնիւ նպա-



տակաւ Անձնուէր Ընկերութիւն մը կազմե-  
լով՝ Կ. Պոլսոյ Անձնուէր Ընկերութեան հետ  
կապուելու խնդիր դրած են... Վերոյիշեալ  
նորահաստատ նիւղն արդէն իր արդեամբ  
դպրոց մ'ալ մատակարարել սկսած է, որով  
կը ցուցնէ թէ կարեւոր նպատակ ախտի մա-  
տուցանէ Եղեւթոյ աղգայնոց մտաւորական  
զարգացմանը» :

Ընկերութիւնս հաւանօրէն 1868ի վերջե-  
րը հիմնուած է : Մինչեւ 1878 իր մասին յի-  
շատակութեան մը չենք հանդիպիր : 1878ին  
իր վարժարանը ունի, որուն վերատեսուչն  
է Մուրատեան (Հայրենիք, Կ. Պ. 1878 թ.  
422) :

1882ին թղթակից մը կը տողէ Եղեւթա-  
նուֆայէն. «Քաղաքիս Անձնուէր անուն Ըն-  
կերութիւնը, որ ժամանակէ մը ի վեր դադ-  
րած էր՝ վերջերս վերակազմուիլ սկսաւ : Կը  
փափաքինք որ քաջալերութիւն դանելով կա-  
րող լինի Աղղ. դպրոցներէն մին կառավա-  
րել, որք մեծ մասամբ անխնամ վիճակի մէջ  
են» (Մասիս, 1882 թ. 3208) :

## 12. ԶՐՈՅ ԸՆԿԵՐՈՒԹԻՒՆ (1869-70)

Կազմուած է անջրդէ թաղերուն ջուր  
հոգալու համար : Յաջողած է կարեւոր դու-  
մար մը հայթայթել (Արեւելք, 1888 թ.  
1258) : Մանրամասնութիւն կը պակսի :



## 13. ՀԱՒԱՔԱԿԱՆ ԸՆԿԵՐՈՒԹԻՒՆ (1870)

Եղեռիայէն 1870 Մարտ 30ին գրուած նամակ մը իմացնելէ յետոյ թէ հոն ներքին մեծ խռովութիւններ ծագած ըլլալով՝ տեղական Ընկերութիւններն ալ հալածանքի ենթարկուած են՝ ի վերջոյ կ'աւելցնէ . «Բայց առ այժմ մեր փափաքը անցեալը իմացնելը չէ , այլ այժմեան խնդիրներն . Լուսաւորչական , Աւետարանական , Վշտակիր Ընկերութիւններէ երկերկու մարդ տեղ մը գալով՝ Հաւաքական Ընկերութիւն մը ըրինք , մանաւանդ դպրոցներուս վերակացու ըլլալով վարժապետին եւ աշակերտաց պակասութիւններուն , տմտականներուն հոգածութիւն ընել . մնամք եւ այլն , Հաւաքական Ընկերութիւն» (Մանգ . Էֆ . , 1870 թ . 1229) :

## 14. ՀԱՅԿԱԶԵԱՆ ԸՆԿԵՐՈՒԹԻՒՆ (1871)

Հիմնուած է 1871 Յուլիս 22ին : Իր նպատակի մասին Եղեռիայէն կը գրեն . «Ա . Աղջկանց դպրոց մը ունենալ . Բ . Տեղւոյս Հայոց կրած նախատինքն Սրբազան Հօր (Պատրիարք) իմացնել . Գ . Արքունի տրոց համար քանտարկեալ աղփատներն ազատել : Ամէն բաժանորդ կանխիկ կէս կամ մէկ լիբա պիտի վճարէ Ընկերութեան անտուկին եւ յետոյ շարաթականը պիտի շարունակէ : Թէ խորհրդականը եւ թէ տասնապետը տարին անդամ մը բաժանորդներէն պիտի ընտրուի քուէիւք» (Մանգումէի Էֆֆիար , 1871 թ . 1691) :



Ընկերութիւնը ներկայացուցիչ կ'ունենայ Պոլիս, Հալէպ եւ Անթէպ (Անդ) :

1871ի աշնան տուն մը կը գնէ Ընկերութիւնը՝ հետեւեալ նպատակով. 1. Գիշերները չափահաս արհեստաւորներու տաճկերէն սորվեցնելու, 2. Շաբաթ իրիկունները լրագիր կարդալու եւ արքունի օրէնքները լսելու, 3. Երկուշաբթի իրիկունները Ընկերութեան հաշիւները տեսնելու, 4. Յորեկները 25 մանուկներու հայերէն դաս տալու եւ 5. Կիրակիները փափաքողներու դասատուութիւն ընելու համար (Մանգ. Էֆփիար, 1872 թ. 1815) : Սակայն թուրքերը, գլխաւորութեամբ հոճայի մը, արդեւք կ'ըլլան Ընկերութեան այս ծրագրին գործադրութեան, ինչպէս Ընկերութեան անդամները կը գրեն 1871 Դեկտ. 20ին, նամակի մը մէջ (Տե'ս, Մանգումէ, անդ) :

15. ԲՈՂԲՈՋ ՀԱՅԿԱԶՆ ԸՆԿԵՐՈՒԹԻՒՆ (1872)

1872 Փետրուար 19ին Ուրֆայէն գրուած նամակէ մը կը քաղէ Պոլսոյ Հայրենիք հետեւեալ տեղեկութիւնը. «Սիրա ի խինդ կ'իմանանք որ խումբ մը 14 – 16 տարեկան հայրենասէր եւ ուսումնասէր հայ երիտասարդք «Բողբոջ Հայկազն անուն Ընկերութիւն մը կազմած են, Հայկազեան Ընկերութեան մէկ ճիւղը, որ դարձեալ նպատակնին ընթերցանութիւնը տարածել եւ աղքատաց ձրի գիրք

Պատմ. Հայ Մշակ.



տալ, Թանգարան մը հաստատել, եւայլն է»  
(Հայրենիք, 1872 թ. 93) :

Հիմնուած կ'երեւայ 1872ին սկիզբը :

16. ՀԱՄԱԶԳԱՅԻՆ ԸՆԿԵՐՈՒԹԻՒՆ (1872)

Անաստորադիր թղթակից մը Ուրֆայէն  
գրուած նամակի մը մէջ տեղւոյն Դաւիթ. Ծ.  
Վ.ի դէմ Հայրենիքի մէջ գրուած նամակի  
մը պատասխանելով՝ կը գովէ եւ վեր կը  
հանէ Դաւիթ Վ.ի ազդօգուտ գործունէու-  
թիւնը եւ այդ առթիւ կ'աւելցնէ. «...Հա-  
մագգային անուսով Ընկերութիւն մի հաս-  
տատեց, որոյ ջանից շնորհիւ հաւաքուած  
ստակները մեծ դպրոցին ծախուց պիտի  
գործածէ» (Փունջ, Կ. Պ. 1872 թ. 765) :

Նամակը գրուած է 1872 Նոյեմբեր 20ին,  
իսկ Դաւիթ Ծ. Վ. իբրեւ Պատրիարք. Փո-  
խանորդ Ուրֆա կը հասնի 1872 Մարտին  
(Հմմտ. Հայրենիք, 1872 թ. 93) : Որով Ըն-  
կերութեան հիմնումը ըլլալու է 1872ի դար-  
նան կամ ամբան :

17. ՅՈՎՍԷՓԵԱՆ ԸՆԿԵՐՈՒԹԻՒՆ (1872)

Կը յիշուի 1872 Յուլիս 10ին՝ Ուրֆայէն  
գրուած անաստորադիր նամակի մը մէջ, զոր  
հրատարակած է Փունջ : Հիմնումի թուա-  
կան կը համարինք 1872 Մայիս – Յունիս :  
Ահա նամակագրի տուած տեղեկութիւնը.  
«...Աւելորդ չեմ համարիր այս առթիւ հա-  
մառու տեղեկութիւն մը տալ տեղւոյն Յով-



սէփեան Ընկերութեան վրայ : 12 պատուար-  
ժան անդամներէ բաղկացեալ Վարչութիւն  
մի եւ հարիւրէն աւելի բաժանորդ ունի :  
Այս Ընկերութեան նիւթական ու բարոյական  
խնամոց տակ կը գտնուի իրեն համանուն  
վարժարան մի, յորում 70ի չափ ուսանող  
կայ, դասատուն է Մեծ . վ . Խաչատուր Պու-  
լոտեան» (Փունջ Օրագիր, Կ . Պ . 1872 թ .  
46) :

18. ՈՐԴԻՔ ՌՈՒԲԻՆԵԱՆՅ ԸՆԿԵՐՈՒԹԻՒՆ (1877)

Հիմնուած է 1877 Մարտ 1ին : Նախա-  
ձեռնարկն ու հիմնադիրն է Ռուբինեան վար-  
ժարանի ուսուցիչ Գէորգ Կ . Ոսկերիչեան՝  
նպատակ ունենալով . «Ռուբինեան վարժա-  
րանի եւս առաւել զարգացման համար ջանք  
եւ ճիգ ի դործ դնել» (Մասիս, 1877 թ . 1981 :  
— Փունջ, 1877 թ . 1181) :

Տեղւոյն Թաղական Խորհուրդը կը գրէ .  
«Այս նորակազմ Ընկերութիւնը, որ երեւելի  
ու ազդասէր երիտասարդներէ ու պատանի-  
ներէ կը բաղկանայ՝ քիչ աւուր մէջ մեծ  
համբաւ ստացած է» (Մասիս, անդ) :

Ինչպէս կը տեսնուի՝ Ընկերութիւնը  
կազմուած է Ռուբինեան վարժարանի սա-  
ներէն : Գ . Կ . Ոսկերիչեան 1878ին կը գրէ  
Պուլիս թէ «Ռուբինեան» եւ «Որդիք — Ռու-  
բինեանց» Ընկերութիւնները միացեալ ջան-  
քերով ձեռնամուխ եղած են Ռուբինեան  
վարժարանի համար նոր շէնք մը կառուցա-



նելու : 1878 Մայիս 14էն քանի մը օր վերջ հին շէնքը կը փլցնեն՝ աշակերտները Առաջնորդարանի վերնայարկը զետեղելով ու նոր շէնքին հիմնադրութեան հանդէսը կը կատարեն : «Յիշատակութեան արժանի են, կ'ըսէ Ռսկերիչեան, ազգասէր Ռուբինեան Ընկերաց ջանքն ու անվհատ ճգնւնքն» (Մասիս, 1878 թ. 2143) :

#### 19. ՎԱՐԴԱՆԱՆՑ ԸՆԿԵՐՈՒԹԻՒՆ (1878)

«Արեւեան» վարժարանի ուսուցիչ Յակոբ Արեւեան, 1878 Յունուար 11 թուակիր նամակով կը գրէ . «Ուրախութեամբ սրտի կը ծանուցանեմ որ մօտ օրերս Վարդանանց Ընկերութիւն մըն ալ հիմնեցաւ Արեւեան դպրոցի մէջ, որոյ նպատակն է ընթերցասէր որբ եւ աղքատիկ տղայոց հոգատարութիւն ընել, անոնց կարդալու, գրելու թուղթ, գրիչ եւ հանդերձ հոգալ : Տաճկերէնի դասատու Գրիգոր էՓ . Տէր - Յովհաննէսեանը դպրոցին մէջ կարգեցին որ ձրի դասատուութիւն ընէ տաճկերէն փափաքողաց : Մօտ օրերս նոցա Կանոնադիրը եւ Խորհրդակա-նաց անուանքն ալ կը զրկուի առ ի հրատա-րակութիւն» (Նոր Դար, Կ. Պ. 1878 թ. 2235) :

1878 Մարտ 19ին նամակ մը ուղղելով Պոլսոյ Հայրենիքին՝ Տ. Գրիգորեան (վերա-տեսուչ Աբրահամեան վարժարանի) եւ Մու-րատեան (վերատեսուչ Անճնուէր վարժա-



րանի) զարմանք կը յայտնեն Արեւեանի յայտնութեան վրայ եւ իրական չեն համարիր այդ տեսակ Ընկերութեան մը գոյութիւնը (Տե՛ս Հայրենիք, 1878 թ. 422) :

Նոյնպէս 1878 Ապրիլ 10 թուակիր նամակի մը մէջ (Տե՛ս Մասիս, 1878 թ. 2120) Կարապետ Յ. Արսէնեան Եղեախայէն կը տողէ, «1. Եղեախոյ մէջ «Արեւեան» անունով դպրոց չկայ, այլ «Ազգային դպրոցն» է, որուն մէջ Արեւեան պարզ ուսուցիչ մըն է եւ իրաւունք չունի իր անունով կոչելու ազգային վարժարան մը, 2. Դպրոցին մէջ «Վարդանանց Ընկերութիւն» մը հիմնուած չէ: Արեւեան չի կրնար հաստատել ո՛ր գոյութիւնը» :

Ինչպէս կը տեսնուի հակամարտութիւն մը կայ Արեւեանի եւ իր հակառակորդներուն միջեւ: Մին կը պնդէ Ընկերութեան հիմնուած ըլլալը, միւսները կը ժխտեն: Դժբախտաբար ուրիշ կողմէ լուսարանութեան մը հանդիսւած չենք:

## 20. ԱՂԲԱՏԱՅ ԸՆԿԵՐՈՒԹԻՒՆ (1880)

1880ի Հայաստանի մեծ սովին առթիւ Եղեախայէն դրուած սրտաճմլիկ նամակի մը մէջ կը գրէ Արամ. «... Իրաց այս վիճակին մէջ եթէ սակաւիկ մը մխիթարական երեւոյթ կայ՝ ան ալ Աղբատաց Ընկերութեան մասնախորհուրդին տարած ջանքն ու հոգածութիւնն է: Թեղճերը իրենց յոյսը անոնց



վրայ գնելով օգնութիւններ կը խնդրեն ,  
բայց նորէն անդարմանելի է» (Մանգումէի  
Էֆեար , 1880 թ . 1338) :

Ուրիշ տեղ յիշատակութիւն մը չենք  
գտած :

21. ՈՒՍՈՒՄՆԱՍԻՐԱՅ ԽՈՐԷՆԵԱՆ ԸՆԿԵՐՈՒԹԻՒՆ  
(1880)

Կազմուած է 1880 Մայիս 20ին եւ նուիրուած Եդեսիոյ Առաջնորդ Խորէն Սրբազանին (Մասիս , 1880 թ . 2659) : — Ա . Յ . Բրուտեան կը գրէ 1881ին . «1880 տարւոյ մէջ մեծ խումբ մը ուսումնասէր անձերէ բաղկացեալ Ուսումնասիրաց . . . անունով Ընկերութիւն մը կազմելով՝ ջանացին նոր ուղղութեամբ կանոնաւորել զգալոցս , բայց թափուած այնքան աշխատութիւնք անյաջող ելք մը ունեցան» (Հայրենիք , 1881 թ . 929 :

22. ՀԱՅՐԵՆԱՍԻՐԱՅ ՀԱՅԿԱԶՆԵԱՆ ԸՆԿԵՐՈՒԹԻՒՆ  
(1880)

Բրուտեանի թղթակցութենէն կ'իմանանք թէ կազմուած է 1880ին «յօգուտ եւ ի դաստիարակութիւն Եդեսիոյ անուս որդւոց» : Հիմնադիրներն են , Գրիգոր Մեսրովպեան , Գրիգոր Պիլէզիքճեան , Գէորգ Գալայճեան , Գրիգոր Ռումդալեցի , Մելքոն Էֆէնտի , Մ . Գէորգ Թարխանեան , Մեսրովպ Մեսրովպեան , Յակոբ Թաշճեան , Յա-



կոր թէրդեան, Սարգիս Եէմէնիճեան, Սի-  
մաւոն Քիլէճեան : Ունեցած է իր հիմնական  
կանոնագիրը (Հայրենիք, 1881 թ. 933) :

23. ԲԱՐՈՅԱԿԱՆ ԸՆԿԵՐՈՒԹԻՒՆ (1886)

Հիմնուած է 1886ի սկիզբները : Իր Ա-  
տենապետն է Կարապետ Պիոյեան (Փունջ,  
1886 թ. 2003) :

24. ԲԱՐԵՔՈՐԾԱԿԱՆ ԸՆԿԵՐՈՒԹԻՒՆ (1889)

Կազմուած է 1889 Յունուար 1ին : Հիմ-  
նադիրներն են 50—60 տուն Հայ Կաթուղիկե-  
ները, նպատակ ունենալով. «Իւրեանց աղ-  
փառաց ամէն պէտքերն հոգալ» (Փունջ,  
1889 թ. 2159 Յուլիս 15) : Ամսական 1—50  
դուրուշ վճարող կայ եւ կը դոյանայ 600 դու-  
րուշի չափ դումար մը (Անդ) :

25. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1889)

1890 Փետրուարին «Դեռափքիք Ընկե-  
րութիւն» մ'է եւ ունի դպրոց մը իր խնամ-  
քին տակ, որուն վեցամսեայ քննութեան  
հանդէսը կը կատարէ (Փունջ, 1890 թ.  
2192) :

26. ԽՆԱՅՈՂԱԿԱՆ ԱԿՈՒՄԲ (1899)

Ընկերութիւն մ'է բաժանորդական, յի-  
շուած 1899ին Սուրհանդակի եւ Բիւզանդիո-



նի քով, որոնցմէ վերջինին մէջ թղթակիցը  
կը գրէ. «Խումբ մը բարեսէր երիտասարդ-  
ներ, որք ժամանակէ մը ի վեր Խնայողական  
Ակումբ մը հաստատած էին, վերջերս իրենց  
հաշիւները կարգադրելով, տրամադրելի կե-  
ցած 9000 ղուրուշէն 3000 ղուրուշն Ազգ.  
Բարեգործական Հաստատութեանց նուիրե-  
ցին, իրենց նախապէս ունեցած պայմանա-  
դրութեան համեմատ» (Բիւզանդիոն, Կ. Պ.  
1900 թ. 1108) :

27. ԵԿԵՂԵՑԱՍԻՐԱՅ ԸՆԿԵՐՈՒԹԻՒՆ (1901)

1903ի վերջերը Եգեսիայէն կը գրէ Գ.  
Կ. Ո. ծանօթ թղթակիցը. «Երկու տարիէ ի  
վեր գոյութիւն ունեցող Եկեղեցասիրաց  
հաստատութիւնը, որ Ազգ. Որբանոցի քանի  
մը շրջանաւարտ սաներուն օգնեց, երկրոր-  
դական կրթութեան հետեւելու, իր ընթաց-  
քը անսայթաք շարունակելով՝ վարժարա-  
նաց նիւթական մատակարարութեան ղօրա-  
վիղներէն մին եղաւ» (Սուրիանդակ, Կ. Պ.  
1903 թ. 1487, Դեկտեմբեր) : — Ծանօթ է թէ  
Համիտի շրջանին կը զգուշանային «Ընկե-  
րութիւն» բառը գործածելէ : Հետեւաբար՝  
«Հաստատութիւն», «Ակումբ», եւ այլն :

Ըստ Արամ Սահակեանի (Դիւցադնական  
Ուրֆան, Պէյրութ 1955, էջ 550) Ընկերու-  
թիւնս հիմնուած է 1901ին՝ «Միացեալ վար-  
ժարանի տնօրէն Տափառ Տափէսեանի ջանքե-  
րով : Այս Միութեան անդամները շարաթա-



կան մեթալիկ մը վճարելով, տարեկան գումար մը մէջտեղ կը բերէին եւ ընդունակ աշակերտներ կը զրկէին գոլէճները» :

Պոլսոյ Փունջ (1903, Յունուար 11) կը գրէ. «Ուրֆայի մէջ տարիէ մը ի վեր Եկեղեցասիրաց անուամբ կազմուած Ակումբին միամեայ մանրամասն հաշիւը տրուեր եւ տեսնուեր է որ 7410 զուրուշ գոյացեր է շաբաթական 10 փարայով, որ վճարեր են Ակումբին մասնակցողները : Այդ Ակումբին նպատակն է օգնել վարժարանաց մատակարարութեան, անոք մանկանց խնամոց եւ Մատենադարանի զարգացման» :

Ակումբս ունէր այրերու, կիներու եւ օրիորդներու զատ զատ նիւղեր :

1905ին թղթակից մը կը գրէ Ուրֆայէն. «Տեղւոյս Եկեղեցասիրաց հաստատութիւնը, ըստ կանոնական սովորութեան, այս տարի ալ իր հաշիւները հրապարակաւ ներկայեց հասարակութեան : Առաջնորդ Հայրը (Անտնիա վ. Հաղարապետեան) նախադասեց հաշուետուութեան : Կ'ամփոփենք. Մուտք. — Նախորդ տարեշրջանէն փոխանցուած գումար 6411 զուրուշ, արանց վճարքներէ (շաբաթական տասը փարա) 4145, կանանց վճարքներէ 866, օրիորդաց վճարքներէ 974, դրամադլիսի շահեցումէ 768 զրուշ, գումար 13,164 զրշ. : Ելք. — Ծախք Եկեղեցասիրաց Ակումբի արանց նիւղին՝ 3174 զրուշ, ծախք կանանց նիւղին՝ 781, ծախք օրիոր-



դաց ֆիւղիմ՝ 1050, պատրաստ գրամագլուխ 8159 դրուշ, գումար 13,164 դրուշ: Եկեղեցասիրաց Ակումբի գլխաւոր նպատակներէն մէկն է եկեղեցիին օգտակար մշակներ պատրաստելու համար քահանայացուներու կրթութեան ու պատրաստութեան օգնել» (Սուրհանդակ, 1905 թ. 1833):

28. ՈՐԲԱԵՆԱՄ ԸՆԿԵՐՈՒԹԻՒՆ (1902 - 3?)

«... Կազմուած ուսուցիչ Յակոբ Աթաբարեանի, Գարեգին Ոսկերիչեանի եւ Կարապետ Բրուտեանի ջանքերով, իր շուրջ հաւաքած էր արհեստաւոր դասակարգը», կը գրէ Սահակեան (Դիւցազնական Ուրֆան, անդ՝ էջ 550), առանց ճշգրտելու հիմնուածի տարին եւ նպատակը:

29. ՎԱՆԱՍԻՐԱՅ ԸՆԿԵՐՈՒԹԻՒՆ (1902 - 4?)

Հիմնուած թուականը անստոյգ: Գլխաւոր նպատակը եղած է. «Ս. Սարգիս վանքը վերածել կրթական օճախի մը» (Դիւց. Ուրֆան, էջ 551):

30. ՈՒՍԱՆՈՂԱԿԱՆ ՄԻՈՒԹԻՒՆ (1908)

Բացած է գիշերային լսարան մը (Ազատամարտ, Կ. Պ. 1909 թ. 114):

31. ՔԻՒՂԱՏՆՏԵՍԱԿԱՆ ՄԻՈՒԹԻՒՆ (1910)

Նպատակն է աւերակ եւ ամայացած գիւղերն



ու դաշտերը գնել ու շէնցնել : Ունէր 100 ան-  
դամ (Ազատամարտ , Կ . Պ . 1910 թ . 215) :

32. ՄԱՐՄՆԱՄԱՐԶԱԿԱՆ ՄԻՈՒԹԻՒՆ (1911?)

Հիմնումի առիթ տուած է Պոլսոյ  
«Մարմնամարզ» թերթը (1911-14) : Ժամա-  
նակը չի ճշդուիր : Հիմնադիրներէն կը յի-  
շուին Սարգիս Սփէնչեան , Յարութիւն Սար-  
գիսեան , Գէորգ Տողրամաճեան , Գրիգոր  
Հատիկեան (Դիւց . ՈւրՓան , էջ 750 - 1) :

33. ԿՐԹԱՆՈՒԷՐ ՀԱՅՈՒՀԵԱՅ ՄԻՈՒԹԻՒՆ (1911)

Կազմուած է 1911 Ապրիլին : Կը նախա-  
տէ յարմար շէնք մը պատրաստելու Ման-  
կապարտէղին : Նայնպէս կ'օժանդակէ աղջը-  
կանց դպրոցի համար պատշաճ շէնքի մը  
հայթաթման (Բիւզանդիոն , 1912 թ . 4648) ,  
որուն շինութիւնը մասամբ կ'աւարտէ 1913-  
ին (Բիւզանդիոն , 1913 թ . 5052) : Միու-  
թեանս հիմնադիրն է Առաջնորդ՝ Տէր Ար-  
տաւազդ Ծ . Վ . (Անդ) :

34. ՆՊԱՍՏԱՄԱՏՈՅՑ ԸՆԿԵՐՈՒԹԻՒՆ ( . . . 1914)

Կը յիշուի Արարատէն (Վաղարշապատ  
1915 , էջ 511) , 1914 - 5ի տարիներուն :

35. ՈՒՐՖԱՅԻ ՀԱՅՐԵՆԱԿՅԱԿԱՆ ՄԻՈՒԹԻՒՆ (1918)

Կազմուած է Հալէպի մէջ : 1920-1ին կը  
ջանայ նախատել հայրենակիցներուն՝ զգես-



տեղէն եւ դրամ զրկելով (Ժողովուրդի Ձայն, Կ. Պ. 1921 թ. 726) : Վերականգնուած է 1923ին (Տե՛ս Դիւցազն. Ուրֆան, էջ 1256) :

36. ԵՐԻՏԱՍԱՐԴԱԿԱՆ ՄԻՈՒԹԻՒՆ (1918)

Հիմնուած է Հալէպի մէջ հետեւեալներէ . Արշակ Ոսկերիչեան, Գէորգ Տատեան, Լեւոն Եօթնեղբայրեան (Տե՛ս Դիւց. Ուրֆան, էջ 1259 - 63) :

37. ՏԻԿՆԱՆՅ ՄԻՈՒԹԻՒՆ (1934)

Կազմուած է Հալէպի մէջ 1934 Յունուարին (Տե՛ս այս մասին Դիւցազն. Ուրֆան, էջ 1264 - 7) :

38. ՀԱՅՐԵՆԱԿՅԱԿԱՆ ՄԻՈՒԹԻՒՆ (1954)

Կազմած են Ուրֆա - Կարմուճցիներ (Դիւցազն. Ուրֆան, էջ 1272) :

ԳԻՒՂԵՐՈՒ ԸՆԿԵՐՈՒԹԻՒՆՆԵՐ  
ՍԵՒԵՐԵԿ ԳԻՒՂԱՔԱՂԱՔ

1. ՆԱՐԵԿԵԱՆ ԸՆԿԵՐՈՒԹԻՒՆ (1858)

Ուրֆայի Սեւերակ կամ Սեւերեկ Գիւղի Նարեկեան Ընկերութիւնը հիմնուած է Ուրֆայի Առաջնորդ Իսրայէլ Ծ. Վարդապետէն 1858ի տմբան : Մասիս (1858 թ. 341, Օղոստոս 7) տատմեւով թէ յիշեալ Վ.ը թեմական



այցելութեան մ'առթիւ ամէն տեղ բարեկարգութիւններ ըրեր է՝ խօսքը մասնաւորելով Սեւերակի վրայ՝ կը գրէ . «Գլխաւորապէս Սեւերակ գիւղաքաղաքը դադար ժամանակը իւր ազդու քարոզներովն ու համոզիչ յորդորներովը հնազանդ ղեկավարներն ու երկապառակութիւնները ժողովրդեան մէջէն անհետ ընելով՝ քրիստոնէական եղբայրութութիւնը մէջերնին հաստատեր, եկեղեցւոյն եկամտից եւ ծախուց հաշիւները, որ երկար ժամանակէ ի վեր տեսնուած չէր՝ տեսեր եւ կարգի գրեր, դպրոցը բարեկարգեր, եկեղեցւոյն կիսակործանած սենեակները նորոգեր ու դպրոցին յարատիւ պայծառութեան ու բարեկարգութեանը համար Նարեկեան անուամբ Ընկերութիւն մը հաստատեր է՝ տասնեւչորս եկեղեցական ու աշխարհական ջանասէր ու բարերարոյ անձինք Հոգարարձու եւ Տեսուչ կարգելով, որոնք թէ՛ եկեղեցւոյն եւ թէ՛ դպրոցին վերաբերեալ ամէն դործերը ժողովով եւ հաստատեալ Կանոնաց համաձայն պիտի տնօրինեն ու ի դործ դնեն» :

## 2. ԴՊՐՈՅԱՍԻՐԱՅ ԸՆԿԵՐՈՒԹԻՒՆ (1884)

Մասիս (1885, էջ 715) 1885 Փետրուարին կը գրէ . «Սեւերեկի Դպրոցասիրաց Ընկերութիւնը շնորհակալութեամբ կը ծանուցանէ թէ տեղւոյն Քաղաքական Ժողովոյ Ատենապետ Յովհաննէս Աղա՝ իր օրդւոյն Կիրակոս Էֆ .ի հարսանեաց առթիւ 500 դրուչ



նուիրեր է յիշեալ Ընկերութեան» : Հիմնուած ըլլալու է 1884ին (Տե՛ս Արեւելք , 1885 թ . 334) :

## ՊԻՐԵՃԻԿ ԳԻՒՂԱՔԱՂԱՔ

### 1. ԸՆԿԵՐՈՒԹԻՒՆ (1858)

Եղեսիոյ Պերեմուկ կամ Պիրեմիկ Գիւղաքաղաքի մէկ Ընկերութեան յիշատակութիւնը կը գտնենք Մասիսի քով , որ կը գրէ . 1858ին , խօսելով Տ . Եփրէմ Ծ . Վ . ի դործունէութեան մասին . «Նոյն բարեջան Վ .ը Եղեսիոյէն 18 ժամ հեռու Պերեմուկ ըսված գիւղաքաղաքին մէջ ալ դպրոց մը հաստատած է Ընկերակցութեամբ եւ հիմա եկեղեցի մըն ալ հիմնելու դիտաւորութիւն ունենալով՝ թէ՛ այս եւ թէ՛ Ս . Սարգսի վանքին եւ եկեղեցւոյն շինութեանը վերաբերեալ կայսերական հրովարտականն ալ այս օրերս ստացաւ» (Մասիս , 1858 Դեկտեմբեր 25) : Ընկերութեան անունը կը մնայ անձանօթ : Ան պաշտպանն էր նորարաց դպրոցին :

## ԿԱՐՄՈՒՆՋ ԳԻՒՂ

### 1. ՀԱՅՐԵՆԱՍԻՐԱՅ ԸՆԿԵՐՈՒԹԻՒՆ (1878 - 9)

Թղթակից մը 1881ին կը գրէ Եղեսիայէն , Կարմուռնջի վրայ խօսելով . «Եթէ միութարական բան մը կայ , այն ալ խումբ մը



երխատարդներէ բաղկացեալ «Հայրենասիրաց» Ընկերութեան յարատեւելն է, որոյ մասին անցելոյն մէջ ակնարկութիւն ըրած եմ» (Մասիս, 1881 թ. 2928) : Դժբախտաբար անկարող եղանք նախորդ տարիներուն մէջ գտնել այդ «ակնարկութիւնը» : Հաւանական էր թուի որ հիմնումը եղած ըլլայ 1878-9ին : Ընկերութեան նպատակն էր. «Կրթական ձեռնարկներու համար նիւթական վարկ պատրաստել» (Մասիս, 1881 թ. 2928) :

Հիմնադիրներէն առաջինը եղած է Յակոբ Ն. Պարտիզպանեան (Մասիս, 1882 թ. 3233) :

1882ին «Ընկերութեան անդամք Կիրակի օրերը մէկ տեղ կու գան՝ լրագիր եւ ուրիշ օգտակար հրատարակութիւններ կարդալով՝ լսարանի շուրջ մը կը պատրաստեն ի Կարմուռնջ» : Ընկերութիւնը կը յուսայ ի մօտոյ դպրոց մը բանալ (Մասիս, 1882 թ. 3233), որուն ծախքերը կ'երաշխաւորէ ինքը (Մասիս, 1883 թ. 3519) :

Կ'երեւայ թէ Ընկերութեանս անունը 1883էն վերջ վերածուած է «Ուսումնասիրաց»ի, ինչպէս կը յորջորջուի 1884ին (Արեւելիք, 1884 թ. 184) եւ 1886ին (Տե՛ս Հայրենիք, 1886 թ. 2080) :

1884 Յուլիսին Կարմուռնջի նորակառոյց եկեղեցւոյն օծման առթիւ Խորէն Մխիթարեան Սրբազան բացումը կը կատարէ նաեւ Կարմուռնջի դպրոցին, որուն համար այնքան



աշխատանք տարած էր Ընկերութիւնը (Տե՛ս Արեւելք, 1884 թ. 184) :

2. ՌԻՍՈՒՄՆԱՍԻՐԱՅ ԸՆԿԵՐՈՒԹԻՒՆ (1908 - 9)

Կը յիշուի 1909ին (Ազատամարտ, Կ. Պ. 1909 թ. 52) :

3. ԱՂՔԱՏԱԽՆԱՄ ՄԻՈՒԹԻՒՆ (1934)

Հիմնուած է Հալէպ : Հիմնադիրներն են . Յովսէփ Փախանեան , Սողոմոն Արծիւեան , Մելքոն Կարկոցեան , Հայրապետ Խաչերեան , Ներսէս Ներսէսեան , Մկրտիչ Խաչաֆեան : Միութիւնը յետոյ կոչուած է «Կարմուխի Հայրենակցական Միութիւն» (Տե՛ս Դիւ-  
ցազն . Ուրֆան , էջ 1264 - 70 :) :

## ԳԱՄԸՇԼԻ ԳԻՒՂ

1. ԵՐԻՏԱՍԱՐԳԱՅ ՄԻՈՒԹԻՒՆ (1934?)

Հիմնուածի տարին չէ ճշգրտած : Նոր Միութիւն մը կ'երեւայ (Տե՛ս Դիւցազն . Ուր-  
ֆան , էջ 1271) :

## ԱՅՆԹԱՊ

1. ԹԱՆԳԱՐԱՆ ԸՆԿԵՐՈՒԹԻՒՆ (1858)

Հիմնուած է 1858ին (Սուրիահայ Տարե-  
գիրք , 1925 , էջ 120 : — Եփրատ , 1947 թ .  
2862) : Նախաձեռնող կը համարուին Յարու-  
թիւն վարժապետ Կիւլէսէրեան , Խաչատուր



Պողարեան և Գեորգ Սիւլահեան (Պատմութիւն Անթէպի Հայոց, Ա., էջ 569) :

Հնութեան մէջ առաջին յիշատակութիւնը կը գտնենք Մասիսի (Կ. Պ. 1864 թ. 676) քով, ուր 1864 Դեկտ. 31ին Այնթապէն գրուած նամակ մը կը տեղեկագրէ որ Այնթապի 1000 ընտանիք կազմող Հայերը «չորս վարժարան կամ դպրոց ունին, որոնց մէջ 300 տղայք կը գտնուին, բայց բանիբուն վարժապետ մը չունենալուն համար լոկ կարգաւ գրելէ աւելի բան մը չեն կրնար սովորիլ : Այս վիճակին դարձան մ'ընելու համար ասկէց հինգ տարի առաջ ԹԱՆԳԱՐԱՆ անունով Ընկերութիւն մը կազմուեր է, բայց երեք տարուան մէջ հազիւ 10,000 դուրուշի չափ դրամ հաւաքելէ ետեւ՝ ձանձրանալով կամ մանաւանդ յուսահատելով ցրուեր է ի տրամութիւն ժողովրդեան» :

Հնութեան մէջ ոչ մէկ յիշատակութիւն կայ թէ Ընկերութիւնս կոչուած ըլլայ նաեւ «Մարդասիրական Ընկերութիւն» ինչպէս կը պնդէ յօդուածագիրը մը (Պատմութիւն Անթէպի Հայոց, Ա., էջ 659) :

Ինչպէս կը տեսնուի՝ Ընկերութիւնը դադրած է երեք տարի վերջ, 1861ին :

## 2. ՍԱՀՄԱՆԱԴՐԱԿԱՆ ՈՒՅՈՒՄՆԱՍԷՐ ԸՆԿԵՐՈՒԹԻՒՆ (1864)

Վերոյիշեալ նամակագիրը շարունակելով իր տեղեկութիւնը՝ կը գրէ որ Այնթապի Առաջնորդ Մկրտիչ Սրբազան քաղաքին «ազ-



դասէր երեւելեացն եւ Թաղական Խորհրդոյ անդամոց հետ խորհրդակցելով՝ 1864 Դեկտ. 15ին ընդհ. ժողով մ'ընելով՝ Ս. Առաջնորդին ազգու յորդորանօքն ու առաջարկութեամբը Սահմանադրական Ուսումնասիրանուամբ Ընկերութիւն մը կազմուեր է, որուն անմիջապէս բաժանորդ գրուեր է Ս. Առաջնորդն՝ ամէնէն առաջ ինք տասն լիրանուիրելով։ Անոր նայերով՝ Նաղարեան Մ. Նաղար աղան 20 լիրա, որդին Մ. Նիկողայոս 10 լիրա, Ղարամանուկեան Մ. Մանուկ 23 լիրա . . . եւ ուրիշ ներկայ դանուողներն ալ . . . բաժանորդ գրուելով 280 լիրայի դումար մը գոյացուցեր են . . . 14 Հոգարարձու ընտրեր են, որոնց ջանիւքը բաժանորդագրութիւնը շարունակելով՝ մինչեւ Դեկտ. 27 չորս հարիւր երեսուն լիրայի հասեր է . . . կը յուսացուի որ 7—800 լիրա կրնայ դումարուիլ, որուն վրայ աւելցնելով դադարեալ Թանգարանի Ընկերութեան 100 լիրայի չափ ըստակը եւ 100 լիրա մ'ալ եկեղեցւոյն սնտուկէն առնուելով՝ 1000 լիրայի դրամագլուխ մը պիտի գոյանայ եւ . . . տրդիւնքը վարժարանայ ամսականին պիտի յատկանայ» (Մասիս, անդ)։

Ժամանակակից այս տեղեկատուութեան վրայ այլ եւս չենք կարծեր թէ արժէք մ'ունենայ այն կարծիքը թէ «Թանգարանի Ընկերութիւն»ը 1863ին վերածուած ըլլայ «Ուսումնասիրաց Ընկերութեան» (Պատմ. Անթէպի Հայոց, Ա., էջ 415)։



Ընկերութիւնս կը յիշէ նաեւ Հայրենիք (1879 թ. 587) եւ կ'ըսէ որ արդիւնի ունեցած է կրթական գեանի վրայ :

### 3. ՎԱՐԴԱՆԱՆՑ ԸՆԿԵՐՈՒԹԻՒՆ (1867)

Կը կոչուի նաեւ «Վարդանան» : Հնագոյն յիշատակութիւնը Պոլսոյ Մասիսէն ունինք , ուր Ընկերութիւնս 1874ին «Վարդանանց» կը յորջորջուի (Մասիս , 1874 թ. 1518) :

Վարդանանց Ընկերութիւնը հիմնուած է 1867 Փետր. 23ին Այնթապի մէջ տեղի ունեցած Վարդանանց տօնակատարութեան առթիւ , զոր ժամանակակից թղթակից մը նկարագրած է 1867 Մարտ 11ին Պոլսոյ ժամանակ թերթին մէջ , առանց Ընկերութեան անունը տալու : Այդ Ընկերութեան սկզբնական նպատակներէն մին էր «դպրոցաց ադփատ տղայոցը հագուստ մատակարարել» , երկրորդ՝ լաւ ուսուցիչ բերել տեղւոյն վարժարանին համար , երրորդ՝ «Թանգարան մը (Ընթերցարան-Գրադարան) բացած է , ուր հաւաքուած են 300 ընտիր գրքեր» , չորրորդ՝ բացուած է գիշերային վարժարան մը՝ չափահասներու համար , ուր 30է աւելի աշակերտներ կը յաճախեն (Ժամանակ , Կ. Պ. 1867 , թ. 111 , էջ 56) :

Հաւանական է որ Ընկերութիւնը իր Թանգարանի կառակցութեամբ սկիզբը կոչուած ըլլայ նաեւ «Սրբոց Վարդանանց Թան-



գարանի Ընկերութիւն» (Պատմ. Անթէպի Հայոց, Ա. էջ 666), որուն Նախագահն եղած է, կ'ըսուի, Գրիգորիս Վ. Աբարդեան, Ատենապետ՝ Յովհաննէս Լուսարարեան: Ընկերութեան անունը կարճ ատենէն կրճատուած է սակայն «Վարդանանց Ընկերութիւն» յորջորջումին, որուն վարիչները կը յիշուին. Կարապետ Նազարեան, Գէորգ Սիւլահեան, Խաչատուր Պօղարեան, Յովհաննէս Եաղուպեան, Յակոբ Թէրզիպաշեան, Կարապետ Եաղսրղեան, Աւետիս Տէր-Պետրոսեան, Աւետիս Տէր-Մեղքոնեան:

Ընկերութիւնը սկսեցած է իր Կանոնադրութիւնը, որ դարձանալիօրէն չէ հրատարակուած նոյն իսկ «Պատմութիւն Անթէպի Հայոց» մէջ, ուր հետեւեալ յօդուածները միայն կը գտնենք. ա) Շարաթական նուագադոյն մէկ մեթալիք տուրք վճարել. բ) Շարաթը երեք օր ղիշերային դպրոց պահել. կարգալ ղիթացողներուն կարգալ սորվեցնելու համար. գ) Պայման է հայերէն խօսիլ. դ) Ընտանեկան դաստիարակութիւնը ապահովելու համար բանալ աղջկանց յատուկ դպրոց մը. ե) Երբ բաւարար դրամագլուխ գոյանայ՝ սեպհական դպրոց մը բանալ նաեւ մանչերու համար, որք ու աղքատ տղաքը օրիօրէն կարդացնելու համար» (Պատմութիւն Անթէպի Հայոց, անդ՝ էջ 666):

Գիշերային վարժարանը անմիջապէս կը բանայ Ընկերութիւնը, ինչպէս տեսանք, արդէն 1867ին. աղջկանց դպրոցի բացումը կը



յետաձգուի, անոր տեղ 1874ին կը բացուի վարդափանց Մեսրոպեան Սանուց վարժարանը՝ մանչերու համար, որ առաջին տարին կ'ուսնենայ 30 աշակերտ (Տե՛ս այս մասին Պատմ. Անթէպի, անդ՝ էջ 667) : Այս վարժարանի աշակերտները կը հրատարակեն ձեռագիր ամսաթերթ մը՝ «Դրախտ» անունով՝ 15—20 օրինակ :

Ընկերութիւնը այդ վարժարանէն զատ ունէր նաեւ Կիրակնօրեայ Լսարան մը եւ կու տար մերթ քտերական ներկայացում (Անդ՝ էջ 668) :

Ինչպէս շեշտեցինք վերը՝ Ընկերութեան սկզբնական նպատակներէն մին եղած էր աղջկանց դաստիարակութիւնը : Ահա այս մասէն թղթակիցի մը գրածը Այնթապէն 1879 Դեկտ. 21ին «10—12 տարիէ ի վեր «վարդափանց» անուն Ընկերութիւն մը կը շարունակէ հոս, որ նպատակ ունի գլխաւորաբար աղջկանց դաստիարակութիւնը . . . թէպէտ քանի տարի առաջ Մեսրոպեան անուամբ թաշակաւոր դպրոց մը բացած էր, չյաջողեցաւ գէթ 4րդ շրջանը աւարակել, որ 5 տարուան համար էր . . . այժմ կը ջանայ իւր բուն նպատակին, այն է՝ աղջկանց վարժարանի բացման» (Հայրենիք, Կ. Պ. 1879 թ. 588) :

Ընկերութեան հիմնադիրներէն մին է Յ. Լուսարարեան, որուն մեծադիր պատկերը «Վարդանեան» վարժարանի մէջ կախուած էր (Հայրենիք, 1884 թ. 1652) եւ երկրորդը՝



Նիկողայոս Նազարէքեան, որ միշտ պաշտպան ու քաջալերող եղած է Ընկերութեան (Արեւելեան Մամուլ, Իզմիր 1884, էջ 320) :

Վարդանանց Ընկերութիւնը 1881ին ձեռնարկած է յատուկ դպրոցի շէնք մը կառուցանել (Մասիս, 1881 թ. 2991) : Կը ջանայ բանալ Նախակրթարան մը, որուն մէջ «օտար դպրոցաց մէջ աւանդուած բոլոր դասերն ալ պիտի ուսանին... Գրեհական եւ ուրիշ դպրոցական պիտոյք Ընկերութեան կողմէն պիտի տրուին...» (Մասիս, 1882 թ. 3111) : — Վարդանեան Նախակրթարանը կը բացուի 1882 Փետր. 1ին եւ կ'ունենայ 30 աշակերտ (Մասիս, 1882, թ. 3155), ուր կ'աւանդուին. Հայերէն, Թրքերէն, պատմութիւն, աշխարհագրութիւն, Թուարանութիւն, քրիստոնէական վարդապետութիւն, մտամարդ եւ գեղադրութիւն (Մասիս, 1883 թ. 3442) : Իսկ Իզմիրի Թերթըր կը գրէ 1884 Յունիսին. «Այնթապի մէջ ուրախալի երեւոյթ մ'է գոնէ Վարդանանց Ընկերութիւնն, որ 17 տարի առաջ հաստատուած է կրթութիւն ծաւալելու նպատակաւ... այժմ դպրոց մ'ունի, ուր 50 աշակերտ ուսում կ'ընդունին... Ընկերութեան դործօն մի անդամն է Պ. Վ. Քիրքնեան» (Արեւելեան Մամուլ, Իզմիր 1884, էջ 319) : — 1885ին վարժարանը ունէր 75 աշակերտ եւ 9 ուսուցիչ (Արեւելք, 1885 թ. 385) :

1890ին Արեւելք (1890 թ. 1809) կը գրէ. «Վարդանեան Ընկերութիւնը հաստատուած



է 1867ին . . . իր հրատարակային գործունէութիւնը կը սկսի 1882ին վարդանեան Կրթարանին բացմամբ, որ Կիլիկիոյ բոլոր վարժարանաց բարձրագոյնը հանդիսանալով, գովելի արդեամբ պատկուած է հիմնադիրներու աշխատութիւնը . . . վարդանեան Ընկերութիւնը . . . ամէնէն առաջ քառերական ընտիր ներկայացումներով ժողովրդեան բարոյական կարողութիւնը կրթելու ջանահնար եղած է. առաջին Լսարանը նաեւ հաստատելով՝ Այնթապցիներու մտաւորապէս զարգացման նոր զարկ մը տուած է . . . » :

1908ին Այնթապի մէջ Հայկական Բարձրագոյն վարժարան մը հիմնելու նպատակին «վարդանեան Ընկերութիւն»ը կը յատկացնէ «իւր պահեստի գումարը»՝ 1000 սսկի (Բիւզանդիոն, Կ. Պ. 1908 թ. 3745) :

«վարդանանց»ը Այնթապի ամէնէն Երկարատեւ Մշակութային Ընկերութիւնն էր՝ դաժ է եւ տեւած 1867—1915 :

#### 4. ԼԵՒՈՆԵԱՆՑ ԸՆԿԵՐՈՒԹԻՒՆ (1867—70)

Յիշատակութիւնը կ'ընէ Պոլսոյ Մասիս 1874 Մարտին եւ այն՝ Այնթապի վարդանանց Ընկերութեան հետ եւ անոր կապակցութեամբ (Մասիս, 1874 թ. 1518) :

Ուրիշ տեղ յիշուած չէ :

#### 5. ԱՂՔԱՏԱԽՆԱՄ ԸՆԿԵՐՈՒԹԻՒՆ (1870—1)

Մասիսի մէջ թղթակից մը 1874 Մարտ 14ին կ'իմացնէ թէ Այնթապի մէջ գոյութիւն



ունեցած է «*քանի տարիէ ի վեր հաստատաւոր Աղփատախնամ Ընկերութիւնը, որուն ձեռք քաշխուած շաքաքականներուն շնորհիւ թէ՛ քաղաքին մէջ թէ՛ տուները եւ թէ եկեղեցւոյ դուռը երբեք մուրացիկ աղփատ մը չգտնուիր...*» (Մասիս, 1874 թ. 1518) :

Առկէ վերջ Հայ թերթերու մէջ որեւէ յիշատակութիւն չ'ըլլար Ընկերութեան մասին : Շուտով դադրած էր :

#### 6. ԱՆՁՆԱԿԱՆ ԸՆԿԵՐՈՒԹԻՒՆ (1870—1)

Գործակցական, բաժանորդական Ընկերութիւն մ'է, հիմնուած «*Վարդանանց Թանգարանի Ընկերութեան*» կազմէ : Հիմնաւոր թուական չի յիշուիր, բայց կ'ըսուի թէ տնւած է մինչեւ 1875, քուերայի տարին (Պատմ. Անթէպի Հայոց, Ա., էջ 668) :

Բաժնեւէճարն էր մէկ մէճիւր, որմէ դուրսացած էր 400 սակի եւ երեք թաղերու մէջ բացուած էին նպարտաւճառի խանութներ («*Թանգարան Տիւլէնի*»), որոնցմէ կը դնէին Ընկերութեան անդամները : Ընկերութիւնը ունեցած է 300 անդամ : Տեւած է մինչեւ 1875 :

#### 7. ՌՈՒԲԻՆԵԱՆ ԸՆԿԵՐՈՒԹԻՒՆ (1871—2)

Հիմնադիրն է Ատուր Աղա Նիզիպեան : Հիմնադրութեան տարին կը համարուի 1871—2 (Պատմ. Անթէպի Հյո., Ա., էջ 662) : Նպատակն եղած է երիտասարդութիւնը անբարոյութենէ հեռու պահել : Ունեցած է



Գրադարան եւ Ընթերցարան : Կը տեւէ տա-  
սը տարի եւ կու տայ մերթ ներկայացումներ  
ալ (Անդ , էջ 511—2) :

Տ. ՀԱՅՐԵՆԱՍԻՐԱՅ ԸՆԿԵՐՈՒԹԻՒՆ (1872)

Հայրենիք (Կ . Պ . 1872 թ . 124) 1872  
Հոկտ . 21ին կը գրէ . «Այնթապի նորակազմ  
Հայրենասիրաց Ընկերութեան վրայօք ալ  
հետեւեալ ուրախալի տեղեկութիւնն ստա-  
ցած եմք : Վեց պատուարժան ազգայինք ,  
որք են Սարգիս Վարդապետեան , Նահապետ  
Նահապետեան , Յովհաննէս Զնօղեան , Յա-  
կոբ Զ . Փերոնեան , Յովհաննէս Ղարայեան  
եւ Յակոբ Մ . Մելքոն Փիրենեան , որ այլեւայլ  
տեղէ Այնթապ պանդխտած են , իրենց Հայ-  
րենեաց մէջ ընթերցանութիւնը տարածելու  
համար Ընկերութիւն մը կազմեր եւ բաւա-  
կան դումար մը ձեռք բերեր են , մասնա-  
ւորապէս հասարակաց Թանգարան (Գրա-  
դարան—Ընթերցարան) մը հաստատելու նը-  
պատակաւ » :

Ուրիշ տեղեկութիւն չունինք :

Ծ. ԵԳԵՄԵԱՆ ԸՆԿԵՐՈՒԹԻՒՆ (1874)

Մկրտիչ Կաթողիկոսի Կիլիկիոյ Գիշե-  
ութիկ Վարժարանի սաները «Երեց» եւ  
«Կրտսեր» խումբերու բաժնուած էին : Կըրտ-  
սերները , որոնց մէջ էին Վահան Քիւրքճեան ,  
Նազարէթ Ներսէսեան , Ռափայէլ Մինասեան  
կամ Դերձակեան՝ 1874ին իրենք իրենց մէջ  
փոքրիկ Ընկերութիւն մը կը հիմնեն «Եդե-



մեան» անուանով, որուն նպատակն էր ծառայել Հայ Ազգին բարեխաւութեան եւ եթէ պայմանները թոյլատու ըլլան՝ տպարան մը հաստատելով օգտակար հրատարակութիւններ ընել (Պատմութիւն Անթէպի Հյո․, անդ՝ էջ 740) :

Հազիւ տարի մը տեւած՝ կը դադրի :

#### 10. ԱԳԵՆԱԿԱՆ ԸՆԿԵՐՈՒԹԻՒՆ (1875)

«Եդեմեան» Ընկերութեան դադարումէն անմիջապէս վերջ, 1875ին, հիմնուած է «Ադեմական Ընկերութիւն»ը : Հիմնադիրներէն յիշենք․ «Գիշերօթիկ վարժարանի» Տեսուչ՝ Նշան Թէրզեան, Մ․ Գրիգոր Լէյլէկեան, Կարապետ Չէրպէճեան, Կարուծ Մէրճէնեան, Համբարձում Հաճընլեան, Ղուկաս Տէմիրճեան, Միսաք Գոչունեան, Մինաս Պապեան, Միքայէլ Բերխայի, Ռափայէլ Մինասեան, Յակոբ Գալճեան, եւ այլն (Տե՛ս Պատմ․ Անթէպի Հյո․, Ա․, էջ 740 եւ 753) : — Ընկերութիւնը կը հրատարակէ խմորատիպ ամսաթերթ մը՝ «Ադեմ» :

Ընկերութեանս անունը ունեցած է զանազան ձեւեր — Ատեմական, Ադեմական, Ադիմական, Աթեմական : Հնութեան մէջ առաջին յիշատակութիւնը կը գտնենք Հայրենիքի քով, 1879ին, ուր թղթակից մը՝ Ա․ Հայկազն՝ 1879 Դեկտ․ 21 թուակիր նամակի մը մէջ կը գրէ Այնթապէն․ «Ատեմական անուամբ Ընկերութիւն մը եւս կայ, որոյ հիմնարկութիւնը Գիշերօթիկ վարժա-



րանի աշակերտացմէ ըլլալով՝ թէպէտ առկէ առաջ իրենց մէջ սահմանափակեալ էր եւ նախատակնին գաղտնի պահուած, սակայն այս տարի հաճեցան անդամները ընդհանուրի վերածել զայն: Այժմ բաւական անդամներ ունեցած է... Ատենական Ընկերութիւնը նըպատակ դրած է իրեն Որբանոցի մը հաստատութիւնը» (Հայրենիք, 1879 թ. 588):

Ընկերութիւնը 1881ին վերջերը 15 որբերով կը բանայ իր Որբանոցը, որ 1885ին կը վերածուի Որբանոց—Դպրոցի՝ ցերեկօթիկ աշակերտներով (Արեւելք, 1885 թ. 383: — Փունջ, 1885 թ. 1930: — Երկրագունտ, Կ. Պ. 1887, էջ 159: — Արաքս, Պետերբուրգ 1888, էջ 60): Յաջորդ տարիներու մէջ Ադենական Որբանոց—Դպրոցը կը դառնայ Ադենական վարժարանի՝ պահելով նաեւ որոշ թիւով որբեր: Վարժարանս ունէր Ծաղկոցի, Նախակրթարանի եւ Կրթարանի բաժիններ, ունենալով Կիրակնօրեայ Լսարան եւս: Վարժարանը իր անդրանիկ Շրջանաւարտները կու տայ 1892ին (Տե՛ս ընդարձակօրէն՝ Պատմ. Անթէպի Հյոյ, անդ. էջ 742—59):

Ընկերութիւնս տեւած է մինչեւ 1915:

11. ԳԻՆԵՀԱՏԱԿԱՆ ԸՆԿԵՐՈՒԹԻՒՆ (1879)

1879 Մարտ 2ին Այնթապի Ներսէսեան վարժարանին մէջ Դոկտ. Գարեգին կը խօսի արբեցուքեան բազմադիմի փառանքուն վրայ: Ներկայ են 500 ունկնդիրներ: Ճառա-



խօսութենէ վերջ կը կաղմէ Գիներհատական  
Ընկերութիւնը, որուն շատեր կ'անդամա-  
դրուին, քիչ ատենէն ասոնց թիւը բարձրա-  
նալով 40ի: Պաշտոյ փունջ թերթը, որ այս  
տեղեկութիւնը Աւետարեւելի ասեւելով կը  
քաղէ՝ կ'աւելցնէ որ «անդամք կը ստորա-  
գրեն Ընկերութեան ուխտը եւ իրենց վկայա-  
կանը կը կախեն տան մէջ, որպէս զի հիւրք  
ըմպելեաց չսպասեն...» (փունջ, 1879 թ.  
1384):

12. ՀՈՒՓՍԻՄԵԱՆՑ ՊԱՐԶԱՍԻՐԱՅ  
ԸՆԿԵՐՈՒԹԻՒՆ (1879)

Այնթապի Ազգային Հայկանուշեան վար-  
ժարանի տեսուչ Արմենակ վարժապետ Պաղ-  
տասարեանի եւ Տէր Եղիշէ Քիլիսլեանի նա-  
խաձեռնութեամբ խումբ մը դպրոցասէր  
տիկիներ 1879ին հիմը կը դնեն Այնթապի  
տաղին կնոջական ընկերութեան — Հոխի-  
սիմեանց Պարզասիրաց Ընկերութեան, որուն  
նպատակն էր. ա) Սատարել իզական սեռի  
դատախարակութեան, բ) Որբուհիներ կար-  
դացնել, գ) Հրաժարիլ պէրտախրութենէ,  
չուայտութենէ, տօնական օրերու մսխում-  
ներէն ու դիմարբուքներէն, զ) Պարզասի-  
րութիւնը բնել իրենց խէտլ (Պատմ. Այն-  
թէպի Հյո. , Ա. , էջ 760):

Ընկերութեան ինամակալ Մարմնոյն ան-  
դամուհիներն էին. Ֆերիա Լէյլէկեան, Էլ-  
մաստ Քիւրքեան, Լուսիա Ղազարեան,  
Խանըմ Լէյլէկեան, որոնց անձնական օրի-



նակը եւ տարած աշխատանքը խիժան կ'ըլ-  
 լան շատերուն եւ կ'արժանանան ընդհանուր  
 քաջալերանքի, որով կարճ ժամանակին ըն-  
 կերութիւնը կարող կ'ըլլայ 50—60 սանու-  
 հիներ պահել Հայկանուշեան վարժարանի  
 մէջ, իսկ 1881ին կը բանայ նոյն իսկ սեպ-  
 եական աղջկանց Ծաղկոց մը, ինչպէս կը  
 պատմէ Այնթապի թղթակից մը 1881 Դեկտ-  
 30ին, գրելով. «...Քաղաքիս գեղեցիկ սե-  
 ռին մէջ մի աղնիւ խումբ բաւական ժամա-  
 նակէ ի վեր կը ձգտի ազգասիրական զգա-  
 ցումով մը ծառայել Հայութեան: Այս հա-  
 մակրելի խումբը, որ Հռիփսիմեան Պարզա-  
 սիրաց Ընկերութիւն անուամբ կը ճանչ-  
 ցուի, գրեթէ երկու տարիէ ի վեր կազ-  
 մուած է եւ գործի եւս սկսած: Նպատակն՝  
 ինչպէս անունէն կը յայտնուի՝ պարզասի-  
 րութեան օգտաւէտ սկզբան տարածումն է:  
 Ընկերուհիք շաբաթական եւս կը վնարեն,  
 որոյ արդեամբ բացած են մի օրիորդական  
 Ծաղկոց եւս, ուր կը կրթուին 40ի մօտ ու-  
 սանողներ, տարեկան փոքրիկ թոշակ մը  
 վճարելով: Սոյն աղնիւ գործը յառաջ տա-  
 նելու համար միարանող Տիկնանց մէջ կան  
 նաեւ հարուստ ազգայնոց բամբիշք եւս, որք  
 փոխանակ այլ նմանեաց հետեւելով կրթա-  
 կան ձեռնարկ մը առ ոչինչ համարելու՝  
 դայն կը քաջալերեն իրենց ընկերակցու-  
 թեամբ: Պարտ անհրաժեշտ է շնորհակալու-  
 թեամբ՝ յիշել նաեւ գԱրժ. Տ. Եղիշէ քահ. եւ  
 գՊատ. Ա. Պաղտատարեան դասաւանդ



Հայկանոյշ դպրոցին՝ իբրեւ ուղղիչ աշխատողներ յիշեալ Պարգասիրաց Ընկերութեան» (Մասիս, 1882 թ. 3087) :

1883ի սկիզբը Ընկերութիւնը հրատարակային հանդէսով մը կը տօնէ իր չորրորդ տարեգարծը : Ունի 250 անդամուհի, 50 օսմասկի դրամաւելուիս եւ 60 աշակերտուհիով յատուկ դպրոց մը : Գործադիր Ժողովի անդամ է Տիկին Եղսա Նազարէքեան (Մասիս, 1883 թ. 3442 : — Հայրենիք, 1884 թ. 1692) :

1887ին Թղթակից մը գովեստով վեր կը հանէ «Նազարեան, Ղազարեան, Լէյլէկեան, Պաղտատարեան, Պալեան եւ այլ տղնիւ դերգատառնաց վերաբերեալ համեատափայլ Տիկինները, որք մեծ գոհողութեամբ կը յարտեւեն, իրենց նուիրական գործոյն մէջ» (Արեւելեան Մամուլ, Իզմիր, 1887, էջ 100—1) : — Ընկերութիւնը 1888ին ունէր 300 անդամուհի եւ կը կառավարէր հինգ աղջկանց դպրոց՝ 250 աշակերտուհիներով (Արաքս, Պետերբուրգ, 1888, էջ 60) :

Թղթակից մը 1889ին կը տեղեկադրէ Այնթապէն. «Այնթապի աղջկանց ազգային վարժարանը, մի քանի տարիէ ի վեր յանձնուած էր Կանանց Հոփսիսմեանց Ընկերութեան : Վերջինը այլեւս չկարենալով տանիլ ծախքերը, կը հրաժարի զայն մատակարարել : Սոյն Ընկերութիւնն ունի արդէն իր մասնաւոր ծաղկոցները» (Արեւիկ, 1889 թ. 1572) : — Ընկերութիւնը պահ մը յորջորջուած է նաեւ «Հոփսիսմեանց Ընթերցա-



սէր *Ընկերութիւն»* . զի այս ձեւով կը յիշէ զայն Արեւելք (1890 թ. 1846) : — 1898ին նոր Ծաղկոց մը եւս կը բանայ *Ընկերութիւնը* , որ կ'ունենայ 70—80 աշակերտ (Արեւելք , 1898 թ. 3802) :

*Հռիփսիմեանց-Պարզասիրաց Ընկերութիւնը* ունէր իր Կիրակնօրեայ Լսարանը , *Կիներու յատուկ* : Ամէն տարի Ս . Հռիփսիմեանց տօնին սովորութիւն ըրած էր յատուկ հոգեհանգստեան պաշտօն կատարել տալ *Ընկերութեան Հիմնադիրներուն* ու անդամներուն համար : Կը սարքուէր բացառիկ հանդէս մ'ալ եւ այդ առթիւ որահին ճակատը կը կախուէր Ս . Հռիփսիմէ Կոյսին նկարը (հաւանօրէն դործ Արմենակ Վարժապետին . ներկայիս այդ նկարը դեռ դոյութիւն ունի եւ սեփականութիւնն է Այնթապի Կրթասիրաց Վարժարանին , *Հալէպ*) :

Կը թուի թէ *Ընկերութիւնս* իր դոյութիւնը պահած է որեւէ ձեւով մինչեւ 1915ի արհաւիրքի օրերը :

### 13. ՀԱՅԿԱԶՆԵԱՆ ԸՆԿԵՐՈՒԹԻՒՆ (1883)

Կազմուած է 1883ին Այնթապի Բահան քաղին մէջ : Հիմնադիր կը յիշուի Յակոբ Գարամանուկեան : Ահա թղթակիցի մը տեղեկատուութիւնը Այնթապէն 1884 Նոյ . 20 թուական նամակով . «Քաղաքիս կրթական Ընկերութեանց մէջ կը սկսի փայլիլ Հայկազնեան Ընկերութիւնն ալ , որ Բահէն բաղմահայ թաղին մէջ էր : Այս Ընկերութիւնը՝



թէեւ նորակազմ, բայց միամեայ գործերուն մէջ ցուցուցած է մեծ գործունէութիւն եւ դոհացուցիչ արդիւնք: Երեսուն աշակերտներէ բաղկացած դպրոց մը բացած է, ուր ընտելարանի կարեւոր դասեր կ'աւանդուին: Երեսուն լիբայի չափ մուտք մ'ունեցած է մէկ տարուան մէջ եւ փոքրիկ դամար մ'աւելցուցած» (Հայրենիք, 1884 թ. 1692): — Ընկերութեան Գործադիր Ժողովի անդամ մ'է Գրիգոր Մանուշեան (Արեւելեան Մամուլ, 1887, էջ 100):

Տեւած կ'երեւայ դոնէ մինչեւ 1895:

#### 14. ԱՐԱՄԵԱՆ ԸՆԿԵՐՈՒԹԻՒՆ (1884)

Պոլսոյ Փունջ միակն է որ Ընկերութեան մասին տուած է ծանօթութիւն մը: Իր տեղեկատուութիւնը 1885 Փետր. 4էն ըլլալուն՝ կը կարծենք թէ հիմնումի տարին 1884 ըլլալու է: Ահա Փունջի թղթակցին գրածը Այնթապէն. «Ի բողոսմ ժամանակէ հետէ հայարնակ թաղ մը զուրկ էր ուսմանէ եւ կարօտ կանոնաւոր դպրոցի. հոսակ ուրեմն շնորհիւ ազգասէր անձանց ոգևորեցաւ Արամեան Ընկերութիւնն եւ հրաւիրեց աշխատասէր երիտասարդ մը, որոյ գործակցութեամբ կ'արդիւնաւորի Ընկերութիւնը» (Փունջ, 1885 թ. 1930):

#### 15. ...ԸՆԿԵՐՈՒԹԻՒՆ (1885)

Արեւելք 1886 Փետր. 25ին կը գրէ. «Ազգային Ընկերութիւնք եւս մի տարի հետէ



առաւել զործունէութիւն ցուցին : Ներսէսեան վարժարանը խնամելու համար նոր ընկերութիւն մը կազմուեցաւ . . . » (Արեւիկ, 1886 թ. 660) :

Դժբախտաբար թերթը չի տար անունը այդ նորակազմ ընկերութեան, որ ուրիշ թերթերէ ալ չէ յիշուած : Կազմութիւնը եղած է 1885ին, զի այդ դրութեան մէջ քիչ առաջ ըստուած էր թէ 1886 Յունուարի քիւնի մէջ կարդացած էր սխալ բաներ Այնթապի մասին, որոնց դէմ է որ ինքը կը դրէ :

#### 16. ՍԱՆՈՒՅ ՄԻՈՒԹԻՒՆ (1886—7)

Հիմնած են վարդանեան Կրթարանին Սաները, որոնք ունեցած են իրենց սեպհական խմորատիպ թերթը՝ Աստղիկ վարդանեան, որ տեւած է 1888—1914, մերթ փոխուելով այդ անունը Խոհերի՝ (1908—10): Կը կոչուի նաեւ, եթէ չենք սխալիր, «Շրջանաւարտից Միութիւն» (Պատմ. Անթէպի, Հյ. , էջ 731 եւ 712 ծանօթ.) :

#### 17. ՀԱՅԱԽՈՄ ԷՆԳԵՐՈՒԹԻՒՆ (1886—7)

Կազմուած է Այնթապի «Կեդրոնական Թուրքիոյ Գոլէն»ի շրջանակին մէջ «քրքախօս Հայ ուսանողները հայերէն խօսակցութեան վարժեցնելու համար» (Պատմ. Անթէպի Հյ. , Ա. , էջ 846) : Ունեցած են Գրադարան մը՝ հայերէն ընտիր գրքերով : Գո-



լէճի աւանդութիւնը հրատարակած է «Սէ-տայը Հագիրքաթ» անունով խմորատիպ մը :

18. ԿՐՕՆԱՍԻՐԱՅ ԸՆԿԵՐՈՒԹԻՒՆ (1887)

Հիմնած են Վարդանեան Կրքարանի աւագ դասարանի աշակերտները եւ իրենց դադարակից երիտասարդներ : 1891—6ին վերածուած է «Կդերասիրաց»ի (Տե՛ս Պատմ. Անթէպի Հյց. , Ա. , էջ 763) , իսկ 1900ին կը կոչուի «Եկեղեցասիրաց» : Հիմնադիրներէն են . Գրիգոր Թափուղճեան , Գարեգին Պօղարեան , Նուրիճան Նիզիպլեան , եւ այլն (Անդ , էջ 763 ծանօթ. , 775 ծանօթ. եւ 890 : — Տե՛ս նաեւ Սուրհանդակ , Կ . Պ . 1900 թ . 416) :

19. ՈՒՍԱՆՈՂԱՅ ՄԻՈՒԹԻՒՆ (1887—8?)

Կազմած են «Կեդրոնական Թուրքիոյ Գոլէն»ի աշակերտները , որոնք ունեցած են նաեւ «Գրական» , «Մարզական» եւ ուրիշ Միութիւններ ալ ( Պատմ. Անթէպի Հյց. , Ա. , էջ 846) :

20. ՇՐՋԱՆԱԻԱՐՏԻՅ ՄԻՈՒԹԻՒՆ (1887—8?)

Նոյնպէս «Գոլէն»ի Մաները կազմած են «Ջանալու մէկ կազմէն Գոլէնի դրամադլու-խըն աւելցնելու եւ միւս կազմէն տարուէ տարի օգնելու կարօտ աւանդաց» (Անդ) :



## 21. ԲԱՐԵՍԻՐԱԿԱՆ ԸՆԿԵՐՈՒԹԻՒՆ (1888)

Կազմուած է 1888 Յուլիս—Օգոստոսին : Հիմնադիրներն են Այնթապի Հայ Տիկիմնորը : Փունջի (1889 թ. 2167) մէջ 1889 Օգոստոս 25 թուակիր թղթակցութեան մը մէջ ըսուելէ յետոյ թէ Յուլիսին Ադեմական վարժարանի տարեկան քննութիւնները տեղի ունեցած են՝ կը գրուի . «Մի օր յետոյ Կանանց Բարեսիրական նորակազմ Ընկերութեան տարեգլխոյ հանդէսը կատարեցաւ . . . Մարիամ Տիկ . Տ . Ղազարեան շատ ընտիր տաւնարանութիւն մը կարգաց . . . » :

Ուրիշ ծանօթութիւն չունինք :

## 22. ԸՆԹԵՐՅԱՍԻՐԱՅ ԸՆԿԵՐՈՒԹԻՒՆ (1889)

Կը կոչուի նաեւ «Ընթերցասէր Հայուհեաց Ընկերութիւն» (Փունջ, 1890 թ. 2190) : Կազմած են Հայկանուշեան վարժարանի Շրջանաւարտուհիները՝ Տէր Կարապետ Կիւլիւզեանի քաջալերանքով : Մինչեւ 1889 տարին այդ վարժարանը տուած էր 40 Ընթերցաւոր : Ընկերութեան նախատակն էր . «Ընտիր գրեանք ունենալ եւ իրենց մայրենի լեզուն տաճել եւ տարածել» (Փունջ, 1889 թ. 2167) : Կամ՝ ինչպէս Բիւզանդիոնի (1889 թ. 776) քով կը սահմանուի՝ «Ընթերցասիրութիւնը տարածել իգական սեռին մէջ» : Արեւելիի թղթակիցը կը գրէ 1890 Փետր. 22ին . «Աղջկանց Այդ . Վարժարանը, ճշմարիտ է ըսել թէ զգալի ծառայութիւններ րրած է աղիին, թէեւ նուազ ծախքով եւ



մանկավարժական համալսարանի նուազ յա-  
ւանդութեամբ : Այս վարժարանի աշակեր-  
տուհիք՝ մաքուր հայերէն լեզու եւ մշա-  
կեալ միտք ստացած են , եւ նոցա կազմած՝  
Ընթերցասէր Ընկերութիւնը , Այնթապի դե-  
ղեցիկ սեռին համար ընտիր նորութիւն մ'է ,  
որ պատիւ կը բերէ Ընկերութեան , թէ՛ հիմ-  
նադիր Արժ . քահանային եւ թէ նախորդ  
անորէնին» (Արեւելք , 1890 թ . 1846) :

Որքան կ'երեւայ մինչեւ 1899 տեւած է  
( Հմմտ . Բիւզանդիոն , 1899 թ . 776 ) :

22ա . ԵՐԵՏԱՍԱՐԴԱՅ ԸՆԿԵՐՈՒԹԻՒՆ (1890)

Կը յիշուի 1908ին (Բիւզանդիոն , 1908  
թ . 3745) :

23 . ԱՂԲԱՏԱԽՆԱՄ ԸՆԿԵՐՈՒԹԻՒՆ (1895)

1870ական թուականներու «Աղփատա-  
խնամը» (Մասիս , 1874 թ . 1518) ա'լ բնա-  
ւէի յիշուի յաջորդ ժամանակներու Հայ Մա-  
մուլին մէջ : Սակայն 1895ին գոյութիւն ու-  
նէր Այնթապի մէջ «Աղփատախնամ Ընկե-  
րութիւն» մը , որուն վարչութիւնը կազ-  
մուած էր Լուսաւորչական եւ Բողոքական  
անձերէ (Տե՛ս այդ կազմին պատկերը՝  
Պատմ . Անթէպի Հյո . , Ա . , էջ 904) : Այս  
վերջինը նո՞ր Ընկերութիւն էր՝ թէ այն հին  
Ընկերութեան շարունակութիւնն է : Չու-  
նինք հաւատարիք :



24. ՀԱՆԳԱՆԱԿՈՒԹԵԱՆ ԸՆԿԵՐՈՒԹԻՒՆ (1897—8)

Արեւելի (1898 թ. 3802) մէջ միայն հանդիպած ենք Ընկերութեանս յիշատակութեան: Կը թուի թէ 1897—8ին Այնթապի երեք քաղերուն մէջ Ծաղկոց կը բանայ, որոնց մէջ կան 150 աշակերտուհիներ: Կերեւայ թէ Տիկնանց Ընկերութիւն մ'էր:

25. ԿՐԹԱՍԻՐԱՅ ԸՆԿԵՐՈՒԹԻՒՆ (1897—8)

«Խումբ մը գոլէճական ուսանողներ... իգական սեռի բարձրացման համար Լսարան մը կը հաստատեն 1896ի վաղորդայնին: Լսարանը... յատուկ էր միմիայն կանանց... Լսարան յաճախող Տիկիներ՝ խանդավառուած՝ կ'որոշեն հիմնել նոր Ընկերութիւն մը Կրթասիրաց անունով, որուն նպատակներէն մէկը պիտի ըլլար աջակցիլ աղջկանց դաստիարակութեան գործին... Նախաձեռնող Տիկիները կ'ըլլան Եփրոս Լէյլէկեան, Ովսաննա Թոսունեան, Երիցուհի Մ. Տէր Մելքոնեան, Եւդինէ Բանճարճեան, Նուրիճան Նիդիպլեան... Հայկանոյշ Մանուշակեան, Չարուհի Գարակէօղեան» (Պատմ. Այնթապի Հյոյ., Ա., էջ 762—3):

Ընկերութիւնը 1898ին կը բանայ Այնթապի երկրորդ Աղջկանց Նախակրթարանը — Կրթասիրաց վարժարան — որ կ'ունենայ 150ի չափ աշակերտուհի: — Ընկերութիւնս տեւած է մինչեւ 1915: Պատերազմէն վերջ կը շարունակուի Հալէպի մէջ՝ «Միութիւն»



կոչուելով եւ կը շարունակէ դեռ իր կըթտ-  
կան դործը :

26. ՈՐԲԱՆԱՄ ԸՆԿԵՐՈՒԹԻՒՆ (1898)

1898ի դարնան չիմնուած կ'երեւայ :  
Նոյն տարւոյ Սեպտ․ին կը գրէ թղթակից մը  
Այնթապէն . «Որքանոց մը հաստատելու  
մասին դեռ լուր մը չառնուած՝ արգէն հոս  
Որբախնամ անունով Ընկերութիւն մը դո-  
ւաթիւն առած էր : Գոհութեամբ կ'իմանանք  
թէ այդ Ընկերութիւնը պիտի աջակցի Որ-  
բանոցին , երբ սա հաստատուի» (Արեւելք ,  
1898 թ . 3802) :

Մանրամասնութիւն կը պակասի :

27. ՔՐԻՍՏՈՍԱՍԻՐԱՅ ԸՆԿԵՐՈՒԹԻՒՆ (1900)

Կազմուած է 1900ի աշնան : Շիմնադիր-  
ները 20 տարեկան երիտասարդներ են : Նը-  
պատակն է . 1 . Քրիստոսնէական կրօնի դա-  
դափարականին համեմատ բարձր կեանք մը  
ապրիլ , 2 . Աւետարանի սկզբունքները հայ  
ժողովուրդին մէջ տարածելով՝ հողեւոր  
կեանք դարդացնող առողջ միջնուորա մը ըս-  
տեղծել , 3 . Նորահաս սերունդին ծանօթա-  
ցնել Հայ եկեղեցւոյ դարաւոր արժէքներն  
ու ժողանդութիւնները , եւ այլն (Տ'եւ  
Պատմ . Այնթէպի Հյց . , Ա . , էջ 481—91) :

28. ՇՐՋԱՆԱԽԱՐՏՈՒՀԵԱՅ ՄԻՈՒԹԻՒՆ (1907)

Այնթապի Ամերիկեան Աղջկանց վար-  
ժարանի 366 Շրջանաւարաուհիները կազ-



մած են այս Միութիւնը (Պատմ. Անքէպի Հյոյ. , անդ՝ էջ 873) , որուն գործի մասին ոչ մէկ տեղեկութիւն կը տրուի :

29. ԿՐԹԱՍԻՐԱՅ ԸՆԿԵՐՈՒԹԻՒՆ (1911)

Հիմնուած է Ամերիկա , 1911 Յուլիսին՝ նախաձեռնութեամբ Այնթապի Վարդանանց եւ Եկեղեցասիրաց Ընկերութիւններու Ամերիկա գրկած ուսանողներու : Նպատակն է՝ Այնթապի մէջ բանալ Կիլիկեան Բարձրագոյն Վարժարան մը : Վարժարանը կը բացուի 1912 Սեպտ. 19ին Կիլիկեան Ճեմարան տնունով (Տե՛ս Պատմ. Անթէպի Հյոյ. , անդ՝ էջ 777—97) :

29ա. ՀԱՅ ՈՒՍՈՒՅԶԱԿԱՆ ՄԻՈՒԹԻՒՆ (1913)

Հիմնուած է 1913 Ապրիլին : 1913 Սեպտ. 25ին Միութիւնը կ'ընտրէ « ինն անդամէ Վարչական Ժողով մը , որ պիտի աշխատի ուսուցչաց մաստորական յատուցութիւնն ապահովելու համար : Ա. — Սարգեւ կը թաղան դասախօսութիւններ . Բ. — Կաղմեւ Մադենադարան մը . Գ. — Եւ ունենալ « Թերթ մը » (Բիւզանդիոն , 1913 Թ. 5166) :

30. ՈՒՍԱՆՈՂԱԿԱՆ ՄԻՈՒԹԻՒՆ (1913—4)

Կաղմած են Կիլիկեան ուսանողները , որոնք լոյս կ'ընծայէին « Կիլիկիա » անունով



պարբերական մը խմբարարիս (Պատմ. Անթէպի Հյց., անդ՝ էջ 796 ծանօթ.):

31. ԿՐԹԱՍԻՐԱՅ ՏԻԿՆԱՆՑ ԸՆԿԵՐՈՒԹԻՒՆ  
(1913—4)

Հիմնուած է Այնթապի մէջ: Կը յիշուի 1914 Մարտին, երբ կ'ուզէ հանդանակութիւն մ'ընել Վարժարանի շինութեան համար (Ժամանակ, Կ. Պ. 1914 թ. 1741): Ուրիշ ծանօթութիւն չունինք:

32. ՀԱՅԱԽՕՍԱՅ ԸՆԿԵՐՈՒԹԻՒՆ (1914)

Երիտասարդներ հիմնած են՝ նախապէս ունենալով հայերէն խօսակցութիւնը ընդհանրացնել Այնթապի մէջ (Պատմ. Անթէպի Հյց., Բ., էջ 480):

33. ՈՒՍՈՒՄՆԱՍԻՐԱՅ ՄԻՈՒԹԻՒՆ (1915)

Բոստանի (Ամերիկա) մէջ կազմուած է հետեւեալներէ. Արմենակ Մահսերեճեան, Արմենակ Եաղուպեան, Արմենակ Աստուրեան, Գէորգ Գատտէնճեան, Եիւսիւֆ Պարոտամեան, Նազար Պարոտամեան, Նազար Եաղուպեան, եւ այլն (Պատմ. Անթէպի, անդ, Բ., էջ 515):

1924ին Միութիւնը կը վերակազմուի «Ամերիկաբնակ Այնթապցիներու Միութիւն» անունի տակ (Անդ, էջ 514—5):



## 34. ԱՂՔԱՏԱԽՆԱՄ ԸՆԿԵՐՈՒԹԻՒՆ (1915—6)

Կազմած են Բուէնոս Այրէս (Արժէնտին) ընտելող Այնթապցիներ՝ օգնութիւն հասցընելու համար տարադրուած հայրենակիցներուն (Անդ, էջ 567) :

## 35. ՀԱՅ «ԱՐԱՐԱՏ» ՄԱՐՄՆ. ԱԿՈՒՄԲ (1921)

Հիմնուած է Այնթապի մէջ 1921 Յուլիս 15ին, նախաձեռնութեամբ Յ. Մումնեանի : Գաղթականութեան պատճառաւ փոխադրուած է յետոյ Հալէպ : Ահա իր Վարչութեան անդամները. Յ. Տալօեան, Թ. Եարլմեան, Ե. Թանաշեան, Գ. Տէր Մկրտիչեան, Ա. Համալեան, Մ. Սապուհեան (Սուրիահայ Տարեցոյց, Հալէպ 1925, էջ 282) :

## 36. ՀԱՅՐԵՆԱԿՅԱԿԱՆ ՄԻՈՒԹԻՒՆ (1922)

Այնթապցիներու առաջին Հայրենակցական Միութիւնը կազմուած է Բէյրութի մէջ 1922ին, որ ունեցած է իր Ծրագիր-Կանոնագիրը (Պատմ. Անթ. Հյց., Բ., էջ 574) :

## 37. ԵՐԻՏԱՍԱՐԴԱՅ ԸՆԿԵՐՈՒԹԻՒՆ (1924)

Կազմած են Բուէնոս Այրէսի Այնթապցի երիտասարդներ՝ վառ պահելու համար ազգային եւ Այնթապցիական ոգին (Անդ, Բ., էջ 569) :



38. ՀԱՅ ԵԿԵՂԵՑԱՍԻՐԱՅ ՄԻՈՒԹԻՒՆ (1926)

Հիմնած են դադթական Այնթապցիներ ֆրեզնոյի (Ամերիկա) մէջ, որ կ'աւնենայ իր ամսաթերթը — Փարոս Հայաստանեայց (Անդ, Բ., էջ 647) :

39. ԱՅՆԹԱՊԻ ՀԱՅԵՐՈՒ ՇԱՀԱԿՑ. ՄԻՈՒԹԻՒՆ (1945)

Կազմած են Բրազիլիոյ Նժդէհ Այնթապցիները (Յառաջ, Փարիզ 1953 թ. 2420) :

## ՏԻԱՐՊԷՔԻՐ

1. ԱՂՔԱՏԱՍԵՐ ԸՆԿԵՐՈՒԹԻՒՆ (1856)

Մէնմուայր Հավատիսի թղթակիցը Տիարպէքիքէն կը գրէ. «Ասկէ տարի մը առաջ հոս Աղբատասէր Ընկերութիւն մը հիմնուեցաւ, որուն անդամ գրուեցան 300 հոգի եւ 80,000 զուրաւ զրամ հաւաքուեցաւ, որով 140 աղքատի թէ՛ սւտելիք-խմելիք եւ թէ՛ հաղուստ հոգացուեցաւ եւ անոնց տղաքն ալ ձրի կը կրթուին» : (Մէնմուայր Հավատիս, Կ. Պ. 1857 թ. 188) :

Հիմնուածը եղած է 1856 Մարտին : Ասիկա, մեր կարծիքով հնազոյն Ընկերութիւնն է Տիարպէքիքի :

Պոլսոյ Մասիս (1857 թ. 267) եւս 1857 Մարտ 7ին կը տեղեկացնէ. «Տիարաճակերտէն (Տիարպէքիք ըսել կ'ուզէ) գրված հա-



մակները լուր կու տան թէ... Տէր Յակոբ Յ. Վ. ին յարդարանօքն ու բարեջան հողագութեամբը տեղւոյն ժողովրդեան արհեստաւորաց կարգէն պատուաւոր... անձինք ջանացեր Ընկերութիւն մը հաստատեր են «Աղփատասիրաց Ընկերութիւն» անուանով, որուն նպատակն է աղքատներն ու անկարները խնամել»։ — Մասիս (1857 թ. 274) երկրորդ անգամ գրելով նոյն Ընկերութեան վրայ՝ կը ճշդէ անունը — «Աղփատասէր» եւ կ'ըսէ որ անդամները ամսական եւ շաբաթական վնարումներ կ'ընեն Ընկերութեան։

Ունեցած է մեծ կալուածներ (Փող, Կ. Պ. 1872 թ. 48)։

1879 ին թղթակից մը «Բարեպաշտական Աղփատաց Ընկերութիւն» կ'անուանէ զայս եւ հիմնուած է, կ'ըսէ, 1853 ին (Թէրմէմանը Էփեար, Կ. Պ. 1879 թ. 553), ինչ որ սրտաւ է։

## 2. ԼՈՒՍԱՆՈՐԶԱԿԱՆ ԸՆԿԵՐՈՒԹԻՒՆ (1857)

Մէնմուայը Հավատիս (անդ) շարունակելով իր տեղեկատուութիւնը՝ կ'ըսէ որ Տիարպէքիրցիք տեսնելով Աղփատասէր Ընկերութեան յաջողութիւնը՝ «այս տարի Մարտ 1 ին հիմնեցին Լուսաւորչական Ընկերութիւնը, որ շուտով ունեցաւ 40 անդամ եւ հաւաքուեցաւ 15,000 դուրուշէն աւելի դումար մը, որով բացին մեծ դպրոց մը, հոգացին տնօրէն, օգնական մը եւ ուրիշ ուսու-



ցիւներ, որով 200 տղաք սկսան ուսում առնել այս նորաբաց դպրոցին մէջ: Ատկէ զատ 2 եկեղեցիի մէջ ալ 2 աղջկանց դպրոց բացուեցաւ, ուր 70 եւ 50 աղջիկներ կը կրթութիւն»:

Այս տեղեկութիւնը կը հաստատէ նաեւ Մասիս (1857, Թ. 274), միայն Ընկերութեան անունը «Ս. Լուսաւորչի» կը կոչէ եւ աղջկանց դպրոցները բացուած են, կ'ըսէ, Ս. Կիրակոս եւ Ս. Սարգիս եկեղեցիներուն մէջ: Մասիս (1858, Թ. 329) անդամ մըն ալ յիշելով Ընկերութիւնս՝ զայն կը յորջորջէ «Լուսաւորչեան» եւ կ'աւելցնէ որ Ընկերութիւնը՝ անդամներէն 12ը ժողովքի անդամ ընտրած եւ 24ը Գործակալ անուանած է, որոնց վրայ 4 հոգի գլուխ դրած է, որոնցմէ առաջինն է սեղանաւոր Մուրատ Աղա Մուրատեան:

### 3. ...ԸՆԿԵՐՈՒԹԻՒՆ (1866)

Պոլսոյ ժամանակ (1867, էջ 32) կը յիշէ Ընկերութիւն մը, որ 1866ին պաշտպանն է դպրոցի մը, որուն կը նուիրէ Խարբերդցի Յովհաննէս Եաղճեան 120 զուրուշ: Դժբախտաբար չի տար թերթը Ընկերութեան անունը, որ ըստ մեզ նոր Ընկերութիւն մ'ըլլալ կը թուի:

### 4. ԼՈՒՍԱՒՈՐՉԵԱՆ ԸՆԿԵՐՈՒԹԻՒՆ (1866—68)

Հայ Կաթողիկէ Ընկերութիւն մըն է: Հնագոյն յիշատակութիւնը Պոլսոյ Հայ Կա-



Թողիկէ Բուզնամէի Մէմֆուայը Հավատիս (1871, Թ. 611, Յունուար 19) Թերթէն ունինք, որուն գրութեան ձեւէն կը հասկցուի թէ բաւական հին Ընկերութեան մը մասին կը գրէ: Ահա թերթին գրածը, որուն ստորագրած են «Եղբարք Լուսաւորչեան Ընկերութեան». «Տեղւոյս Լուսաւորչեան Ընկերութիւնը իր Կանոնաց Համեմատ առ տարի ալ իր տարեկան ժողովոյն հանդէսը կատարելու համար գումարեցաւ Մանկասարեան Մկրտչին տունը: Հանդէսը ըստ սովորութեան սկսաւ Յունուար 6ին Ուրբաթ գիշեր լուսը Շարաթ ժամը 1ին եւ աւարտեցաւ 6½ին... տաղասաց տղոցմէ եւ սալասաւորներէ ի զատ 98 անձէ բաղկացած էր...»: — Ընկերութեան Վարչականներն են. Թովմաս Տիշչէֆէնեան, Ռափայէլ Մալկըռտեան, Գասպար Չէլէպեան, Յովհաննէս Մ. Ենովքեան, Մկրտիչ Մանկասարեան, Մկրտիչ Տէմիրճեան (Անդ):

1879ին թոյլցած էր Ընկերութիւնը, թէ եւ 200 սակիի զոյք ունէր (Թերթիմանր Էփեար, Կ. Պ. 1879, Թ. 553):

##### 5. ԱՆՁՆՈՒԷՐ ԸՆԿԵՐՈՒԹԻՒՆ (1868)

Արդէն 1868 Հոկտ.ին կը ծանուցանէ Մասիս (1868, Թ. 872) թէ Տիարսլէքիբի մէջ ալ համակրութիւն գտած է «Անճնուէր Ընկերութիւնը», միայն տեղւոյն Առաջնորդ Յակոբ Եպիսկոպոսը կը հակառակի: Բայց



քիչ յետոյ Փոքր Մասիս (1869, թ. 328, Մարտ 18) կը ծանուցանէ թէ «Անճնուէր Ընկերութեան ճիւղ մը հաստատուեր է Տիարապէքիքի մէջ եւ ունեցած վեց անդամ է բաղկացեալ Ուսուցման Ժողով մը եւ 24 անդամ է ալ Ընկերութեան Ժողով կազմուեր է, ուսուցչաց թիւը 12ի, ուսանողաց թիւը 70ի հասեր է. ամէն Կիրակի օր դաստատուութիւններ կ'ըլլան» : — 1869 Ապրիլի սկիզբը Ընկերութեան անդամներու թիւը 40ի բարձրացած էր արդէն (Մասիս, 1869, թ. 359 : — Տե՛ս նաեւ Մամուլ, Կ. Պ. 1869, էջ 47, 137, 355) :

1879ին Ընկերութիւնը ունէր Թանգարան (Գրադարան-Ընթերցարան) մը՝ 400 դրքերով, դպրոց մը՝ 30 աշակերտով եւ 90 սակիի արժէքով տուն մը. ներքին անդամները, որ ղեկավարներն են՝ «Հոգաբարձու» կը կոչուին եւ 24 հոգի են (Թէրնէման Էփեար, Կ. Պ. 1879, թ. 553) :

#### Ե. ՈՐԳԱՆՈՒՄ ԸՆԿԵՐՈՒԹԻՒՆ (1869—70)

Առաջին յիշատակութիւնը 1871 Մայիսէն ունինք, երբ արդէն իր յատուկ դպրոցն ունի. կը կոչուի «Որդեսէր» կամ «Որդեսիրաց» Ընկերութիւն. Տիարապէքիքի մէջ «միայն Որդեսիրաց Ընկերութեան դպրոցն է յատաջադէմ եւ ամէն դժուարութեանց դիմադրելով անվհատ կը յարատեւէ» . դպրոցին վարժապետն է Թովմաս Զաւարթ-



նեան (Հայրենիք, Կ. Պ. 1871, թ. 50) : —  
1872ին դպրոցը փակուեր է Առաջնորդ Յա-  
կոբ Եպիսկոպոսէն (Հայրենիք, 1872, թիւ  
125) :

#### 7. ՀԱՅՐԵՆԱՍԷՐ ԸՆԿԵՐՈՒԹԻՒՆ (1871)

Հիմնուած է 1871 Մայիսին, նպատակն  
է. «Նոր դպրոց մը բանալ երեսուն աշակեր-  
տաց համար եւ Կիրակնօրեայ Ընթերցարան  
մը եւ մէջը ուսմանց եւ դիտութեանց վերա-  
բերեալ գրքերով լեցուն թանգարան մը ու-  
նենալ» (Հայրենիք, 1872, թ. 84) :

Ահա Ընկերութեան Կենդր. Վարչու-  
թիւնը .

Մ. Թովմաս Պ. Ղուկասեանց	Ատենապետ
Գէորգ Կ. Չախըճեան	Ատենապետ
Մկրտիչ Ապտաղեան	Գանձապետ

#### Գործադիր Ժողով

Թովմաս Մոմճեան  
Կարապետ Քէօրօղլեան  
Մկրտիչ Պաղասեան  
Յակոբ Թովերահանեան  
Կարապետ Տապաղեան  
Մկրտիչ Գարակէօղեան  
Մ. Գրիգոր Աղճեան  
Կարապետ Ոսկերիչ (Հայրենիք, 1872,  
թ. 84) :

1872ին կը ջանայ դպրոց մը բանալ, զոր  
կ'ուզէ յետոյ գիշերօթիկի վերածել (Փող,



Կ. Պ. 1872, Թ. 48) : 1875ին վերջերը կը բա-  
նան այդ դպրոցը Մայր եկեղեցւոյ մէջ :  
1878ին կը դադրի Ընկերութիւնը, որ ունե-  
ցած էր 80 անդամ : 1878 Սեպտեմբերին Փի-  
լիպպոս Սրբազան կը վերակազմէ Ընկերու-  
թիւնը, որ 1879ին կ'ունենայ 25 աշակերտով  
դպրոց մը, ինչպէս նաեւ Թանգարան մը՝  
100 կտոր գրքերով : Ընկերութեան Կանոնա-  
գիրը վաւերացուած է Կենդր. Ուսումն.   
Խորհուրդէն (Թերմէմանը Էփեար, 1879,  
Թ. 553) : Տեսած չենք Կանոնագիրը, որ հա-  
ւանորէն հրատարակուած չէ :

#### Տ. ԸՆԹԵՐՑԱՍԵՐ ԸՆԿԵՐՈՒԹԻՒՆ (1872—75)

Կը յիշէ Պօլսոյ Թերմէմանը Էփեար  
(1879, Թ. 553) իբրեւ հին Ընկերութիւն մը :  
Նախատակն եղած է. Չափաւաս անկիրքներու  
դատարակութիւնը : Մանրամասն ծանո-  
թութիւն տրուած չէ :

#### Զ. ՔՐԻՍՏՈՆԵԱՅ ԵՐԻՏԱՍԱՐԴԱՅ ԸՆԿԵՐՈՒԹԻՒՆ (1874—81)

Հիմնած են Տիարպէքիւրի Հայ Բողոքա-  
կանները : 1879ին «Կարեւորութենէ զուրկ»  
կը համարի թղթակիցը (Թերմէմանը Էփ-  
եար, անդ) :

#### Ը. ՄԵՍՐՈՊԵԱՆ ԸՆԿԵՐՈՒԹԻՒՆ (1877)

Կազմուած է 1877ին՝ նախատակ ունենա-  
լով բանալ դպրոց մը Ս. Սարգիս Բաղին  
մէջ : 1879ին կը բանայ այդ դպրոցը, որ կ'ու-



նենայ 30 աշակերտ (Թէրն . Էֆ . , անդ) :  
Ռիշտ եղած է թղթակիցը իր տեղեկատուութեան մէջ :

11. ՊԱՏԱՆԵԱՅ ԸՆԿԵՐՈՒԹԻՒՆ (1877—78)

Թատերական Ընկերութիւն մ'է : «Ազգային Պատմութենէն ներկայացումներ կ'ընէին» (Թորոս Աղբար , Բ . էջ 216) :

12. ՀԱՄԱԶԳԱՅԻՆ ՀԱՅԿԱԶԵԱՆ ԸՆԿԵՐՈՒԹԻՒՆ (1878)

Հիմնուած է 1878 Սեպտեմբերին սկիզբը : Հիմնադիրներն են . Դուկտ . Պետրոս Զպուֆնեան , Սիմէոն Հէֆիմեան , Դաւիթ Վաղարշ Մժիկեան եւ ուրիշներ : Նպատակն է . Ազգ . երկսեռ գիշերօթիկ վարժարան մը բանալ : 1879ին Լսարան մը բանալու ձեռնարկած են (Թէրն . Էֆֆեար , անդ) : Անծանօթ կը մնայ Ընկերութեան ապագան : Հայ կաթողիկէներ եւ բողոքականներ անդամ էին (Թորոս Աղբար , Բ . , էջ 216) :

13. ՎԱՍՊՈՒՐԱԿԱՆ ԸՆԿԵՐՈՒԹԻՒՆ (1878—79)

Կը յիշուի 1879 Ապրիլ 15ին եւ չ'ըսուիր թէ նոր է : Նպատակ ունի՝ «Որք տղոց դաստիարակութիւնը» (Թէրնէմանը Էֆֆեար , 1879 , Թ . 553) :

14. ԻՐԱԽԱՍԷՐ ԸՆԿԵՐՈՒԹԻՒՆ (1879)

Կազմուած է 1879ի սկիզբները (Մասիս , 1879 , Թ . 2385) : Իր նպատակն է .



«Իրաւանց պաշտպան կանգնիլ» (Թէրն . էֆ-  
ֆեար , *անդ* : — Լրագիր , Կ . Պ . 1879 , թիւ  
1027) :

15. ՌԵՍՈՒՄՆԱՍԵՐ ԸՆԿԵՐՈՒԹԻՒՆ ( . . . 1885)

Կը յիշուի 1885ին իրրեւ հին Ընկերու-  
թիւն (Արմէնիա , Մարտէս 1885 , թ . 37) եւ  
ոչ մէկ ծանօթութիւն կը տրուի նպատակին  
ու գործին վրայ :

16. ԸՆԹԵՐՅԱՍԵՐ ԸՆԿԵՐՈՒԹԻՒՆ ( . . . 1885)

Վերինին հետ 1885ին կը յիշուի լոկ տնու-  
նով՝ իրրեւ քոյլցած Ընկերութիւն (Արմէ-  
նիա , *անդ*) :

17. ԱՂԲԱՏԱՆՆԱՄ ԸՆԿԵՐՈՒԹԻՒՆ ( . . . 1885)

Կը յիշուի միայն Արեւելէն (1885 ,  
թ . 383) եւ գփուար է կարծել թէ Տիար-  
պէֆիրի առաջին Ընկերութեան — 1856ին —  
շարունակութիւնն ըլլայ՝ ձեւափոխու-  
թեամբ : Աւելի հաւանական է որ 1880ական  
թուականներուն հիմնուած ըլլայ : Այս պա-  
րագային ալ անըմբռնելի կ'ըլլայ թէ ի՞նչ մի-  
ջոցաւ տէր դարձած է 1885ին 4—5 հազար  
լիրայի : Չի Արեւել կը դրէ . «Աղփատախնամ  
Ընկերութեան , որ 4—5 հազար լիրայի կա-  
րողութեան շահովն աղփատներուն ապուր  
կ'եփէ եւ կը բաշխէ» (*Անդ*) : — Ուրիշ տեղէ  
ծանօթութիւն չունինք :



## 18. ԿՐԹԱՍԻՐԱՅ ԸՆԿԵՐՈՒԹԻՒՆ (1905)

Հիմնուած է Զըլսի (Ամերիկա) մէջ 1905 Փետր. 21ին «բարձրագոյն վարժարան մը հիմնելու համար» : Ունեցած է 39 Յօդուած է բաղկացած Կանոնագիր մը : Անդամաւճարն է 1 դուար (Մուշեղ Եղիսկոպոս, Ամերիկա-հայ Տարեցոյց. 1912, էջ 182) :

## 19. ՀԱՅ ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1908)

Կազմուած է 1908ին (Ազատամարտ, Կ. Պ. 1909, Թ. 53 : — Յառաջ, Կարին 1909, Թ. 32) :

## 20. ԿՐԹԱՍԻՐԱՅ ԸՆԿԵՐՈՒԹԻՒՆ (1908)

Հիմնուած են Տիարպէքիբի Հայ Բողոքականները (Յառաջ, տնդ) :

## 21. ԶԱՐԳԱՍԻՐԱՅ ԸՆԿԵՐՈՒԹԻՒՆ (1908)

Կազմուած են Տիարպէքիբի Հայ Կաթողիկէները (Յառաջ, տնդ) :

Հիմնադիրներէն են. Տիգրան Պասրալեան, Մկրտիչ Պազալեան, Տիկին Նուարդ Պազալեան :

## 22. ԵՐԻՏԱՍԱՐԴԱՅ ՄԻՈՒԹԻՒՆ (1908)

Կազմուած է Ս. Սարգիս քաղին մէջ Եւարդէն 1908ին ունի Կիրակնօրեայ ու գիշերային դասախօսութիւններ եւ Լսարան (Յառաջ, տնդ) :



## 23. ՀԱՅՈՒՀԵԱՅ ՄԻՈՒԹԻՒՆ (1909)

Հիմնած են Աղջկանց վարժարանի նոր Շրջանաւարտուհիները 1909ին եւ ունի իւր կիրակնօրեայ դասախօսութիւնը եւ. Լսարանը (Յառաջ, անդ) :

## 24. ՈՒՍԱՆՈՂԱԿԱՆ ՄԻՈՒԹԻՒՆ (1910)

Կազմուած է 1910ին (Ազատամարտ, 1910, թ. 243) եւ ունի իւր Գրադարանը եւ մէկ-երկու թերթ ալ կը ստանայ (Յառաջ, Կարին 1911, թ. 29) :

## 25. ԴՊՐՈՅԱՍԻՐԱՅ ՄԻՈՒԹԻՒՆ (1910)

Կազմուած է «Հայ Ուսումնասիրաց Ընկերութեան» շրջանակին մէջ եւ աղգային դպրոցին մէջ 40 աղքատ աշակերտի պէտքերը կը հոգայ (Ազատամարտ, 1910, թիւ 177) :

## 26. ՈՐԲԱԽՆԱՄ ԸՆԿԵՐՈՒԹԻՒՆ (1910—12)

Կը յիշուի 1912ին եւ որ օգնած է «Յառաջդիմական» Միջնակարգ վարժարանին (Յառաջ, անդ, 1912, թ. 108), որուն ծաղումը նոր է :

## 27. ՏԻԳՐԱՆԱԿԵՐՏԻ ՎԵՐԱՇԻՆԱՅ ՄԻՈՒԹԻՒՆ (1910)

Կազմուած է 1910ին Ֆրէզնոյի (Ամերիկա) մէջ եւ եղած է կենդրոնական միութիւնը, որ կազմած է նաեւ Յանձնախումբ՝ Պատմագրքի հրատարակութեան համար :



28. ՏԻՓՐ. ՀԱՅ ԿԱԹՈՒԼԻԿ ԶԱՐԳԱՍԻՐԱՅ ԸՆԿԵՐՈՒԹԻՒՆ (1911)

«Տիգրանակերտի Հայ Կաթոլիկ Զարգացիւն»-ի Ընկերութիւն»-ը ճիւղ մըն է Տիար-պէքիւրի մէջ 1908ին կազմուած նոյնանուն Ընկերութեան՝ հիմնուած Նիւ Ճըրզիի 4Ամերիկա) մէջ 1911 Սեպտեմբերին եւ ունի իր Կանոնագիրը, բաղկացած 19 Յօդուածէ եւ հրատարակուած 1952ին, որուն երկրորդ Յօդուածը կ'ըսէ. «Ընկերութեանս նպատակն է Հայ Կաթոլիկ Ազգայնոց մտաւորական, բարոյական, Փիղիքական, ընկերային եւ տնտեսական զարգացումին համար աշխատիլ բոլոր հոգւով եւ եռանդեամբ ըստ հափու եւ կարողութեան իւր նիւթականին» (Յօդ. 2). տարեկան տնդամսովճարն է մէկ դուրս (Յօդ. 5) :

Հիմնադիրներն են. Պետրոս Պուրուհեան, Յովսէփ Պուրուհեան, Յովհաննէս Պուրուհեան, Տիկին Մինա Պուրուհեան, Պօղոս Պուրուհեան, Տիկ. Մինա Մակրանեան, Թոգալլամ Պանոֆի, Տիգրան Բալահիչեան :

29. ՀԱՅՐԵՆԱԿՑԱԿԱՆ ՄԻՈՒԹԻՒՆ (1918)

Հիմնուած է 1918ի սկիզբը Նիւ Եորկի մէջ եւ ունեցած է 5 մասնաճիւղեր՝ 479 տնդամով (Երեւան, Կ. Պ. 1919, Թ. 24, Յունիս 2) : Ունեցած է ճիւղեր Կովկաս, Միջագետք եւ Եգիպտոս : Մեծապէս օգտակար



եղած է իր համաքաղաքացիներուն համար  
(Ժամանակ, 1913, թ. 3659) : — Պոլսոյ  
«Հայրենակցական»ը 1920ին կը սկսի (Ժողո-  
վուրդի Ջայնը, 1920, թ. 616) :

### 30. ՈՐԻԱԿՆԱՄ ՄԻՈՒԹԻԻՆ (1919)

Ժամանակ (1920, թ. 3775) կը գրէ  
1920 Մարտ 13ին. «Եգիպտոսի մէջ գտնուող  
Տիգրանակերացիներ Միութիւն մը կազմած  
են, զիստար նպատակ ունենալով օգնել  
իրենց հայրենիքի որբերուն, որոնք 650 են  
թիւով ու կը պատասխարուին շնորհիւ Ամերի-  
կայի Մասնաճիւղերու ջանքերուն» : Հաւա-  
նորէն 1919ի վերջերք հիմնուած է :

## ԳԻՒՂԵՐՈՒ ԸՆԿԵՐՈՒԹԻՒՆՆԵՐ ՋԵՐՄՈՒԿ ԳԻՒՂ

### 1. ԵԿԵՂԵՅԱԿԱՆ ԸՆԿԵՐՈՒԹԻՒՆ (1874)

Պոլսոյ Ասիա թերթը (1874, թ. 113)  
1874 Մեղանմբերին կը գրէ. «...Ջերմուկի  
Եկեղեցական Ընկերութեան նպատակն է մի  
Եկեղեցի կանգնել Ջերմուկի մէջ... Ընկե-  
րութիւնը 25—30,000 դուրուշի չափ հաւա-  
քած է այս նպատակին համար...» :

Հիմնումը շատ հին ըլլալու է, ինչպէս  
կը տեսնուի : Ուրիշ տեղ հանդիպած չենք իր  
մասին :



## ՀԱՅՆԻ ԳԻՒՂ

### 1. ԵՐԵՏԱՍԱՐԳԱՅ ԸՆԿԵՐՈՒԹԻՒՆ (իբր 1882)

Հաւանօրէն 1882ին հիմնուած է : Անդամալճարն էր շարաթական 5 կամ 10 փարա : Նպատակն էր դպրոցին օգնել : 1882ին ունէր 80 անդամ եւ 150 լիբա (Բեմիամին ժամկոչեան , Հայնի , Պէյրութ 1952 , էջ 260—61) :

### 2. ԵԿԵՂԵՅԱՍԻՐԱՅ ԸՆԿԵՐՈՒԹԻՒՆ (1908—09)

Ժամկոչեան (անդ , էջ 441) հիմնադրութեան կը համարի 1908—09 :

### 3. ԲԱՐԵԱՍԻՐԱՅ ԸՆԿԵՐՈՒԹԻՒՆ (1908—09)

Ըստ Ժամկոչեանի (անդ , էջ 441) հիմնուած է 1908—09ին :

### 4. ՀԱՅ ԱԶԳԱՅԻՆ ՄԻՈՒԹԻՒՆ (1911—12)

Ժամկոչեան (անդ , էջ 409) միայն կը յիշէ Ընկերութիւնս , առանց անդրադաշնակելիութեան :

### 5. ՎԵՐԱՇԻՆԱՅ ԸՆԿԵՐՈՒԹԻՒՆ (1915)

Հիմնուած է Միացեալ Նահանգներու Մանչեստր քաղաքի մէջ եւ ունեցած 5 ճիւղեր : 1911ին վերակազմուելով՝ կոչուած է «Հայնիի Հայրենակցական Միութիւն» (Ժամկոչեան , անդ , էջ 379) :



6. ԵՌԱՆԴԱՍԻՐԱՅ ՄԻՈՒԹԻՒՆ ( . . . 1928 )

Կադմուած է Հալէպ՝ 1928էն առաջ  
( Անդ , էջ 401 ) :

## ԱՐՂԸՆԻ ԳԻՒՂԱՔԱՂԱՔ

1. ԼՈՒՍԱՏԱՐԱԾ ԸՆԿԵՐՈՒԹԻՒՆ (1889)

Հիմնուած է Յովհաննէս Նաւարեանի  
միջոցաւ ( Փոսիջ , Կ . Պ . 1889 , Թ . 2160 ,  
Յուլ . 22 ) :

2. ՈՒՍՈՒՄՆԱՍԻՐԱՅ ԸՆԿԵՐՈՒԹԻՒՆ (1909)

Պրովիդենսի ( Ամերիկա ) մէջ 1909ին  
վերջը հիմնուած է՝ հայրենի քաղաքին կըր-  
թական դործին սատարելու համար : Հաւա-  
քած են 100 դուլար , իսկ Կիրակոս Վարդա-  
պետեան իր ամբողջ գրամբ կը կտակէ Ընկե-  
րութեան ( Բիւզանդիոն , 1910 , Թ . 4040 ) :

## ՔՆԻԱԹ ԳԻՒՂ ( Ալիվան )

1. «ՎԱՐԱԹ» ԳԻՒՂԱՅԻԱԿԱՆ ՄԻՈՒԹԻՒՆ (1911)

Կադմուած է 1911ի սկիզբը : Կը ձեռ-  
նարկէ բանալ Կիրակնօրեայ լսարան մը  
( Ազատամարտ , 1911 , Թ . 641 ) :



2. ԿԱՐՄԻՐ ԽԱԶ (1911)

Հիմնուած է 1911ին տեղւոյն կիներուն համար (Ազատամարտ, անդ) :

ՏԷՕՐԹ-ԵՕԼ (Զոֆ-Լարզուան)

1. «ՄԻՍՈՒԱՆ» ԽԱՐՄՆԱՄԱՐԶԱԿԱՆ ՄԻՍԻԹԻՒՆ  
(1914)

Կը յիշուի 1914ին, երբ ունի ֆուտբոլի 2 խումբ — «Լեւոն» եւ «Ռուբէն» — անուանով (Մարմնամարզ, Կ. Պ. 1914, էջ 3 եւ 22) :

\*

ՍՂԵՐԴ

1. ԱՆՁՆՈՒԷՐ ԸՆԿԵՐՈՒԹԻՒՆ (1868—69)

Մեղի ծանօթ հնադոյն Ընկերութիւնն է ասիկա Սղերդի մէջ, ուր կը յիշուի 1869 Հոկտեմբերին : Թղթակից մը կը գրէ Սղերդէն Պոլսոյ Քրիստոստուր Ղազարոսեանին, որ «Անճնուէր Ընկերութեան» գլխաւոր տաժողն եղած է . «Անճնուէր Ընկերութեան դասախօսութիւնները կը շարունակուին . . . իսկ օրերու ամէն առաւօտները շափահատ մարդիկ կու գան դասերնին կ'առնեն ու կ'երթան վաճառանոց : Իսկ Կիւրակէ օրերը . .



40, 50 եւ 60 տարեկան մարդիկ անդամ ձեռուքնին մէկ մէկ զիրք տաւ իւր կարգան . . . Քարերն անդամ կ'աղաղակեն թէ մեր Ազգին մէջ առ այժմ տակէց աւելի հասարակաց օտտակար հաստատութիւն չկայ . . . Փառք Անձնուէր Ընկերութեան հիմնադրաց . . . Անձնուէր Ընկերութիւնը մեր ազգին տունը իւր չինէ, ազիտութիւնը իւր հալածէ . . .» (Փուլնջ Օրագիր, Կ. Պ. 1869, Թ. 425, Հոկտ. 6) :

Կարապետ Քեմալիկեան 10 տակ իւր նուիրէ Ազերդի «Անձնուէր»ին (Անդ, Թիւ 454) : — Ընկերութիւնը ունեցած է եւ իր հալածիչները, սակայն՝ «Ազերդի Անձնուէր Ընկերութիւնը դարձանալի համբերութեամբ իր դատերը իւր շարունակէ եւ շրջակաները նոր փիւղեր հաստատելէ ի գաւ՝ գիւղօրէից մանկանց դպրոցներուն վարժապետներ կը կարգէ՝ անոնց թոշակն իր ազգատիկ գանձէն հայրապրելով . . . այս դաւանին հայ ժողովուրդը ամբողջ քրդախօս ըլլալով՝ այս առաջին անգամն է գրեթէ որ իր մայրենի լեզուն իւր թոքովէ շնորհիւ Անձնուէր Ընկերութեան» (Մասիս, Կ. Պ. 1870, Թ. 970) :

Ընկերութիւնը մինչեւ 1872 իւր շարունակէ իր դործունէութիւնը եռանդով, բանալով շատ մը զիւղերու մէջ դպրոց (Տե՛ս Մանգուսէի էփեար, Կ. Պ. 1874, Թ. 2646) : Նոյն դործը յետոյ ուրիշ անունի տակ շարունակած է, ինչպէս պիտի տեսնենք :



## 2. ԲԱՐԵՐԱՐ ԸՆԿԵՐՈՒԹԻՒՆ (1871)

Հիմնուած է 1871 Յունիս 20ին : Նպասակն է . «Դպրոցը միշտ հաստատուն պահել , լեզուաղուրդ Բիւրախատանին ուսմունք չեղած տեղերը ուսմունք , դաստիարակութիւն եւ լուսաւորութիւն տարածել , անտէր եւ աղքատ տղաքներն հազցնել , կերակրել եւ դաստիարակել . . . Ընկերութեան Խորհրդոյ մշտնջենաւոր անդամները 20 հոգի են , որ այս րանին ձեռնարկած են եւ եմք .

Գէորգ Մուրատեան

( Աւետապետ )

Մ . Մելքոն Յարութիւնեան

Մ . Խաչատուր Ղարիպոյեան

Սաֆար Մելքոնեան

Եղսուֆ Մ . Կարապետեան

Մ . Աւետիս Մ . Սիմոնեան

Համբարձում Պետրոսեան

Ազգօ Միրզայեան

Գէորգ Ղարիպոյեան

Մ . Աւետիս Մուրատեան

Տընհէ Մ . Խաչմանեան

Գրաթօ Յարոյեան

Սիմոն Մ . Յարութիւնեան

Օհան Յարութիւնեան

Մ . Ասատուր Մուրատեան

Պօղոս Միրզայեան



Սարգիս Նաղրկանեան  
 Ղաղար Տէր Կարապետեան  
 Ադամ Բոսիճանեան

Պատէ Յաննոյեան (Հայրենիք, Կ. Պ. 1872, Թ. 93) :

Ընկերութիւնը կ'ունենայ նաեւ Կիրակ-  
 օրեայ Ընթերցարան (Անդ) : Կ'ըլլան նուի-  
 րատուութիւններ ալ (Անդ, Թ. 113) : — Ան-  
 ծանօթ է տեսողութիւնը :

### 3. ԱՆՁՆՈՒՆԵՐ ԸՆԹԵՐՑԱՍԻՐԱՅ ԸՆԿԵՐՈՒԹԻՒՆ (1874)

1868—69ին հիմնուած «Անձնուէր Ընկե-  
 րութիւնը»՝ 1874ին ձեւափոխուած կը գըտ-  
 նենք : Մանգուսէի մէջ 1874 Հոկտ. 9 թուա-  
 կան գրութեան մը մէջ կը յիշուի «Սղերդի  
 Անձնուէր Ընթերցասիրաց Ընկերութիւն»ը,  
 որ ունի իր յատուկ վարժարանը՝ 50 աշա-  
 կերաով (Մանգուսէի էֆեար, Կ. Պ. 1874,  
 Թ. 2646) : Կը կարծենք թէ նախորդ Ընկե-  
 րութիւնը այս կերպով ձեւափոխուած՝ նոր  
 Ընկերութիւն մը կազմուած եւ կամ այս ձեւի  
 տակ նախորդը ատեն մը շարունակուած է :  
 Այս վերջին անունին ուրիշ տեղ չենք հան-  
 դիպած :

### 4. ...ԸՆԿԵՐՈՒԹԻՒՆ (1914)

Սղերդի Առաջնորդ Եղիշէ Վ. Զանոյեան  
 կը պատմէ 1914 Դեկտեմբերի 2ին. «Նոյեմ-



բեր 30ին ժողովուրդը Առաջնորդարան հրա-  
ւիրեցինք եւ աննեցուկ ու աղքատ ընտա-  
նեաց օգնելու համար Ընկերուքիւն մը կազ-  
մեցինք : Անոր անմիջապէս 30 անձեր անդա-  
մակցեցան 10էն 30 ղրշ . մուտքերով եւ կէսէն  
1 ղրշ . շարաթափճարներով . . . » (Ժամանակ ,  
Կ . Պ . 1915 , Թ . 2033 , Յունուար) :

Անունը կը մնայ անծանօթ :

5. ԽՂԵՐԴԻ ՀԱՅՐԵՆԱԿՑԱԿԱՆ ԸՆԿԵՐՈՒԹԻՒՆ  
(1919—20)

Պնլիս կազմուած է 1919—20ին : Ահա  
Վարչութիւնը .

Դոկտ . Պ . Վարժապետեան	Նախագահ
Աւ . Թ . Կորկիսեան	Անդամ
Ս . Էմիրեան	Անդամ
Ա . Կարապետեան	Անդամ
Պ . Ապտըլըսէան	Անդամ
Ս . Յովհաննէսեան	Անդամ
Ն . Զատոյեան	Անդամ

(Թէոդիկ , Ամէն . Տար . 1921 , էջ 372) :

1920ին 100 ոսկի կը նուիրէ Անկախու-  
թեան փոխառութեան (Ժողովուրդի Զայնը ,  
Կ . Պ . 1920 , Թ . 633) :



ԳԻՒՂԵՐՈՒ ԸՆԿԵՐՈՒԹԻՒՆՆԵՐ  
ՌԸՆՏՈՒԱՆ ԳԻՒՂ<sup>1</sup>

1. ԱՆՁՆՈՒՆԻ ԸՆԿԵՐՈՒԹԻՒՆ (1869)

Հիմնուած է 1869 Յուլիս-Օգոստոսին :  
Կազմած են 12 Յօդուածէ բաղկացած «Հրա-  
հանգ» մը (անշուշտ իր Կանոնագիրը) : Նոյն-  
պէս Վարչութիւն մը՝ 12 հոգիէ կազմուած ,  
որոնցմէ քանի մը հասարկը յիշուին .

Կարապետ Վարդանեան	Տեսուչ
Մ . Մարտ . Տէր Կարապետեան	Ատենապետ
Մ . Կարապետ Վարժապետ	Ատենադպիր
Գրիգոր Օնինեան	Գանձապետ

(Տե՛ս Օրագիր , Կ . Պ . 1869 , Թ . 38) :

Հիմնումի նախաձեռնողն եղած է Սե-  
րասուացի Յովակիմ (Փուլնջ Օրագիր , Կ . Պ .  
1869 , Թ . 423 , Հոկտ . 2) :

Միբախորեան 1883ին կը զրէ որ Ռըն-  
տաւանցիք «Մի քանի տարի յառաջ ինքնաբե-  
րարօր կազմած են Անճնանուէր անուամբ մի  
Ընկերութիւն , որ կրնայ իւրեանց խամբոցն  
իրօք ծաղկոցի վերածել» (Մանուէլ Միբա-  
խորեան , Նկարադրական ուղեւորութիւն ի  
Հայաստակ դաւառա . Ա . Կ . Պ . 1884 , էջ 68) :

---

<sup>1</sup> Ռևտուան յիշած ենք Բաղէշի տակ (տառ , էջ  
58 , սակայն Սղերգ եւ Բաղէշ իրարմէ հեռու չեն եւ  
Ռնտուան երկուքին ալ կրնար վերաբերիլ , առկէ դատ  
դայն կարեւոր հնութեամբ մը կը յիշենք հառ :



Ընկերութիւնը իր կրթական արդիւնաւոր աշխատանքը կը շարունակէ նաեւ 1881—82ին (Մասիս, Կ. Պ. 1881, Թ. 3029, 3203) : 1881ին ունեցած է 200 սովորյ դամար մը (Մասիս, 1882, Թ. 3203) :

### ՀԱԶՐՈՅ-ՀԶՈՒ ԿԱՄ ԽԶՈՒ ՔԻՒՂ

#### 1. ՍԱՆԱՍԱՐԵԱՆ ԸՆԿԵՐՈՒԹԻՒՆ (1869?)

Ընկերութեան հիմնումի թուականը որոշապէս չէ յիշուած : Միրախորեան (Անդ. էջ 68), որ Ռընատուանի 1869ին հիմնուած «Անճնուէր Ընկերութեան» հիմնումի թուականի վրայ խօսելով — 1883ին — անորոշ կերպով «մի քանի տարի յառաջ» ըսելով դճեղած է՝ Հղուի «Սանասարեան Ընկերութեան» հիմնումի համար ալ կը գրէ. «մի քանի տարի յառաջ կազմուած է գովելի եռանդեամբ» (Մանուէլ Միրախորեան, անդ, էջ 72) : Հետեւորար կարելի է կռահել թէ Հղու-Հազրոյի այս Ընկերութիւնն ալ 1869ին հիմնուած ըլլայ : Հիմնադիրը կը յիշուի Կարապետ Վ. Մալխասեան (Մասիս, 1881, Թ. 3029) :

Ընկերութիւնը բուսական երկար տառն հող ու խնամք ունեցեր է Գիւղի դպրոցին վրայ (Միրախորեան, անդ) : — Տեւած ըլլալու է մինչեւ 1880 : Գիւղին դպրոցը այս Ընկերութիւնը չինած է ուսուցիչ Կարապետ



Տէր Խաչատուրեանի հսկողութեամբ (Արեւելք, Կ. Պ. 1885, թ. 325) :

2. ՕԳՆԱԿԱՆ ԸՆԿԵՐՈՒԹԻՒՆ (...1881)

Կը յիշուի 1881 Հոկտեմբերին. Հիմնադիրը վերոյիշեալ Կարապետ վ. Մալխասեան (Մասիս, 1881, թ. 3029) : Ուրիշ ծանօթութիւն կը պակսի : Կր տեւէր 1883ին (Մասիս, 1883, թ. 3516) :

3. ՍԱՆՈՒՑ ԸՆԿԵՐՈՒԹԻՒՆ (...1881)

Հիմնադիրն է Կարապետ վ. Մալխասեան եւ միայն 1881ին կը հանդիպինք իր յիշատակութեան (Տե՛ս Մասիս, 1881, թիւ 3029) : Միբախօրեան չի յիշեր իր ծանօթ գործին մէջ :









---

Գինն՝ զ. ֆր. 10.— .

---







